

## **NATIONAL ASSEMBLY OF SEYCHELLES**

*Wednesday 5<sup>th</sup> August, 2020*

*The Assembly met at 9am*

*National Anthem*

*Moment of Reflection*

*Mr Speaker in the Chair*

### **MR SPEAKER**

Bonzour tou Manm Onorab e bonzour tou dimoun ki a lekout e pe swiv travay Lasanble Nasyonal. Bomaten nou annan en *Revised Order Paper* devan nou. E lo la nou annan kontinyasyon biznes ki nou'n komanse depi yer, me nou annan 2 novo item. Sa se Prezantasyon Papye e rapor. Apre ki Madanm Clerk i ava fini lir sa 2 *papers laid*, mon ava donn laparol *Chairman* le de Komite pou prezant rapor. Madanm Clerk mon a pas laparol avek ou.

### **MADAM CLERK**

Mersi Mr Speaker. Bonzour Mr Speaker, bonzour tou bann Manm e tou dimoun ki a lekout. Papye ki pe ganny prezante i *Report of the Islands Committee and Report of the FPAC on the*

*Report of the Auditor General for 2018.* Mersi Mr Speaker.

### **MR SPEAKER**

Mersi Madanm Clerk. Bon mon ava call on Onorab Wavel Ramkalawan pou li prezant premye Rapor *Islands Committee*. Onorab Ramkalawan.

### **HON WAVEL RAMKALAWAN**

Mersi Mr Speaker. Bonzour Mr Speaker, bonzour Koleg Onorab, staff Sekretarya ki dan Lasanble e tou dimoun ki pe ekout nou.

Letan mon prezant sa rapor, mon fer li lo non Komite Zil e deswit mon ti ava kontan eksprim remersiman pou tou bann Manm Komite Zil, komansman par son Vis-Chairperson, Onorab De Commarmond e tou bann Manm ki'n vreman aktiv lo sa komite, ki'n permet nou pou nou fer nou travay.

Mr Speaker, sa rapor i pa enn ki final. I en *draft* – en konplet rapor final ki'n ganny prodwi pou ganny prezante avan disolisyon Lasanble Nasyonal ki'n ganny anonse par Prezidan le 30 Zilyet, 2020. Sepandan Komite in santi li son responsabilite anver Lasanble Nasyonal pou prezant en rapor avek serten leksplikasyon.

Lentansyon Komite sete pour vizit bann lezot zil swivan ; Cousin, Cousine, Curieuse, bann zil otour La Digue e Felicite parmi bann zil Granitik e Providence dan group Farquhar, avan finaliz nou rapor.

Bann zil pros ki prensipalman prive pa'n kapab ganny vizite pou rezon an deor kontrol Lasanble. Providence pa'n ganny vizite vi ki *airstrip* ti pe ganny refer e sa in ganny plis retarde avek sityasyon COVID-19.

An akor avek meyer pratik Parl蔓ter nou pa ti anvi prezant sa rapor avek Lasanble, ziska ki tou dimoun ek lorganizasyon ki ganny mansyonnen dan sa rapor i ganny loportinite pou vvar sa rapor final dan sa laform *draft* e fer zot komanter. Malerezman sa pa'n posib e la mon prezant en leskiz avek tou bann Lorganizasyon.

Finalman, nou bann konklizyon pa konplet e byen detaye parey nou ti a swete. Bann konklizyon pli konplet ti a kapab ganny fer apre ki tou bann zil ti a'n ganny vizite e tou dimoun ek lorganizasyon ganny sans fer zot komanter. Manm Lasanble i ganny demande pou aksepte sa rapor avek

leksplikasyon ki mon'n prezante.

Mr Speaker, Komite Zil ti a kontan eksprim son lapresyasyon anver tou *staff* bann Minister, Departman ek Lazans, propriyeter zil ek bann *manager* lo zil e tou lezot endividé ki'n kolabor avek komite pou prepar sa rapor. En mansyon spesyal i al pou *staff* Sekretarya Lasanble Nasional ek lezot dimoun ki'n donn komite serten dokiman ek leksplikasyon ki'n ede pou ganny en portre pli kler e ede pou apresye leta nou bann zil.

An partikilye nou remersye IDC ki'n fasilit nou vizit par organiz transpor ek akomodasyon lo bann zil anba zot kontrol. Dezyenmman SIF pou permet nou vizit Aldabra. Propriyeter D'Arros ek Atoll St. Joseph anba direksyon *Save Our Seas*. Propriyeter Zil Bird ek Denis pou resevwar nou e partaz zot vizyon. Fondasyon Zil Arid, *Coast Guard Sesel* ki ti donn transpor tasyon ant Assumption ek Aldabra e osi donn sekirite. SeyCCAT pou partaz zot plan ek proze avek nou e tou lezot dimoun ki'n ganny mansyonnen dan sa rapor ki'n partaz zot leksperyans ek konesans e fer nou ganny en apersi e pli gran konesans nou bann zil.

Nou regre i reste ki Komite pa'n ganny loportinite pou konplet son travay. Nou pa'n ganny sa loportinite pou rankontre e ekout lezot dimoun i ti annan keksoz pou partaz. Nou kit sa latas pou en lot Komite Zil.

Mr Speaker, le 8 Novanm, 2016 mon ti prezant sa Mosyon swivan dan Lasanble. Swivan bann Notis dan Gazet Ofisyel date le 23 e 30 Septanm e le 7 Oktob, 2016 konsernan letablisman D'Arros ek Atoll St Joseph koman en rezerv spesyal. Sa Lasanble i rikord son lobzeksyon pou en tel plan e an menm tan etablir en *Select Committee* pou etidye e rapport avek Lasanble sityasyon zeneral nou bann zil elwanye.

Mosyon ti ganny aprouve par tou Manm Lasanble. Term referans sa komite ti (1) Pou vizit bann zil elwanye Repiblik Sesel e tou lezot zil Sesel, pou angaz avek zot propriyeter, bann responsab koman *manager* e bann travayer pou regard zot leta devlopman e koz lo plan pour lavenir.

Dezyenmman, pou angaz avek dimoun sorti dan tou domenn, tel ki lagrikiltir, lapes, lakaz, tourizm ek konservasyon ek lezot ankor avek bi pli byen konpran bann defi ek lavantaz

bann zil e fer rekomandasyon apropiye.

Trwazyenmman, pou konsider nouvo linisyativ pou devlopman maksimonm nou bann zil.

Katriyenmman, pou konsider fason dan ki Seselwa i ava annan plis akse avek bann zil elwanye pou zot vizite, reste laba oubyen pou envestir.

Finalman pou rapport avek Lasanble Nasyonal fason dan ki nou bann zil i kapab pli byen entegre dan nou teritwar Nasyonal, ganny administre dan en fason pli transparan e pli byen ganny servi dan stratezi devlopman nasyonal.

Manm Komite ti ganny swazir par zot parti, lo kote *LDS* ti annan Onorab Clifford Andre, Onorab Bernard Georges, Onorab Stephan Pillay ek mwan menm ki ti ganny swazir koman *Chairman*. Lo kote *US* ti annan Onorab De Commarmond, ki ti ganny elekte koman *Vis-Chairman*, Onorab Sebastien Pillay e Onorab Chantal Ghislain ki pli ter ti ganny ranplase par Onorab Wilbert Herminie. Sekreter Komite ti *Clerk* Lasanble, Manmzel Jutta Alexis asiste pa Mrs Debra Esparon.

Program travay: Apre ki Komite ti'n formen en premye *meeting* ti ganny organize avek

*IDC*, son *Chairman Board*, Mr Patrick Berlouis ti diriz en delegasyon ki ti enkli Mr Patrick Lablache, en manm *board* ek Mr Glenny Savy, son *CEO*. *IDC* ti byen resevwar sa linisyativ e ti ofer pou fasilit vizit lo bann zil anba son kontrol, me osi lezot kot i ti kapab ede tel ki Aldabra, D'Arros ek Coetivy. Komite ti ganny byen resevwar lo Aldabra, en patrimwann mondyal par *SIF*. Tandis ki D'Arros, *Save Our Seas* ti partaz zot bann proze avek nou.

Vizit lo Zil Aride, en kado anver konservasyon par lafanmir Cadbury, ti ganny fasilite par *Aride Island Foundation*. Tandis ki bann propriyeter Bird ek Denis, ti ofer nou posibilite pou vizit sa 2 zil prive angaze dan tourizm ek lezot aktivite.

Komite ti osi ganny sans pou angaz avek *SeyCCAT* e ganny en apersi pli profon dan zot travay e sa ti permet nou sipot zot dan lentere Nasyonal. En seri rankont ti ganny fer avek bann dimoun ki swa annan gran leksperyans personnel bann zil oubyen ki ti enterese lo ki mannyer pou pli byen eksplwat nou bann zil.

En apersi zeneral :

En persepsyon zeneral ki nou pep i annan, se akoz ki Sesel i annan plis ki 100 zil

rikorde, ki nou annan bokou later pou devlopman. Nou pep i koz bokou lo ki mannyer bann zil elwanye i devret ganny servi pou pli gran prodiksyon manze e ki mannyer bann zil i devret prodwi tou.

Lakantite zil ki nou annan i pa defini e norm i varye ant 115 ek 200. I form parti responsabilite Komite Zil pou donn laklerte e met keksoz an perspektiv, pou ki nou kapab annan konesans realistik sitasyon lo nou zil. I selman letan nou konpran frazilite bann zil ki nou pou pran plis swen lo ki mannyer pou enkli tou sa bann zil dan pli gran devlopman Nasyonal nou pei. Tandis ki nou *EEZ* i donn 1.4 milyon kilomet kare, nou sirfas later i selman 459 kilomet kare. E ladan 47.06poursan i ganny proteze. Sa i vedir ki nou napa bokou later.

Nou devret aret mazin an term lakantite zil, me plito an term zil ki nou kapab devlope dan en fason soutenab pou lagrikiltir oubyen lezot devlopman. Nou bezwen osi mazinen ki napa larivyer lo bann zil elwanye. Konsekaman apard anmas delo lapli, sel lot sours delo se bann pwi. Nou bann zanset ti bon lo prezerv bann pwi e protez latab delo dou. Nou bezwen swiv dan zot

lepa e asire ki nou gard sa balanse pou ki delo sale pa melanz avek sa delo dou ki flote lo li. Si non, nou pou ganny delo somad.

Me nou viv dan en letan modern e avek teknolozi desalinasyon ek termin desarz, dan en staz vreman avanse sa i kapab ede. Sak zil i annan son spesifisite, i pou toulstan annan en tansyon ant labitasyon imen ek konservasyon. I annan en lavnir vreman fen ki nou pei pou bezwen tenir etandonnen ki i annan gran popilasyon zwazo lo bokou nou bann zil. Kestyon se ki mannyer nou eksplwat sa bann zoli zil e kontribye pou fer lasyans konpran pli byen lanatir.

Komite Zil i vreman kontan ki Gouvernman ti reponn pozitivman lo son rekomandasyon pou ferm prizon lo Marie-Louise e fer sa zil dedye pou konservasyon zwazo. I kler pou Komite, ki tandis ki serten zil i annan potansyel pour tourizm, lapes, lagrikiltir e bann aktivite relye avek sa. Lezot zil i annan en vokasyon pirman dedye pou konservasyon. Serten zil pa devret ganny touse ditou. Me les lanatir pran swen avek zot, avek minimonm enterferans imen, eksepte pou admir zot bote lo bann vizit byen kontrole.

Sa kategori zil i enkli Zil Sid dan Farquhar, Zil Nor Poivre, Atoll Cosmoledo ek Aride, parmi lezot.

Lo en lot nivo i annan potansyel pour tourizm lo bokou zil, laplipar sa kategori i ganny idantifye e proze in swa konplete oubyen zot dan staz planifikasyon. Providence, Platte ek Coetivy in ganny idantifye pou proze tourizm. I annan sa nesesite pou pa zis regard touris etranze me osi touris lokal. Seselwa i bezwen form parti okenn proze touris e nou Seselwa i devret ganny ofer sa posibilite pou envestir, vizite e *enjoy* dan tou nou bann zil.

#### Proteksyon:

Proteksyon nou bann zil i annan en lenportans tre o. Si nou pei pou benefisyé maksimonm nou bezwen protez nou bann resours. Bann zil tel ki Aldabra, Cosmoledo, Farquhar, Assumption ek Providence, i pli pre ek Madagascar ek Comores ki Victoria. Dimoun i osi konn byen ki bann Malgas ek Komoryen i eksplwat nou resours ilegalman. Tandis ki Seselwa i osi fer aktivite ilegal e apre al vann Madagascar. Size sirveyans ek sekirite i devre tre enportan lo azanda nou pei.

Letan nou koz lo proteksyon, nou bezwen osi

konpran ki Seselwa sorti lo Mahe, Praslin ek La Digue i osi vizit bann zil elwanye pou atrap zwazo, pou touy Marswen ek Torti ilegalman. I annan en nesesite pou en pli gran prezans *Coast Guards*. Pei i bezwen vin avek en plan konkret lo ki mannyer pou protez nou Sesel.

Leta nou bann zil:

Mr Speaker, Komite Zil ti vizit sa bann zil elwanye swivan. Farquhar, Déroches, Poivre, Daroche, Alphonse, Platte, Rémire, Marie Louise, Assumption, Aldabra, Astove ek Coetivy. Tou sa bann zil eksepte Cosmoledo i annan en *airstrip* ek en lekip ki travay laba. A sa ki konsern bann itiliter tel ki delo ek elektrisite, tou bann zil i byen organize. Zot annan tousala e osi bann sistenm twalet modern. Alphonse ek Aldabra in deza pe servi elektrisite solar attraver bann pano fotovoltaik. Sa in en vre sikse e in anmenn bann gran lekonomi. Lide se ki lezot zil osi pou swiv dan sa direksyon.

Lafors travay:

lo bann zil ti enkli etranze ek Seselwa. Lenpresyon zeneral se ki i pe vin deplizanpli difisil pou atir zenn Seselwa pou al travay lo zil. Rezon pour sa i varye e enkli mank distraksyon,

*entertainment* e en mank konesans lo posibilite ki ganny ofer. Me selman parmi bann Seselwa ki pe travay i enteresan pou note ki zot ti pe apresye sa leksperyans parski zot ti ganny sans planifye e fer *savings* pou lavnir. Konplent prensipal se ki bann travayer etranze ti ganny pli bon tretman. Komite ti profite pou adres sa size avek *management* Alphonse ek Déroches, en piti moman apre Alphonse ti apwent en Seselwa koman *Human Resources Manager* e sa in sanz bokou keksoz. I pa resamble ki sityasyon in sanze D'Arros akoz rapor ki nou'n resevwar i endike ki travayer Seselwa pe kontinyen kit zil. Sa i en size ki devret ganny adrese. I bon osi note ki depi reouvertir Farquhar i annan plis Seselwa laba. Lotel *Four Seasons* lo zil Desroches in osi atir plis zenn Seselwa.

Lakaz staff:

Bann fasilité akomodasyon ki ganny servi par travayer i lo en bon standar e ganny byen okipe. Swivan siklonn Fantala lo Farquhar ki ti detri tou lakaz, bann nouvo lakaz ki sipoze protez dimoun kont siklonn in ganny konstri. Nou ti ganny loportinite pou vvar sa bann lakaz anba konstriksyon e la aprezan zot in konplete. E mon

sipoze bann dimoun ki'n swiv programm lo Farquhar, bann programm zil ki pe pase lo *SBC*; par egzanp sa en ki'n passe yer swar lo Astove, zot in ganny sans pou zot vwar ki mannyer Farquhar i ete avek bann *cyclone-proof houses*.

Lo Zil Assumption, ki osi dan *zone siklonn*, bann lakaz travayer ti'n fek ganny konstrir. Desroches, Poivre, Alphonse, Platte, Remire, Coetivy, Astove ek Marie-Louise, tou ti annan bon facilite lakaz pou travayer.

An sa ki konsern transpor, sa i pli gro konsern devlopman bann zil elwanye. Pou ilistre swa pwen, nou kapab servi legzanp Farquhar. Letan nou ti pe vizite en *landing craft* ti ape desarz materyo konstriksyon. Kou sa materyo lo Mahe ti environ R40mil, me letan ou azout pri bato ek lezot depans asosye avek, letan sa menm materyo R40 mil ti arriv Farquhar, son vre kou ti R450 mil. Sa i en vre konsern ki bezwen ganny pran en konsiderasyon kan pe fer okenn plan devlopman, enkli lagrikiltir, lapes ek tourizm. Vwayaz par avyon lo bann zil i osi kout ser e sa pou annan en lenpak direk lo devlopman tourizm lokal.

Lerozyon:

En os dan nivo lanmer pe annan en lefe negativ lo nou bann zil. Laplipar in komans vwar bann gro morso lakot disparet. Sa pa pe afekte zis bann zil elwanye, me osi zil Bird ek Denis. Bird in bezwen tir tou son bann chalet obor lanmer e bouz zot pli anndan zil. Ille Denis in fer move leksperyans e trouv en gran parti devan son restoran disparet. Tandis ki lo zil Remire en gran parti Vevers-Carter House, konstri dan bann lannen '60, i ozordi anba delo. Déroches ek Platte pa'n ganny eparnye. I en vre konsern ki merit latansyon irzan.

Solisyon pou sa i reste en gran konsern parski in fini ganny predir ki avek sanzman dan kliman e avek bann pli gran mare parey pe ganny eksperyanse ozordi, tou bann zil koralyen ki ba i riske disparet konpletman.

Tourizm lokal:

Ozordi i annan bann zil ki pe fer provizyon pou promot touris Seselwa. Sa bann zil swivan i annan bann facilite. Silhouette, Platte, Desroches, Astove, Farquhar ek Alphonse. Pli gran lobstak se pou annan plas lo avyon *IDC* ki al lo sa bann zil. Sa i en size ki bezwen ganny adrese, afen ki pli Seselwa i kapab vizit bann zil.

E la mon bezwen dir ki lo zil Bird ek Denis zot deza annan bann *rates* spesyal pou bann Seselwa e sa i tre byen.

Bann Lorganizasyon Konservasyon i preznan lo laplipar zil elwanye. Zot ti eksprim satisfaksyon avek zot travay, spesyalman lo lakantite torti ki pe aprezan mont lo zil pou ponn. Me zot ti osi eksprim konsern an relasyon avek bann dimoun ki pe kontinyen touy torti ilegalman.

En lot konsern se bann *FAD* servi par bann bato ton. Nou ti obzerv bann morso banbou ek lakord nilon lo bokou bann zil ki nou ti vizite. E lo Marie-Louise nou ti menm vvar ki mannyer en ansyen prizonnyen ti'n servi sa morso fotovoltaik lo bann *FAD* pou li konekte en pti *fan* dan son kasos. Alors sa petet sa ti en keksoz pozitiv.

Serten sa bann morso *FAD* ti'n pri dan brizan e lezot ti lo lans. I resamble ki in annan devlopman dan teknolozi e i menm annan serten laranzman avek sa bann lorganizasyon ek bann bato ton, kot en sonm i ganny peye pou sa bann *FAD* ki ganny anmase. Sa i en size ki devret kontinyen ganny diskite e ki pou bezwen annan en solisyon.

Bann vizit:

Mr Speaker, dan rapor nou annan rapor spesifik lo tou bann zil ki'n ganny vizite e pou sak zil nou fer bann rekomandasyon spesifik. Par egzanp e mon pa pou pas lo tou bann rapor bann zil e sa i ava, bann Manm i ava ganny fer. Me selman zis pou donn en legzanp, par egzanp nou met Zil Marie-Louise. Nou donn en pti lenformasyon vit. Ki kalite zil, i en zil koralyen. Son zistans i 308 kilomet sid Victoria. *Airstrip*, i annan en *airstrip* 550met ki fer ek later.

Lakantite zil - 1. Son siperfisi .556 kilomet kare. Son propriyeter - Gouvernman. Son *manager*, *IDC*.

*En overview!*

Sa zil i annan en gran koloni zwazo e in ganny deklare koman en *important bird area* par *Bird Life International*. Sa zil i siport bann koloni Fou ki annan environ 2000 mil per, bann lezot fou, 3500 per ek bann golan 3000 per. Torti avek kare zot osi ponn laba. E sa zil i annan en lanvironnman, en lanmer ki ranpli avek pwason.

E dan son listwar resan i ti annan en prizon maksimonm sekirite e Komite Zil in entervenir e la sa prizon in fermen. Sa ti arive an 2018. E Marie-Louise i sitye en 12

kilomet avek Desnoeufs. Zil Desnoeufs. En zil kot de santenn milye zwazo i vini pou ponn tou le an e kot dizef i ganny anmase.

**Rekomandasyon :**

Komite i rekomande ki zil Marie-Louise i ganny prezerve koman en sanktyer pou zwazo e nou enterese pou nou konnen ki plan Gouvernman an relasyon avek sa ansyen prizon. Alor i annan sa bann detay swivan dan nou rapor.

**Konklizyon:**

Mr Speaker, bann zil koralyen Sesel i kapab ganny klasifye dan sa bann fason.

1) Bann ki prive parey Bird, Denis ek D'Arros.

2) Bann anba direksyon IDC parey Desroches, Alphonse, Cosmoledo. Bann ki pou Leta me anba sipervizyon en NGO parey Aldabra anba SIF. E finalman bann ki anba sipervizyon Leta, kot bann endividé i annan en *lease* parey Coetivy e osi Poivre dan en serten nivo.

Enn bann kestyon ki nou'n esey reponn se ki model ladministrasyon ki meyer pou adopte pour lavenir? Bokou dimoun i krwar ki IDC i devret ganny dizourd e ki bann investiser i devret ganny en posibilité pou lwe bann zil e

menm aste zot. Sa model i sa enn ki ti egziste avan 1977.

Lezot dimoun i krwar ki model aktyel i devret ganny mentenir, me ki i merit devret annan pli fleksibilite spesyalman kot i konsern donn bann antreprenier Seselwa plis posibilité lenvestisman. Zot largiman se ki model aktyel pa akseptab akoz i paret ki etranze ki benefisy e ki envestir dan nou zil. Parol se ki preferans in ganny donnen avek Arab ek Sid Afriken.

En lot remark ki bon note dan sa rapor, se ki bann zil prive pe fer vreman byen akoz zot propriyeter pe protez zot gro lenvestisman ki zot in fer. I dan zot lentere pou asire ki zot zil i reste soutenab e atiran pou zot kapab ganny plis reveni. Kestyon se, eski lwe bann zil pou anmenn menm lentere oubyen pou senpleman annan en leksplwatasyon maksimonm e bann zil pou soufer?

Komite Zil i krwar ki i devret annan en lorganizasyon ki annan en rol *oversight* lo tou bann zil ki pou Leta. Sa lorganizasyon i devret osi annan manda pou regarde kwa ki pe arive lo bann zil prive afen ki Gouvernman i kapab donn sipor appropriye kot i neseser e kot Leta i bezwen entervenir osi.

Komite i santi ki *IDC* i devret fer son mye pou asire ki Seselwa i ganny aske avek bann zil. Komite i note ki i annan plis Seselwa ki pe vizit bann zil e reste dan bann akomodasyon *IDC*.

Sa i devret ganny ankouraz. Nou rekonnet ki atraver bann lannen *IDC* in ganny leksperyans valab an sa ki konsern letablisman ban lenfrastiktir lo bann zil. Me malgre sa i enportan ki plis i ganny fer pou donn Seselwa lenformasyon lo kwa ki sa lakonpannyen pe fer.

Bann envestiser Seselwa ek lezot i ganny plis posibilite envestir dan bann zil. Se sa ki nou pe rekomande. I pa devret annan okenn limit lo lenvestisman tan ki zot tonm anliny avek Lalwa ek Polisi, spesyalman kot devlopman soutenab bann zil ek konservasyon i konsernen. Penaltı pou leksplwatasyon ilegal bann lespes i bezwen ogmante pou azir koman en dekourazman. Rol *Coast Guards* ti bezwen ganny revize e zot bezwen partisip direkteman dan devlopman nou bann zil. En desizyon ferm pou letablisman serten baz pou *Coast Guards* i bezwen ganny fer afen ki zot ava pli pre kot bann aktivite ilegal pe arive pou

zot entervenir. Avek en gran lafrontyer parey pou nou, rol *Coast Guards* i bezwen ganny regarde. Me zot bezwen ganny lekipman apropriye.

Potansyel nou bann zil i reel. Koman en Nasyon, non selman ki nou devret annan en plans soutenab lo ki mannyer pou eksplwat nou bann resours. Me nou osi bezwen annan sa pli gran responsabilite pou protez sa bote ki'n ganny mete dan nou swen. Envestir dan bann zil elwanye i en loperasyon ki kout bokou e Komite Zil i swete ki atraver son travay dimoun i ava pli byen konpran son dimansyon e an menm tan sezi ki i pa fasil pou okip en zil. Lot pa, se en striktir bokou pli transparan ki a permet bann ki kapab envestir avek tou konesans bann ekspektasyon.

Sanzman klimatik i pli gran defi ki nou fer fas avek. Anmezir ki nou planifye lavenir, nou bezwen fer nou lavwa ganny tande lo lasenn enternasyonal. Deza plizer in ganny rekonnet. Sesel i merit reste koman sanpyon e en zean kot i konsern proteksyon lanvironnman.

Finalman Komite i fer lapel ek pep Seselwa pou konpran ki nou tou nou'n ganny en lapel pou zwe dan

konservasyon nou pei. I selman kan nou fer en plan serye pou devlopman nou pei ki nou ava pe zwe nou rol a plen dan konservasyon nou plannet. Kan nou kit sa monn, nou zanfan ek bann zenerasyon ki swiv i merit trouv menm plezir dan sa ki nou, nou'n gannyen e nou'n *enjoy*.

Avek sa detrwa parol Mr Speaker, mon annan gran plezir pou prezant avek Lasanble Nasyonal e avek ou, mon prezant 2 kopi sa rapor enterim Komite Zil e ankor enn fwa dan fon mon leker mon remersye tou bann koleg ki'n lo sa komite. E mon bezwen dir ki sa komite in probableman komite pli eksitan, Komite pli gou ki sa sizyem Lasanble in annan.

In enkli travay me osi otomatikman in enkli en pe lwazir e nou swete vreman dan fon nou leker ki tou Seselwa. Tou Seselwa i ganny sans pou zot en zour vizit nou bann zil elwanye. Nou dir Praslin, Mahe avek La Digue i zoli. Me letan nou ariv laba deor, nou vwar en labote ekstraordiner. Alors mersi bokou.

**(APPLAUSE)**

### **MR SPEAKER**

Mersi Onorab Ramkalawan. Mon konnen ou bezwen *take a*

*breath.* Ou ava prezant dezyenm rapor pou FPAC.

### **HON WAVEL RAMKALAWAN**

Mr Speaker. Zis avan mon prezant dezyenm rapor mon anvi dir ki sak Manm Lasanble nou'n prepar kopi e pandan ki nou pran *break*, sak Manm Lasanble pou ganny en kopi sa rapor, ki sa i ava donn zot en apersi lo tou nou bann zil e rekomandasyon Komite.

Mr Speaker, mon krwar mon fer mon dernyen latas koman *Chairman FPAC* dan sa Lasanble, sizyem Lasanble. Mon zis anvi dir Mr Speaker, ki demen sepandan nou pou annan en *meeting* avek Minister Finans. Demen midi. Nou'n konvok Minis pou li vin devan FPAC demen midi e alor petet sa rapor ki mon prezante la i ava avan dernyen rapor.

Mr Speaker, i donn mwan en gran plezir pou prezant rapor FPAC baze lo rapor Oditer Zeneral pou lannen 2018. Sa rapor in ganny sinyatir tou bann Manm. Savedir laprouvasyon tou bann Manm. FPAC in egzamin 15 lorganizasyon ki ti ganny mansyonnen dan Rapor Oditer Zeneral pou 2018. Swivan sa bann sesesyon, mon prezant bann rekomandasyon ek konklizyon swivan.

**Rekomandasyon :**

FPAC i fer sa bann rekomandasyon swivan pou rektifye serten defayans ki in idantifye. Premyerman tou lorganizasyon i bezwen annan dimoun ki'n ganny bon formasyon pou zot kapab egzekit zot manda. Pou zot kapab fer sa Departman Ladministrasyon Piblik i devret travay an kolaborasyon etrwat ek tou Minister, departman ek lazans pou konpran zot bann bezwen.

Nou devret annan en konsep en lekol formasyon pou travay servis piblik pou zisteman ed Departman Ladministrasyon Piblik reisir ganny travayer konpetan dan tou bann departman. E sa premyer rekomandasyon i swiv ki serten bann lorganizasyon ki'n vin devan nou, zot bann zofisyen i dir ki zot ganny bann mesaz melanze sorti kot finans oubyen sorti kot biro Oditer Zeneral.

Dezyenmman, bann responsab dan servis piblik i devret asir bon kontrol eternen ki loperasyon i mars efektivman e pou asire ki reveni i ganny kolekte a ler, depans i ganny kontrole e i ganny fer dapre Lalwa ki egziste. E la petet mon ava zis mansyonnen avek permision bann Manm, ki

Fondasyon Botanik i ti enn bann landrwa ki'n konsern nou en kantite, parski nou'n menm vwar ki i annan bokou larzan ki'n ganny met dan labank, apre ki lannen finansyel in terminen. E osi nou'n osi ganny problemm avek DRDM, parey zot konnen.

Trwazyenmman, tou bann MDAs i devret fer zot depans pou ganny meyer pri an konformite ek Lalwa Prokiranman e anliny avek Seksyon 42, spesifikman. Si bann Minister, departman ek lazans i santi ki sa Lawal i devret ganny amande pou meyer zesyon larzan piblik, zot devret anmenn sa devan Gouvernman. E FPAC lo nou kote nou bezwen azir dapre norm ek regilasyon ki an plas. Me selman nou pe donn sa lankourazman.

Katriyenmman,  
Gouvernman i bezwen fer sir ki tou bann MDAs i swiv regilasyon finansyel e kot i posib ranforsi sa lankadreman. En metod efektiv pou adopte dan prosesis lodit, se sa ki nou apel *exit interview* e en *management letter*. FPAC i krwar ki sa ki responsab kont e CEO oubyen PS i devret preznan dan bann *exit interviews* e pa les sa zis pou bann travayer dan Seksyon Accounts.

Sa responsabilite i ganny konfye ek CEO ouswa PS akoz i permet li adres direkteman bann size ki relevan dan lodit e alors kree en bon kiltir rann kont.

#### Konklizyon:

Mr Speaker, i kler ki finans Gouvernman pe ganny zere dan en fason pli byen ki avan peryod 2017. Me i reste ankor amelyorasyon pou asir bon gouvernans dan tou nivo bann MDAs. Sa rapor i montre ki malgre sa bann amelyorasyon, i reste bokou febles dan plizyer MDA sirtou kot i konsern,

1) Swiv bann regilasyon finansyel. 2) Swiv prosedir tender. 3) Swiv prosedir pou gard liv ek rikord azour.

Pli trakasan, lebra Gouvernman ki anmas reveni i kontinyen annan gro problemm kot sistem IT Gouvernman pa pe koz avek kanmarad. Sa bann problemm i devret ganny rezourd vitman, pou asir bon zeson ek koleksyon fon Gouvernman. Sa i pli enportan dan sa peryod COVID kot nou pa espekte anmas otan reveni an 2020 ki bann lannen presedan.

FPAC i rekonnet ki bokou in ganny fer pou koriz bann defayans ki ganny trouve dan nou bann rapor presedan. E sa

i esansyel pou ganny meyer lefikasite e pou ki larzan piblik i reste dan en lankadremen latransparans e rann kont. FPAC idemann ek Gouvernman pou fer sir ki resours i ganny donnen dan tou bann kad, sirtou dan seksyon kontabilite sa bann diferan MDAs e osi amelyor abilite SRC pou delivre selon lekspektasyon piblik e ki prosen revi i kapab montre ankor progre.

Mr Speaker, letan mon pe prezant sa rapor mon ti ava kontan lo mon non personnel remersye tou bann Manm FPAC. Mon anvi dir avek zot, vreman in mon lafyerte pou Chair FPAC e lafason ki nou'n travay lo tou lede kote latab, mon krwar ki nou'n donn en legzanp ki poudir dan Lasanble Nasyonal nou kapab fer bann travay konstriktiv, solid pou nou pei Sesel.

Alors mon personnelman anvi remersi Onorab Afifi koman Vice-Chairperson ki'n diriz tou bann entervansyon letan nou'n fer bann hearings. Onorab Charles De Commarmond, mersi pou ou kolaborasyon mon frer. Onorab Sebastien Pillay, pou ou kontribisyon e ou bann kestyon approprie ki ou'n demande pandan FPAC. Onorab Ferrari, pou lafason fran ki ou'n adres

serten size. Onorab Churchill Gill, mersi bokou pou sa *fresh air* osi tou ki ou'n anmennen. E mon krwar ki bokou manm piblik in vreman apresye ou bann entrevansyon fran e direk. E Onorab Terence Monodon, pou ou leksperyans ki ou'n anmennen lo sa Komite.

Mr Speaker, sa bann dimoun i merit laplodisman nou Lasanble Nasyonal pou sa travay ki zot in fer.

**(APPLAUSE)**

### **HON WAVEL RAMKALAWAN**

Mr Speaker, avan ki mon donn ou sa rapor, mon ti a voudre dir ki sel regre ki nou komite i annan, se ki nou pa'n a kapab fini avek travay lo lenvestigasyon lo *FIU* avek *NDEA*. Sa lenvestigasyon, plis ki nou'n antre ladan, plis ki nou'n vvar konplikasyon. In anmenn nou dan tou lokalite direksyon e ziska la letan nou pe koze i ankor annan bokou kestyon e bokou dimoun ki nou ti ava kontan koz avek.

Me nou ava pas tou bann dokiman avek Komite *FPAC* setyenm Lasanble e la mon anvi dir avek sa novo komite ki ava ganny formen letan novo Lasanble, ki mon plis ki sir ki tou bann Manm sizyem Lasanble lo *FPAC*, nou pou pare

pou nou donn zot nou sipor, pou nou apir zot pou ki travay ki zot, zot ava fer i a meyer ki travay ki nou nou'n fer.

Avek sa Mr Speaker, i mon plezir pou donn ou en kopi rapor ki'n fini ganny sinyen par tou Manm. I annan 2 lezot kopi ankor ki mon ava donnen pou ki ou ava pas en kopi avek Oditer Zeneral e osi avek L'Egzekitiv. Mersi bokou zot tou.

**(APPLAUSE)**

### **MR SPEAKER**

Mersi Onorab Ramkalawan. Bon lo nou kote Sekretarya parey ou'n dir, nou ava fer le neseser kot Oditer Zeneral i ava ganny en kopi e osi tou L'Egzekitiv.

Bon nou pou kontinyen avek travay ki nou'n komanse yer lo *Order Paper*. Mon ava demann *parliamentary reporter* pou fer antre Vis-Prezidan avek on delegasyon. Yes, Onorab Ramkalawan.

### **HON WAVEL RAMKALAWAN**

Mr Speaker, vi ki Vis-Prezidan i osi Minis ki okip bann zil petet nou ti ava kapab profit lokasyon pou Sekretarya prezant li avek en kopi rapor zil.

### **MR SPEAKER**

Dakor Onorab.

### **MR SPEAKER**

Bon mon ti ava kontan *welcome* Vis-Prezidan Mr Vincent Meriton avek delegasyon ki konpri *Attorney Zeneral* Mr Frank Ally, Mr Danny Lucas ki *Electoral Commission Chairperson*, Mrs Manuella Amesbury ki *Chief Electoral Officer* e nou annan *Senior Legal Officer* Ms Salina Sinon.

Vis-Prezidan avek ou delegasyon bonzour e *welcome* dan Lasanble Nasyonal.

Zis avan nou kontinyen nou travay kot nou'n kite yer, Vis-Prezidan *Chair Islands Committee* in prezant son rapor bomaten etandonnen ki ou lofis i osi tou responsab pou bann zil elwanye, ou'n ganny prezante avek en kopi rapor ki sorti kot Komite Zil Lasanble Nasyonal.

E mon ti ava kontan osi tou pou prezant mon kondoleans avek Mr Frank Ally *Attorney Zeneral*, e mon krwar i konnen ki rezon ki mon pe prezant mon kondoleans, kot yer in perdi son manman *ok*. Nou senpati lo lapar Lasanble Nasyonal *Attorney Zeneral*.

Bon nou ava kontinyen nou travay e parey nou'n ti kite yer nou ti pe debat lo *Elections (Amendment) Bill 2020*, e parey mon ti'n anonse nou annan 5

Manm ki pa ankor entervenir, e toudswit mon ava donn laparol Onorab Noline Sophola.

### **HON NOLINE SOPHOLA**

Bonzour Mr Speaker. Mersi pou donn mon laparol, bonzour Vis-Prezidan Meriton, *Attorney Zeneral*, Komisyoner Eleksyon ek ou lekip, tou Manm Onorab, zabitam Zil Pros e tou dimoun i a lekout.

Mr Speaker diskisyon lo lamanman sa *Bill* i tre enportan, sirtou dan sa peryod eleksyon. Avek sa bi pou ed popilasyon voter e menm bann non-voter pou vin okouran avek sanzman ki pe arive kot prosesis eleksyon i konsernen akoz i zot drwa sivik pou vote, alor Zot bezwen azour avek bann sanzman pour ki zot a egzers byen zot drwa.

Mr Speaker ler nou ti en koloni Angle ti napa ni Parti Travayis, ni Parti Konservatif ki ti annan brans Sesel. Nou pa ti vote dan Eleksyon ki ti fer *L'Angleterre* malgre ki nou pei ti pou Angle. I enportan pou nou konn tre byen sa lenformasyon Mr Speaker.

Mr Speaker nou ti aprann fer politik lo nou menm komansman nek an 1964. En dat tre enportan dan listwar Sesel fodre pa ki nou bliy sa dat, zanmen oubliy sa dat.

Nou'n pas dan bokou prosesis e prosesis i kontinyen, e pour kontinyen an mezir ki nou avanse dan en lemonn dinamik.

Mr Speaker sa bann lamannman eleksyon i form parti en prosesis reform. Par egzant mon'n vwar en limit lo depans ki en parti politik kapab fer pandan kanpanny eleksyon. Si mon kalkilasyon i byen, en Parti Politik ouswa kandida endepandan, pa kapab depans plis ki R6,500milyon pou son kanpanny.

Ekliersi mwan si mon kalkilasyon i mal, e mon war ki si en dimoun ouswa kek lorganizasyon i donn plis ki R50mil en parti politik, fodre ki sa i ganny deklare piblikman. Mr Speaker lo sa pwen deklarasyon piblikman fodre nou fer byen atansyon, akoz gro, gro sonm larzan sorti dan en lakonpannyen par egzant i kapab pas dan lanmen plizyer dimoun pou distribye avek en parti.

Enn pti porsyon par isi lot porsyon par laba i fer ki i pe reste anba R50mil, sa pa pou bezwen annan deklarasyon. Mr Speaker mon demande ki Komisyon Eleksyon i fer en bon travay lo la, si vreman zot oule kit sa lamannman. Akoz nou dan Parti US nou oule la transparans e rankont.

Mwan personnelman mon pa kontan ki pouvwar larzan ki bezwen desid swa politik en pep pandan eleksyon. Akoz la pe konmanse. Sa pe ganny koz lo la. Mr Speaker lo sa pwen atraver ou, mon oule fer referans lo serten pwen ki Onorab Woodcock in fer resorti yer, me i domaz ki i pa prezan. Sa Bill i enn ki pe edik popilasyon. Me Onorab Woodcock in prefere gat li avek bann lakizasyon ki pa ni fonde pou senpleman konfiz dimoun.

Onorab in koz lo donn nesans parti politik, fer trik mardaz, kreasyon Parti US Lepep. A lafen i pa'n konnen si Lepep si US ki i pou dir. Me Mr Speaker permet mwan pou elabor en pe plis;- donn nesans parti politik. Onorab i bliy vitman lekel ki ti donn nesans LDS. Sitan ki zot pa okip byen sa bann zanfan, la zot pe konmans perdi enn par enn. I pre pou reste zis siko SNP.

Zot bliye sa *third force* Onorab Woodcock ti ladan, i bliy vit. Mr Speaker nou koz lo kanpanny eleksyon bokou zot dan LDS i dir zot vin fer konpanny La Digue. I normal i zot drwa, me eski i vreman kanpanny ki zot vin fer? Oubyen zot annan zot azanda personnel pou fer dezord dan diferan laspe sosyal?

Mr Speaker Onorab pe montre ledwa lo Parti US, me sa ki in oubliye ki i annan plis ledwa ki vir dan son direksyon. I pe sey fer krwar ki Parti LDS i parfe. Anfen mon pa war drol, akoz sa i Parti LDS pou fer lakizasyon pou donn lenpresyon ki zot meyer. E ler zot napa pwen pou koz lo la zot servi Lotorite pou maltrete mank respe ou menm anvi kalote.

An plis pou dir lekel ki pou annan drwa koze. Mr Speaker mon ganny elekte mon bezwen koze. E sa ti ganny dir par Onorab Ferrari yer bomaten avek ou Mr Speaker. Sa zot blyie? Mr Speaker mon pe demande si aprezan nou sistenm politik ouswa demokrasi pe al permet plis dimoun vin kandida dan eleksyon.

Akoz ki sa lamannman pou nonm siporter pou *endorse* en kandida in redwir pou kandidasyel 5an, e pour Lasanble Nasyonal in vin 10. La mon santi ki i fer sa prosesis perdi en pe son kredibilite ou validite.

Mon krwar ki i neseser pou donn en epe plis leklersisman lo sa pwen. En lamannman ki mon personnelman krwar avek demann plizyer piblik i

enportan pou anmennen pandan ki nou pe koz lo la se *character certificate*.

Biro i bezwen get byen CV bann Manm ki pe met zot nominasyon koman en kandida. Par egzanp si en Manm in annan en *case Ankour* sirtou *assault* oubyen bann *case* grav, Biro Eleksyon i bezwen okouran. Akoz si sa Manm i ganny elekte apre 2 mwan son *case* i pase e i ganny kondannen prizon. Eski pei pou bezwen al fer Eleksyon dan sa distrik?

La avek sa leta finansyel ki COVID-19 in anmennen? Mon pe demande ki en leklersisman lo lafason *vetting* i ganny fer apard zis lakantite Manm ki zot bezwen pou *endorsement*. En lot pwen pertinan dan sa lamannman se resansman voter. En legzersis enportan. Mon panse i neseser annan plis dimoun sorti kot nou dimoun, *sorry* mon panse i neseser annan plis disiplin sorti kot nou dimoun sirtou voter e osi bann zofisyel.

Lo sa pwen mon ti a swete ganny pli leklersisman pou bann dimoun 100an ou plis. Akoz lanfaz pe met zis lo sa group dimoun? Eski nou pe *deprive* zot, zot drwa? Ki vreman lobzektif sa lamannman?

Mon note sa pwen ki dir ki voter ki pa'n ganny war pandan resansman e ki pa'n fer demars apre pou certifie son non lo lalis voter pandan 6 mwan ki'n donn li pou fer, son non pou ganny retire lo lalis. Mr Speaker permet mwan pou fer resorti difikilte ki nou bann *FTV* ek bann dimoun lo La Digue ek Praslin pe fer fas avek.

Premyerman nou bann *FTV* mazorite i dan pos segonder, ler zot al anrezistre isi Mahe zot ganny dir ki zot bezwen met landrwa ki zot pe reste. Vedir si mon pe reste *hostel* zot pou bezwen anrezistre dan distrik Anse Royale. Anse Royale pa zot rezidan permanan, zot en pasaze, zot distrik i swa La Digue ou Praslin.

Pou rezourd sa problem zot bezwen esper ler zot vin kot zot lakour vedir lo La Digue ek Praslin. Me si zot vin *weekend* Sanmdi biro i fermen, kot lofis i fermen la. I annan zanfan ki'n bezwen mank lekol zis pou al anrezistre, oubyen paran i bezwen pey pasaz pou vin ek son zanfan anrezistre Mahe pou donn leksplikasyon.

Mr Speaker sa i pa akzeptab, e mwan mon totalman kont sa pwen. Mr Speaker dimoun i bezwen bouze, zot bezwen travay.

Sirman pa toulstan ki zot pou la kot lakour pou esper zofisyen ou pa konnen kan i pou pase pou vin gete. Eski zot pou ganny retire lo sa lalis san ganny enformen?

Si mon pran legzanp ankor sa ban *FTV* dan pos segonder, ler zot in fini anrezistre zot bezwen retourn lekol e fodre nou fer kler ki pou arrive. Akoz sa bann zanfan zot oule konnen la aktyelman si zot pou ganny loportinite pou vote, akoz ler zot in pas kot lakour zot pa ti prezant.

Mr Speaker bokou travay i bezwen ganny fer, la ki pe fer bann lamannman elekson. Mon konnen ki zot Biro Elekson i annan en nouveau lekip, mon apresye zot zefor. Me mon demann zot pou ed nou osi. Mon'n fer rapel avek tou sitwayen ki vote i en drwa e ki elekson i en prosesis enportant dan nou la demokrasi.

Annou fer li nou devwar. Mr Speaker pou terminen mon pou met lanfaz ankor lo lenportans annan deba lo bann lamannman dan Lalwa Elekson akoz sa i pli gran ledikasyon pou nou pep. I pou benefisyen nou tou dan lasosyete. Mersi Mr Speaker.

## **MR SPEAKER**

Mersi Onorab Sophola. Mon a donn laparol Onorab Gervais Henrie.

### **MR SPEAKER**

Mersi Onorab Sophola. Mon a donn laparol Onorab Gervais Henrie.

### **HON GERVAIS HENRIE**

Mersi Mr Speaker. Bonzour tou dimoun Mr Speaker mon pran laparol la bomaten e mon panse probableman sa i pou enn mon bann dernyen lentinaison koman manm elekti distrik pou Mont Buxton e mon'n vin isi atraver prosedir elekson ki zisteman nou pe koz lo la.

E mon ava profite alor pou dir mersi tou bann dimoun ki'n, ki ti fer mwan konfyans e mersi pou travay ki nou'n fer ansanm dan distrik Mont Buxton.

Mr Speaker i en pe ironik solman lavey ki nou pe al dan en elekson pou nou pe diskrit sa *Bill* akoz i annan en pe letan ki sa *Bill* mon krwar ti merit vin devan nou e pou nou fer li pli zistik regard li pli byen probableman menm propoz bann keksoz ki pa ti la, ki pa la nou'n ti'n kapab annan en pe plis letan e be solman pli to tar ki *jamais*.

Mon pou vin lo serten Clause spesifik sa *Bill* en pti pe pli tar, me mon pa pou kapab

mank sa loportinite pou mwan adres en pwen ki mon krwar pou mwan personnelman i tre, i tre enportan.

Reform elektoral in en *battle cry of Lopozisyon*. Pour dilon son legzistans depi retourn miltiparti e en kantite sa bann reform in vini akoz lopozisyon pa'n les tonbe sa bann pwen ki nou santi ti merit ganny adrese kot i konsern elektoral.

E pli gran legzanp “*Gappy OUT*” zot a rapel sa kanpanny asarnen ki Lopozisyon in anmennen tou le Vandredi kot batiman Sant Kiltirel anvil pou asire ki sa bann reform i vini.

Be dan sa menm lenstans ki mon dir sa, petet lo en kote in en pe defi akoz reform elektoral in plito en konsern ou en batay politik. Ki pou mwan i pa ti merit neseserman san poursan akoz elekson i konsern la demokrasi e la demokrasi se sitwayen ki nou isi anndan nou reprezante.

E vwala alor mon pledwari pou dir avek bann dimoun dan tou distrik sa ozordi lo lalis voter avan ki i resan, i sertifye i annan aepre 70,935. I konsern sak sa 70,935 Seselwa natiralyze ou pa.

I konsern zot e zot bezwen pran en langazman direk dan sa prosesis reform elektoral.

Dimoun i bezwen konnen akoz nou bezwen sa bann reform. Dimoun i bezwen konnen akoz reform i neseser. Dimoun i bezwen konnen lekel ki pou reform sistenm.

E kwa ki nou bezwen fer pou reform sistenm elektoral. Letan nou kit keksoz tro dan lanmen politisyen parfwa en size ki pa devret i ganny politicize e bann keksoz en pe *polemic* - par egzanp dan bann deba ki nou'n tande ziska preznan i annan bann keksoz pa neseserman ganny dir, i ganny dir.

Alor demokrasi i en pouvwar ki ganny envestir dan popilasyon e i ganny egzerse pa bann reprezantan ki swa nou koman dan Lasable ouswa dan Gouvernman, dan brans Egzekitiv anba en sistenm elektoral ki dwatet lib.

Be lekel ki garde sa *check and balance* lo sa sistenm toultan? Akoz pou mwan e enn bann pwen ki letan Komite Medya ti fer dan sa *forum piblik* ki nou fer toulezan lannen pase nou ti spesifikman koz lo eleksyon.

E pwen for ki ti sorti sete pou ranforsi largiman ki eleksyon i en prosesis 5an. I pa en zafer ki la kanpanny pe vini apre enn fwa ki tou bann reprezantan in ganny elekte i

fini. Non, non, non. Dan 5an i bezwen kontinyen li so dimoun par egzanp ou pe al elekte mon dezagree ki pwen ki Onorab Pillay yer in fer yer kot dir souvandfwa dimoun i vot pour akoz i kontan sa endividé ki son figir anler lo en *billboard*.

Dan serten sans si i mon fanmir, si ti mon zanmi lekol mon konn li byen. I fanmir mon *partner*. Me otreman pou mwan dimoun i bezwen vot lo en programm e zot bezwen apre asire poudir sa kandida ou sa parti i delivre sa programm ki in dir ou i pou fer dan 5an.

E si i pa fer ki mannyer ou fer li konfyans ankor pou re donn li? I kontinyelman kas promes dan 40an ou plis e ou kontinyen fer li konfyans ziska ki tan?

So, ou bezwen ou koman sa endividé 70,935 endividé regarde, ekoute, analize demann kestyon e asire ki sa ki zot in dir ou sa ki zot pou fer zot fer.

Medya, bezwen kontinyelman swiv ki bann dimoun pe, ki bann reprezantan ki ganny elekte pe fer. E analiz e fer bann konklizyon pou ki dimoun i ganny bann lenformasyon pou zot kapab pran bann desizyon enformen.

Zidisyer souvandfwa i enterfer akoz bann case ki ganny mete e 2015 apre Eleksyon Prezidansyel 2enm *round* nou konnen poudir i annan en *famous* ‘*However case*’ ki ozordi son rezulta nou pe war dan bann lamannman ki’n vini.

Mon kontan konnen poudir i annan Komisyon Eleksyon en tim nouvo. Mersi pou travay ki zot pe fer nou ankouraze pou dir nou war poudir i annan en nouvo lelan.

E nou osi rekonnnet bann avan malgre dan son lenperfeksyon, me avek presyon e lankourazman ki nou'n donnen parfwa in annan serten keksoz ki in arive malgre pa avek vites ki nou anvi e la i parey dan zot ka.

E mon ava mank lokazyon poudir vwala i annan programm *SETS*. I annan bokou bann dimoun dan lotel ki ti dan bann *human resources* ki pe perdi travay pour kwa pa zot demann en sipor avek Minister Finans pou kapab *recruit* serten sa bann dimoun pou defalke en pe bann travay sirtou lo nivo administrativ, bann nouvo laplikasyon, bann obzeksyon ki'n antre ki zot kapab fer sa travay avek bokou plis lavites ki zot merit fer.

Sa en sizesyon ki mon ti a kontan met devan zot. Lasanble osi i annan en rol pou li zwe dan sa prosesis 5an, pou asire ki sa bann lamannman i vin osi vit e ki nou pa bezwen esper lavey en eleksyon pou nou sanze.

E bann parti politik osi i bezwen donn en koudmen Komisyon Eleksyon pou fer ki sistèm elektoral i enn ki modern, kredib e vreman *up to speed*.

Mr Speaker ozordi i annan en kantite defi ki mon pa neseserman krwar bann lamannman ki nou pe al pase i direkteman adrese.

E de pwen ki mon ti a kontan fer premyerman i konsern *boundary* elektoral ki mon koleg Sandy Arissol in koz lo la yer. Onorab Arissol in koz lo la yer.

Akoz dan mon distrik sa i en *issue* malerezman i pa'n ganny adrese, me solman mon krwar sa setyenm Lasanble i bezwen *lobby* Komisyon Eleksyon e tou bann *stakeholders* pou nou revwar sa.

Mon pa kapab konpran ki mannyer en dimoun ki reste Roche Bois ouswa Mont Signal i sipoze vot Beau Vallon? Pou mwan i annan en separasyon fizik e naturel ki separ Mont Buxton ek Beau Vallon en

montanny ki ler ou ariv kot Ros Gorilla.

Beau Vallon li i anba Mont Buxton li i anler ki mannyer nou kapab dir en bout an fet ozordi ki mal e mwan mon pa kontan sa mwan koman MNA Mont Buxton laplipar bann dimoun Mont Buxton zis apre lakaz ansyen Minis William Herminie tou sa bann dimoun la, *physically lo boundary* zot sipoze vot Beau Vallon. Be solman si ou monte laplipar i vot Mont Buxton akoz evidaman, naturelman i Mont Buxton.

Prezan dan en lakaz tou bann *first time voters* pe ganny anrezistre Beau Vallon me zot manman, ek ser ek papa ki'n deza anrezistre zot depi lontan i Mont Buxton zot pou desann dan en transpor swa dan bis li sa *first time voters* pou bezwen pran de bis dezormen pou li al Beau Vallon pou al vote. E bokou pe rezenbe nou konnen mannyer bann marmay i ete. Sa i en size *boundary* nou bezwen adrese.

Dezyenmman i kote ou reste e kote ou vote ? Lalwa i dir letan ou reste dan en landrwa ou bezwen vote apre 3 mwan ou bezwen vot dan sa rezyon.

E ozordi letan mon get mon lalis voter Mont Buxton

mon vwar bokou dimoun ki pa viv Sesel, bokou dimoun ki viv an deor distrik Mont Buxton e pou mwan sa lalis *the right word is not a credible one*, akoz i annan bann defo lo la.

E mon pa neseserman blanm Komisyon Eleksyon mwan. Sa responsabilite personnel. Mon konnen mwan poudir mon pa reste, mon reste English River mon bezwen vot English River e sirtou, sirtou, sirtou si nou'n dan bann pozisyon ou en Manm Lasanble ozordi ou pa kapab reste Mont Buxton e vot English River.

Ou en ansyen Manm Lasanble ou pa kapab reste Bel Ombre e kontinyen vot Mont Buxton. Akoz ou konnen ou e nou bezwen *lead by example* e mon pledwari pou tou bann dimoun silvouple pran nou responsabilite personnel annou asire ki nou rezis voter i kredib avan ki nou montre ledwa Komisyon Eleksyon pou dir isi laba.

Nou premyerman annou pran nou responsabilite personnel. E anfet mon ava reste lo sa pwen, kredibilite lalis voter. Ler mon get e pou dir ozordi popilasyon Sesel dernyen sif ofisyel an 2018 96,762 dimoun. Ok ,2018.

E ozordi, detrwa semenn pase en Komite Lasanble 3

semenn pase Komite Medya ankor ti annan en enteraksyon avek Biro Statistik Nasional akoz nou ti anvi konnen en pti pe lenformasyon lo koleksyon data dan pei.

Donk mwan apre *meeting* mon'n reste mon'n koz avek CEO mon dir li eksplik mwan letan nou pe dir popilasyon ki savedir sa. I dir mwan *head counts* dan pei. Savedir sa 96,762 an 2018 lafen 2018 ti kantite dimoun endividé ti annan dan Sesel.

*Now si popilasyon voter lo rezis voter i 70,935 si nou pou tire dan sa 96,000 i reste nou 25,827 dimoun.* Prezan popilasyon *expatriate* i apepre 18,000 ki fer ki son balans i reste 7827, pou mwan sa i pa normal.

Akoz ler nou pou kalkil popilasyon 0 ziska 17an a mon avi i annan apepre 15 a 20,000 sa bann manrmay. Savedir lo nou lalis voter i annan en kantite dimoun ki pa devret la.

*Either zot in mor ki mon konnen as you, as bann mwan i pase lenformasyon i sorti kot statistik, Biro Civil Status i ganny retire.*

Me bokou dimoun i aletranze e bann keksoz koumsa, so ankor pou mwan nou return lo sa responsabilite personnel ki nou koman en

endividé nou bezwen fer pou nou asire ki dir lalis voter i kredib, avan ki nou blanm Komisyón Eleksyon.

E so avan ki mwan sa i bann pwen prensipalman ki mon ti oule fer avan ki mon vin lo bann *Clause* spesifik. Me Mr Speaker parey mon'n dir mon ti ava kontan i vin en pe pli boner kot nou anba mwens presyon, kot nou ti kapab ankor fer bann lamannman en pe plis konsekan ki ti ava vreman anmenn sa Lalwa *up to speed*.

An pasan mon le mansyonn sertern pwen par egzanp ki 2 NGO an partikilyerman ARID avek CDWS in fer dan lepase ki mon vwar i pann ganny *capture*.

I pa'n ganny *capture* enn *i the famous argimant* akoz Sesel nou pa kapab fer eleksyon dan en zour. Me sa i bann kestyon ki *the debate continues*.

*Voters census ;*  
Nou konnen poudir ti'n deza fer enn *where is the result* i pou annan en *Clause* lo la ki mon ava return lo la pli tar.

I annan sa ki kestyon reprezentasyon la kantite voter par distrik. Sa i en konversasyon ki mon personnelman mon'n annan avek bann *ex MNAs* akoz zot santi ki kantite voter en *MNA*

dan konteks Sesel vreman kapab reprezante.

Dan Mont Buxton par egzanp mon annan mwan 2700 dimoun e si mon ti pou pran en zour pou mwan vizit sak dimoun *still* mon pa ti pou kapab zwenn tou sa voter Mont Buxton dan 5an ki mon ti pou servi koman *MNA*, mon pa ti pou kapab.

Ouswa par egzanp plis ki 1000 lakour mon ti pou ale tou le Sanmdi *still I couldn't visit all 1000 homes, houses* pandan 5an.

So ki kantite nou kapab reprezante? E sa i en deba ki nou pou bezwen kontinyen fer akoz Anse Etoile ozordi 4000, Port Glaud in dir apepre pli pti gin mwens ki 2000. So *what is the right number?* E sa ki écoule dan sa largiman eski nou bezwen ankor plis rezyon elektoral? Esaki Glacis avek Anse Etoile pa merit kase ki North East Point i vin en distrik?

Esaki Anse Louis pa merit retourne en distrik kas li ant Baie Lazare avek Anse Boileau *once upon a time Anse Louis was a district.* E Perseverance eski i merit en Perseverance ouswa 2?

I bann refleksyon ki nou bezwen dir a sa moman la pou nou kontinyen reflesir lo la. Ok

sa i bann pwen. Prezan mon ava pas lo sa bann *Clauses* ki mon ti oule zis pas en pti remark la.

*Clause 5. 5(f)* nou vwar i annan en preskripsiyon 7 zour ki propoze pou en dimoun kapab fer en obzeksyon vizavi pou tir non en dimoun ki in sipoze ganny 100an lo lalis voter.

Eski sa 7 zour i sifi? Pour kwa pa 14 ouswa 21? Akoz annou mazin nou popilasyon en ler mannyer i ete, i pa ankor ganny akse avek en *email* pou fer sa vitman bann keksoz koumsa so eski 7 zour vreman i rezonnab?

Mon al lo 7(a) anba *Clause 6* la *the principle Act is amended, after inserting after 7 section 7, the following* kot i dir *"the Electoral Commission may cause to conduct to be conducted a voter's census may"* mon annan problem avek sa '*may*'.

Mwan mon ti a prefere vwar '*shall*'. Akoz sirtou, sirtou nou bezwen atak sa zafer kredibilite pli vit posib avek sa *speed* nou fer *census* ou pas dan Mont Buxton ou vwar Mr X, ou dir Mr X ou reste la be solman ou lo lalis La Rivière Anglaise non, non nou pou bezwen transfer ou.

So ki nou aranz en, so mon ti a kontan war ‘shall’ instead of ‘may.’ Nou al dan seksyon 8 kot lakantite voter ki kantite *endorsement* ki nou apel li. Ki en dimoun ki pe al konteste Eleksyon Prezidansyel i merit gannyen pou tir 500 pou fer li vin 50. Pou tir 50 pou Lasanble Nasyonal e fer li vin 10.

Bokou in ganny dir lo la e mwan mon partaz lopinyon mon krwar so far sa ki’n koz lo la mon partaz son lopinyon, Onorab William mon krwar Onorab Arissol osi tou mon prefere ki nou mentenir li lo sif orizinal. Prezidansyel 500, Lasanble 50.

Rezon pou sa se ki mon pa war li koman nou pe *deprive plurality* non. Ou vvar Lasanble Nasyonal elekson ouswa prezidansyel en zafer serye sa nou bezwen dimoun avek kredibilité, ki asire ki i pe vin fer ki i pa pe vin zwe dan sa process. E koumsa nou bezwen set bar pa osi o me en nivo rezonnab.

*Mahatma Ghandi* in deza dir en keksoz poudir si la demokrasi parfwa nou permet dimoun ki pa merite, i pa merite li be solman nou permet li sa bann lespas pou li avans devan nou riske ganny bann reprezantan ki pa *worth* sa sez

pou li asiz ladan. Zot vin en distraksyon e alor nou bezwen mentenir en serten nivo, en standar e pou mwan pa akoz ou konn naze ki ou bezwen al dan Olenpik.

Non, non, non i annan en standar kalifikasyon ki ou bezwen pase pou ou kalifye akoz *this is* en nivo la ou pe al *perform*.

So pou mwan prezidansyel 500 e 50 Lasanble Nasyonal mon rekomande ki i ganny mentenir. Lot pwen ki mon le ganny remark lo la se *Clause 15* ki donn en seri *step* lo kestyon mannyer bann vot pou ganny tabile e bann keksoz koumsa.

Prezan la ti annan en propozisyon ki *ARID* ti fer e mon war i pa’n ganny *capture* kot zot ti pe propoze ki letan elekson in fini fer, konte in fini fer tou zafer in fini sinyen tou bann kontestan i satisfe rezulta i ganny poste an deor stasyon.

Mwan mon pwen konmsi ti merit ganny *capture* la. Akoz sa i fer li vin ofisyel e petet kapab tonm dakor pou dir be *ok* avan ki i ganny mete an deor stasyon sa dimoun ki pe ansarz stasyon, i anvoy sa rezulta kot Biro Komisyon ki deswit i met lo son *website* transparans, rann kont, bon gouvernans apre ganny met deor laba.

Ki pa koman i sorti en dimoun i anvoy lo son *WhatsApp* i fer en fot dan tipe ler la bann rezulta ki komans sirkile ki mal apre ankor ledwa i ganny montre lo Komisyon Eleksyon.

E mon krwar sa i dernyen pwen wi ki bann komanter direkteman lo bann *Clause* ki mon ti anvi fer Mr Speaker.

Me mon ava fini lo sa pwen ki mon ti kommanse mon krwar ki i enportan mon repet ankor, prosesis eleksyon i dwatet konsern tou dimoun akoz rezulta eleksyon i afekte nou lavi koman endividé dan kominote, dan distrik ki nou viv e dan pei ki nou viv alor ou koman sa endividé ou bezwen pran en lentere direk.

E anfet mon ava dir letan mon ti pe get *mother Act Election Act* mon vvar ki sa *Act* i koz bokou lo bann kestyón administrativ eleksyon mannyer i fer, ou sinon pa annan drwa fer e bann pinisyón ki kapab annan pou si ou fer en keksoz mal.

Mon krwar i annan en keksoz ki nou bezwen komans koz osi lo la se responsabilite voter. Ki mannyer voter pa vann son vot? Ki mannyer en voter lavey en eleksyon la i pa vin kot mon biro poudir ek mon, "Sef be mon pa ankor ganny

nanryen." Mon dir "ki mon kapab fer pou ou ?"

"Mon oule en pe tol." Mon pa oule i vin kot mwan pou sa bann keksoz e mon dir sa dan tout fransiz.

Ou bezwen konnen poudir ou pe elekte mwan pou vin dan Lasamble pou mwan pas Lalwa, pou mwan *scrutinize* Bidze, pou mwan demann kestyón bann Minis lo bann size ki konsern Nasyonal. E nou bezwen nou koman en pep kontinyen edik nou lekor pou nou konnyen akoz nou anvi Sesel i sanze i modernize bann standar internasyonal i ganny aplike ki tou dimoun i konn son rol.

E mon dir sa dan tout fransiz pou debaras nou ouswa pou fer nou travay pa pli fasil, me fer li vreman dan sa fason ki nou merit pe fer. E mon krwar tou bann parti prenon ki mon'n koz lo la savedir parti politik Biro Komisyon Eleksyon, medya bann NGOs ki get eleksyon pre nou tou nou travay ansanm pou ki nou donn en koudmen nou popilasyon pou pli konpran *the electoral process*. E ki alor nou tou nou ava *on the same page* e ki vreman malgre nou en pti Nasyon me nou a kapab *speed up* ki nou demokrasi i ava osi avanse ki en pei parey Leta Zini ki pou zot i plis ki 250an.

E lo sa pwen Mr Speaker mon ava remersi tou dimoun pou zot latansyon. Mersi.

### **MR SPEAKER**

Mersi Onorab Henrie. Bon nou ava *adjourn* e nou a retournen 11er pou kontinyasyon deba lo sa *Bill*.

### **(BREAK)**

### **MR SPEAKER**

Bon zis avan nou kontinyen nou travay zis mon anvi anons avek Lasanble ki ozordi nou'n fer nou *official switch over* kot transmisyon travay Lasanble Nasyonal i ganny fer direkteman par Lasanble e apre nou donn *SBC*.

So petet mon fer en pti lapel avek bann Manm Komite Medya si zot anvi vizit en pti pe nou *transmission room* apre zot a kapab fer li avek ganny en pti pe leksplikasyon avek bann *IT Department*. E parey mon ti'n anonse pli boner an *juillet* gradyelman *SBC* apre pou retir son bann *camera* dan Lasanble Nasyonal.

E se nou bann pti *camera* ki'n ganny mete lo miray ki pou fer tou sa travay. So sa i en lot *milestone* ankor ki sizyem Lasanble i kapab *achieve*.

Bon nou ava kontinyen nou travay deba lo *Election (Amendment) Bill 2020*. E mon ava donn laparol Onorab Audrey Vidot.

### **HON AUDREY VIDOT**

Mersi pou donn mwan laparol Mr Speaker. Tou Manm Onorab, zabitant Roche Caiman, tou manm piblik ki a lekout bonzour.

Mr Speaker ziska prezan Sesel in fer progre remarkab dan kreasyon ek ranforsisman nou bann lenstitisyen, laplikasyon Lalwa, la demokrasi, drwa imen e latransparans.

Lakonplisman Sesel in pran kont lenportans egzers nou dwa ek liberte endividylel, drwa ek liberte lezot ki lentere piblik an komen i annan neseser ki nou bann valer ki nou protez nou lankadreman sosyal e ki nou reste for e ini koman en Nasyon.

Mr Speaker an 2017 Komisyun Elektoral in revwar lankadreman legal nou sistem elektoral avek bi asir plis la demokrasi latransparans e en reprezentasyon efektiv dan en kondisyon pli reprezentab e rezonnab pou bann parti politik e Lasosyete Sivil ki'n ganny sans partisip dan reform elektoral.

E ozordi nou Lasanble Nasyonal pe kontinyen ranforsi e kiltiv nou zenn demokrasi atraver revizyon Lalwa eleksyon pou vin pli modern e pli relevan pou sa Sesel ki nou oule e asire ki nou bann sitwayen i ganny akse avek lazistis a tan e dan en fason zis dan en prosesis eleksyon.

Mr Speaker koman en Manm sa sisyenm Lasanble Nasyonal mon felisit sak endividé ki'n met lespri ansanm pou ede rewwar nou Lalwa eleksyon pou vin enn pli modern e pli relevan pou Sesel.

Tout an respektan bann diferan pwennvi lo merit zeneral sa Lalwa mon le met, mon le aport sipor pou sa Lalwa ki devan nou. Me parkont mon oule osi konsolid komanter lo sa ki mon koleg Onorab Loze ti fer resorti yer dan deba lo nou bann santener.

Si i annan ki vreman krwar dan en *SESEL POU TOU SON ZANFAN*, alors mon pa vvar okenn problemm pou siport sa demann ki nou bann santener i reste lo lalis voter e Komisyon Elektoral i al fer en bon legzersis transparan lo lalis voter.

Pou rezourd son problemm administrativ e sa bann lezot konsern swivan tel ki kot dimoun ki'n ganny kondannen

e ki ankor pe fer son santans prizon son non i ankor aparet lo lalis voter.

Dimoun ki'n mor pou plizer lannen son non ankor lo lalis voter, e sa ki'n mor pli resan pou li in fini sorti.

Alors pou Komisyon Elektoral kapab fer sa legzersis byen i enportan ki zot travay avek lezot Departman Gouvernman tel koman Gouvernman Lokal spesifikman Ladministrasyon Distrik ki zot konn byen lekel ki vreman pe reste dan sa bann distrik e Departman Leta Sivil pou ki zot bann lenformasyon i azour.

Byensir apre en bon legzersis resansman e ki zot lalis voter i a enn ki pli dan lord ki i ete ozordi. Ledikasyon voter i osi merit reste zot priyrite. Pou asire e edik nou pep lo lenportans akoz i enportan ki zot anrezistre lo lalis voter.

Mr Speaker “*Gappy Out*” ti en kanpanny persekisyón, en dimoun ki zot dan *LDS* pa ti kontan. En dimoun pou vvar ankor plis ki sa avek sa parti *LDS* menm dan sa prosen eleksyon ki la.

*LDS* pe koz reform ozordi labous plen akoz zot le domin bann *meeting* elektoral zot le ganny reprezante par *LDS*, *SNP*, *SUP* e *SPSJD*. Kestyon se ki pou arive ler pou annan reform zot

ki pou domin azanda alors sanmenm sa demokrasi ki zot pe koz labous plen.

Lalwa i devret ganny amande dan lefitir pou adres sa zot in kot in koz lo pti parti, eski tou sa bann parti ki la i azour ozordi?

Mr Speaker i vre ki yer i annan Manm ki'n koze e pa'n profite pou anrisir deba lo sa Lalwa ki devan nou Lasanble ozordi. Dan plas donn bann rezon valab pou edik Seselwa akoz ozordi *LDS* dan son mazorite i le sanz son desizyon lo bann pwen ki letan i ti minorite dan parti *SNP* zot ti vvar pa ti bon pou zot.

Depi *LDS* in antre dan Lasanble Nasyonal avek zot 15 lo 10 zot kontinyen repet menm fot ki parti *SPPF* e Parti Lepep ti fer le pase. E ki zot menm in fer komanter lo la, tel koman nou la, tel koman ler nou ti an mazorite ler zot ti an mazorite e la zot ki la. I malere ki zot pa'n servi zot mazorite pou montre ki zot vreman kapab fer pli byen ki nou dan *United Seychelles*.

Me zot in gat zot 4an letan dan sa menm, zot in gat zot 4an letan dan semen revanz e viv dan lepase dan plas montre Seselwa ki zot pa parey *SPPF* e Parti Lepep.

Zot in aktyelman montre tou sa legzanp ki Onorab Johan

Loze in fer resorti dan son lentervansyon yer. E bann *LDS* ki napa menm si zot pe mirmire ki napa 40an ozordi e pa ni konnen ki mannyer bann maryaz *SPUP*, *SPPF* ti marse. Aret koz 40an kan i annan nou pa ti ni menm reve pou ne ozordi ki pe asiz lo lot kote latab parey zot Dirizan i kontan dir zot, "ekoute."

Atraver ou Mr Speaker mon le dir avek Onorab John Hoareau e Onorab Wavel Woodcock, ki si pa ti zot ki'n trenn sa de baryer kot i pa ti merit ale bann laverite ki'n sorti ki zot pa ti konnen zot dirizan pa ti pou bezwen sorti pou sey limit koze.

Alor mon swete ki ler Onorab Loze in koze, Onorab Woodcock atraver ou Mr Speaker in kapab aprann en pe listwar pou li konnen vreman lekel bann premye pti piti parti *SPUP* e *SPPF* ki i ti pe koz lo la yer!

E si sa piti ti ankor la, si sa piti i ankor la ozordi lekel ki'n donn li nesans in blyie poudir lekel ki'n sonny li e osi anba sa sistem ki zot menm zot *LDS* i kontan dir voler e koronpi.

Nou dan *United Seychelles* nou krwar senserman dan linte Nasyonal. Rezon akoz Mr Martin Aglae i

don son triko *United Seychelles* ozordi i en zanfan Sesel ki *LDS* in abandonnen e pa'n enterese pou pey alimoni rezon akoz zot in monte desann devan Lakour.

Alors si Lalwa i devan nou Lasanble ozordi se pou donn loportinite ki Seselwa ki anvi fer sa diferans pozitiv pou son pei Sesel, mon pa vwar okenn rezon ki zis nou 2 parti dan Lasanble ozordi pou fer difisil e konplike pou zot angaz zot dan devlopman nou demokrasi.

Mr Speaker pou terminen nou lo kote *United Seychelles* nou le fer *LDS* rapel ki en parti sa labote nou demokrasi avek prosesis eleksyon se ler ou perdi eleksyon 6 fwa ou kapab antre dan Lasanble Nasyonal.

Me si *LDS* pa pratik vre sanzman dan son prop Lakour sa sans antre dan Lasanble Nasyonal en setyenm fwa i tre, tre, tre limite.

Akoz deza i ankor tre, tre lwen pou li ariv *State House* espesyalman ler ou napa sa kapasite pou tenir lasaler e tyonbo lanmans pwalon ki so.

E sa, zot napa sa konpetans pou anmenn sa pep kan en maryaz antre zot menm apre ti terminen menm zis apre 1an ki zot in antre dan Lasanble Nasyonal.

Mr Speaker mon a dir ou mersi pou donn mwan sa sans pou koze e mersi pou tou Manm Onorab espesyalman lot kote latab pou donn mwan sa latansyon. Mersi.

### **MR SPEAKER**

Mersi Onorab Vidot. Mon a donn laparol onorab Ramkalawan.

### **HON WAVEL RAMKALAWAN**

Mersi bokou Mr Speaker. Mr Speaker personnelman mon konsider li koman en privilez ki mon'n gannyen dan sa sizyem Lasanble pou mwan kapab aprofondir mwan plis an term eleksyon.

Parey ou konnen koman en Manm SADC-PF lo Komite demokratizasyon, gouvernans avek drwa imen. Mon ti vin premye Seselwa parlanter pou ganny elekte koman *Chairperson* en Komite SADC-PF.

E sa ti fer ki enn bann responsabilite koman *Chairperson* sa group sete pou travay avek preparasyon en *Model Law* pou eleksyon pou tou bann pei SADC. E ou ava rapel Mr Speaker ki mon ti ganny sa loner pou prezant sa *Model Law Maputo, Mozambique* devan plenyer SADC-PF.

E sa *model law* la i al e dan en serten sans mon pou kit sa sizyem Lasanble avek en serten loner parske sa *model law* se mwan ki'n ekrir son *forward* e alors sa i ava ankor enn fwa en pti loner ki Sesel i gannyen pou nou montre ki nou'n vreman aktiv.

E letan yer mon'n sey dir be annou sey al en pe lo sa ki neseser, sa ki esansyel, sete egzakteman mon ti santi ki poudir serten Manm ti'n perdi direksyon.

E bann prensip ki ganny mete dan sa *model law* letan nou pe koz lo la fason en eleksyon i deroule pou ki i annan lord, i annan lape, i annan respe, i annan tou kalite keksoz bann bon prensip sete sa ki nou ti pe war.

Par egzanp si mon ti ekout sa ki Onorab Loze dir ozordi mon ti devret adres VP Meriton parski li ki dirizan parti *US* mon ti devret adres ou koman *Leader* Parti kriminel.

Parski se sa ki in dir yer, in dekrir *US* koman Parti kriminel. Be se zisteman sa kalite keksoz ki letan nou pe mazin bouz devan se sa kalite keksoz ki fodre pa ki nou randre ladan fodre ki nou kapab bouz pli devan.

Lev standar, parey avek serten bann deklarasyon ki

ganny fer e serten sa bann deklarasyon malerezman letan pe sey montre ledwa parey sa gran dikton i dir letan ou montre ledwa fer sir ki ou mazinen ki poudir i annan 3 ki pe vir lo ou.

Letan pe dir ki bann laranzman, laranzman ant Lopozisyon avek parti ki ti o pouwar sa letan ti parti *SPPF* letan pe dir ki zot parti *SPPF* zot in bouz 26 fanmir St Louis pou anvoy Roche Caiman afen ki mwan mon kapab *remporte* eleksyon. Ki sa i montre?

Sa i montre ki i enladmisyon ki Parti Lepep ozordi i *US* zot in *involve* dan frod. Zot in *involve* dan frod *gerrymandering* i apele sa.

E nou tou nou konnen ki poudir *gerrymandering* i enn bann pli gran lofans dan bann prosesis eleksyon. Letan in ganny dir konsernan Perseverance.

Mr Speaker i annan bokou dimoun e se sa ki yer osi tou mon'n dir ki annan bokou ki pa konn sa listwar politik. Letan nou ganny akize ki konmkwa nou pa'n anvi Perseverance se pou sa rezon ki Perseverance in tarde.

E la mon konnen ki Onorab Gill ki parey yer mon'n dir e pou ki parski nou'n asiz ansanm dan sesyon reform

2013 e nou'n osi 2017 sa rapor final nou'n asize nou'n koze.

Perseverance ti en size ki nou ti diskrit longman lo la e o fet tou le de kote ti anvi trouv en solisyon pou Perseverance.

E Mr Speaker finalman ki ti arive avek Perseverance Komisyen Elektoral ti fer en propozisyon. Ti dir tou bann dimoun Perseverance zot pou vot dan zot bann distrik. Sa sete pou eleksyon 2016.

Ti dir zot pou vot dan zot distrik e apre sa letan eleksyon i fini fer, zot pou reganny sans pou zot vot pou zot ganny en MNA Perseverance. Sa case ti al Ankour sa. Sa case ti al Ankour e se Lakour ki ti dir e largiman sete ki tou bann zabitan Perseverance ti pou ganny parey nou dir an Angle *two bites at the cherry*.

Zot ti pou vot Baie Lazare e apre sa zot ti pou vot Perseverance. E Lakour ti dir klerman ki poudir sa bout dan lamannman ki pa blyie Mr Speaker Lasanble ki Onorab De Commarmond ti *Leader of Government Business*, Onorab Sébastien Pillay ti en Manm Onorab Chantal Ghislain ti en Manm, zot ki ti aprouve sa lamannman. Zot ki ti aprouve sa lamannman e Lakour ti *rule* Lakour Konstitisyonnel ti *rule* ki poudir sa pa ti

konstitisyonnel, parski nou Konstitisyon i *provide* pou ki en voter i ganny *one vote* dan en *general election*.

Se sa ki arive. Apre sa zot vin isi zot vin fer en ta, en ta bann zistwar ensidswit. E prezan sa ki tris e ki mon espere ki dimoun Roche Caiman in konpran byen se ki zot Manm ki reprezent zot dan Lasanble li i anval tou sa ki Onorab Loze in dir e ki mannyer i apel sa? Laverite. *Ooh! Mon Dieu*, se sa kalite keksoz ki nou bezwen sanze. E si nou pe koz lo si nou pe koz lo donn nou pei bann meyer Lalwa pou eleksyon se sa ki nou pe bezwen pe rode.

E mwan Mr Speaker parey Onorab Gill mon pou dir ki nou de Onorab Gill nou fyer pou kontribisyon ki nou'n anmennen, pou donn nou pei bann meyer Lalwa Elektoral.

Mon fyer ki pou dir mon form parti sa prosesis. E letan mon'n dir pou dir i annan serten keksoz ki nou bann Manm pa vreman sezi e ki zot demann kestyion.

Mon ava donn en ki senp fek ganny soz ankor lo bann dimoun ki pou ganny 100an si nou pa pe koup zot drwa, si nou pa pe zet zot, si nou pa pe isi laba.

Non. Fodre ou konn son *background* sa. Ki son

*background?* Avan sa, e SPPF ti fer sa byen lemoman ki en dimoun i kit pei zot ale zot fer konplent zot fer tir non sa dimoun lo rezis voter. Me an 2013 letan *previous* Komisyon Elektoral letan nou ti pe fer sa travay e mwan mon konnen mwan parske mwan mon ti *boycott*, mon ti diriz en *boycott* pou eleksyon Lasanble Nasyonal senpleman akoz reform elektoral.

Wi, koman *Leader* SNP nou ti *boycott* eleksyon 2011 pou nou ganny reform elektoral. E apre sa nou ti rantre dan sa prosesis ki ti prodwir en rapor ki bokou dimoun in blyie. E ki ozordi i annan bokou bann keksoz ki dan rapor 2013 ki pe ganny anmennen devan nou pou sa konsiderasyon.

Donk mwan mon kontan bann keksoz ki nou'n fer ladan. E mon ava zis donn zot enn de bann keksoz pozitiv ki'n arive.

I malere ki poudir dan sa letan Prezidan pa ti deside pou li anmenn tou bann reform ki ti ganny prezante. E i ti swazir en pe bann keksoz e finalman nou pa'n finalman nou pa'n ganny tou bann keksoz. Me enn bann keksoz ki nou ti gannyen apre reform 2013, sete ki rezis voter ti reste ouver lannen antye.

Avan sa rezis voter ti ouver en pti lafnet an Zanvye kot tou keksoz ti ariv an Zanvye. Me nou ti fer reform pou ki rezis voter i ouver en lannen antye e se sa ki ozordi nou annan *continuous registration*.

Sa sete enn bann gran keksoz ki mon konsidere. Ozordi nou pe koz lo *electronic register of voters*. Be sa sete en lot keksoz ki nou'n lager sa nou'n ariv ziska Ankour pou ganny *electronic register of voters*.

Ki bokou pa konnen nou ti ganny zis en *hard copy of the voters register* e apre sa letan nou ti ganny premye *electronic version*, pa ti kapab fer nanryen avek ou ti kapab zis regarde parey ou pe regard en *hard copy*.

E sete Ziz Renaud, Ziz Bernadin Renaud ki ti Ziz dan *Judicial review* e ki ti dir non, fodre ki ou donn *electronic copy* kot sa dimoun i kapab fer serten travay lo la.

E dan en *excel format* kot nou kapab fer. Tousala mon pe zis mansyonn enn de sa bann keksoz Mr Speaker pou nou zis pou mete ki poudir se bann keksoz ki nou pe bouze. E zis pou retourne lo nou bann dimoun 100an. Nou ti pran konsiderasyon an 2013 *the right of the migrant worker*.

Savedir sa Seselwa ki al dan en lot pei pou li al travay.

*And the right of the migrant worker en Treaty* ki Sesel in ratifye, in accéder ti mete ki poudir menm si sa dimoun i kit son pei i ganny drwa partisip dan lavi son pei.

E sela kot nou ti rantre avek sa zafer ou pa kapab tir non en dimoun lo rezis voter amwen ki ou'n antre an kontak avek sa dimoun. Pou demann li be eski ou'n imigre? Ou pa pe retourn Sesel? Ou pa pe, tout sa bann keksoz e son non ti kapab reste.

E enn bann problem ki ti arive se ki lo rezis voter ti annan serten dimoun ki ti'n arriv plis ki 110an. E aprezan enn bann kestyon sete be ki mannyer, ki mannyer nou azir parski sa bann dimoun nou pe rod zot pa konnen kot zot ete e zot non zis pou kontinyen monte lo dan rezis voter akoz ou pa kapab tir zot non.

E sela ki sa provizyon pe ganny fer. Sa provizyon pa pe tir non personn. Me Komisyon Elektoral i annan en prosesis ki pe mete la. Me Komisyon Elektoral avek bann dimoun laba zot pou fer en travay, en travay ki solid.

Avan zot tir non en dimoun oubyen avan ki zot met sa lalis, zot pou'n fer en travay

intern kot zot ava sey kontakte kote sa dimoun si sa dimoun in anrezistre Baie Lazare zot ava kontakte DA Baie Lazare, zot ava sey pran lenformasyon lo kote sa dimoun si zot konn sa dimoun. Si zot war poudir personn pa konn sa dimoun ler la i ava pibliy sa lalis.

I ava pibliy sa lalis pou ki sa bann dimoun i kapab vini. E sa se pou evite ki nou lalis voter i kapab i pa zis ranpli avek bann dimoun. E en lot ka la par egzanp la letan nou pe koze mon personnelman mwan mon konn en dimoun ki ti'n natiralyze Sesel ki ti'n al Lanmerik e letan in Lanmerik in tonm malad e zot in retourn li dan son pei lo kontinan Lafrik e in mor.

Be letan mon regard lalis St Louis son non i lo la li, be akoz napa okenn manm son fanmir ki'n vini ki'n al anrezistre son lanmor isi be dan 25an letan i pou ganny 115an son non pou ankor lo rezis voter li.

Alors nou pe senpleman sa ki Komisyon Eleksyon Elektoral pe prezante se en keksoz pou regarde ki mannyer nou kapab fer li. I pa pe aras personn son drwa e mon krwar ki pou dir sa bann keksoz ki nou pou bezwen konpran byen.

E Mr Speaker ou war fodre ki sa bann reform ki nou pe regarde ozordi dan sa Lalwa fodre pa ki nou regard zis sa Lalwa. Sa ki fodre nou regarde se sa 2 rapor ki i annan ki Komisyon Elektoral in prezante.

Nou ava rapel ki se Mr Hendricks Gappy ki ti prezant tou lede koman *Chair Electoral Commission*. Prezant enn an 2013 e apre sa 2017 letan i ti prezante apre sa i ti *step down*.

E se letan nou regard sa bann rapor ki nou pou war zot rezondet akoz ki zot in ganny mete. Par egzanp akoz ki ozordi pe donn definisyon *rejected ballot paper, spoiled ballot paper, total votes cast, valid votes cast, votes cast in favor of a candidate?* Senpleman akoz ti annan konfizyon apre eleksyon 2011 e Lakour li menm zis pou ilistre sa konfizyon, Lakour Siprenm ti donn en zizman e Lakour D'Apel ti donn en lot zizman.

E apre sa dan bann reform 2013 se la kot zot ti pe propoze lo paz 45 sa rapor, se la kot zot ti dir ki mannyer pou donn en definisyon pou ki *once and for all* keksoz ti a kler. E sa ti arive akoz menm provizyon konstitisyonnel dan son *schedule* pa ti ase kler. Alor se pou sa rezon ki pe vini.

*Dezyenm, appointment of Deputy Electoral Officers* sa i vini akoz nou pe fer antre *alphabetical block voting* ki ou bezwen plis *Electoral Assistant, Electoral Officers* e an plis ki sa pe fer antre ki bann *incapacitated voters* ki pa oule ganny asiste ou pou bezwen 2 sa bann *assistants* pou ed zot pou zot eksprim zot vot.

*Provide ki poudir 'staff i ava of proven integrity'* se parski in ganny montre dan *court case* the parey dimoun in fer referans avek *the famous 'However case'* ki poudir ti annan serten zofisyé ki '*was not of proven integrity*'.

E ki annan serten keksoz ki ti pe pase ki pa ti bon. E mon'n koz lo sa *Chief Registration Officer* pou regard bann dimoun ki ganny 100an. Apre sa *register* pou fit pou fer *alphabetical voting*. Nou ki ti demande sa, nou ki ti demande pou fasilit keksoz e akoz nou ti demann sa i senp.

Dan en stasyon vote si ti annan 3 laliny ki en dimoun ti kapab prezant li pou al vote ti kapab prezant li pou al vote annan 3 rezis voter. Ti annan 3 rezis voter e en dimoun ti kapab swazir pou al lo nenport.

E apre sa *tallying at the end of the day* pa ti ganny fer avek rezis voter. Malgre ki

Lalwa Eleksyon ti dir ki *there shall be one voter register*. E se la kot *alphabetical voting* ti rantre pou fer sir ki si ou sinyatir i “c” ou pa kapab i annan zis en landrwa pou ou ale e pou eleksyon 2016 nou ti war sa an aplikasyon kot finalman.

E mon kontan poudir zot pe met li kler dan Lalwa aprezan ki i pa pou zis vin en pratik me i pou antre dan Lalwa. Kot *tallying at the end of the voting* i ava annan *tally sheets* kot met pti bar letan ariv 5 koupe.

Me *the real tallying* pou ganny fer dan *voters register* e sa pou montre en dimoun avek son *full* detay.

E apre sa ou ava osi balans li avek *tally sheets* ki i donne, e apre sa ou ava balans li osi tou avek la kantite *ballot papers* ki'n ganny servi, ki pa'n ganny servi pou ou kapab ganny en *good count at the end of the day*. Tousala se bann keksoz ki pe ganny propoze.

*Reduce the number of supporters.* Ou konnen i annan en lakizasyon ki'n ganny fer ki ‘ah zot ti demande sa i pratik dan-’ Pa ti sa rekomandasyon mon konnen poudir la pe dir 50 avek 10.

Rekomandasyon ki ti ganny fer lo paz 25, mon ava al

lo paz 25. Rekomandasyon ki ti ganny fer sete ki bann zot pe rekomande ki i pa *less than* 50 pour en kandida prezidansyel *and not less than* 10 pou en Manm Lasanble.

Se sa *not less than* 50. Ok. I pa ti dir Komisyon Elektoral pa ti dir it *shall be 50 or it shall be 10 ‘not less than.’*

E wi ti pran konsiderasyon bann pei *Commonwealth*. E sa ti dan reform 2013 e ti annan en msye ki ti sorti dan bann pei Caraibe. Mr Earl Simpson ki tipe asiste Komisyon Elektoral. E li wi i ti al dan bann sa ki ti pre arive dan bann pei partou e i ti donn menm donn nou en latab kot i ti war par egzanp *Antigua* ki annan en sistenm parlmanter i annan 53,000 voter li sak dimoun i bezwen zis 10.

*Australia* i bezwen 50 pou ankor enn fwa parski *Australia* i en *parliamentary system*. E enn ban keksoz ki nou bezwen mazinen se ki *most of those Commonwealth countries* i annan en *parliamentary system of government*.

E nou napa en *parliamentary system of government* nou. Nou annan en *presidential system of government*. E letan ou pou regarde ki pou dir la pa egzanp *Canada* i o li *Canada* i 1000 e

pare sa son *deposit* ki en dimoun i bezwen mete ankor enn fwa i o. I annan bann keksoz pou balanse. E mwan pou mwan lo sa pwen mon pa pe rod anpes dimoun partisipe nou. E la mon anvi fer kler Mr Speaker nou dan lo kote Lopozisyon nou pa'n obzekte ki *PDM* i anrezistre koman en parti politik.

Nou pa'n obzekte ki *One Seychelles* i anrezistre koman en parti politik, nou pa'n obzekte ki *US* i sanz son non e anrezistre koman en parti politik, menm si dan *United Seychelles* i osi annan acronym pou bann lezot parti politik.

Sa ki nou obzekte e ki nou pou kontinyen fer, nou pou kontinyen obzekte se letan en dimoun i vol en non ki'n ganny servi par nou. E mon pa pou al plis ki sa akoz i *sub judice the say*. Me sa ki enteresan Mr Speaker se ki letan nou pou pran nou dezyenm *Bill*.

Letan nou pou pran nou dezyenm *Bill* tou sa bann largiman ki nou ti'n mete devan Lakour pou rantre ladan. *It will no longer be en kestyon ki en dimoun i taye i pran en non e apre non, non, non pou annan en prosedir ki pou ganny swiv.* E sa ankor enn fwa mon anvi felisit Komisyon Elektoral pou

zot pran sa bann linisyativ parey. *Ok?*

Parski se sa la fason ki nou koze e rezon akoz nou al Ankour nou se parski nou al laba pou nou sey ganny en balans lo serten keksoz, serten *case* nou gannyen, serten *case* nou pa gannyen e alors se sa en pe ki nou pe koz lo la.

Mr Speaker sa lot pwen (*g*) ki koz lo “*where a candidate uses the name of a person without his knowledge or consent*” e ki son nominasyon i tonbe.

Be Mr Speaker ankor enn fwa letan nou konn *the history* se parski zisteman in arrive sa. In arrive sa e i annan e dan sa menm sityasyon la kot ti annan en parti politik ki ti'n prezant son bann *nomination forms*. E apre erezman lakour ti dir *strike li out* e i pa pou kapab partisip ladan ti annan en kantite dimoun ki ti zis aprann ki poudir zot non i lo bann form.

E mwan mon konn en zofisyen ki en dimoun ti kriy li ti dir li e mon war non ou kouzen laba. Prezan i dir kwa mon kouzen in fek anrezistre koman en voter, non i pa'n siny okenn form se parski sa bann zafer ti arrive.

E mwan mon siporte sa. Fodre ki i annan lonnekte. E mwan mon ti ava menm dir e

mon kontan ki poudir ou pou bezwen annan en kopi sa *ID card*, pou montre ki poudir tou non ki lo ou papye *nomination paper* se bann non ki *genuine*.

E sa i ava fer ki Komisyon Elektoral li i pa ava bezwen reponn kestyon. E sa mon krwar mon pou siporte san poursan Mr Speaker.

Mr Speaker provizyon pou *postponement of nomination day* ankor enn fwa sa se bann provizyon ki osi dan sa *model law* parski nou bezwen fer provizyon kot i annan *force majeure* i annan okenn lezot keksoz ki mannyer nou pou fer sa.

*Special queue for* pou bann *aged, pregnant* e bann ki bezwen lasistans pou vote, ankor enn fwa fantastik nou bezwen sa.

*One polling agent* war in annan en konfizyon, i annan en Manm lot kote in konfize. I pa pe dir ou *one polling agent* pou sa *polling station*. I pe dir ou *one polling agent* pou sak fasilité. Letan ou pe fer *alphabetical voting* i ava annan 2 group oubyen 3 regroupman ou ava kapab anmenn en *polling agent* pou sak sa soz pou fer sir ki *the* i annan *oversight* lo tou sa ki pe arive.

*Ballot paper shall be perforated.* Sa i direkteman pa

*ballot paper* par sa *serial number*. E la mon krwar ki fodre nou fer li kler. Sa eleman *serial number* i pa pou lo *ballot paper*, parski e la mon ti ava demande Mr Speaker ki letan zot pe fer *voters education* ki Mr Lucas koman, Mr Lucas avek son group avek *The Chief Electoral Officer* zot met sa byen dan ledikasyon voter.

Parski deza la i annan serten dimoun pe komans soz poudir e pou annan nimero lo *ballot paper*. Non, pou napa okenn nimero lo *ballot paper*.

Nimero pou lo sa *stub*. Se lo sa talon. E akoz i pou lo sa talon ? Ankor enn fwa i pou rezulta nou *court case*. Parski ki nou ti dekouver ti annan bann liv *ballot papers* ki ti annan 98 fey ladan, ti annan lezot ki ti annan 101 kan zot sipoze annan 100.

Alors la ozordi sa ki sa lamannman ki pe ganny fer. I a pe fer sir parski i pou annan en nimero lo son talon pou fer si ki letan i dir ki en *ballot book* i annan 25 i annan 25.

Letan i dir i annan 100 i pou annan 100. Se sa ki pe arive e ankor enn fwa napa problem.

Lo kote fasilit keksoz pou ki ou pa kriy *ID number* me ou kriy *page line* e ou sa in fini vin en pratik ki poudir *page line* se

sa ki pou bann *polling agents* i note e apre sa parski zis koman i dir *page line* nou konnen poudir i lo sa rezis nou konnen egzakteman lekel sa dimoun.

So sa i ava ede pou fasilit *the process*. Ok. Definisyon *incapacitated voter* ki ankor enn fwa dan bann rekomandasyon direk alors ankor enn fwa napa problemm.

Mr Speaker mon ava dir ki mwan mon osi tou mon pou pouse pou ki nou tenir sa sif 500 avek 50. Annou nek zis fer en rezon si en dimoun i anvi prezant li koman en kandida prezidansyel. Ozordi nou annan nou 26 distrik. 500 diviz par 26 konbyen i vini? Apepre 20. 500 diviz par 26 i apepre 20. Be si ou anvi met ou kandidatir pou vin Prezidan Sesel be si ou napa 20 dimoun ki pare pou siny ou papye dan sak distrik be mon krwar ou pa devret moralman ou pa devret.

Moralman ou devret al fer lezot travay. E alor mwan nou pou apiye lo sa kote e an plis ki sa si ou anvi vin en Manm Lasanble, si ou anvi vin en Manm Lasanble dan en distrik ki mazorite bann distrik i annan environ 3000 voter ant 2500 a 3000 voter lo rezis voter. Ou le dir mwan 50 dimoun ou pa gannyen dan sa distrik pou

siny ou papye? Be ou annan en gro problemm.

Dan sa ka ou pa devret vin met ou lekor devan al fer plis travay e letan ou'n ganny 50 la ou ava vin partisipe dan sa prosesis. ParSKI sa prosesis elekSYON an menm tan i en prosesis ki serye sa ou pa vin met ou lekor koman kandida avek 10 dimoun zis pou ou kapab ganny *free air time* pou ou koz lo nenport size ki ou anvi. Non.

I en prosesis serye sa zafer elekSYON. Alor mon krwar ki sa nou, me i annan en size ki nou bezwen veye. E la ankor enn fwa bann dimoun ki pa konn *the history* zot vini zis zot fer tou kalite lakizasyon, ah lontan bann dimoun ki pou soz 17an ti otomatik ek la zot pa soz otomatik.

Rezon ki Lakour Konstitisyonnel pa LDS, pa SNP pa nenport parti ki'n fer sa. Rezon ki Lakour Konstitisyonnel ti *rule* ki poudir sa zafer tou bann zenn ki pou ganny 18an dan prosen 15 mwan apartir Zanve ki zot non i vin lo rezis voter avek 2 asterisks o bor se parSKI Konstitisyon i dir avek ou fodre ou annan 18an pou ou anrezistre, se sa.

Napa nanryen pou fer avek parti politik sa. Sete

interpretasyon Konstitisyon. E alor sa bann lakizasyon par bann gran koneser ki fer bann gran diskour, ki vin koz laverite ki isi, ki laba *absolute nonsense* !

*Absolute nonsense, absolute nonsense ok ?* Me mon krwar ki poudir enn bann keksoz ti pou bon pou nou diskite pandan Staz Komite se pou nou regarde ant sa prosesis *registration* avek sa drwa konstitisyonnelle.

Sa drwa pou ou vote letan ou annan 18an e sa nou ava pran en pe letan mon konnen ki poudir Onorab Georges tou pou koz lo la.

Pou nou regarde ki mannyer nou kapab pa *deprive* en zenn ki pou ganny 18an zour eleksyon oubyen avan ki mannyer nou pou kapab *take care of* sa.

E la Onorab Gill i ava mazin byen nou'n deza fer fas avek sa sityasyon e ofet Komisyon Elektoral ti al devan Lakour Siprenm. E Ziz ki ti lir ki ti ekout sa ka sete sef Ziz li menm Mrs Mathilda Twomey. E pwen sete pou Lakour donn en desizyon lo kwa ki pou fer.

E li Sef Ziz i ti dir malerezman Lakour pa kapab donn en direktiv. Komisyon Elektoral i bezwen swiv Lalwa.

W ki nou ti retournen e nou ti fer nou ti fer en *addendum*.

Komisyon avek laprouvason tou bann parti politik ti fer en *addendum* lo tou bann zenn ki ti pou ganny 18an ziska zour elekson e sa e *addendum* mon pa pe mazin egzakteman kekfwa Onorab Gill i ava petet en pe pli mazinen ki mannyer sa prosesis ti ganny fer pou *bypass* sa eleman ki fodre ki fodre ou ganny sa vizit avan pou konfirmen ki poudir ou la.

Mon krwar ti annan en travay ki ti ganny fer avan par elekson, Komisyon Elektoral. Parski zot kapab fer en kantite travay, parski sa *addendum* pa anpes zot pou zot regarde lekel bann zenn ki pou ganny 18an, ki prosesis zot pou servi.

Zot kapab servi sa menm prosesis la parski zot kapab envit sa bann zenn pou rapport kot en stasyon e met zot non san ki zot al lo sa lalis ki pou ganny sertifye letan i fermen.

Me ki i ava soz e si fodre fer nou fer bann amannman neseser dan Lalwa mon krwar ki nou ava fer li e sa nou ava kapab pase avek. Mr Speaker ou war Onorab Roche Caiman in koz lo prizonnyen ki zot non i ankor lo rezis voter.

*(Interruption)*

**MR SPEAKER**

Onorab, Onorab, Onorab Audrey Vidot napa Onorab Roche Caiman. Onorab pou distrik Roche Caiman.

**HON WAVEL RAMKALAWAN**

Wi, wi be parski mwan mon'n dir sa avek tou respe akoz *this is part of parliamentary* par egzanp *L'Angleterre* dan *House of Commons in fact House of Commons* pa *refer* ditou avek non, me i plito *refer by constituency*.

Mon'n, ok Onorab Audrey Vidot in mansyonn prizonnyen. E sa zafer prizonnyen la i dan bann rekomandasyon dan bann rekomandasyon Komisyon Elektoral kot ti an 2013 zot ti dir i pa neseser pou tir non tou bann prizonnyen.

Me sel keksoz se zour eleksyon ou fer si ki parski dan nou Lalwa i annan *criminality* i enn bann rezon akoz en dimoun pa kapab vote.

Me Mr Speaker enn bann keksoz ki pe arive de pli ampli e Sesel etandonnen nou en Manm SADC.

Mon bezwen dir ki *the right of prisoners* dan sa *model law* i ganny notifye e de pli an pli nou pe dakor e SADC i rekonnet ki poudir letan en dimoun i ganny kondannen sel

drwa ki ganny pran avek li se son laliberte. Me tou bann lezot drwa i retenir.

E drwa ki i retenir se osi son drwa pou li vote. Akoz? Akoz ou dan prizon wi me i kapab ki en parti politik, oubyen en kandida li i a pe prezant serten keksoz lo ki pou afekte ou direkteman dan prizon.

Si i dir si en dimoun pe vini pe dir pou al sanz Lalwa pou ki ou bezwen al fer tou kalite keksoz, kas ros depi 6er bomaten ziska 7er diswar ensidswit.

Sa dimoun i devret kapab annan sa drwa pou li dir be sennla la pa pou bon pou mwan alors mon pou azir lot fason. So i zis ou laliberte ki ganny pran e apre sa napa problem.

Alors Mr Speaker mwan mon pou dir ki sa bann lamannman ki pe ganny prezante zot an konformite avek tou bann rekomandasyon ki nou'n fer. E mon krwar ankor enn fwa i pou ede pou anmenn nou *system* pli devan.

E mon krwar ki napa okenn problem pou siport sa bann amannman e byensir dan *Committee Stage* nou ava regard pli byen, tou sa bann detay e sa i ava permet nou kapab annan en *major improvement* lo nou Lalwa Eleksyon e pli tar letan

nou al lo *registration* bann parti politik pou nou osi annan sa.

Alor Mr Speaker mon sel regre se ki letan mon'n retourne an aryer e mon'n ekout SONA 2018, ki ti ganny fer byensir par Mr Faure dan son kapasite koman Prezidan.

Dan son SONA i ti anons 2 keksoz. I ti dir nou pou al i pe regard bann amannman sa Lalwa e apre bann lamannman konstitisyonnel e ki tou le de Lalwa ti pou ganny, tou le de Prozedlwa ti pou ganny prezante devan Lasanble *by Septanm* 2018.

Ozordi nou trouv nou 2 zour, *well ozordi* avek demen 2 zour avan ki Lasanble i dizourd e ki nou pe se lavey byen lwen avek 2018 ki nou pe fer sa travay.

Me toudmenm mon anvi dir avek Komisyon Elektoral avek tou bann *staff* nou konnen ki pou dir i en *challenge* pou zot. E mon konnen ki poudir zot ti pe deza prepar zot pou en elekson me ki la zot premye lesey zot pa ganny en pti baba me zot ganny *twins*.

E ki si sa lozik ki ti'n ganny swiv konsernan depans zot ti riske ganny *triplets* parski ti pou osi annan elekson pour *District Council*. Alors mon konnen ki zot a laoter mon swet zot kouraz dan sa travay ki zot

annan. E Mr Speaker letan mon terminen mon ti ava kontan profit lokazyon pour lo lapar tou nou bann Manm isi dan LDS pou prezant nou senser kondoleans avek Mr Frank Ally avek son fanmir. Mersi bokou Mr Speaker.

### **MR SPEAKER**

Mersi Onorab Ramkalawan. Mon ava donn laparol Onorab Simon Gill.

### **HON SIMON GILL**

Mersi bokou Mr Speaker. Mersi Mr Speaker, bonzour VP avek tou Manm delegasyon. Bonzour tou Manm Onorab e Manm piblik ki pe ekout nou.

Mr Speaker mon realize i 11.53 dapre nou revey dan Lasanble Nasyonal. Mon prezimen ki 11.57, 11.57 mon prezimen ki ou pou prolong lazournen.

Me Mr Speaker Prozedlwa prezante devan nou Lasanble Nasyonal i donn nou en loportinite pou nou vreman vwar e apresye ki nou pe annan en kantite sanzman dan la fason ki Sesel pe antisipe kontinyelman administre prosesis demokratik atraver elekson.

In annan en kantite in ganny dir par bann Onorab lo tou le de kote latab. E lo nou

kote isi mwan mon enn sa dimoun ki'n reprezant sa kote latab dan tou bann reform elektoral. Bann rankont reform elektoral ki'n ganny fer.

I annan de dokiman ki'n ganny prodwir e bann Prozedlwa ki konteni esansyelman bann rekomandasyon ki nou'n soumet avek Egzekitiv pou zot met dan bann Prozedlwa.

E byensir dan bann diferan moman nou Lasanble Nasyonal in konsider merit sa bann sanzman dan nou *system* elektoral. Mr Speaker i annan en lenpresyon deor e pete menm isi anndan ki demokrasi atraver sistem elektoral i egziste dan en fason parfe dan bann lezot pei.

E mwan mon ava dir zot ki si i annan en pli gro lerer ki nou kapab pe fer se konsidere ki annan okenn sistem elektoral ki parfe dan lemonn e dan okenn pei. Ni sa bann pei ki *préconiser* ki zot bann model demokrasi zot sistem elektoral i dan dekadans.

I annan en kantite magouy ou manboulouk ki pase dan bann sistem elektoral e mon pa pou ezit-e poudir enn bann pei ki *préconiser* ki annan en sistem pli meyer se Lanmerik.

E ozordi son sistem elektoral i kestyionnen par bokou bann akter ki pe partisip dan zot sistem elektoral.

E lemonn in reisir apresye ki dinamik i annan dan sistem elektoral Ameriken.

E mon a sorti Lanmerik e mon ava al dan nou pei la rezyon lo nou kontinan Lafrik. Napa enn sa bann pei ki annan en sistem elektoral ki parfe.

E Sesel, Sesel nou fer en gran progre. Si taler Onorab Ferrari i anvi koz lo sistem elektoral *Cuba* ou a demann Speaker e i ava donn ou loportinite ou ava koz lo la.

E pou nou retourn lo dokiman ki Onorab Ramkalawan in prezante son proze *model law*. I vre i annan en kantite bann rekomandasyon ladan kot zot definir klerman mannyer zot ti a voudre vwar sistem elektoral marse dan bann pei SADC.

Me dan sa bann menm pei ki pe koz e pe dir ki mannyer zot ti a voudre vwar sistem elektoral marse dan pei SADC zot menm zot i annan bokou pou aprann avek sistem elektoral Sesel.

*And they need to learn it learn it well, the proper way* akoz Sesel avek tou nou lenperfeksyon ki nou annan nou annan en sistem elektoral

ki mannyer mwan mon vwar li avek sa evolisyon ki'n annan mon vwar li koman en sistenm elektoral ki byen.

Me ki byensir toulstan i annan posibilite, loportinite pou en pei amelyor son sistenm elektoral.

E dan ka Sesel mwan mon ava dir ki i annan ankor lespas pou nou fer amelyorasyon avek nou sistenm elektoral. Mr Speaker donn mwan loportinite pou koz lo detrwa bann sanzman ki aparet dan sa novo Prozedlwa prezante devan nou Lasanble Nasyonal.

Mon a pran bann dernyen bout ladan ki koz lo *voter census*. Si i annan en keksoz ki Sesel pou fer en gran pa an avan se zisteman ler nou met an aplikasyon prosesis ki'n definir *voter census*, or prosesis ki definir lenplikasyon or enplimantasyon *voter census*.

Mon ti ava swete Mr Speaker me malerezman donnen nou sirkonstans ki nou vwar nou ladan. Mon ti ava swete ki avan elekson Lasanble Nasyonal i ganny fer ki Sesel ti ava kapab fer de novo en *voter census*.

Me nou konnen dan rikord nou'n deza fer en *voter census* e mon pe prezimen ki ler sa Prozedlwa i pase probableman i ava annan serten konteni dan

sa *voter census* ki nou'n met li akote ki kapab servi pou en bonn koz.

Me si an ka pa kapab servi nou pou en bonn koz, mon swete ki apre sa elekson Lasanble Nasyonal e prezidansyel i fini ki Komisyon Elektoral i organiz son lofis. Rod tou bann parti prenan e egzekit en *voter census* ki konpreansiv byensir.

Akoz mon pe dir sa e akoz ki mon pe pran sa dernyen bout dan sa Prozedlwa Mr Speaker? Mon'n tann mon MNA Mont Buxton koz lo bann dimoun ki lo lalis voter Mont Buxton me ozordi zot trouv zot aparet or ki dan teritwar Mont Buxton.

Dapre li, dapre nou *topography* e zot vwar zot pe ganny demande pou al anrezistre lo Beau Vallon.

Zeografikman baze lo nou delimitasyon *boundary* wi zot tonm dan distrik Beau Vallon.

Me nou pa aret la. Mr Speaker mon pa konnen ki mannyer Konmisyon Eleksyon pou soutenir e adres sa kantite voter ki'n ganny transfer dan diferan distrik e ki nou annan lenformasyon kredib ki zot pa reste dan sa bann distrik.

E sa bann sanzman sa bann novo dinamik pa ti la dan dernyen elekson 2015,2016 me zot in aparet

apre eleksyon 2016 ler nou ti annan byensir eleksyon Lasanble Nasyonal.

Ki mannyer Komisyon Eleksyon pou adres tou sa bann lobzeksyon ki pou ganny anmennen devan zot lofis. I annan en kantite dinamik delibere ou non ki'n ganny fer e ki'n distort nou lalis voter dan serten bann distrik elektoral, pou mwan sa i sagrinan.

E i pa en sityasyon ki parey mon'n tann koz lo la ozordi bomaten dan sa Lasanble nou bezwen rode ki mannyer nou adres sa sityasyon.

Akoz la nou pa pe koz zis Eleksyon Prezidansyel kot rezulta i pa neseserman annan en dinamik lo nivo distrik me i annan en dinamik Nasyonal, me ler ou fer eleksyon Lasanble Nasyonal bann voter ki dan bann diferan distrik elektoral i annan en novo dinamik ki nou bezwen pran an konsiderasyon.

Me labote dan sa Prozedlwa Mr Speaker se ki i pou donn Konmisyon Elektoral en loportinite apre ki nou'n fini sa faz eleksyon fer sa *voter census*. E donn en novo laspe kredibilite nou lalis voter ki enn bann largiman ki Onorab Ahmed Afif in kontinyelman koz lo la dan bann *meeting* ki'n ganny fer avan eleksyon

Lasanble Nasyonal e Prezidansyel 2015/2016.

Mon rapel tre byen bann soumisyon ki i ti fer kot i ti pe koz lo kredibilite lalis voter. E si nou vreman pe rod kredibilite lalis voter Mr Speaker nou bezwen enn fwa pour tou *clean-up* sa lalis voter. *Clean li up*, i en nesesite mon a dir absoli ki nou *clean li up*.

Me nou pou tonm dakor byensir i annan bann *meeting* ki mon pe prezimen ou pou organize ki nou a kapab bouz lo la.

Bann dimoun ki pe ekout nou malgre petet i tro boner ler *voter census* in ganny fer. Bann dimoun ki pa ganny trouve dan zot distrik kot zot aparet lo sa lalis, zot non pou ganny pibliye e zot pou annan en peryod 6mwan pou zot vin reklamen pou pa tir zot non e reklamen pou zot non reganny tournen or reste lo lalis voter.

I sel fason ki mwan mon vwar ki nou kapab ganny nou en lalis voter ki kredib. Byensir si nou pa kapab trouv ou, ou non ava ganny retire lo sa lalis voter.

Mr Speaker mon krwar bann dele letan ki pe ganny donneen pou kapab evantyelman annan en lalis voter kredib atraver bann provizyon dan sa Prozedlwa i

rezonnab e ki kot i pou ganny depoze dan bann diferan lofis kot pe ou bann stasyon anrezistreman dan bann Biro Ladministrasyon Distrik.

Kot Larsiv Nasyonal e lezot landrwa mon krwar i kapab fer sa legzersis vin en realite en realite ki pou konte. Lot keksoz ki ant nou bann parti part politik nou'n tonm dakor lo la dan lepase Mr Speaker atraver lantant i annan en kantite keksoz ki bann *Gentleman's agreement* ant bann *political parties* nou'n tonm dakor lo la.

E ki i aparet dan enn fason legal ozordi ki mon konnen sa Prozedlwa i pou pase e i a donn en lezitimite legal.

Par egzanp nou dir zis 2 dimoun ki en dimoun i ganny swazir pou kapab anmenn kot sak Stasyon Eleksyon ki bezwen lasistans.

E nou'n tann bann kritik ki'n ganny fer par Onorab Hoareau, Onorab Woodcock dan zot lentervansyon zot in dir nou'n pran dimoun lo *stretcher*, nou'n pran nou'n anmennen nou'n al fer vote.

Me mon ava dir avek sa Onorab dan *LDS you will learn it the hard way*. Zis demann Onorab Ferrari dan dernyen eleksyon Lasanble Nasyonal an 2016 ki i ti fer Mont Fleuri. *You will learn well* atraver en zonm

eksperyans dan politik Onorab Woodcock.

Aprann ek bann dimoun ki annan leksperyans dan *LDS*. Ou ankor tro feb pou ou kritik serten bann pratik ki'n ganny fer pou onorab Jean-François Ferrari tou vot i konte dan Mont Fleuri.

E se pou sa rezon ki i ti anmenn serten bann dimoun ki pa ti kapab mannyer zot lekor pou ariv kot stasyon vote e i ti fer li e sa dimoun ti vote e ti donn li en vot atraver ou Mr Speaker byensir.

*(Interruption)*

### **MR SPEAKER**

Onorab, Onorab. Mon krwar la ou pe al en pti pe tro lwen amwen ki ou kapab prouve *Standing Orders* i fer mansyon sa. So mon ti a kontan ou ti a *retract sa statement* ki ou'n fer e kontinyen ou deliberasyon.

### **HON SIMON GILL**

Mr Speaker Onorab Ferrari i dir mwan i *ok*, akoz i konnen i ti fer.

Me selman si mon, si mwan, si ou dir mwan *retract* mon *retract* tou *statement* ki Onorab Ferrari ti pran bann dimoun ki pa ti kapab mannye zot lekor ti amenn kot stasyon vote pou vote.

**MR SPEAKER**

I pe *retract*. I pe *retract*, i pe *retract*. Kontinyen, kontinyen Onorab. Kontinyen Onorab Gill.

**HON SIMON GILL**

Mr Speaker enn bann lezot keksoz enportan ki nou'n reisir met dan sa Prozedlwa se fasilite pou nou bann dimoun ki annan serten limitasyon fizik, bann madanm ki anvwadfanmir e bann lezot dimoun ki annan serten limitasyon pou met en laliny spesyal pou zot.

Nou'n koz lo la nou'n agree ant bann parti politik e sa Prozedlwa devan nou pe fer sir ki nou donn li en legzistans legal pour ki napa personn ki konteste sa.

E ler bann Onorab lo nou kote lot kote latab i anmenn bann dimoun e plas ou dan sa bann laliny nou pe konpran pou napa okenn rezistans.

E mon oule osi aplodi lefe ki prosennman dan sa eleksyon ki pe vini nou pou annan en prosedir eleksyon ki mon swete i flot tre byen akoz nou pe legaliz e formaliz bann diferan stasyon kot dan lord alfabetik nou bann dimoun pou kapab ale vote.

Espesyalman la dan sa moman kot nou pe annan bann restriksyon COVID-19 mon krwar ki sa separasyon i vin itil

e ki i a kapab donn en nouveau dimansyon dan nou fason ki nou vote isi dan Sesel.

Me mon ava demann avek Komisyen Elektoral ki si zot in kapab definir ki kantite nou bann *polling agent*, nou pou kapab finaliz nou lalis pou ki nou koresponn la kantite nou *polling agent* avek lakantite fasilite vot voter ki pou annan dan sak nou bann distrik.

Sa ti ava byen nou ganny li boner akoz preparasyon nou bann *polling agent* i en legzersis ki nou bezwen fer li boner a tan.

E si zot in fini kapab diskite e agree par egzanz pran en distrik kot mwan mon reste Mont Buxton. Kot mon *MNA* in dir i annan aepre 2000 plus dimoun ki pou al vote. So ki kantite stasyon ou pou annan or fasilite ki ou pou annan dan stasyon vote Mont Buxton a la fwa.

Kot dimoun pou vote ou pou annan 3 fasilite ou pou annan 4 e nou ava kapab pe prepar nou bann *polling agent* accordingly akoz ou pe spread li lo nivo 26 distrik.

E si ou miltiplier 26 par en sif modest dizon par 3 nou pe koz nou plis ki en 75 dimoun lanmenm la ki nou bezwen annan en bon nivo preparasyon.

E ou bezwen annan en sistenm rotasyon adekwat pou fer sir ki nou bann dimoun pa fatige akoz nou annan en lazournen vote depi bomaten 7er ziska 7er diswar ler stasyon vote i fermen.

Mr Speaker i annan bann definisyon ki'n ganny koz lo la ki tre enportan, bann definisyon ki ti kree serten problemm serten difikilte pou nou ki'n anmenn *case Ankour*.

Mon krwar sa bann definisyon *valid vote*, total *vote cast* eksetera ki'n ganny definir dan en fason kler dan sa Prozedlwa mon krwar sa i ava donn en nouveau dimansyon finalman letan rezulta i ganny proklanmen mon swete ki napa okenn kontestasyon.

Mon le zwenn bann lopinyon ki'n pase an sa ki konsern nou *ballot paper*.

Onorab Ramkalawan dan son lentervansyon in met lanfaz ki lo *ballot paper* pou napa okenn *serial number*. Pou napa okenn nimero referans si mon pou kapab kreoliz li dan sa fason.

E sa i en nouvole li, akoz avan sa nou pa ti oule ki annan okenn remark, okenn nimero ki aparet vizibleman lo okenn swa talon or lo sa *main papye* vote ki nou apel li *ballot paper*.

Me i paret mwan ki dan bann diskisyon, dan bann rekomandasyon ki'n ganny fer nou'n dir pou evite ki annan okenn bann *issues* ki arive pou kapab pli byen *tally* bann *ballot paper* apre ki stasyon vote in fermen pou rekonsilye tou bann zafer. I enportan ki nou annan en serten pwen referans.

Me de la parey in ganny rekomande nou bezwen fer sa ledikasyon voter dan en fason byen annord, byen kler, pou ki tou dimoun i konpran pou ki ler ou pe al vote atraver ou Mr Speaker Onorab Afif pa pou konnen pou lekel ki ou pe vote.

So, mon krwar i kler ki personn pa pou kapab vvar ki mannyer keksoz in pase akoz li i pou dan stasyon vote mon pou *assume* a serten moman. Pou pe gete ki mannyer bann eleksyon i marse. E si zanmen ou pou per pangar i a konnen ki ou'n vote pa bezwen trakase akoz sa nimero referans ki pou lo sa talon pa pou aparet lo sa *ballot paper*.

Me Mr Speaker nou al pli lwen, nou al pli lwen e mon fer referans avek serten pwen ki'n leve par nou bann koleg dan lopozisyon. Mon krwar i enportan ki mon fer sa referans e sa pou anmenn mwan lo finalman pou al konklir mon lentervansyon.

Mr Speaker nou'n koz lo bann dimoun lo bann zenn prensipalman ki pou ganny 18an ler finalman Komisyon Eleksyon i pibliy dat ofisyel eleksyon ler i Gazet dat ofisyel eleksyon. Bann zenn ki pou ganny 18an ant sa dat e ziska ler stasyon vote i fermen nou a dir le 24, le 24 minwi or le 23 minwi pa le 24 minwi.

Mon'n tann sizesyon ganny fer e mon konsiderasyon lo sa size i koumsa. Mon krwar ki par lefe ki nou pa pe kapab annan sifizaman letan mon pe fer sa lasonpsyon.

Mon pa krwar Komisyon Elektoral pou annan sifizaman letan me zot ava fer zot deklarasyon zot menm.

Mon'n tann en santenn mwan mon pe dir dapre ban statistik nou pe *assume* ki i annan plis ki 200 or petet menm 400 plis zenn ki pou ganny 18an ant dat piblikasyon e eleksyon.

I riske sif pa bon me mon pe get bann dinamik Komisyon Eleksyon zot ava kapab dir nou si nou korek.

Mwan mon sizere ki malgre tou nou bann zefor ki nou pe fer or ki nou oule fer tou nou bon lentansyon pou fer bann zenn kapab vote partisip dan sa eleksyon.

Mon krwar avek respe nou pa bezwen deranz keksoz plis ki i ete la ozordi. Akoz mon pe dir sa? Nou annan levidans ki pe pran en pe letan pou bann diferan dimoun ki pre travay an kolaborasyon avek Komisyon Eleksyon pou zot fini al verifye fizikman landrwa rezidans en bon pe bann dimoun ki'n anrezistre dan bann diferan stasyon.

I ankor en *challenge* pou Komisyon Eleksyon avek son bann kolaborater. Me zot menm zot la zot ava kapab dir nou ki mannyer zot swete adres sa size e dir nou si zot santi ki disi ziska eleksyon si bann pa pou sanze or i pou sanze.

Si zot pou kapab fini al fer tou sa verifikasyon fizik e rasire ki tou sa bann dimoun e rasire ki tou sa bann dimoun ki'n anrezistre i aparet lo lalis voter.

An plis avek bann obzeksyon ki pou ganny *lodge* eski zot pou kapab arive *deal* avek tou sa bann obzeksyon ki pou ganny *lodge*?

Nou annan bann sif ziska 70,80,200 dimoun ki'n ganny bouze lo bann diferan lalis voter kot zot pe *rezid* dan lezot distrik elektoral.

I en nouveau dinamik, i en *challenge* ki mon vwar ki nou bezwen vreman balanse e

konsidere si nou pou kapab arrive fer se legzersis marse.

E evantyelman prodwir nouvo lalis voter sertifye pour dat nominasyon ler nou eksepte tou bann parti politik e menm bann kandida endepandan ki'n vin anrezistre e ki bann formalite in annord ki zot ganny zot lalis pou zot al dan zot distrik elektoral.

Mon swete ki nou ava ganny serten lendikasyon ozordi la. Si i permet me si bann lezot konsiderasyon legal pa permet dir la ozordi mon ava konpran e prosennman nou ava kapab petet ganny serten lenformasyon la lo.

Lot keksoz ki mon krwar i tre enportan ki nou konsidere se la kantite dimoun, la kantite voter ki kalifye dan sak distrik elektoral pour donn son *endorsement* bann diferan kandida ki oule debout dan eleksyon Lasanble Nasyonal. Oubyen dan Eleksyon Prezidansyel.

Mr Speaker mon fer en *flashback* bann deba ki'n arrive dan bann reform elektoral ki nou'n fer. Mon rapel dinamik sa deba e dinamik sa deba sete dan en sentez pa konplik lavi okenn Seselwa ki annan lentansyon pou li debout dan eleksyon Lasanble Nasyonal or dan Eleksyon Prezidansyel.

Sa i premye eleman. Dezyenm eleman e mon dakor avek serten *statement* ki'n ganny fer sa dinamik ti dir ki Eleksyon Prezidansyel pou ou debout pou reprezent Leta La Nasyon Seselwa i pa zis en keksoz parey konmsi ou pe bwar en ver delo ler ou leve bomaten.

I en keksoz serye e ou bezwen rasire ki ou ganny en *endorsement* rezonnab ou popilasyon or popilasyon dan ou distrik elektoral kot ou reste osi byen ki o nivo Nasyonal.

Mon krwar nou bezwen pran sa an konsiderasyon tout an rekonesan ki i pa lentansyon personn pou anpes la demokrasi fleri si nou dir la demokrasi son manifestasyon ler i pe fleri i ganny reprezante par plizyer parti politik *so be it*.

Me lo nou kote Mr Speaker sa ki mon kapab garanti serten Onorab lo lot kote latab zis pou mwan pa mansyonn zot non.

Nou parti pa responsab pou form okenn lezot parti politik ki'n aparet lo lasenn politik Sesel.

Me sa ki nou a dir zot e ki mon a fer en *statement* ozordi la. Si i annan *leader* okenn parti, okenn dimoun ki pe *lead* en parti politik or i annan lentansyon pou fer en parti politik. Si i vin koz avek mwan

koman en endivid la mon pe koz ek mwan koman endivid Simon Gill mon a dir li wi i fer koumsa, i fer koumsa akoz i pa kapab al kot Onorab Ferrari akoz Onorab Ferrari i en nanryenfer.

I pa kapab akoz ler se sa ki i vin kot mwan akoz mon pa en nanryen fer, Onorab Ferrari i en nanryen fer.

I pa fer nanryen zis i koze partou kot i pase e ou zis bavarde zis kritike napa nanryen ki byen isi pou li isi Sesel selman i pe viv ozordi i pe fleri i enn parmi bann milyonner Sesel.

So Mr Speaker vwala, vwala Mr Speaker mon pou donn zot lasistans serten konsey e ki mon pou dir zot ki mannyer bann keksoz i marse pou ou kapab arive fer ou parti politik pou ou kapab konteste en parti politik.

Wi mon pou fer li si zot vin kot mwan demann mwan en led. Ok. Mr Speaker lot keksoz ki mon krwar i tre enportan ki Onorab Ferrari i bezwen aret fer bann enterzeksyon letan ou pe koze akoz sanse i annan serten keksoz ki mon pou dir e pi i pa pou kontan pou dir mwan *retract*.

Mr Speaker mon krwar i enportan ki nou pran lezot

konsiderasyon bann prozeksyon ki nou'n fer, bann lakizasyon ki nou'n fer isi dan sa Lasamble dan nou parti.

Mwan mon pou dir avek bann voter dan distrik Mont Buxton kot Onorab Gervais Henrie in ganny elekte Mr Speaker atraver ou pou desann kot li i annan en bon pe larzan i kapab kontinyen ed zot.

E bann lezot Onorab ankor lo kote *LDS* mon pou dir avek bann voter ale pran zot larzan akoz zot pe distribye par 1000 par 2000 par 3000 pe donn lapousyer ros, pe donn makadanm, pe donn blok pe donn, pe donn *crusher dust*.

Ok. Desann zot annan en ta larzan, zot pe distribye menm si ou al dan ou pa ankor desann pou al zot *motorcade* ou ganny 1000, ou ganny par 300 se sa i enportan.

E Mr Speaker, Mr Speaker zot pe *learned it the hard way* me selman evantyelman tou bann keksoz ki zot ti dir nou'n fer ozordi zot in vin bann *copycat* e zot pe fer egzakteman parey nou nou'n fer.

E Mr Speaker, Mr Speaker zot dir nou'n fer tou keksoz ki i annan dan bann liv, dan bann *manual* vot. Dan bann *manual* prosesis eleksyon zot in ganny en kopi sa *manual* e mon dir zot

mersi bokou pour egzekit li dan en fason parfe.

E Mr Speaker, Mr Speaker mon krwar i en keksoz ki nou ava dir avek tou nou bann Onorab dan sa Lasanble Nasyonal poudir zot napa okenn sistenm elektoral dan okenn pei ki parfe parey mon ti dir dan mon lントrodiksyon Sesel nou pe kontinyelman evolye e kontinyen perfeksyon or amelyore nou sistenm elektoral.

Nou ankor annan en kantite pou nou aprann koman en lekip politisyen dan Sesel.

Ki tou bann lezot fitir politisyen ki pou travay ki pou al rod vot bann dimoun pou aprann avek nou. E mon swete ki nou kapab donn zot bann bon leson, bann bon ransennyman pou ki an retour nou annan en sistenm elektoral ki touzour pe evolye, e touzour pe kapab zwen lekspektasyon Seselwa e lekspektasyon Sesel.

Mr Speaker konklizyon final mon le remersi Komisyon Eleksyon pou travay ki zot pe fer.

Napa okenn konteni dan mon lントervansyon ki'n tante pou atak zot e parey en Onorab, Onorab Gervais Henrie in dir nou tou dan Sesel nou bezwen kontribye, partisipe pou nou kapab ganny dabor en lalis

voter ki annord e dabor ganny en prosedir en prosesysion eleksyon ki annord.

E en pwen direk pour Komisyon Eleksyon ki la. Avan ler mon blyie mon a dir zot pran konsiderasyon pwen leve par Onorab Sophola Manm elekte pou *Inner Islands* letan in dir bann challenge ki i pe gannyen e ki son bann dimoun pe gannyen or ki zabitan *Inner Islands* pe gannyen pou zot kapab anrezistre ler zot isi lo Mahé.

Nou bezwen fer mannyer fasilit sa legzersis pou ki nou redwir bann presyon, bann tansyon, bann lenkonvenyans ki serten bann zabitan pe gannyen.

E nou bezwen osi rasire ki tou dimoun, tou dimoun ki pe travay lo zil nou pa kapab fors zot pou zot anrezistre lo lalis voter sa zil.

Espesyalman la mon pe koz pou Grand Anse Praslin pou Baie St Anne Praslin e ankor enn fwa pou *Inner Islands*.

Sa bann dimoun zot laba lo sa zil zot pe travay lo en Kontra 1an or zot pe travay lo en Kontra 6mwan nou pa kapab annan bann zofisyen ki fors zot dir zot fodre ou anrezistre dan sa distrik elektoral la kot ou pe travay i pa zot landrwa reste

rezidansyel zot landrwa rezidansyel i ganny trouve lo Mahé.

E si i annan okenn provizyon legal ki bezwen ganny amande annou amann li *now*. Pou ki nou regle sa problem enn fwa pour tou e ki tou bann zofisyen dan sa bann stasyon vote i ganny donnen en lenstriksyon direk e kler pou zot arete konfiz bann voter ler i raport kot bann diferan stasyon. Kot zot rapporte pou zot anrezistre.

Mr Speaker mon ava dir ki nou pe kontinyen aprann e nou pou *welcome* okenn bann lezot amannman ki ganny anmennen par Komisyon Elektoral ankor enn fwa avek bi pou fer nou sistem elektoral pli meyer ki nou ti vin zwenn e nou ava kit li pli meyer ler nou ale.

Mr Speaker finalman mon ava dir avek *Attorney Zeneral* lo lapar nou lekip isi dan sa Lasanble nou pas ou nou senser kondoleans e senpati dan sa moman douloure ki ou pe traverse.

E mon swete ou a kapab rekipere re ganny lafors nou konnen i annan en kantite travay devan ou, devan sa pei ki ou bezwen anmennen e nou swet ou tou de bon. Lafors, kouraz. Mersi bokou Mr Speaker.

### **MR SPEAKER**

Mersi Onorab Simon Gill. Yes, Onorab Henrie.

### **HON GERVAIS HENRIE**

Mersi Mr Speaker. Mon le fer en *point of order* mon krwar dan son lentervansyon ki'n koz 38 minit Onorab Gill in dir in tante pa atak nou me in fer 2 keksoz ki mon krwar in afekte mon privilez koman en Manm.

Premyerman in dir poudir i annan en mouvman ki pe arive dan zafer, bann voter dan distrik in donnen move lenpresyon lo bann dimoun ki dan sa Lasanble ki i annan lentansyon re-debout dan eleksyon e i pa'n *substantiate* son largiman.

E mon ava donn li en legzanp dan nou distrik Mont Buxton ozordi i annan 2767 dimoun lo lalis voter ki ti sertifye an Mars sa lannen ki reprezentant 1392 madanm, 1376 zonm.

E sa i reprezentant 244 voter an mwens konpare ek letan mon ti ganny elekte an 2016. 166 ladan in al Perseverance alor kote ki Mont Buxton i annan sa akoz mon war ki pe fer latak lo non selman nou distrik me tou lezot distrik konpare avek ki zot ti fer La Rivière Anglaise ant 2016 ki

275 dimoun in sorti La Rivière Anglaise la in al Perseverance.

Zot ki ti fer sa bann zafer e dezyenmman Mr Speaker sa Zafer nou pe donn tol, nou pe donn lapousyer ros Lasanble sisyenm Lasanble lo lavey ki nou pe ale sa kalite politik ki nou desann ladan. Konmsi pou nou kontinyen vann mansonz avek piblik Seselwa e pou li fer sa mon krwar i dezonnnet, i dezonnnet, i deplorab e mon konnen si degoutan *is parliamentary* Mr Speaker akoz i pa normal, i pa normal ditou. Mersi Mr Speaker.

### **MR SPEAKER**

Bon nou pa pou antre dan deba mon ava fer mon komanter lo sa pwen ki'n ganny leve. Premyerman lo alokasyon letan mon'n donn Onorab dirizan Lopozisyon 12 minit an plis e Onorab Simon 9minit an plis.

E sa, e sa *Standing Orders* i permet mwan fer. Ok. Mon pa'n fer nanryen kont *the rules of the House*.

Dezyenmman lo sa zafer mouvman voter sa i en komanter ki detrwa Manm in fer sa mon pa war nanryen ki pe akiz me petet i servi legzanz Mont Buxton i pe akiz okenn dimoun.

Dan mon distrik osi Bel Ombre mon'n remarke lo mon

rezis voter i annan mouvman. E parey ou'n dir i annan bokou ladan ki'n al Perseverance dan sa novo distrik ki form 26enm distrik.

Bon lo sa zafer donn materyo mon krwar sete ou menm Onorab ki'n leve ki ou pe dir pou dir ou pa pe donn materyo e ou pe demande ki okenn dimoun pa desann pou rod materyo.

So i annan en komanter avan ki'n ganny fer e ki prezan ki'n fer ki Onorab Simon Gill osi tou in antre ladan.

E se sa ki mon pe dir depi yer direksyon ki en Manm i ale si nou kit konteni sa *Bill* ki devan nou al dan en lot direksyon nou pou espekte ki en lot kote pou osi tou pou reponn.

E parey nou'n dir e parey nou tou nou aksepte avan la landrwa kot politik i ganny fer. Kot parey nou ti ganny dir foutbol i zwe la dan sa laplenn ok.

So nou pou aret la apre midi ler nou ava repren Vis-Prezidan i ava donn son respons i ava fer bann komanter e apre nou ava pran Staz Komite.

Anvi ki nou'n konn nou fini an retar mon pe propoze ki nou repren nou travay 2er edmi ok. So nou *adjourn* e nou repren 2er edmi.

**(BREAK)****MR SPEAKER**

Bonn apre midi tou Manm Onorab. Bon apre midi Vis Prezidan avek ou delegasyon.

Bonn apre midi tou dimoun ki a lekout pe swiv travay Lasanble Nasyonal. Nou pou kontinyen nou travay.

Savedir deba lo *Elections (Amendment) Bill, 2020*. E mon pou donn laparol Vis Prezidan pou li donn son *Reply* apre ki bann Manm in entervenir. Vis-Prezidan laparol i pou ou.

**THE VICE-PRESIDENT MR VINCENT MERITON**

Mersi Mr Speaker. Mr Speaker swivan sa diskour oubyen deklarasyon sa 2 dernyen entervenan. Mon krwar ki tou lede parti in tonm dakor pou nou bouz devan. E tonm dakor ki sa amannman i en amannman neseser e propis.

Pou *furtherance* nou demokrasi e permet ki eleksyon ki pe al fer i deroul byen. Mr Speaker mon ti a kontan remersi tou bann Manm ki'n kontribye.

Malgre par ler i annan ki'n fer bann deklarasyon flagan e ki pa reflekte realite. Me selman Mr Speaker lespri sa lamannman se gete ki mannyer

nou reponn bann legzizans dizour.

E ki mannyer nou reponn avek ban rekomandasyon ki Komite Reform Eleksyon ti soumet avek Komisyun Elektoral. Ki li a son tour in fer son travay, in konsilte bann parti ki'n vin avek sa ki devan nou ozordi. Mr Speaker san pli tarde, mon remersi tou bann parti. E permet ki nou kapab bouz lo lot staz diskisyon. Mersi.

**MR SPEAKER**

Mersi Vis-Prezidan. Bon, in ariv moman pou Lasanble pran en vot lo merit e prensip zeneral *Bill* ki devan nou.

Mon ava demann tou Manm ki an faver? Okenn Manm ki kont? Madanm Clerk. Bon mon'n ganny 20 vot an faver e 0 ki kont. Nou ava bouze prezan. Savedir lo merit e prensip zeneral tou Manm in aprouve, dakor. E mon ava demann en *Formal Second Reading*. Madanm Clerk.

**MADAM CLERK**

Mersi Mr Speaker. A *BILL FOR an Act to amend the Elections Act (Cap 262)*. Thank you Mr Speaker.

**MR SPEAKER**

Mersi Madam Clerk. Bon, eski nou pe al dan Staz Komite? Mon ava demann *Chair Bills Committee*, Onorab Georges. Eski nou pe al dan Staz Komite?

**HON BERNARD GEORGES**

Mon, wi mon krwar Mr Speaker.

**MR SPEAKER**

Wi, dakor.

**HON BERNARD GEORGES**

Nou annan 2 ou 3 pti keksoz ki nou devret regarde.

**MR SPEAKER**

Mon ava demann *Sarge pou move Mace*. E Lasanble i antre dan Staz Komite. E okenn Manm ki oule entervenir, ki oule *move* pou lamannman oubyen serten koreksyon.

Mon ava komans avek *Chair Bills Committee*, Onorab Bernard Georges.

**HON BERNARD GEORGES**

Mersi Mr Chair. Bonn apre midi Vis-Prezidan, *Attorney Zeneral*, Komiser Eleksyon avek ou delegasyon. Bonn apre midi tou bann Manm e tou bann dimoun ki pe ekoute. Avan ki nou al lo sa *Bill spesifikman* Mr Chair, mon ti a kontan montre ou plito port a latansyon bann Manm

Lasanble, ki format sa *Bill* i swiv sa Lalwa ki nou fek pase resaman.

Kot nou pe sanz en pti pe bann striktir ki mannyer bann (*Amendment*) *Bills* ek bann S.I e pou dezormen ganny fer.

E zot ava vwar premye fwa ki i annan *the arrangements of section*, i annan en lalis lamannman.

Alor i fasil pou vwar lekel bann seksyon sa Lalwa ki'n ganny amande. Me epi nou ava vwar dan *Clause 2*, ki pe amann seksyon 2 *Election Act*, in ganny *referred to as the Principal Act*. Donk ankor enn fwa tou bann dimoun ki servi sa Lalwa i a fasil pou swiv bann amannman.

Par kont mon remarke ki *Legal Draftsperson* in still met a '*Bill of an Act*'. E ki *Bills Committee* in sanze, in fer li vin '*a Bill for an Act*'.

Akoz mon krwar se sa nouveau format ki pe ganny servi. Mr Chair Vis-Prezidan in endik avek ek mwan, ki nou bann, ki *track changes* i akzeptab.

Alor nou pa pou bezwen pas an detay lo tou bann *track changes*. Annefe zot plito bann sanzman *stylistic* oubyen tipografi.

Me i annan enn de ki nou'n *highlight* e ki nou ti a

kontan panel i reazir. Premye se *Clause 12*.

Eskiz mwan, nou pa pe prozekte sa, akoz tou bann Manm i annan sa, zot annan sa *track changes* devan zot.

Lo *Clause 12*, ki pe amann, ki pe propoze amann seksyon 21 of the Principal Act pa azout en novo paragraf 4, *sub section 4*.

Parey in ganny eksplike, i pou annan laranzman spesyal ki pou ganny fer pou bann, 3 kategori *voter* annefe. Bann dimoun a laz. Bann madamn ki assent. Ek bann *voter* ki *require assistance*. E zot propozisyon se pou annan en *special queue and voting facilities*.

E nou pe propoze, anfen nou'n demann sa kestyon, eski zot anvi spesifikman dir en '*special queue*', oubyen eski nou kapab zis sanz tousala e dir '*dedicated voting facilities*'? Vwala nou kestyon.

E sa se en kestyon pou *panel*, i pa en sizesyon, i en kestyon. A *special queue* i pou fer ki i bezwen annan en *special queue*.

Me nou pa konnen ki sa ki dan lespri Komisyoner Eleksyon, anfen Komisyon Eleksyon.

Eski zot war en *special queue* pou sa bann dimoun,

oubyen i ava en landrwa spesifik pou sa bann dimoun? *That's the question* ki avek zot. Mersi Mr Chair.

### **MR SPEAKER**

Mersi Onorab Georges. Bon, *panel*. Yes Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Speaker. Bonzour Mr Speaker. Bonzour Leader Lopozisyon, *Leader Government Business* e tou Manm Onorab Lasanble.

E tou dimoun. Mr Speaker dan sa seksyon, kit li parey i ete la *instead of* servi '*dedicated facilities*.'

La rezon i senp, si nou pou servi *dedicated facilities*, nou pou bezwen fer provizyon pou en lasanm ekstra avek tou ki ou war i neseser pou fer sa bann voter vote.

Me sa i en kestyon resours. I en kestyon *human resources*, i en kestyon resours finansyel akoz i anmenn en kou avek.

E osi nou riske annan en problemm avek sekirite. Akoz nou pe *stretch* resours Lapolis. So, ki nou ti pe prewar fer, se enn sa bann, enn sa bann *voting facility* ki ou war nou pe

servi zeneralman, se, nou oule fer bann preparasyon.

E met bann spesifik la. Pou ler nou pou annan sa bann dimoun dan sa bann kategori, sa 3 kategori. Nou kapab *fast track* zot atraver sa fasilite.

E sa i a permet ki nou pa al fer bann depans ekstra e rod bann resours imen ekstra par lao sa ki nou kapab, ou sa ki nou annan en kapasite pou nou fer pou le moman.

Me dan bann lot eleksyon, menm si ou war nou kit li parey i ete, i ava posib pou nou prevwar bann *dedicated facilities*. Me kot nou ete la, nou vvar i byen ki nou retenir li dan sa kalite format. Mersi Mr Speaker.

### **MR SPEAKER**

Mersi Mr Lucas. Onorab Georges.

### **HON BERNARD GEORGES**

Mersi Mr Chair. *Understood.* Eski nou kapab propoze? Akoz vvar, nou problemm sete en *special queue* i fors zot pou fer sa.

Si nou zis dir *the election officer shall arrange the polling station so as to provide for voting facility for the aged* eksetera. I donn zot en pli gran maz mannev.

Zot kapab fer en *special queue, or in the future* zot kapab fer en lot keksoz. *Would you agree with that?*

### **MR SPEAKER**

Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Chairman. Sa formil i pou akseptab.

### **MR SPEAKER**

Mersi Mr Lucas. Onorab Georges.

### **HON BERNARD GEORGES**

Mersi Mr Chair. Mr Chair, annefe eskiz mwan, nou'n al en pe vit. Akoz nou ti pe *assume* ki nou bann *track changes* ti pe, ti'n ganny aksepte.

Me i paret ki *after reflection*, ki annan serten keksoz ki'n souleve. Ki kekfwa nou devret pas en pe pli regard li ankor.

Par egzanp mon pe regard *Clause 5* ki ti annan sa *100 years old.* Sa problemm in ganny adrese. Mon konnen ki i annan serten dimoun ki'n koze, ki'n kestyionnen.

E Onorab *Leader* Lopozisyon in eksplike. *Unless* ki i annan okenn problemm lo la. *The next point.*

**MR SPEAKER**

Yes Onorab Sebastien Pillay.

**HON SEBASTIEN PILLAY**

Mersi Mr Speaker. Mr Speaker mon krwar i en, Mr Chairman i enportan nou retourn lo sa pwen, sa size *facilities*.

Akoz mon pa krwar poudir in ganny adrese. Sa Lalwa la, pe i entrodwir sa mo ‘facilities’, i entrodwir sa mo *facility* an relasyon avek bann voter i *require assistance, ok*.

Now, dan sa Lalwa i osi entrodwir sa mo fasilite an relasyon avek, dan en *polling station*, ou annan diferan fasilite.

So, nou pa kler ki ou pe sey, ki zot pe *mean egzakteman* la. Eski ou pe *mean* ki ou pe dir mon poudir dan en stasyon vote, si par egzanp konmela, annou pran konmela.

Si ou al fer ou lalis *alphabetical* ou pou annan 3 fasilite. *Right, according to the alphabetical list.*

Mannyer sa enn in ganny ekrir, pe osi *mean* ki prezan ou pou annan en *additional facility* pou bann dimoun ki *pregnant ouswa at the aged*.

Se sa ki nou pe sey klarifye *what exactly*. Akoz pou mwan

sa interchangeability in terms of the use of the word ‘facility’ i kree en problem. So si nou kapab sey klarifye sa please.

**MR SPEAKER**

Mersi Onorab. Vis-Prezidan.

**THE VICE-PRESIDENT MR VINCENT MERITON**

Mersi Mr Chairman. Mr Chairman ki nou pe propoze, dizon nou pe pran en distrik kot ou kas lalis *voter* an 3, baze, i dir nou en gran distrik, ou bezwen annan 3 fasilite, 3 queues.

E propozisyon la, se ki ou donn enn sa bann *queues* sa responsabilite spesifik pou li adres bezwen bann dimoun ki malad oubyen ki anway fanmir eksetera.

Oubyen ki demen ou annan ou 3 lalis, avek en fasilite separe, i vin en katriyem pou kapab vote. So mon krwar, mannyer propozisyon in ganny fer i ase pou dil ek sityasyon ozordi oubyen demen. Mon pa war i annan en problem legal avek li. Mersi Mr Chairman.

**MR SPEAKER**

Mersi Vis-Prezidan. Onorab Pillay.

**HON SEBASTIEN PILLAY**

Mersi Mr Speaker. Mr Speaker petet *panel* pa pe konpran.

Sa Lalwa, sa provizyon lamannman i entrodwir sa mo ‘facility’ an relasyon avek lakantite dimoun ki ou kapab annan as a *polling agent* dan en stasyon. I dir ou koumsa, ou kapab annan zis 1 *polling agent per facility* dan en stasyon.

Savedir si ou annan 3 fasilite kot par egzanp lalis in kase, ou annan 3, ou *basically* annan 3 stasyon dan sa stasyon. Ou annan 3 *polling agent*. So i pe servi sa mo fasilite, *to mean* ki dan stasyon ou kapab annan 3 landrwa ki dimoun pou al vote.

Prezan an relasyon avek *the aged and pregnant* nou pe dir prezan nou pou entrodwi ‘facilities.’ Mon kestyion se, lefe ki nou pe servi sa mo ‘facilities,’ sa i *raise* en sityasyon kot si mon servi legzamp ki Vis Prezidan in donn mon, savedir poudir lalis pou bezwen ganny aranze pou ki ou pou rod tou *pregnant*, be ou pa pou kapab.

Ou konpran? So mon krwar lesplikasyon i bezwen vin en pti pe pli kler mersi.

### **MR SPEAKER**

Mersi Onorab. Onorab Ramkalawan.

### **HON WAVEL RAMKALAWAN**

Mr Chairman, mon konpran sa ki Onorab Pillay pe dir. Sa ki nou bezwen mete, se plis an term ‘special arrangements.’

Annou pa al dan en *queue* spesyal, annou fer ‘special arrangements.’ Pou ki en, dizon en *incapacitated voter* i vini, li i vin la dan sa laliny. E aprezan i pou *fast track* li. Prezan ava dir avek li, *ok nou’n ganny ou kart la*. Ou siny Alcindor, ou ava al dan sa *voting facility* pou sa *alphabetical group* ki li i pou tonm ladan.

I pou vot dan menm landrwa, avek tou *voter*, me selman i ava annan en *fast track* fasilite pou sa *voter*. So mon krwar ki, mon krwar sa i ava satisfer sa ki nou pe koz lo la. E petet Onorab Georges i ava kapab fer en propozisyon lo son *wording*. Mersi bokou.

### **MR SPEAKER**

Mersi Onorab. Eski sa propozisyon ki Onorab Georges in fer, i pe deza kouver, ‘*provide for*.’ Onorab Georges.

### **HON BERNARD GEORGES**

Mersi Mr Chair. Wi, mon krwar *it did*. Me solman i ti *raise* en nouveau problem lo sa mo ‘facilities.’ Parey Onorab Pillay in dir. Mon ti ava sizere

pou sort out sa problem. Ki nou re-aranz en pti pe sa sub clause.

Pou dir, ‘the Electoral Officer shall arrange the polling stations so as to make arrangements for the aged pregnant women and voters’ requiring assistance to vote.’ Ok, So then it get rids of queue, it get rids of facilities.

### **MR SPEAKER**

*Panel.* Vis-Prezidan. *Mic.* Yes ok.

### **THE VICE-PRESIDENT MR VINCENT MERITON**

I akseptab Mr Chairman.

### **MR SPEAKER**

Mersi Vis-Prezidan, Onorab Georges nou a bouze.

### **HON BERNARD GEORGES**

Mersi Mr Chair. Nou ti pe retour an aryer, e mon ti’n flag up sa bann santener.

E mon ti’n demande si napa okenn, akoz ti annan 2 lopinyon. Si napa komanter lo la, mon krwar *the next issue* ki ti annan deba lo la.

### **MR SPEAKER**

En moman Onorab Georges. Yes Onorab Pillay.

### **HON SEBASTIEN PILLAY**

*Just to go back, which section ki ou’n dir la, mon.*

### **MR SPEAKER**

Section 5.

### **HON SEBASTIEN PILLAY**

Section 5.

### **MR SPEAKER**

Clause 5, ti annan komanter lo bann, lo sa lalis pou bann santener. Eski apre lesplikasyon nou kontinyen parey i ete.

Oubyen i annan okenn propozisyon lamannman. Si napa, i reste parey. Yes Onorab Ramkalawan.

### **HON WAVEL RAMKALAWAN**

Mr Chairman, napa nanryen pou sanze. Parski bann deklarasyon ki ti’n ganny fer avan, zot ti’n zis regard (a) avek (b).

Be zot pa ti’n regard (c). Ki poudir ‘if during the verification under (b) the voters’ found no action is to be taken in the name of the voter shall remain on the register of voters’.

Se sa ki serten ki’n fer referans lo la pa’n. So tou keksoz i kler. Eksepte ki i ti annan en propozisyon ki lo (f). Olye ki nou dir *within 7 working days*, si ti a kapab ogmant sa

kantite *working days*. 7 ti paret en pe kourt.

Swa 14 oubyen 28 en keksoz koumsa. Me selman nou bezwen *bear in mind* ki poudir sa i le 31 Desanm. E zot annan en *window* ziska le, ziska Mars pou zot verifye, pou zot annan en *certified register of voters*.

So si pou le 31 Desanm, eski 28 *days* i ava tro long? Oubyen eski nou bezwen desann lo 14 *days*. Mwan mon krwar ki sa ti ava petet en *Electoral Chair* i kapab dir nou kwa ki, me selman 7 *days* ti paret en pe kourt, mersi.

### **MR SPEAKER**

Mersi Onorab. Onorab Pillay.

### **HON SEBASTIEN PILLAY**

Mersi Mr Chairman. Mr Chairman mwan mo konsern i se ki *why 100?* *Why not 99?* *Why not 98?* *Why not 95?* Malgre ki ou pou annan sa *verification process*, akoz ou pe *single out* en *age group?* That's the question that I ask.

I don't, pou mwan mon problem i *purely* en problem, i *purely* en issue an relasyon avek, tou dimoun i annan drwa legal anba Lalwa.

Akoz ki prezan ou annan Lalwa ki lib pou *single out* en *particular group*. On what

*basis?* What is, eski sa legitimate discrimination ki ou oule fer anver sa group? Akoz at the end of the day, at the end of the day this is a constitutional issue rather than anything else.

E caution ki mon pa donnent, malgre ki ou pou annan en *verification*, se ki ou'n *single out* en *particular age group*. Pou ou fer sa prosedir avek. So mon pa santi mon tro konfortab.

Unless ki, Attorney Zeneral i kapab donn nou, i kapab dir nou poudir i pa raise en kestyon konstitisyonnel an relasyon avek mannyer sa Clause is worded. Mersi Mr Chairman.

### **MR SPEAKER**

Mersi Onorab. Yes Onorab Ramkalawan.

### **HON WAVEL RAMKALAWAN**

Mr Chairman, sa lanz 100an ti ganny swazir se parski 100an napa bokou dimoun ki ariv 100an. Ti napa nanryen diskriminatwar. E nou war li dan nou sosyete. Akoz ki Prezidan Larepublik i anvoy en pannyen pou en dimoun ki ganny 100an?

Akoz i pa anvoy en pannyen pou en dimoun ki ganny 98? Se parski i annan en kantite dimoun i ki arive 98an.

I annan en kantite dimoun ki arive 97. Me selman 100an i annan en pti git lo popilasyon ki ariv sa laz.

E la par egzanp, si mon pa tronpe, i annan mwens ki, petet VP a kapab ede. Mon krwar i annan environ 16 dimoun, oubyen 15 dimoun ki annan 100an.

*It's not discriminatory* sa laz 100an. I zis ki sa in arive akoz in annan, ti annan, letan nou pe diskit lo la dan reform, ti annan 2 dimoun ki ti'n arriv, mon krwar enn ti'n arriv 125an lo Rezis voter, lot ti'n arriv 115an, ok.

So i napa nanryen diskriminatwar. I ti ava vin diskriminatwar si Lalwa ti dir zot pou retir tou dimoun ki'n arriv en serten laz. La aprezan mon krwar ki *the right of the person* ti ava ganny afekte. Me sa 100an i *purely, i vin*, petet osi tou.

I mean i annan diferan keksoz an relasyon avek laz. Me selman sa 100an i vin spesyal.

Me selman an menm tan osi si sa dimoun 100an, i ganny idantife, napa problem.

Si par egzanp lo nou rezis voter i annan, mon konn en dimoun, Mrs Popponeau par egzanp St Louis, ki pe, son laz le 15 Out. I pe al ganny li

108an. Be i la, i egziste, i vivan. E i byen vivan e i lo lalis. Alors, pou napa okenn problem.

Me, e i pou vot pou mwan tou si nou anmenn li dan stasyon vote, menm si zot pe sey met son portre avek Mr Faure. Napa problem sa, i pa pou vot pou zot li, i pou vot pou mwan, ok? Alor, VP i konnen, VP i konnen, wi.

Alors mon krwar ki napa nanryen diskriminatwar dan met laz 100an. Me i plito zis en fason pou nou. *It's a golden age, 100.* E in fact nou devret, nou a pe donn zot loner.

Parski nou pe, mazin ou dan *Elections Act* i annan en dimoun ki ganny 100an, mwan mon annan 59, mon pa dan *Elections Act* mwan. Mon ti ava kontan dan *Elections Act* mwan osi.

### **MR SPEAKER**

Mersi Onorab. Onorab Pillay.

### **HON SEBASTIEN PILLAY**

Mersi Mr Speaker. Mr Speaker mon konpran largiman ki Onorab pe anmennen, me ki Onorab pa pe konpran, sa dimoun sa drwa ki i annan pou li vote ou pa kapab retire ek li a okenn moman sa.

E ou pa kapab fer en *special*, ou pa kapab fer en kondisyon spesyal ki li ou

bezwen al get li. Sa ki i pa pe ganny en konpran. Akoz ou pa al get en dimoun ki ganny 18an, akoz ou pa al get en dimoun ki ganny 30an?

Ou pe fer sa bann prosedir lo sa bann dimoun. Rezon pou sa se akoz sa ki mon santi se ki i annan en problem administrative ki egziste, parey ou'n dir ek sa 2 ka ki'n arriv 125an eksatera. E prezan nou oule *legislate* sa. So from perspektiv sa dimoun, se sa mon konsern ki mwan mon annan.

From perspektiv sa dimoun an se ki konsern egalite de *droit* anba Lalwa. Kwa ki fer ki akoz mon'n ganny 100an, ki mwan, mwan mon pe argimant sa pirman from en pwennvi ki demen, ou pa ti a kontan en dimoun dan en fason, ki en fason kelkonk i dir ou be ok.

Mon pou *challenge* legalite sa Lalwa under basis ki sa *Clause* i pa konstitisyonnell. E ki pou arive?

Zis sa *Clause* ki pou tonbe dan sa lamannman? Non, pa zis sa *clause* ki pou tonbe.

So mon krwar petet se sa ki mon pe demann *Attorney Zeneral* pou klarifye ek nou. Si Gouvernman. E pa Gouvernman, me Komisyon eleksyon i santi poudir i *in the right*, mon kwensid. Be si zot

santi poudir i annan en posibilite oubyen i annan en grey area ki reste.

*Then eski pa i ti a pli bon nou err on the side of caution. Zot deza annan prosedir pou verifye dimoun lo lalis voter. Why not, why is this not done administratively rather ki i ganny legislated?* Mersi Mr Chairman.

### **MR SPEAKER**

Mersi Onorab Pillay. Onorab Ferrari.

### **HON JEAN-FRANCOIS FERRARI**

Mersi Mr Speaker. Mr Speaker i kler ki sa napa nanryen *discriminatory*.

Sa i en parti ki arive partou kot Lasirans ler ou war, (les mwan fini Onorab Pillay.) Ler i annan bann laz, menm i annan laz ki Gouvernman pa donn *loan*.

I annan laz ki i konmans donn *loan* pou bann dimoun ki'n *retired*, bann ki vin apre. Napa nanryen. So, Vis-Prezidan i dakor. Nou, nou dakor. Non, sorry eskiz mwan, Vis-Prezidan. Me selman nou, nou dakor lo sa kote latab.

E mwan mon ti ava propoze ki, deza Lasanble pe ganny dizourd, annou fer sa travay. I enportan ki nou fer sa

travay. E nou, wi be, napa nanryen ki tir son drwa. I en prosedir.

### **MR SPEAKER**

Onorab Pillay ou a ganny ou sans ou a fer ou pwen.

### **HON JEAN-FRANCOIS FERRARI**

I en prosedir *administrative* pou permet verifikasyon pou nou pa annan bann dimoun ki reste lo lalis pou 150an. Se tou. So alors mwan mon pe propoze ki nou pran en vot, e nou *move on*, mersi.

### **MR SPEAKER**

Mersi Onorab. AG.

### **THE ATTORNEY GENERAL MR FRANK ALLY**

Mersi Mr Chairman. Mr Chairman mon krwar Onorab Pillay pe demann en kestyon, se akoz 100an e pa en lot laz?

Me nou kapab demann ankor en kantite kestyon. Akoz 18an i pa 16an? Akoz en *lease* i 99an e non pa 100an oubyen 89an?

Me selman mon krwar ki nou dan, pran kont avek sa. Si i annan en prose, i annan en prosedir, i pa en keksoz otomatik ki o moman ou ganny

100an, ou non i sorti lo lalis voter, non.

Ou non, Komisyoner Eleksyon i fer en verifikasyon. E ler i fer sa verifikasyon i menm partaz sa lalis avek bann parti politik. So alor i donn en loportinite, en kantite dimoun pou zot kapab idantifye, eski sa dimoun i ankor vivan oubyen non?

E sa i bann dimoun ki *attend* 100 Sesel, i fasil pou nou konnen. Nou pou al dan rezis *Act of Death*, nou pou war.

Sirtou si demen sa i *digitalize*, i pou bokou pli fasil. Me selman nou pe get li lo en sityasyon, bann dimoun petet ki'n anrezistre koman bann voter. Me selman zot in kit pei. E, me selman petet sa dimoun osi i pa pe kapab vwayaze si i an deor Sesel, pou li vini, pou li vin vote.

So petet son drwa pa pou ganny afekte. Me selman i donn loportinite bann parti politik, i donn loportinite menm sa dimoun pou li kapab fer sa, pou li, si son non i sorti, an ka son non i sorti lo rezis. Pou li *reinstate* son non lo rezis. Me i pa tir son non lo rezis dan en fason otomatik. So i annan en prosedir, en *process*. Mersi Mr Chairman.

### **MR SPEAKER**

Mersi AG. Onorab Simon Gill.

### **HON SIMON GILL**

Bon apre midi Mr Speaker. Zis en, zis annou vir sa kestyon. Si nou pe dir nou pou verifye, si sa dimoun i ankor vivan *or not*. Mon pe *assume* ki ou annan en *link* avek *Civil Status or non*. Petet, nou ava ganny en klarifikasyon.

Pou ou kapab an mezir en dimoun i *décédés*, pou ki sa lalis voter, kot sa dimoun i reste dan son prosennman kot i ganny pibliye, sa dimoun ki'n *décédés* i ganny tire otomatikman.

Probableman sa i ava osi en fason pou adres sa enn kestyon ki nou pe koze la. Mwan si AG i satisfer nou ki napa okenn problem *constitutionnalité* lo sa provizyon. Mwan mon krwar nou annord e nou bezwen bouze. Mersi bokou.

### **MR SPEAKER**

Mersi Onorab Simon Gill.  
*Attorney Zeneral.*

### **THE ATTORNEY GENERAL** **MR FRANK ALLY**

Mersi Mr Chairman. Mr Chairman mon krwar i, sa laz 100an in mete. Parey Onorab Ramkalawan in dir, akoz i annan tre *peu* dimoun. Me

selman i annan en kantite dimoun ki'n mor ant 70an e 100an.

Me petet la Komisyoner Eleksyon li i annan son provizyon anba ki i pou kapab al amann son rezis pou li kapab tir sa bann dimoun.

Akoz i kapab, sa petet i akoz en kritik ki i annan bokou bann dimoun ki par lao 100an. Ki *it's more likely than not* zot nepli vivan. Me ki si en dimoun 70an ziske 100an, li i annan *less likelihood* ki sa dimoun i ankor, in mor. Ou vwar? Mersi.

### **MR SPEAKER**

Mersi *Attorney Zeneral*. Onorab Pillay.

### **HON SEBASTIEN PILLAY**

Mr Speaker i fer mon lapenn pou vwar en Manm Onorab atraver ou Onorab Ferrari konpar *the right* ki en dimoun i annan pou vote avek laplikasyon *loan*, avek Lasirans.

Mwan mon largiman i senpleman baze lo lefe ki mon ti a kontan ganny en lopinyon lo *constitutionnalité* sa lamannman. AG pa'n donn nou li. AG in reponn sa kestyon dan en fason, dan en lot fason.

*Now*, si Lasanble i oule deside pou li *move* dan sa

direksyon, nou annan *Chairman Bills Committee*, e nou ti diskit sa dan *Bills Committee* an relasyon avek sa lamannman.

E ti annan en lopinyon ki ti ganny *express* dan *Bills Committee*. Ki *raise* serten kestyon lo en pwennvi *constitutionnalité, regarding* sa lamannman.

E sa ki nou'n tandem, sa ki nou'n tandem i pa spesifikman pou relye avek dimoun 100an. I relye avek en problem ki lalis i annan. Akoz i annan dimoun ki aparet koman santener lo lalis, me zot pa dan pei. Se sa ki nou pe *legislate for*.

So mwan pou mwan Mr Speaker, Lasanble, Lasanble, mon'n fer pase mon pwennvi.

Si Lasanble i deside vot sa lamannman *so be it*. Me *that's my question* ki mon ti annan. E mon santi poudir mon pa'n ganny reponn lo *constitutionnalité* sa lamannman. Mersi Mr Speaker.

### **MR SPEAKER**

Mersi Onorab Pillay. Onorab Georges eski, mon pe zis anvoy en keksoz dan sa deba. Eski sa i pa zis en prosedir *administrative* e i pa devret rantre dan Lalwa? Met ou *mic* Onorab.

### **HON BERNARD GEORGES**

Mersi Mr Chair. I ti a kapab pa antre dan sa Lalwa, i ti a kapab ki, *Electoral Commission* i fer sa administrativman e personn pa ti pou konnen. Napa nanryen ki anpes li fer sa. Donk, *whether nou kit li la or nou tir li, they would still go ahead and do it.*

Solman ler ou met li dan Lalwa, i pli transparan. E si i arive demen en dimoun i demande, be akoz zot pe fer sa. Zot ava annan en repons. Zot ava dir, be akoz Lasanble in donn nou sa pouvwar pou fer li. Vwar? Me mon pa krwar, mon krwar ki nou pe al dan en deba ki pa pou rezourd en problem.

*The question is, eski i konstitisyonnell ou non? Etan ki ou drwa pa ganny afekte akoz sa keksoz. It's not on constitutional. Alor napa okenn, napa okenn problem ki arise. Parey Onorab Attorney General in dir, dan en serten fason tou keksoz ki annan pou fer avek en laz oubyen avek en sonm i arbitrer.*

Ler ou met en *fine* R10 mil, oubyen R50mil oubyen 2an prizon *or whatever, it's purely arbitrary*. I en sonm ki ou'n pran e ki ou krwar i ava

koresponn a en serten legzizans.

Prezan pou reponn ou kestyon Mr Chair. Si en Manm i *move* pou tir tousala, e ki i annan sipor sa Lasanble, e ki sa *Clause* i tonbe. I pa pou anpes Komisyoner Eleksyon fer li demen.

### **MR SPEAKER**

Mersi Onorab Georges. Onorab Ramkalawan.

### **HON WAVEL RAMKALAWAN**

Mr Speaker Komisyon Elektoral napa drwa tir en non lo rezis voter amwen ki in antre an kontak avek sa dimoun. Lot fason, se si sa dimoun in mor, e i annan sertifika *from Civil Status* ki poudir sa dimoun in mor.

Sa provizyon i a pe donn zot en posibilité kler pou zot tir non en dimoun letan napa kontak. E napa problem. Annou nenk zis pran en legzanp Mr Speaker. Sa *skull* ki'n ganny ranmase Beau Vallon, *what if* sa dimoun i lo rezis voter. Sa i en lanmor ki pa'n ganny anrezistre sa. Parski si i ti'n anrezistre, son *skull* ti ava dan en simityer.

Sa dimoun la, *what if* son non i lo rezis voter, i pou ganny 150an en zour. I pou ankor lo

rezis voter. Alor, se sa ki nou pe fer.

Nou a pe donn en kategori kot zot ava kapab tire legalman. Alors mwan Mr Speaker mon pou *move* ki nou kit sa parey i ete la. E nou *move on*. E si i neseser pou pran en vot lo la, annou pran en vot la. Me AG in eksplike. AG in eksplike ki poudir napa problem.

Onorab Georges in eksplike ki poudir i pa en soz konstitusyonnel. *Panel* in aksepte, ki poudir i bon. Parski se zot ki'n anmenn sa Lalwa. Alor, annou *move on*, e annou aksepte sa e nou ava bouze. Mersi bokou Mr Speaker.

### **MR SPEAKER**

Mersi Onorab. Mon a donn en dernyen mo panel avan nou *move on* oubyen nou pran en desizyon pou nou vot, pou nou vote.

AG. Non. Ok. Eski nou *put it to a vote* oubyen nou aksepte ki nou kit li la? Yes Onorab De Commarmond.

### **HON CHARLES DE COMMARMOND**

Mersi, bonn apre midi Mr Speaker. Mon'n pas senpati kot lanterman, mon fek vini. Mr Speaker mon krwar ki mannyer i ete i rezonnab.

Mwan mon annan en keksoz mon anvi poz ek *panel*. Savedir si demen nou get lo lalis voter, nou war en dimoun i ankor la lo lalis voter, i annan 150an.

E nou pe fer resansman bann dimoun ki pli vye dan Sesel. Eski i pou korek alor pou dir, ki sa dimoun lo lalis voter 150an, i dimoun pli vye dan Sesel ?

*I don't know si ou ganny mwan, mon pwen. Eski i pou vre? Eski i pou vre? Pa neseserman ki i vre. Mon pe poz sa kestyion, mon ti a kontan panel i kekfwa eklersi nou. Then si sa i pa neseserman ki i pou vre. Then lalis voter to that extent, kantmenm i annan 4 dimoun koumsa, 2 dimoun koumsa, 1 dimoun koumsa i bezwen ganny en netwaye to that extent.*

E la nou lo sa lapel avek tou bann paran, tou bann dimoun ki annan, mon panse ki mazorite le ka, Sesel i ptipti, en dimoun i annan relasyon ki en lot dimoun i konnen, ou konnen ou si ou papa, ou gran papa, ou aryer granpapa, ou bizael i ankor la, pa ankor la, in mor. Kantmenm in al deor. I bezwen annan en reper par la. Kot ou kapab konnen. Ok. So mon panse tou sa i pou vin aze.

E sa ki kler ki Komisyoner Eleksyon la i devret eklersi nou osi, i devret dir en keksoz la dan *Committee Stage*.

Pou donn en garanti ki ou pa pe tir personn lo lalis voter zis koumsa. Sa nou oule en garanti. Akoz lenkyetid i la. Si ou pe tire, ki napa en kontrol, la nou pou enkyet. So i bon ou osi eklersi sa ki piblik deor ki pe ekout nou i tandé osi. Mersi.

### **MR SPEAKER**

Mersi Onorab. Mr Lucas.

### **THE ELECTORAL CHAIRPERSON DANNY LUCAS**

Mersi Mr Chairman. Mersi Onorab *Leader of Government Business*. Donn mon, *yah ok*.

Sa lamannman ki ou war pe ganny anmennen i parey *Leader Lopozisyon* in dir, parey msye, Onorab Georges in dir. I en provizyon ki plito viz atraver, lo bann voter aze ki ou war probableman i pa dan ziridiksyon Sesel. Sa i ganny fer kler dan rekmandasyon. Se sa ki ou war i a pe targete.

*Now, le problem se ki an se ki konsern bann dimoun aze ouswa nenport dimoun ki ou war i décédés Sesel.*

Mon annan sa *link* ki ou war Onorab Gill ti pe dir taler.

Nou'n etablir sa *link* avek *Civil Status*, kot nou ganny bann rapor mansyel lo bann dimoun ki'n *décédés*.

E atraver sa bann rapor, nou aziste nou bann lalis ler in ariv ler pou nou fer li. E nou tir sa bann *obsolete entries*.

*Now*, problem se ki si i annan *voter* ki ou war in anrezistre, e in kit pei parey *Attorney Zeneral* in dir taler. Nou napa en mekanizm ki ou war i pou enform nou ler sa bann voter i *décédés*.

So sa bann dimoun la zot pou reste lo lalis endefinitivman. Apre sa ki i fer, i kree en sityasyon kot nou war bann dimoun lo lalis ki parey ou'n dir, in ariv 150an me selman i ankor lo lalis, *ok*. Sa i en mwayer pou nou kapab servi en prosedir pou kapab regarde si sa dimoun aze, si ankor vivan ouswa non.

E i kree bann prosedir pou nou pran serten aksyon pou rektifye lo lalis. E donn li rekour si i ankor vivan. Pou li fer bann prosedir osi pou li ganny *reinstated* lo lalis voter. Komisyon Elektoral nou pa tir dimoun lo lalis, *unless* ou war i ganny *backed by Lalwa*.

E se sa la rezon ki ou war i annan sa lamannman ozordi ki ou war nou pe anmennen. Akoz si nou napa en provizyon

legal, nou pa kapab tir en dimoun lo lalis, akoz dapre son rikord in ariv 180an.

I pou *still* reste la li. Ziskan ler ki ou war nou kapab annan en provizyon pou nou fer li.

*Now*, an se ki konsern lenkyetid Onorab Pillay. Dan sa rekomandasyon ler ou war ti ganny fer. *Commission* ti pran kont Konstitisyon Sesel, ti pran kont bann Trete Enternasyonal avek Konvansyon, Drwa Imen.

Ki ou war Sesel in sinyen ouswa i form par ladan. E mon asire ki sa konsern i en konsern ki ou war in ganny regarde. E sa i anliny avek sa obzervasyon ki *Attorney Zeneral* in fer. E ki Onorab Georges in fer dan Lasanble. Mersi bokou Mr Chairman.

### **MR SPEAKER**

Mersi Mr Lucas. Onorab De Commarmond.

### **HON CHARLES DE COMMARMOND**

Mon krwar i kler. E sa Mr Speaker i pou anpes nou. Akoz i annan de ka dan lepase nou'n ganny akize, mon pou dir koumsa, nou'n ganny akize mal apropiyeman. E dir ki i annan dimoun mor lo lalis voter. Akoz? Akoz senpleman en dimoun in al deor li.

Electoral Commissioner, sa bann zofisyen ensidswit, i pa konnen sa dimoun in mor li. I ankor la, i reste lo lalis voter, in ariv 130an. E son fanmir i konnen in mor deor. Personn pa dir. Or petet zot pa konnen osi, personn pa dir.

Prezan i annan, ou pou toultan ganny en ensinifyan, mon dir koumsa dan Lopozisyon, dan en lot parti.

Ki li i pou vini, i pou dir lala, lalis voter i annan dimoun mor lo la ensidswit. Be ou konpran? Saler i pa neseserman korek. Akoz keksoz ki mannyer i ete. Be mon krwar petet avek sa ki pe ganny dir la i ava ankor davantaz netway lalis voter. Ki personn, sirtou nou kote latab la, sirtou Gouvernman dizour i pa a ganny akize mal aproprieman pou sa bann keksoz.

Petet annou *move on*, mon krwar i kler, nou'n ganny sa lesplikasyon. Annou bouze, mersi bokou.

### **MR SPEAKER**

Mersi Onorab. Onorab Georges nou a bouze. Yes Onorab Ramkalawan.

### **HON WAVEL RAMKALAWAN**

Be non Mr Chairman. Zis pou mon dir ek Onorab De Commarmond, letan ou ti

ankor lanterman nou ti'n fini ariv lo sa pwen.

Ti annan en ensinifyan lo ou kote ki ti a pe retard nou.

### **MR SPEAKER**

Onorab Georges nou kontinyen.

### **HON BERNARD GEORGES**

Mersi Mr. Mr Chair i enteresan akoz dan egzakteman, apepre en 30 enn erdtan *from now*, nou pou nepli Lezislater.

I gou war ki nou pe servi sa pouvwar Lezislasyon pou nou ziska dernyen minit, nou pe *legislate* menm. Nou, non, me sa kestyon i ase delika. E i byen ki Komisyoner Eleksyon in re met lanfaz lo lefet ki personn pa kapab tir en non lo lalis elektoral.

Akoz annou pa blyie, mwan mon'n al Ankour e mon'n ganny 2 zizman devan Lakour Siprenm akoz non ti'n ganny tire lo lalis pou okenn rezon, en.

Sa madanm ti byen, i ti ankor pe viv. In realize ki son non ti nepli lo lalis ler i ti al vote sa zour. Alor i byen ki nou pe met sa bann gardfou. Mr Chair mon krwar ti annan en lot pwen.

Onorab Ramkalawan bomaten ti'n fer en propozisyon ki sa peryod letan ki ganny

donnen, 7 *working days* dan paragraf (f) pou vin 14.

I ti'n, mon krwar i ti'n fer sa propozisyon. Mon pa konnen si sa i ankor lo latab.

### **MR SPEAKER**

Mersi Onorab Georges. *Panel.*

### **THE VICE-PRESIDENT MR VINCENT MERITON**

I ok Mr Chairman.

### **MR SPEAKER**

Mersi Vis-Prezidan. Onorab Georges nou ava bouze.

### **HON BERNARD GEORGES**

Mersi Mr Chair.

### **MR SPEAKER**

En moman Onorab Georges, en moman. Onorab Esparon.

### **HON REGINA ESPARON**

Mersi Mr Chair. Mr Chair avan nou bouz pli devan, mon ti ava anvi nou tourn lo *Clause 4*. Sa amannman *section 5(1)* la.

Kot i mete nou pou *insert the word, ‘residing an electoral area and posses a National Identity Card.’*

Mon komanter lo la se ki, ou kapab pe *reside* dan en *electoral area*, ou kapab annan en *Identity Card*, me i annan lanpesman ki anpes ou anrezistre. Mon kapab met en

sityasyon devan Komisyon. Parski pou le moman nou annan bann dimoun ki ti an deor pei.

Mon annan en ka spesifik ki bann etidyan ki ti'n al fer legzanmen *L'Angleterre*, in kit Sesel an Zanvye, lafen Zanvye. Zot in *turn 18* an Fevriye. Zot ti *due* pou tourn Sesel an Zen. Ler *border* in frenmen zot pa'n kapab antre Sesel.

Ler zot tournen ki *border* in ouver la, zot ganny dir ou'n absan dan pei, ou bezwen fer 3 mwan avan ou kapab anrezistre. Mon komanter se ki ou kapab *reside* dan *electoral area*, ou kapab annan en kart idantite, me i annan lanpesman ki anpes ou anrezistre.

### **MR SPEAKER**

Mersi Onorab. *Panel.* Eski petet zot ganny trete parey bann travayer imigran? Ki zot osi zot al travay lo en Kontra 1 me zot kapab retournen pou vote. Zot in fer plis ki 3 mwan an deor pei. Onorab Ramkalawan.

### **HON WAVEL RAMKALAWAN**

Mr Speaker, Mr Chairman son problem se ki sa dimoun pa ankor anrezistre.

### **MR SPEAKER**

*Arh,* dakor.

**HON WAVEL RAMKALAWAN**

Se sa kot i vin problem. Si ou ti'n deza anrezistre i ti pou'n en lot prosedir. Ou non ti pou reste lo rezis voter.

**MR SPEAKER**

Wi, non pa lo lalis.

**HON WAVEL RAMKALAWAN**

E ou non pa lo lalis ditou. E pou ou kapab anrezistre, enn bann, dan *electoral area* enn bann *requirements* se ki ou reste dan sa *electoral area for 3 months* avan ki ou anrezistre. Menm parey avek si ou pe transfer from one *electoral area to another*. Sa soz 3 mwan, ou bezwen reste dan sa *new area* pou 3 mwan.

E sa zafer 3 mwan in ganny mete pou anpes *gerrymandering*. E selman dan sa bann sityasyon mon krwar ki petet nou devret kapab rod en solisyon. Mersi bokou.

**MR SPEAKER**

Mersi Onorab. Onorab Georges.

**HON BERNARD GEORGES**

Yes Mr Chair. Annefe konsern Onorab Esparon pa relye avek sa lamannman. Sel keksoz ki sa lamannman pe dir, se ki pou ou kapab anrezistre

ou bezwen pe reste dan en *electoral area* e annan en *National Identity Card*, se tou.

Sa, apard naturelman ki ou annan laz 18an. Ou bezwen en sitwayen Sesel 18an ki pe reste dan *electoral area* e ou annan en kart idantite. Se tou, sel keksoz ki pe azoute se sa kart idantite. Si i annan lezot rezon ki ou pa kapab anrezistre, Lalwa pa pou kapab *speculate*.

I posib ki ou, ler ou annan 18an, ou deor ou pe trete Chennai, *tough* pou mwan. Or ou'n pri *L'Angleterre* parey in ganny dir.

Oubyen ou menm ou ou'n swazir pou ou al *Mount Everest* par egzanp. E ou laba pou 9 mwan, ou mank ou loportinite, ou mank ou loportinite. Mon pa krwar ki sa pou ganny rezourd dan 5(1).

Pou kapab rezourd sa, fodre nou fer en sistem, kot dimoun i kapab anrezistre *remotely*. Ki zot pa bezwen vini pou anrezistre. E pou sanz sa, fodre nou sanz 5(3). Akoz se 5(3) i dir ki fodre ou pe reste dan en *electoral area* pou 3 mwan.

Se zis bann dimoun ki en sitwayen Sesel ki pe reste an deor Sesel, pou li kapab anrezistre, fodre in annan en kart idantite, e in reste isi pou 3 mwan. Si en dimoun i isi Sesel, napa minimonm letan

pou li reste dan en *electoral area*. Pou li ganny anrezistre.

*Because he is there. I dan sa electoral area. Se bann dimoun ki pe reste deor ki fodre zot vini, zot reste dan electoral area pou 3 man pou zot kapab anrezistre.*

Pou nou kapab donk rezourd sa bann problemm tel parey sa enn ki Onorab Regina Esparon in leve, fodre nou sanz 5(3), e ki nou fer en fason pou ki nou kapab anrezistre *remotely*. E sa set en novo lide, en novo lespri. Me i pa devan nou ozordi.

### **MR SPEAKER**

Mersi Onorab Georges. *Panel nou ava ekout en kou panel. Yes Attorney Zeneral.*

### **THE ATTORNEY GENERAL**

#### **MR FRANK ALLY**

Mersi Mr Chairman, Mr Chairman mon totalman dakor avek sa ki Onorab Georges in dir.

Akoz si en dimoun, parey sa ki Onorab Esparon pe dir. Sa dimoun ki li i kit Sesel pou al fer legzanmen deor, i *domicile* Sesel li.

I napa en *domicile* aletranze. In senpleman al laba. Me selman par kont, ler ki in annan sa legzersis pou li anrezistre, i pa'n la pou tonm

dan sa peryod letan pou li kapab anrezistre. Me si in deza anrezistre avan, *then i pa vin en problemm.*

Be si i pa ankor, prezan ki i pe tourn 18an, e prezan ki li i dwatet e i pa permet ou pou ou anrezistre *by proxy or remotely for that*. Mersi.

### **MR SPEAKER**

Mersi AG. Onorab Esparon.

### **HON REGINA ESPARON**

Mr Chair mon konpran sa largiman. Me selman mon a sey eksplik mon lekor en pe pli kler.

Si sa bann zanfan ti'n al Avril, Avril, Me, Zen, Zilyet. Ti pou donn zot 4 mwan, *ok*. Ler zot tournen zot ti pou *still* ganny demande pou fer 3 mwan dan pei avan zot anrezistre?

Oubyen i annan sa limit letan ki ou dir, si ou'n al pou 6 mwan, si ou'n al pou 1 mwan, ki letan ou tournen, ou pa pe kapab. Konmsi nou napa sa limit letan.

### **MR SPEAKER**

Mersi Onorab.

### **HON REGINA ESPARON**

Parski zot *domicile* i Sesel zot, zot annan en ladres Sesel zot. Zot, zot paran i Sesel zot. I zis ki avek *COVID* in annan sa lanpesman ki zot ariv isi avan

sa 6 mwan. Mon pa konnen mwan, eski nou annan en dele letan ki nou pe dir la. Si les dir i ti'n al pou 1 mwan, eski an retournen i ti pou ganny dir ou bezwen 3 mwan dan pei avan ou anrezistre.

### **MR SPEAKER**

Mersi.

### **HON REGINA ESPARON**

Sa ki mon largiman ki mon ti ava anvi eklersi mersi.

### **MR SPEAKER**

Mersi Onorab. Onorab Simon Gill.

### **HON SIMON GILL**

Mersi Mr Chair. Mon osi mon en pe konfize. Akoz mon pa vwar dan Lalwa ki kote sa *issue* i vini. Amwen ki bann ki pli domin Lalwa i kapab eklersi sa.

E petet Mr Speaker ou a permet mwan avek Mrs Alcindor, sa dimoun ki nou pe koz lo la, dizon plizyer dimoun, i ti reste Sesel, in sorti Sesel in al etidye. In ganny 18an laba deor. E ler in ganny 18an laba deor, in fini etidye, in retourn dan son pei.

E avan ler i ti sorti isi, i annan son lakaz isi, i annan son manman oubyen son papa.

Be mon onnetman, lala, mon pa war okenn profesyon legal ki anpes sa dimoun fer son prosedir pou anrezistre li.

Mon pa war nanryen legalman kot problem i ete. Amwen ki bann dimoun ki pli domin Lalwa i kapab vreman eklersi mwan. Akoz mon pa vwar. Be non i ti reste isi, ou pe dimoun 3 mwan, i ti reste isi Sesel li. In ale in al etidye i pa ti ankor ganny 18an.

In ganny 18an laba deor letan i ti pe etidye. E ler in fini etidye i retourn dan son pei, son pei natal, in retournen. I pa ni natiralyze, i pa ni nanryen. Mon pa vwar kote sa.

I pa pou lo rezis, me i devret kapab fer bann formalite pou li al anrezistre koman en voter dan son *electoral area* kot i ti sorti. Mon pa trouv problem legal ladan. Ankor enn fwa mon pe dir, silvouple dir mon, ransenny mwan kote sa provizyon i ete dan Lalwa, ki anpes sa dimoun fer sa bann prosedir anrezistreman.

### **MR SPEAKER**

Mersi Onorab. Onorab Georges.

### **HON SIMON GILL**

Akoz probableman i pou annan plizyer ka koumsa ki pou arise. Nou ava gete, mersi.

**MR SPEAKER**

Onorab Georges, apre Vis-Prezidan. Onorab Georges.

**HON BERNARD GEORGES**

Mersi Mr Chair. Mr Chair mon krwar lakle se dan 5(3) ki dir '*a citizen of Seychelles by living overseas.*' Sa dimoun ki Onorab Espanon fek mansyonnen, i pa ti pe *living overseas* li, i ti tanporerman *overseas*, parey *Attorney General* in dir.

Son domisil i isi. Alor koman i retournen i dir mon ti pe etidye, i ale i anrezistre. I pa bezwen prouve ki i pe reste 3 mwan. Se bann dimoun ki pe reste deor ki zot lakaz i laba, *ok*. Zot Seselwa zot, me zot adres se *Onslow, L'Angleterre*.

Zot pou zot kapab anrezistre, fodre zot vin isi e zot pas 3 mwan. Kekfwa, kekfwa nou ti a kapab *tidy up* sa '*living overseas*' e dir '*whose permanent address is over there*,' oubyen en keksoz koumsa.

Me mon krwar ki lenterpretasyon se sa. Si ou tanporerman deor e pou ou retourne dan pei.

Ou pa bezwen *clock up* 3 mwan. Akoz *you are not living overseas. You are temporarily residing overseas*.

**MR SPEAKER**

Me Onorab Georges mon krwar ler Onorab Espanon in anmenn sa eleman *COVID*, mon krwar i enkyet osi tou, ki si *nomination day* rezis i frenmen, ler li i retournen, in ganny pri deor, in ganny pri deor akoz *COVID*.

Prezan i annan sa prosedir pou li al anrezistre. Ni anrezistre i pa pou kapab. Akoz i annan en prosedir anrezistre, i annan prosedir bann *process* pou verifikasyon.

**HON BERNARD GEORGES**

Mr Chair wi. Be par egzanp si i pa kapab, si enn sa bann dimoun ki bezwen *clock up* 3 mwan, e akoz *COVID* i pa kapab *clock up* 3 mwan. Lalwa ki nou'n pase isi ki sispann peryod preskripsyon i ava *apply* pou li. I pou enn sa bann Lalwa ki pou ganny *capture*. Alor, son peryod pou ganny *deduct*.

**MR SPEAKER**

*Ok.* Mersi Onorab Georges. Vis- Prezidan.

**THE VICE-PRESIDENT MR VINCENT MERITON**

Mr Chairman mon krwar mon osi mon propoze ki nou bouze. Akoz anba seksyon 4 ki fer referans ek seksyon 5(1), sa

ki nouveau se en dimoun fodre i annan son posesyon en *ID card*.

Mon krwar nou tou nou pe dakor avek sa. Mon krwar lezot laspe in ganny enterpretasyon pou nou kapab bouze. Mersi Mr Chairman.

### **MR SPEAKER**

Mersi Vis-Prezidan. Onorab Ramkalawan.

### **HON WAVEL RAMKALAWAN**

Be, be zisteman. Oule al war *ID card*, i dir avek ou ki fodre pou 3 mwan. E en dimoun ki pe ganny 18an, son *ID card* i sanze.

### **MR SPEAKER**

Wi.

### **HON WAVEL RAMKALAWAN**

Yes of course. Letan ou anba 18an ou *ID card* ou napa ou portre lo la, e ou pa kapab anrezistre. Ou pa kapab anrezistre ek sa *ID card* ki napa portre. Fodre ou anrezistre avek en *ID card*. Sel dokiman ki ou bezwen pou ou anrezistre se en *ID card*.

E aprezan si i pa'n dan pei, letan i pou regard son paspor, nou pou war ki poudir i pa'n dan pei pou sa dernyen 3 mwan. Zot kapab pa donn li son *ID card* pou li al anrezistre avek.

### **MR SPEAKER**

Mersi Onorab. Vis-Prezidan.

### **THE VICE-PRESIDENT MR VINCENT MERITON**

Mr Chairman, ler ou annan en *ID card* ki napa portre, ou pa ankor ganny 18an.

Ler prezan ou pou ganny 18an, mon'n demann AG la i a klarifye avek nou. Ou limero pa sanze ou. Zis i azout en portre ladan. I ava azout sa portre. Sanmenm mon demann li, si Lalwa *ID* i demande ki ler ou pou *migrate* pou en *ID* ki ou annan anba 17an, anba 18an, e pou ganny enn ki ler ou annan 18an. Ou bezwen ankor en fwa la, reponn sa bezwen 3 mwan. Ou konpran?

### **MR SPEAKER**

Mersi Vis-Prezidan. Onorab Ramkalawan.

### **HON WAVEL RAMKALAWAN**

Mr Chairman zafer *ID* ou nimero *ID*, sa i pa en problem sa. Tou dimoun ki reste aletranzé, zot annan en *ID number*. Me selman zot pa kapab anrezistre. Letan ou reste isi tou, ou annan en *ID number*.

Me si ou napa 17an, si ou napa 18an, ou ale, apre pou

ou anrezistre ou bezwen premyerman annan en *ID card*. E ou *ID card* i sel, se sa ki mon bezwen, se sa ki nou pe koze pou fer byen konpran. *Comme dir ou menm, pou ou kapab anrezistre ou bezwen en *ID card*.*

Letan ou pou desann pou al rod ou *ID card*. Sa dimoun laba i kapab demann ou pou ou osi anmenn ou paspor. E letan ou pou anmenn ou paspor, i pou'n war ki poudir ou pa'n dan pei pou 3mwan. I pa pou donn, be non, be menm si ou reste isi, be ou'n ale.

Be se sa problem ki sa bann manrmay pe gannyen. Sa ki Onorab Esparon in leve i en problem reel. Zot pa pe kapab anrezistre e si mon'n konpran li byen, zot pa pe kapab anrezistre. Savedir i annan en problem. E amwen ki amwen ki Biro *Registration* i regarde, kekfwa zofisyen fer en fot. E si en zofisyen fer en fot, i pa devret vin en problem.

Kot Komisyon Elektoral, *CEO, well Chief Registration Officer*, i kapab dir, be sa i en fot. Alors vin anba kot biro e ou ava anrezistre. Mon krwar ki se sa ki, mwan mon krwar Mr Chairman pou nou bouze, ti ava bon pou sa bann dimoun.

Si Komisyon Elektoral i dir avek nou sa i en fot, *then*

nou rekonnent ki poudir i en fot. E sa bann dimoun i devret al anba kot biro pou klarifye sa. E apre sa keksoz i rezourd.

Mon dakor avek ou, ki en dimoun i *domicilie* Sesel i al en *course* laba, i devret soz. Me selman i annan sa *ID card* la ki sanze.

### **MR SPEAKER**

Mersi Onorab. AG.

### **THE ATTORNEY GENERAL**

### **MR FRANK ALLY**

Mr Chairman, mon krwar, mersi. Mon krwar nou bezwen fer ladiferans ant *issue* en *ID card* avek ou pe ganny en novo *ID*. *Now si ou pe issue en *ID card*, konmsi ou pe, for the first time. Then mon leave overseas mon pe al ganny issue en *ID card for the first time*.*

Prezan ki savedir on pou reste Sesel pou 3 mwan pou mon kapab vote. *Now, mon annan en *ID* mon, depi zour mon'n ne, mon'n ne Sesel, mon rezidan Sesel.*

Mon annan en *ID*. Mon al kot *Civil Status* mon *ID* i *expire*. Ki diferans i annan ant en dimoun ki pe al rod en novo *ID* ki pou met son portre lo la, i pou bezwen *physically there* pou li al tir son portre.

Avek en dimoun ki li son *ID* in *expire* e ki bezwen tir en

nouvo portre. *What is, napa diferans?*

### **MR SPEAKER**

Mersi.

### **THE ATTORNEY GENERAL** **MR FRANK ALLY**

Kestyon se ou al *physically there* ou donn ou *ID*, ou dir ek li mon *ID* in *expire*, mon oule en novo *ID*. Akoz si ou *ID* pou *expire on your 18<sup>th</sup> birthday then* zot pou fer. Me selman kestyon pou leve, se ki si eski ou pe *live*, ou ti pe *live overseas*. Me si ou ti pe *live overseas* ou pou napa en, ou pou bezwen montre poudir ou'n reste Sesel pou 3mwan.

*Now, annou al pli lwen ki sa. En Seselwa ki li in anrezistre koman en voter. Ok. Me selman in al reste aletranz pou 5an. I tourn Sesel, e i demande, i vin, i al kot Biro Civil, ID, i dir mon oule, mon *ID* in *expire*, mon oule en *ID*.*

Eski i pou, zot pou refiz li en *ID*? Pou li senpleman met son novo portre e ganny en novo *ID*? E pou li servi sanmenm sa *ID* pou li al vote. Akoz son non i lo lalis voter. Menm si in reste Sesel pou plis ki 5an.

*Once ki ou'n register koman en voter, menm si ou al*

reste aletranz, ou kapab vote ou.

Me pou ou kapab vote pou la premye fwa, fodre ou'n reste Sesel pou plis ki 3 mwan. *And then* ou a issue en *ID*. Mon krwar dan sa sans pratik i pa poz en problem. Me mon krwar i parey en pti pe ki Onorab Georges in eksplike. Mersi.

### **MR SPEAKER**

Mersi. Bon mon krwar lesplikasyon AG ek sa ki Onorab Ramkalawan in dir. Si i annan en fot ki'n arive, sa bann manrmay ki'n ganny afekte, i retournen i al *sort out*. Akoz, si zot deza annan zot *ID* avan 18an. Zot kapab otomatikman ale, sanze, e sa i pa sanz nanryen, ok. So eski nou kapab *move on*. Oubyen i annan ankor? Yes Mr Lucas.

### **THE ELECTORAL CHAIRPERSON DANNY LUCAS**

*Sorry, mersi Mr Chairman. Lo sa issue ki Onorab Leader Lopozisyon in leve, pou sa zafer *ID* i pou en kantite letan la.*

Mon fek ganny enformen par *SLO* kot nou, ki nou'n gannyen sa bann sityasyon kot bann *first time voters'* zot vini avek *ID* ki ou war i pa annord.

E zot in ganny dir, pou ale aranz zot *ID*. E zot in ale, zot in fer li ase vit. Kot pa bezwen sa zafer esper 2 mwan a 3 mwan, 2 zour. Mon a pe ganny dir poudir in ganny fer menm zour. Zot in retournen. E zot in *follow bann* prosedir.

### **MR SPEAKER**

Mersi.

### **THE ELECTORAL CHAIRPERSON DANNY LUCAS**

Mersi.

### **MR SPEAKER**

Mersi Mr Lucas. Eski nou kapab *move on*? Si i annan okenn *case* nou a kapab refer to *Electoral Commission*. Eski ankor lo menm size? Mon pou donn ou laparol, mon bezwen donn Onorab Esparon osi laparol ki'n lev sa size. Onorab Gill.

### **HON SIMON GILL**

Mwan mon ti ava voudre *enablement* dir avek *Electoral Commission* ki i bezwen annan en direktiv iniform ki ganny donne.

Pa ki mon anvi vin donn lord an *Electoral Commission*, ditou pa. Akoz i annan diferan tretman ki pe ganny met an aplikasyon. E ki mon oule dir

par sa, nimero (1) pa dan tou bann stasyon anrezistreman. Ki zot pe ensiste ki sa nouveau voter ki fek ganny 18an, ki napa portre lo son *NIN card*. I annan landrwa ki zot pe aksepte li, pe fer li anrezistre.

E i annan landrwa ki pe dir zot, ale al rod en nouveau kart idantite. Dan sa sirkonstans i vre. Akoz mwan mon kart idantite in eksplise. Mon al laba, zot pa dir mon fodre mon rezidan 3 mwan avan ler zot donn mon en nouveau kart idantite.

Akoz sa i ganny fer enstantaneman, i dan mwan la. Mon asize mon *relax*. Ou ganny ou zafer en pti kou ou sorti ou ale. E ou kapab servi ou kart idantite. Sa i mars tre byen e ou pa bezwen espere. Ni 24er ou pa bezwen espere. La pou la i donn ou.

Amwen petet i annan en gran *queue*, la ou bezwen asize esper en pe letan. Me selman ti ava byen ki i annan en direktiv kler ki ganny donne. Pou ki nou elimin sa laspe konfizyon dan sa prosedir. Mersi bokou.

### **MR SPEAKER**

Mersi Onorab Gill. Nou ava donn laparol Esparon apre Mr Lucas.

### **HON REGINA ESPARON**

Mersi Mr Chairman. Mr Chairman zis pou mon pas en mesaz avek Mr Lucas. Sa paran sa bann zanfan la, i dir mon poudir sa bann zanfan la, zot annan deza sa kart idantite, zot in al fer avek portre.

Me i zis ki letan zot in vin kot lanrezistreman zot in ganny dir fodre zot fer 3 mwan dan pei. Parski kot zot in al fer sa kart idantite pa'n demann zot, zot paspor. In zis fer zot kart idantite, met zot portre lo la. Ler zot in al anrezistre ki zot in ganny difikilte. Mon a refer sa ka avek Mr Lucas. Mersi.

### **MR SPEAKER**

Mersi Onorab. Mr Lucas. Mr Lucas.

### **THE ELECTORAL CHAIRPERSON DANNY LUCAS**

Mr Chairman mersi. Lo sa pwen ki Onorab Gill in leve, i ganny konfirmen avek mwan konmkwa ki sa bann, sa bann dimoun i ganny demande pou refer zot kart idantite. E apre zot tourn kot Biro Eleksyon e zot prosedir i ganny fer.

Lo, egzakteman, zot fer zot laplikasyon apre zot tournen zot anmenn zot *ID card*. Lo sa *issue* ki Onorab Esparon in leve, sa mon a fer en verifikasyon avek nou bann -

*ROE's rules*. E nou ava regarde ki mannyer nou kapab rezourd sa *issue*. Mersi.

### **MR SPEAKER**

Mersi Mr Lucas. Onorab Georges.

### **HON BERNARD GEORGES**

Mersi Mr Chair. Mr Chair mon krwar sa problem in rezourd pou sa ka ek pou bann ka sanblab. Me i annan en lot problem ki la e ki nou bezwen rezourd. E sa se sa *living overseas*, ou vvar.

Dan ka sa zanfan ki Onorab Esparon in mansyonnen, bann *ROE* i pran en lenterpretasyon strik.

In dir ou pa ti si, ou ti deor pou en pe letan. La ki ou'n retournen ou bezwen *clock in* 3 mwan. E se la kot problem i arrive.

E se pa sa ditou lentansyon Lezislasyon. Seksyon 5(3) i dir, "*any citizens of Seychelles living overseas.*"

Sa bann manrmay pa ti pe *living overseas* zot war, zot ti tanporerman *overseas*. Me *living overseas* i ouver a plizyer lenterpretasyon.

E nou pa kapab *at the same time* blanm *ROE* ki dir, be *you were living overseas*, menm si ou ti laba pou 3 mwan oubyen pou 9 mwan. Kote ou ti

pe *live*? Ou ti pe *live overseas*. Me i pa lentansyon Lezislasyon pou ki si ou al tanporerman deor pou tretman, pou en long vakans.

Pou al pas 1 an avek ou bann fanmir. Ki ou pou bezwen re *clock up* 3 mwan ler ou retournen. *That's not the intention*. Alor, sa ki fodre nou fer, se fodre nou sanz sa '*living overseas*' pou fer li vin pli kler.

E mwan mon ti ava propoze ozordi, oubyen dan en *future amendment* ki nou sanz '*living overseas*' e nou fer li vin keksoz en pe pli kler. *Something like, 'habitually resident overseas'*, en keksoz koumsa. Kot i pou montre ki ou, ou rezidan si laba ou. Me si ou anvi vot Sesel, ou kapab vot Sesel. Me fodre ou vin isi ou *clock up* 3 mwan. Mon krwar, e kekfwa sa '*habitually resident*' li osi i ava lev lezot problem.

Nou bezwen define. Ki sa vedir '*living overseas*' oubyen ki savedir '*habitually resident overseas*'.

E non *domiciled* i en lot, i annan en lot *connotation legal* ankor ki pa apropriye. Mon krwar *that's the problem* ki nou bezwen *cure*. Se sa problem ki nou pou bezwen *cure*. Akoz i pou kontinyelman, may nou zanbet. Mersi Mr Speaker.

### **MR SPEAKER**

Mersi Onorab Georges. Bon nou ava kontinyen. Onorab *further amendments*.

### **HON BERNARD GEORGES**

So pou le moman nou pa tous sa. Nou ti'n regard 7 ki annan pou fer avek bann *voter*, bann santener. *Clause 6 pardon*, *Clause 6 se voters' census*, mon krwar ki i ti annan okenn problemm avek sa. Pardon.

### **MR SPEAKER**

En moman Onorab Georges. Onorab William.

### **HON WAVEN WILLIAM**

Mersi Mr Chair. Mr Chair mon krwar poudir bomaten Onorab Henrie ti lev en konsern. E mwan osi mon ti a kontan raport sipor a sa konsern. So mon anvi demann avek *panel*, pou dir nou si en *voters census* i enportan e neseser?

E si i wi, lafason ki sa lartik in ganny ekrir la. Kot i pe dir, '*the Electoral Commission may cause to be conducted a voters census*'.

E mwan osi mon ti a konan al pli lwen lo la. Ki mon krwar si nou pe fer en Lalwa ki byen e bon, mon krwar nou pa devret kit sa dan lafason ki i ete.

Menm mon ti a dir petet met en *timeframe*.

Akoz si nou konsider en *voters census* enportan, akoz servi 'may'? Me pa osi donn en *timeframe* kot i vin obligatwar si nou pe vreman anvi ki nou *voters register*.

E tir tou sa bann anbigite. Akoz nou'n tande ki'n pase. E si nou vreman anvi fer en lalis vote ki vreman kler.

So mon ti ava propoze ki nou revwar sa. E petet mon ti a kontan ganny komanter sorti kot *panello* la. Akoz mwan mon krwar poudir *voters census* i enportan, nou bezwen fer sir ki nou respekte serten norm e *practice*. Mersi.

### **MR SPEAKER**

Mersi Onorab. Mr Lucas.

### **THE ELECTORAL CHAIRPERSON DANNY LUCAS**

Mr Chairman mersi. Mersi Onorab. Mr Chairman en *voters census* toulstan i tre enportan e i esansyel.

Me, sa 'may' ki i fer, se an rekonesan i enportan nou *still* bezwen pran kont serten nou annan, ouswa ki ou war nou kapab gannyen an alan. Sa i donn nou fleksibilite pou nou prevwar e prepar resours. Pou nou kapab fer en *voters census*.

Akoz la nou pe koz depans ki ou war i entamen. Nou pe koz sa resours imen ki ou war nou bezwen mobilize pou nou kapab fer li. E si nou met li dan son absoli ki nou pou fer li toulezan, ouswa nou pou fer li tel lannen.

Ki fer, se nou kapab arriv en pwen kot nou'n met en keksoz dan Lalwa, e apre nou war ki par rezon ki mank resours, nou senpleman pa kapab fer li, ok. Sa ki fer, i donn nou fleksibilite. E si ou a pe regard sa amannman, nou pe met sa *enabling Clause* la e par anba la nou pe fer en serten SIs. Ki i pou elarzir e elabor lo sa *process census*, ki ou war, enn fwa ki ou war nou'n pare pou nou fer li. I pou annan bann regilasyon ki ou war i pou ganny sivre an se ki konsern *carry out* sa *census*.

E sa *S.I* annefe nou pe atann ki sa lamannman i pase. E *as soon as* ki i pase *then* ou a fer prosedir pou met sa bann regilasyon an plas. In fini drafte. In fini al kot Biro Attorney Zeneral. E nou'n fini ganny *Cabinet approval* tou pou sa.

So nou pe atann zis sa amannman *Elections Act* pase, avan ler ki ou war nou met li ater, met li devan. Mersi.

**MR SPEAKER**

Mersi Mr Lucas. Onorab Henrie,

**HON GERVAIS HENRIE**

Mersi Mr Chair. Lo sa pwen, *the key word* ki Mr Lucas in mansyonnen la, se fleksibilite. E bomaten sa *Clause* i enn ki mon'n lev, ki mon'n koz lo la. Zisteman mwan personnelman mon pa anvi donn zot fleksibilite lo sa *issue*.

Akoz ozordi kestyon kredibilite lalis voter i en topik dan popilasyon. Mon fek sorti en lanterman la, *this was a conversation* ki dimoun in koz ek mon apre lanterman.

So ki dimoun i anvi, ti deza annan en *voters census* ki'n fer, nou pa'n war rezulta. Si rezulta in ganny pibliye par la, eskiz mwan. Me mon pa'n tann koz lo la mwan. So i fer ki dimoun i anvi vvar en legzersis *thorough* konpreansiv i ganny fer pou zot rekonforte. Ki napa sa bann rimer lo tou sa bann zistwar etranze pe vote, dimoun mor, dimoun 150an.

So si nou donn ou fleksibilite la, ki garanti ki nou pou annan ki sa *voters census* pou vini, sa *S.I* pou vini?

Nou 6enm Lasanble ozordi avan nou ale, enn bann dernyen keksoz ki nou anvi fer,

ki mon swete mon bann koleg i partaz mon santi, se ki nou anvi en keksoz kler definir, wi i pou annan. So pou mwan i ti ava '*shall*', swa tou le 5an ou bezwen fer, swa tou le 7an.

Ziska ler dan la prosen 10 a 15an, popilasyon in satisfe bann parti politik. E tou bann lezot *stakeholders* in satisfe pou dir *voters' register* i kredib. Nou kapab tir sa *Clause*, mon napa difikilte. Me ozordi mon oule en lasirans. Mersi.

**MR SPEAKER**

Mersi Onorab Henrie. Onorab Pillay.

**HON SEBASTIEN PILLAY**

Mersi Mr Speaker. Akoz war nou vvar ki napa okenn komanter ki ensinifyan, tou i ede pou anrisi deba. Mon dir sa pou ed *Leader Lopozisyon*. Mon krwar Onorab Henrie i annan en pwen. Par lefe ki *while* mon konpran sa bout '*may cause*'. Ki petet li i napa resours. Me petet ti ava bon nou annan en peryod letan *within which* ou bezwen *cause* sa *to happen* ant bann eleksyon.

Akoz, *as it stands* la, i ouver konpletman. So an 2 eleksyon ou kapab deside pou pa fer li ditou mannyer i ete la. I dir ou, ou '*may cause for it to happen*' Me i donn ou en, petet

mon pa konnen, *1 year after* en eleksyon or *2 years* avan eleksyon.

I bezwen petet annan en peryod kot sa i kapab ganny fer. ‘*Not that it shall cause it to happen.*’ Me petet i ava ferm en pti pe sa konsern ki napa en *timeframe within which* ou pe fer li.

Mon pe konpran ‘*may cause*’ savedir poudir si ou, ou napa resours ou kapab donn en lot dimoun pou fer oubyen ou, ou kapab fer li ou menm. Koumsa mon pe konpran li. Me sa peryod ki ou pou determinen pou mwan i en pti pe tro vag.

*Why don’t we* petet curtail li e met li dan en konteks. Mersi Mr Chairman.

### **MR SPEAKER**

Mersi Onorab. Mr Lucas.

### **THE ELECTORAL CHAIRPERSON DANNY LUCAS**

Mersi Mr Chair. Mr Chair mon krwar i dan lentere tou dimoun ki moman pli vit ki nou kapab, nou fer en keksoz, ki ou war i ede donn sertitid avek rezis voter.

E i en keksoz ki nou pe panse petet regarde apre sa bann eleksyon i fini. Nou trwazyenm eleksyon i le 21 Zanyye. E bann keksoz ki ou

war nou ti pe regarde pou nou pran aksyon lo la par egzanp, se delimitasyon bann boundaries. *Census* osi i en keksoz ki ou war nou pe kalkile. Ti annan en rekomandasyon dan, rekomandasyon 2017.

Konmkwa ki nou *entame* sa *issue political parties financing, funds.* Sa pou li vini koman en novo Prozedlwa lo li menm. I bann keksoz ki ou war nou pe mazinen, regar ladan. Me evidaman dan sityasyon kot nou ete ozordi la, i pa posib pou nou fer tou keksoz a la menm fwa. Me lentansyon i la, e i pa nou lentansyon pou zis anvoye, anvoye, anvoye. Mersi Mr Chairman.

### **MR SPEAKER**

Mersi Mr Lucas. Onorab Pillay.

### **HON SEBASTIEN PILLAY**

Mersi Mr Chairman. Mr Chairman mon krwar se sa problem. Problem se ki sa Lalwa nou pa pe fer li pou Komisyen, nou pe fer li pou tou Komisyen ki vini, ou konpran? So, petet sey pran li from nou perspektiv. Si nou kit li parey i ete la, savedir ou ki pou determinen kan sa pou ganny fer.

I napa en peryod letan, i kapab envit tou le 10an, i kapab envit tou le 10an, i kapab tou le

5an, i kapab tou le, ler ou, ou deside fer li. Sa ki nou pe sey, dan ki nou pe sey dir ek ou se ki nou konpran tou sa bann keksoz ou annan pou fer.

Me sa ki nou ti pe propoze se ki dorenavan i ava annan en *voter census* ki ganny fer dan en peryod. Petet i kapab 2an avan en eleksyon. I kapab 1an avan eleksyon. Konmsi *at least* ki ler ou ariv a sa moman ki annan eleksyon, tou dimoun i kapab konfidan e konfortab ki sa lalis *voter* ki pou ganny servi pou sa eleksyon i kredib.

Se sa mon krwar ki konman Manm Lasanble nou pe rode. Nou pa pe mazin ou, ou Komisyon, nou pe mazin tou Komisyon ki pou vini, i ava annan, i ava annan en *timeframe within which* zot bezwen fer. Mersi Mr Chairman.

### **MR SPEAKER**

Mersi Onorab. Onorab Waven William.

### **HON WAVEN WILLIAM**

Mersi Mr Chairman. Mr Chairman mon krwar sa pwen i vreman enportan. Akoz nou koman Lezislater nou ti a kontan vvar ki parey ekspektasyon deor la, ki nou fer en Lalwa ki kler.

E leksperyans in montre nou poudir letan ou kit bann *loopholes*, parfwa, koman imen ouswa i annan bann dimoun ki kapab zwe avek serten bann responsabilite. Letan ou pa met serten obligasyon, an term lespas letan. Leksperyans in montre nou ki sa i kapab ganny abize.

Nou pa pe dir poudir nou pe souzestim sa novo Komisyon Elektoral. Me selman mon krwar, mwan mon krwar ki poudir i enportan ki nou kapab met en *timeframe*. Akoz sa i pou fors serten lobligasyon lo *Electoral Commission* pou kapab fer sa *voter census*.

Epi kot i konsern resours, me sa osi leksperyans in montre nou poudir i annan serten keksoz ki ou vvar, poudir be i pa irzan. Selman resours i ganny trouve. So si nou krwar koman politisyen ou, mon pa konnen kwa. Me mwan mon santi koman en Lezislater ki sa i en demann *genuine*. E ki nou devret kapab fer li antre. Mersi.

### **MR SPEAKER**

Mersi Onorab William. Onorab Simon Gill.

### **HON SIMON GILL**

Mersi Mr Chairman. Zis *thinking out loud*, eski i annan en posibilite ki Komisyon Eleksyon i fer serten, or zot *siny* en *memorandum of understanding* avek bann dimoun ki fer nou statistik, nou *populations survey*. Ki zot angaze dan sa moman ki pe fer sa *census*. Ki sa legzersis osi i ganny pran konsiderasyon.

Zot definir bann paramet. Eski i posib sa? Kot sa *voter census* i ganny fer an *parallel* or dan menm peryod letan. Si sa i pou kapab ede? Mon pa konnen parey mon'n dir ou, *thinking out loud* si i posib.

Si nou met sa letan definir sa 10an ki en *population census* i ganny fer. Eski en pakt, en lagreman i kapab ganny fer pou kapab fer sa legzersis similtaneman or zot lendepandans i kapab ganny konpromi si i fer ansanm.

Mon pa konnen, mon ti ava kontan gannyen leksplikasyon osi dan sa domenn. Si i posib pou donn nou en leksplikasyon la? Mersi.

### **MR SPEAKER**

Mersi Onorab. Onorab Gervais Henrie.

### **HON GERVAIS HENRIE**

Mersi Mr Chair. Mon ti oule *move* en lamannman lo sa *Clause*. Mon kapab lir li.

### **MR SPEAKER**

*Go ahead* Onorab.

### **HON GERVAIS HENRIE**

Si nou dir '*the Electoral Commission shall cause to be conducted a voters' census at 7 years interval.*' Mon panse 5an i tro kourt, 10 an i tro long pou lye li avek *population census*.

Parske irzans la i se ki pou nou ganny en *voters list* ki *credible* dan pli kourt dele letan ki nou kapab satisfer nou lekor. *So this is why* mon pou poz 7an. Mersi.

### **MR SPEAKER**

Mersi Onorab. Bon mon ava donn *panel* parol apre nou ava regarde pou, i annan bann komanter ki'n ganny fer. Apre nou ava konsider pou propozisyon. *Panel*, Mr Lucas.

### **THE ELECTORAL CHAIRPERSON DANNY LUCAS**

Mersi Mr Chairman. Mersi Onorab. Mwan annefe mon ti pe mazinen ki en legzersis koumsa i pa devret pran sa 7an ki ou a pe dir. Mon krwar *within 5 years or* dan en peryod tou le 5an, i en keksoz ki

ou war i kapab e i devret ganny fer pandan en peryod pli kourt ki 7an.

### **MR SPEAKER**

Mersi Mr Lucas. Onorab Ramkalawan.

### **HON WAVEL RAMKALAWAN**

Mr Speaker, Mr Chairman mon konpran sa konversasyon ki pe ganny fer la, sa dyalog. Mwan pou mon kestyon ki mon demande, *what will a voters census achieve?* Akoz mon demann sa kestyon? Ozordi nou'n bouz lo en lot nivo. E mon met zis en pwen devan, *the right of the migrant worker*. Ou deza annan ou en lalis *census*, ou deza annan ou en *voters list*.

Letan ou'n fer ou *census* ki ou pou fer ek bann dimoun ki ou pa'n zwenn dan ou *census*? Eski ou pou retournen ou pou tir zot non lo rezis voter?

Oubyen, eski ou pou bezwen kit zot lo rezis voter akoz ou napa drwa tir zot non? So mon pa konnen ki en *voters' census* i pou *achieve* mwan. *This is my question.* Mon pa konnen ki i pou *achieve* e nou pe koze, i enterese *the konversasyon*.

Me selman ou pa pou kapab tir personn lo la. Alors, letan ou'n fini fer ou *census*, nou'n dekouver ki poudir St

Louis, St Louis i annan 2150 dimoun lo *voters census*.

Me selman lo ou *voters' register* i annan 3250. Prezan? *This is the point.* E mwan mon, se pou sa rezon ki mwan *my whole thinking is a voters' census* i pa pou *achieve* nanryen, *because of the Treaties* ki nou ladan.

*The right of the diaspora.* Tousala se bann keksoz ki nou, mwan mon krwar ki i senp. Sak dimoun i fer son, sak politisyen i fer son travay. I idantifye ki poudir par egzanz si mwan letan mon pa fer letour St Louis mon dekouver ki poudir non, VP i lo lalis.

Me selman mon konnen ki poudir VP i reste Plaisance. E mon ganny tou mon lenformasyon, mon vin kot-Mon vini e mon *lodge* en *objection*. E mon kapab montre ki poudir la i la, i reste Plaisance e alor i pa devret lo lalis St Louis.

E i annan plizyer bann dimoun ki bann ka i kler. E se sa ki Onorab Henrie pe sey dir. Onorab Henrie i dan distrik Bel Ombre, dan distrik Mont Buxton, i konn serten dimoun ki reste Bel Ombre, me selman zot lo St Louis.

E enn i, set en *former* Manm Lasanble Nasyonal. E

ofet Onorab Prea i konn sa byen.

Be, i reste Bel Ombre, in aste en lakaz Gouvernman Bel Ombre. Kestyon se, ki i pe fer lo lalis voter Mont Buxton?

Se sa bann kalite keksoz ki bezwen ganny rezourd. E Bel Air tou i annan. I annan Manm Lasanble ki la lo zot kote ki'n anrezistre Bel Air, me selman i reste Bel Ombre. Ok? So, so se sa bann keksoz parey ki nou soz. En *voters census*, *I am sorry, will not achieve anything*. Mon dernyen pwen lo la Mr Chairman, mersi.

### **MR SPEAKER**

Mersi Onorab. Onorab Simon Gill,

### **HON SIMON GILL**

Mr Chairman mersi. Mon dernyen koze mon osi. Parey Onorab Ramkalawan.

E mon, nou ava agree pou nou dezagree nou de, ki en *voter census* pou anmenn nou keksoz. E sa i en *outcry* ki'n sorti lo kote lopozisyon, *year in year out*, dan bann moman kot nou pe rapros eleksyon. E sa zot in lye li avek kredibilite lalis voter, *ok*. Now, dan nenport ki moman ou popilasyon ki dan en distrik elektoral i sir pas pou okenn dimoun ki nou ava apel

li *migrant worker*, son *right* eksetera, eksetera, *ok*.

En dimoun si nou annan lenformasyon konmkwa ki i pe reste Bel Ombre. In sorti Mont Buxton.

Be Onorab Henrie, ou mon *MNA*, fer en obzeksyon, *lodge* sa obzeksyon. Fer sa obzeksyon, fer, anvoye, anvoye kot Komisyun Elektoral laba, obzekte ! Dir sa madanm or sa manmzel in sorti dan distrik Mont Buxton pou 3an or pou 2an.

I pa Mont Buxton, mon pe sertifye i reste Mont Simpsons, be anvoye laba, Komisyun Eleksyon i ava fer son louvraz i ava tire. Annou fer li koumsa. Me sa ki nou pe dir, nou oule anpese, ki nou'n koz lo la, *gerrymandering*, Onorab Ramkalawan with respect i pe pase. E nou bezwen met en *full stop* avek sa. Nou pa kapab pas nou letan zis tir dimoun, fer bann Matematik pou nou *offset* balans. Pou nou zis tir dimoun, e fer dimoun ale, al anrezistre. Nou bezwen arete sa. *Whichever* ki fer, or *whoever* ki fer sa nou bezwen arete.

Nou bezwen kree en stabilite. E nou bezwen annan en lalis voter ki kredib, ki reflekte popilasyon ki pe *reside* dan sa distrik elektoral.

Byensir an parantez bann dimoun ki'n al deor, ki pe travay, ki pe fer, i annan serten responsabilite. I kot serten Lanbasad, i pe travay. *Or* in ganny poste lo en misyon. Sa nou konpran. *Or* i pe etidye, nou konpran.

Me nou bezwen annan en lalis voter ki kredib. Si lopozisyon in les tonbe sa zafer kredibilite lalis voter, mwan e *United Seychelles* nou pou anmas sa ki zot in les tonbe. E nou pou dir nou bezwen en lalis voter ki kredib e sa ki pe zwe avek lalis voter pe transfer dimoun dan en fason *indiscriminate* dan en distrik a en lot, fodre arete! Mersi bokou.

### **MR SPEAKER**

Mersi Onorab. Bon, i annan en propozisyon ki Onorab Henrie in fer pou en amannman. Mon pa konnen si i pou ganny segonde, si nou pou pran li. Me an menm tan, si sa *Clause* in ganny anmennen, i bezwen i pa'n ganny *picked from thin air*. In bezwen in ganny diskite dan bann *meeting*. Se sa rezon ki i la.

Avan nou konsider propozisyon Onorab Henrie pou anmenn en amannman, mon ava redonn laparol *Chair Bills Committee*. Onorab Georges.

### **HON BERNARD GEORGES**

Mersi Mr Chair. Mr Chair annefe mon ti pou al fer menm remark ki ou'n fer. *The issue* devan nou la ozordi, se si pou annan en *voters census or not*. sa i dan Lalwa, amannman se si sa i pou a la diskresyon *Election Commission or si i pou mandatwar tou le 5an or tou le 7an*.

7an in ganny propoze, si *Chair Election Commission* in dir i pou refer 5an. So sa ki nou annan devan nou se en *choice*. Swa nou kit li *at the discretion* ki mannyer i ete.

*Or* nou adopte propozisyon Onorab Henrie, tel parey in ganny modifie par *Electoral, Chairman Electoral Commission*. E nou dir ki i mandatwar tou le 5an. Mon krwar *that's the choice before us*.

### **MR SPEAKER**

Mersi Onorab Georges. Onorab Sebastien Pillay.

### **HON SEBASTIEN PILLAY**

Mr Chairman mon segonn propozisyon.

### **MR SPEAKER**

Ou oule segonn propozisyon Onorab Henrie? Bon, propozisyon pou amande.

E zis remet ou propozisyon, ou amannman devan, in ganny segonde pou nou kapab pran en vot lo la.

**HON GERVAIS HENRIE**

Son propozisyon i lir, ‘*the Election Commission shall cause to be conducted a voters’ census at 5 year intervals.*’

**MR SPEAKER**

Ou’n sanz.

**HON GERVAIS HENRIE**

Non, nou ti’n dir 7.

**MR SPEAKER**

Ou ti’n dir 7. 5, ou pe pran 5.

**HON GERVAIS HENRIE**

Me, wi, 5. Zot in, zot prefere 5, so we go with 5. Ou ok avek sa?

**MR SPEAKER**

Ok. Bon i annan en propozisyon, i annan en amannman. Nou ava pran en vot lo la. Tou Manm ki an faver?

In fini ganny segonde, Onorab Pillay in segonde. Mon’n zis demann ou pou ou relir ou amannman, pou Manm konpran kwa ki nou pe vot lo la.

Tou Manm ki an faver? Okenn Manm ki kont? Mersi Madanm Clerk. Bon mon’n

ganny 20 Manm an faver, personn pa kont.

Savedir sa lamannman in pase. Onorab Georges ou ava pran sa an kont. An konsiderasyon a vin an kont. E nou ava bouze.

Bon, eski nou ganny en konsansis ki nou sey fini sa bann lamannman, nou *dispose of the Bill* avan nou *break*.

Oubyen eski zot oule pran en *break* la, apre nou retournen nou kontinyen travay? Onorab Georges eski nou annan ankor en bon amannman?

**HON BERNARD GEORGES**

Wi, mon krwar anfen, sak fwa nou pou regard enn sa bann *Clause* i pou definitivman annan en deba.

**MR SPEAKER**

Dakor. Be nou ava pran, nou ava *adjourn* la, e nou ava retournen 4. 45.

**(BREAK)**

**MR SPEAKER**

Bon nou ava kontinyen nou travay. Mon ava donn laparol Onorab Bernard Georges. Bon nou ava pran en *technical adjournment*. Eske ler *IT* i a kapab *sort out* sa problem.

*(technical adjournment)*

### **MR SPEAKER**

Bon mon prezant en leskiz pou sa pti problemm ki nou'n gannyen. Nou ava kontinyen avek nou travay. Mon ava donn laparol Onorab Bernard Georges.

### **HON BERNARD GEORGES**

Mersi Mr Chair. Mr Chair nou ti'n fek fini avek *Clause 6*. *Clause 7* i annan pou fer avek *alphabetical groupings*. Pou kas *voters register* an *alphabetical groupings*. Mon pa war okenn lanmen ki leve. *Clause 8*, i annan pou fer avek kantite dimoun ki pou siny bann lalis pou siport kandida prezidansyel ek kandida Lasanble.

500 pou vin 50, ek 50 pou vin 10. *That's the proposal.* Eski-

### **MR SPEAKER**

Mersi Onorab Georges. Bon ti annan sertern komanter ki ti ganny fer. Yes Onorab Ramkalawan.

### **HON WAVEL RAMKALAWAN**

Non Mr Speaker. Mersi bokou Mr Chairman. Mon'n osi ganny en pti konversasyon avek

VP. Nou kit li parey i ete la konmela.

Ki pou vin debout koman enn kandida prezidansyel ou bezwen 500. E pou ou debout koman en Manm Lasanble ou bezwen 50.

*This is, so mon pe propoze ki sa 8 antye i ganny tire. Parski nou pe zis gard li parey i ete la ozordi dan Lalwa. Mersi.*

### **MR SPEAKER**

Mersi Onorab Ramkalawan. *Any, lezot komanter. Panel. Yes AG.*

### **THE ATTORNEY GENERAL MR FRANK ALLY**

Mersi Mr Speaker. Mon pa pou fer en komanter legal, me plito en konsekans. Akoz bann *constitutional*, bann lamannman *subséquent* i fer par egzanp ki si i annan en dimoun ki petet i *claim* ki i pa'n donn son konsantman. E in e san son konesans. Alor ler i annan en kantite nonm dimoun, petet i *prone* pou ou kapab ganny diskalifye koman en kandida.

*So bann, therefore there should be a lot of caution ki pou bezwen ganny egzerse dan sa ka. Akoz sa bann further provisions ki pe ganny propoze. Mersi.*

**MR SPEAKER**

Mersi AG. Bon, Onorab Georges.

**HON BERNARD GEORGES**

Mersi Mr Chair. I en propozisyon lamannman, eski en dimoun kapab segonn sa propozisyon pou nou kapab.

**MR SPEAKER**

Yes Onorab Clifford Andre.

**HON CLIFFORD ANDRE**

Mon segonn sa lamannman.

**MR SPEAKER**

Bon, savedir nou tir sa clause konpletman. Ok, Bon. Yes Onorab Georges.

**HON BERNARD GEORGES**

Fini mon'n tire Mr Chair. Prezan nou vin *Clause 9*, ki pe rod amann seksyon *15 of the Principal Act*.

E sa se pou kree en lofans si ou met non en dimoun lo ou *nomination paper* san ki ou'n ganny son konsantman. E osi pou dan Seksyon 4, *Principal Act*, pou azout ki ou bezwen Kart Idantite Nasyonal sa dimoun ki pe *nominate* ou, bann dimoun ki pe siport ou. Ki ou bezwen non selman tenir zot sinyatir. Me osi zot *ID card*. Mon pa vwar okenn, pardon.

**MR SPEAKER**

Okenn komanter? Non. Ou kapab kontinyen Onorab.

**HON BERNARD GEORGES**

Mersi.

**MR SPEAKER**

En moman Onorab. Onorab Clifford Andre.

**HON CLIFFORD ANDRE**

Mersi Mr Chair. Mr Chair mon ti a kontan, ou konnen, akoz souvandfwa dan kad legal i annan keksoz ki pase. E apre sa dimoun i vin dir ou poudir li i pa ti fer. E la son *safeguard* se son kart idantite e son sinyatir.

Eski i osi apropriye ki nou enkli dan Lalwa, ki letan sa dimoun in sinyen, mon pe sey mazinen ki nou frenm sa laport konpletman, ki letan en dimoun pe sinyen i annan en lot dimoun ki *at least la before a witness*, menm si sa *witness* pa siny sa dokiman.

Parey i ete dan le ka en *Will* oubyen en *Will* kot en dimoun i met son *thumb print*.. I bezwen annan 2 temwen. So zis pou frenm sa *gap*. Akoz nou konnen i annan dimoun ki kapab donn son kart idantite.

Me i pa'n ganny enformen pou kwa son kart idantite. So zis pou nou *at least* frenm sa

trou ki kapab egziste, e dimoun i kapab *claim* sa. Mersi.

### **MR SPEAKER**

Mersi Onorab. Onorab Ramkalawan.

### **HON WAVEL RAMKALAWAN**

Non, be Mr Speaker, mon konpran sa ki Onorab Andre pe dir. Me selman i pa pou neseser. Parski sa dimoun pou bezwen siny lo sa *nomination paper as well*. So i pou konnen egzakteman kwa ki i pe sinyen. Alors pou napa nesesite pou al annan en temwen. Parski i ava pe siny sa papye. E i ava pe donn en kopi son *ID card*. Sa 2 mon krwar, nou sorti *from 0* pou nou annan 2 prekosyon. Mon krwar i al byen.

### **MR SPEAKER**

Mersi Onorab Ramkalawan. Onorab Francois Adelaide.

### **HON FRANCOIS ADELAIDE**

Mersi Mr Chair. Zis en pti leklersisman. Eski en dimoun i bezwen *endorse* zis en kandida, ouswa i kapab *endorse* plizyer kandida? Mersi.

### **MR SPEAKER**

Mersi. Petet zis en pti konversasyon ki ti leve dan *Bills Committee* osi.

Anvi ki en *National ID card* o an posesyon sa dimoun ki apartyen. Koman eski nou pou fer sa, dan ki laform ki nou pou pran ki sa kandida pou pran en kopi? Eski sa dimoun ki pe *endorse* li i bezwen donn li son *ID card* oubyen li i pran en kopi elektronik or nenport kopi?

Akoz nou tou nou konnen poudir sa *ID card* ki *bear* non e idantite sa dimoun i *belong* pou sa dimoun. I pa devret dan lanmen en lot dimoun. Mon pe koz sa akoz nou war bann keksoz ki'n arive, menm dan prosesis eleksyon.

Kot i annan plizyer, mon pou met li an konteks ki nou'n dekouver. Aktivis ki an posesyon 10, 15 *ID card*. So, mon avoy sa osi tou avek *panel*. Onorab Andre.

### **HON CLIFFORD ANDRE**

Mersi Mr Chair. Mr Chair mon konpran diskisyon ki pe pase la. Me selman, avan, avan sa dimoun ti sinyen li. So legzistans sinyatir ti deza la. Mon krwar en *additional safeguard* ki pe sey anmennen, se son kart idantite. Me i enportan pou fer resorti, mwan koman en noter, ou pe vin fer en transfer later kot mwan. Mon demann ou, ou kart idantite.

Akoz kot Lanrezistreman i dir mon demann ou oubyen met

avek mon dokiman ki mon pe anvoy anrezistre *for that purpose.*

Mon pa pou kapab servi ou kart idantite pou en lot *purpose.* So mwan ki mon pe dir, kekfwa nou devret osi mete, *ID card for the purpose* ki i pe ganny fer. E letan mon dir en temwen, ou konnen, nou tou nou dan politik la, nou bezwen et onnet.

Ki poudir letan i vin sinyen, souvandfwa pa zis enn ki vin sinyen, i vin 3, 4 dimoun ki pe vin sinyen. Nou dir zot, oubyen nou fer *meeting.* Nou dir sinyen. So sa enn ki pe sinyen, sa premye dimoun, i vin en temwen pou sa 2enm dimoun osi li. So sa dan sa konteks ki mwan mon pe dir, annou fer li, si nou'n mansyonnen, i fer li en pe pli solid.

E avek en Lalwa ki nou pe dir poudir i montre latransparans, i montre *accountability.* So i ava annan sa *safeguard* ki demen ni en parti, ni en lot parti, ni en kandida, ni en lot kandida.

Mon si mon deside pou met dan, dizon mon oule al met mon kandidatir Mont Fleuri. Mon pa pou kapab dir ek sa oponan ki poudir en keksoz in mars mal, kan i annan sa *safeguard* ki mete dan Lalwa. E

si i ganny respekte, mon krwar i pou fer li pli byen.

So si nou kapab, se dan sa konteks ki mwan mon pe sey dir. Mon pa pe dir annan al get en temwen endepandan, konmsi en dimoun ki li i pa pe sinyen pou li verifye ki sa sinyatir pe ganny mete par Onorab Hoareau oubyen Onorab Esparon.

Oubyen *Attorney zeneral,* oubyen en lot dimoun. So mon ti oule zis fer kler sa pozisyon, mersi.

### **MR SPEAKER**

Mersi Onorab Andre. Mon a pran en dernyen. Onorab Simon Gill, apre mon a donn panel laparol. Onorab Gill.

### **HON SIMON GILL**

Mersi Mr Chairman. Enn vitman, eske nou santi i enportan ki nou kalifye sa kart idantite? *A valid National identity card.*

### **MR SPEAKER**

Mersi Onorab.

### **HON SIMON GILL**

Mersi.

### **MR SPEAKER**

Mon ava donn panel laparol. Mr Lucas.

**THE ELECTORAL CHAIRPERSON DANNY LUCAS**

Mersi Mr Chairman. Mr Chairman dan sa sirkonstans kot ou pou bezwen anmenn 500 *supporters or above*. Si i annan sa bann alegasyon konmkwa ki en siporter pa'n ganny son *consent* dan sa *endorsement*. Mon krwar i tre pridan pou bann kandida, pou zot pran otan prekosyon ki ou war zot kapab.

Pou fer sir ki apre sa i napa en renonsyasyon. Kot sa bann dimoun i vin kot nou i dir *hold on*, mon pa'n zanmen siny sa.

Mon kopi kart, sepa *wherever it is, something has happened*. Akoz *on nomination day*, e i napa en gran letan pou nou desid sa bann zafer.

E i osi le ka ki si annan bann alegasyon *comme* sa, e *Commission* i war rezon pou *uphold* sa bann alegasyon. Nominasyon, *nomination paper* sa kandida pou ganny rezete. Ki vedir i dan lentere tou bann kandida pou fer sir ki enn fwa ki ou war zot in ganny zot 500 an plis siporter, zot pran tou *step* ki ou war dan zot avi i neseser. Pou fer sir i napa en renonsyasyon apre.

E par egzanp en keksoz ki ou war zot kapab fer, se annan

bann afidavit ki ou war i ganny sinyen par sa bann siporter. Konmkwa wi zot pe rapport zot sipor pou sa kandida an partikilye.

E si i annan okenn lot *step* ki ou war, zot krwar i neseser, bann step ilegal, ou asire konmkwa ki, ki napa okenn sa bann siny defo ki arive. Nou *advise* se fer otan posib. E pou ou osi i riske annan bann problemm, ki si en *ID card* in *issue*, and in ganny *issue* dan en pti pe lontan.

I posib pou war en sanzman sinyatir. *Well* pa en sanzman me petet serten diferans dan lafason sinyen. So sa osi fodre zot fer atansyon avek. Pou fer sir pou war, ou konnen. Sa nabou pou kit avek bann kandida pou fer sir ki ou war nou pa ganny sa bann lensidan *on nomination day*. Akoz konsekans i grav. Mersi Mr Speaker, Mr Chair.

**MR SPEAKER**

Mersi, Mr Chair.

**THE ELECTORAL CHAIRPERSON DANNY LUCAS**

Yes. I bezwen *valid, valid IDs*.

**MR SPEAKER**

Mersi Mr Lucas. *Attorney Zeneral, apre mon a donn laparol Onorab Andre. AG.*

### **THE ATTORNEY GENERAL MR FRANK ALLY**

Mersi Mr Chairman. Mr Chairman mon krwar sa ki Onorab Andre ti pe sey dir, se ki i anvi e petet sa ki mon ti pe sey *sort of kosyonn* en pti pe avek sa bann provizyon ase pinitif.

Dan le sans ki si *nomination day* i dan en pti kourt letan. E si i arive ki annan en dimoun ki renons son konsantman, ki dir, ki claim ki i pa'n zanmen donn son konsantman.

I kapab annan en konsekans ase, *well, consequential* lo sa. Akoz menm si sa kandida i vin avek 550 siporter, menm si i annan 1 i pou'7 diskalifye. Alor i tre konsekan pou li.

E se sa ki petet Onorab Andre ti pe, ti oule petet en provizyon oubyen en serten ranpar ki *there would be conclusive evidence* ki en dimoun in donn son konsantman si mon'n soumet, si in sinyen e mon'n soumet son kart idantite. Me prezan eski nou al dan en lot prose e letan i tre kourt pou ou kapab, pou Komisyon Elektoral vin, pou *adjudicate* en *dispute as to*

*whether mon'n donn konsantman oubyen mon pa'n donn konsantman.*

So i depan lakantite dimoun ki fer sa. E petet anfet sa konversasyon, nou ti fer en konversasyon avek Komisyon Elektoral, si i ti a bon donn en opsyon pou en Manm kapab annan temwen. Oubyen en noter, *whether by* en noter, *whether* en temwen normal, oubyen.

E Komisyon ti dir, pare *Chairman* in dir, sa kandida li i bezwen pran bann mezir neseser pou li kapab fer sir ki asir ki sa konsantman i en konsantman ki valab, e ki'n ganny donnen san *equivoque*. Mersi.

### **MR SPEAKER**

Mersi AG. Onorab Andre.

### **HON CLIFFORD ANDRE**

Mersi Mr Chair. Mr Chair mon krwar Onorab Adelaide in lev en bon pwen.

Akoz letan nou pe get sa provizyon, ler nou get sa provizyon, kot i dir *a copy of the national identity card of each person endorsing the candidate to stand for election*.

I pa dir ou si i bezwen *endorse* zis 1. E mwan mon pe sizere ki ladan osi ti a bon nou met en provizyon ki en dimoun

napa drwa *endorse more than 1 candidate for a particular election.*

Savedir i pa kapab *endorse more than 1 person* pou kandida prezidansyel, ni eleksyon Lasanble. So mon krwar nou bezwen, akoz napa nanryen ki dir i pa kapab fer. Mersi.

### **MR SPEAKER**

Mersi Onorab. Attorney Zeneral.

### **THE ATTORNEY GENERAL**

#### **MR FRANK ALLY**

Mr Speaker mon apresye sa. Me selman en kandida i pa konnen lekel ki pe siport en lot kandida. E alor i kapab annan bann mannigans kot en kandida i kapab servi en siporter or en siporter aparan pou li kapab diskalifye en lot kandida.

So i vin en keksoz, tre, tre preker pou en kandida. E sa kandida i kapab vwar son lekor pe ganny diskalifye.

So mon krwar nou bezwen azir avek bokou *caution* e pa les, pa fer bann keksoz ki bann kandida prezanz. Akoz i *unknown to*. You would not be able to act for an unknown. Sa ki mwan mon pwennvi. Mersi.

### **MR SPEAKER**

Mersi AG. Onorab Andre.

### **HON CLIFFORD ANDRE**

Mersi. Ou konnen mon konpran ki *Attorney* zeneral pe dir.

Me selman kekfwa osi dan Lalwa nou bezwen met en provizyon, ki si 50 dimoun i vin *endorse* en kandida Manm Lasanble, ladan nou, nou bezwen dir annan en *disclaimer*.

Oubyen en keksoz ki ganny fer. Ki dan Lalwa kot nou'n dir, nou'n demann li nou. Mr Joseph ou'n, ou pe *endorse* mwan.

Mon oule ki ou dir mon si ou'n *endorse* okenn lezot kandida? I dir mwan non. So mwan mon a kouver mwan. Ou konpran?

So, akoz ki mannyer ou pe dir, i annan 500 dimoun ki *endorse* kandida prezidansyel. E ladan i ganny vwar ki enn son kandidatir i kapab ganny afekte.

So mwan mon pe dir ki poudir pou nou *avoid, avoidance of doubt*, nou bezwen met en keksoz ki *safeguard* sa kandida *at least*. Akoz definitivman sa dimoun ki pe *endorse* i kapab koz lalang, i annan posibilite ki i koz lalang. Akoz i annan dimoun ki fer

deklarasyon ki pa korek. So mon pe zis met sa devan.

Akoz ou konnen nou pa pou oule ki demen letan en pti *enquiry* oubyen en konsern i leve, en *enquiry* i ganny fer, sa dimoun i dir poudir, be mwan mon ti dir li mwan, li in dir mwan mete menm. So mon ti a kontan zis poz sa la, pou nou gete. Mersi.

### **MR SPEAKER**

Mersi Onorab. Onorab Churchill Gill.

### **HON CHURCHILL GILL**

Mersi Mr Chair. Ou konnen, sa sityasyon kot sinyatir avek kart idantite, *still* i pa, i napa en garanti ki i *safe*. Mwan mon ti a sizere ki ler nou pran kopi sa kart idantite sa dimoun nou osi pran en *thumb*.

Akoz sel dimoun ki pou kapab donn ou son *thumb*, se sa enn ki'n met son, lo son kart idantite. Napa personn ki kapab fer sa.

E sa i zistifye poudir sa dimoun li menm li ki'n dakor pou fer sa. *At least* i ava donn nou, i ava en sekirite adisyonnal, ki zistifye poudir sa i sa dimoun, napa personn ki kapab zwe avek. Mersi.

### **MR SPEAKER**

Mersi Onorab Churchill Gill. Onorab Aglae.

### **HON EGBERT AGLAE**

Mersi Mr Chair. Mr Chair mon krwar nou dan sa prosesia la, nou bezwen mazin senplifikasyon. E ler nou pe anmenn bann lezot eleman ki pou koz serten retar osi, serten *workload*. Sirtou pou Komisyon an term fer sa louvraz otansite, verifikasyon. E mon pa pou tro dakor ek sa ki Onorab Andre pe dir. Akoz mon plito plis krwar sa ki *Attorney Zeneral* i dir.

Akoz si ler en dimoun li in deside pou li *sponsor* en dimoun, donn son sinyatir. E parfwa dan bann eleksyon ou pou annan plizyer, ou kapab annan 10 kandida osi. E ou mazinen sa kantite travay osi ki pou bezwen ganny fer, zis pou verifye.

Akoz mwan koman en kandida ki mon'n rod mon sans *sponsor* pou mwan. Mon pa pou konnen ki sa 9, 7 lot in al rode koman sinyatir. E prezan ler mwan mon'n ariv mon *deadline* pou mwan fer mon soumisyon osi kot Biro Eleksyon, i annan posibilite ki ler mwan mon'n vini si nou agree sa ki Onorab Andre i vini, *at the last hour* mon pe war mwan pe taye, ouswa mon

ganny diskalifye. Ouswa en lot kandida i ganny diskalifye.

So mwan mon krwar poudir nou gard li en pe dan sa zanr parey i ti ete. E nou pa anmenn lezot eleman otan otansite. Akoz en lalis voter i ganny vwar pou verifye avek sa bann sinyatir ki ou'n mete. So mon krwar i fer plis sans. Nou a met en kopi kart idantite. E nou *move on*. Mersi.

### **MR SPEAKER**

Mersi Onorab. Onorab Adelaide.

### **HON FRANCOIS ADELAIDE**

Yes Mr Chair. Petet mon a demann Komisyon, *panel, what, ki purpose* pou en dimoun *endorse* en kandida? Mon pa war nanryen mal si i annan en dimoun i *endorse* 5, 6 kandida.

Akoz si ou konnen sa dimoun i *fit*, i annan tou bann kapabilite pou li soz. So mon pa war okenn nanryen mal. Amwen ki panel i annan en rezon akoz ki i pou dir mon en kandida, en dimoun i bezwen *endorse* zis en kandida. Mersi.

### **MR SPEAKER**

Mersi Onorab Adelaide. Onorab John Hoareau

### **HON JOHN HOAREAU**

Mersi Mr Speaker. Mr Speaker a mon a vie mon krwar si ler pe *endorse* sa kandida, i annan sa kart idantite, i annan en dat en ler o bor, i kapab *solve* en kantite problem. Parske sa dimoun ki'n *endorse* sa kandida i annan sa dat sa ler. Ou kapab dir, poudir be sa in *endorse* sa enn premye. Alor i *valid*.

Me sa bann ki pou vin apre, mon mazinen petet i reste *onus*. Sa kandida petet si ou rod ou, olye 509 kandida ou rod ou 25 *spare*, ou met la. Si i annan 1 ki an ka i ganny diskalifye, ou kapab ranplas li par en lot sinyatir. Mersi.

### **MR SPEAKER**

Mersi Onorab. AG mon annan ankor 2 Manm, apre mon ava donn ou laparol. Onorab Ahmed Afif.

### **HON AHMED AFIF**

Mersi Mr Chairman. Mr Chairman mwan mon konsern i en pti pe lo seksyon *Clause 9(a)* dan lamannman, kot i dir '*provided that where the name of the voter has been entered*' eksetera. E kot i dir '*without the consent or the knowledge of the voter the nomination paper of the candidate shall be rejected*'.

Konmsi mon war sa i en pti pe for. Akoz mon dir i en pe for? Akoz dizon i annan en

kandida prezidansyel, in ganny li 550 oubyen 600 dimoun ki'n siny son form nominasyon.

Me selman prezan en dimoun ki anvi fer li malis, in sinyen son form, li in pran son *photocopy* son *NIN* ki ti son vre *NIN*, in met tou zafer byen in fer *photocopy* in donne, afidavit tou zafer.

Be selman apre en dimoun i *sponsor* li pou kree en dezord. Prezan i dir be al laba, ler pe al *nomination* la dir poudir ou'n tande ou non i lo soz, ou pa ti zanmen fer sa ou. Selman in fer li.

Prezan mon pe get *Electoral Commission* zot pou dan en problem zot. En dimoun pe *contest* i dir sa en *fake*. Prezan i annan en posibilite *Electoral Commission* prezan i pran en desizyon, i dir be tyonbo en kou be lala *without the consent or knowledge sorry, sorry* mon bezwen *reject* ou *candidacy*.

Eski would that be fair on the candidate? In fer tou keksoz byen li, akoz zot pou dir be non la bezwen al Ankour la, mon pa konnen, be *sorry* mon pe *reject* ou kandidatir akoz sa.

Eski nou pa devret annan en *Clause* ki bokou pli senp? Mon dakor dan bann ka kot en dimoun pe fer frod i *ok*, be at

*that point* i pa ankor konnen si en frod ou.

Be eski i pa devret petet senpleman dir poudir *that line of nomination is immediately rejected*. Pa afekte sa kandida akoz i pa son lafot, si en dimoun pe fer li malis. Pa son lafot.

### **MR SPEAKER**

Mersi Onorab. Onorab Sebastien Pillay.

### **HON SEBASTIEN PILLAY**

Mersi Mr Chairman. Mr Chairman fransman mon pa vreman war ki sa ki nou anvi *over legislate* la. Mon pa vreman war kwa ki nou anvi *over legislate*. Sel provizyon, par egzanp si mon pou entervenir avan mwan. Rezon in eksplike akoz ti fer li desann 50, se zisteman akoz si ou'n al rod 500, prezan 1 i vin diskalifye ou. *That was the whole point* pou fer li desann sa, one of the reasons why.

Prezan si nou pran sa sityasyon en dimoun pe sinyen. Si ou pa anvi siny en papye ou pa sinyen. Si ou pa anvi donn ou kart idantite ou pa donne. Napa en *foolproof method* ki ou pou kapab fer pou ou garanti. *Unless* ou pe dir mon *ok* la prezan mon bezwen en *camera* pou mwan filmen sa boug ler i pe sinyen. Pou sa bann dimoun

kapab ganny sa levidans.  
*There's no ways* ki zot pou konnen.

*So I don't think there's anything else* nou pou kapab azoute ki pou *improve* sa.  
*There's nothing else.* Prezan en lot keksoz *regarding* si en kandida i kapab, en dimoun i kapab *endorse* diferan kandida. En dimoun i kapab *endorse as many as they want, it doesn't matter.* I pa pou vin en problemm. Akoz zisteman i pou pe egzers son drwa konstitisyonnal. Ou konpran?  
*So I think we can move on.*

Sa propozisyon with a *valid ID card* I think that's important akoz i tie-in avek the whole concept. Ou bezwen en *valid ID card* pou al vote, en *valid ID card* pou sinyen pou en kandida. And we move on, otherwise nou pou petet vir an ron lo sa menm size. Mersi Mr Chair.

### **MR SPEAKER**

Mersi Onorab. Si in sinyen in donn son *ID card* pou pran en kopi, savedir in *consent*. I pa kapab vin obzekte apre. *Panel*, mon a donn laparol *Attorney Zeneral* apre Mr Lucas. AG.

### **THE ATTORNEY GENERAL MR FRANK ALLY**

Mersi Mr Chairman. Mr Chairman mon krwar Onorab Aglae in lev en pwen ase enteresan lo kote *endorsement*. Se ki en dimoun i kapab *endorse* mwan premye, *endorse* en kandida premye. Me sa kandida ki al *nomination* i al, e lot, me sa dezyenm ki al premye pou *nomination*, e non pa-. So the question is lekel ki the valid *endorsement*?

So mon krwar poudir i kler ki napa proibisyon parey ki Onorab Adelaide in dir ki ou kapab *endorse* 2 kandida, ou pa pe vote ou, ou pe *endorse*. Vote is something else. E mon krwar nou, i petet pou met en restriksyon or pou fer diskalifikasyon. Son konsekans i pou bokou plis. E parey, Onorab Afif mon krwar in servi sa term ki mon pa ti oule servi, less si en dimoun i sey fer ou malis avek bi pou evantyelman diskalifye ou.

So mon krwar i, ti a bon ki i kler si i neseser kler pou avoid okenn dout en dimoun i kapab *endorse* 2 kandida, 3 kandida, plizyer kandida si i anvi *endorse*.

I pa vedir ki pou annan menm kantite dimoun, menm dimoun ki pou *endorse* tou kandida. Otherwise i pou vin en biznes. Kot ou vin kot mwan therefore mon *endorse* ou, tou

dimoun i vini mon *endorse* ou.  
Mon krwar sa.

Me pwen ki Onorab Afif in fer sorti mon krwar i annan serten validite, me petet Komisyon i a kapab koz lo la an term ...

### **MR SPEAKER**

Mersi AG. Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Chairman. Mr Chairman sa *proposed amendment* ki ou war nou'n anmennen, i sorti direkteman dan rekondasyon 2017. E *on the face of it* ler ou regard li, nou bezwen pran li serye akoz i annan bann konsekans serye ki ou war i kapab arive. So lo kote *Commission* nou *open* pou okenn keksoz ki Lasanble i panse poudir i pou rezonnab dan sa sirkonstans.

Selman sa i en keksoz pou Lasanble konsidere. Lo kestyon *endorsement*, *Attorney Zeneral* son lopinyon e i en lopinyon ki ou war nou *share* nou osi. An sa ki konsern ki kantite kandida ki ou war i kapab ganny *endorse by* en personn.

### **MR SPEAKER**

Mersi Mr Lucas. Onorab Henrie.

### **HON GERVAIS HENRIE**

Mersi Mr Chair. 2 keksoz ki'n ganny dir la ki pik mon lespri, dabor Chairman isi la in dir kwa ki rezonnab. An term la kantite dimoun ki endividé i kapab *endorse*.

Si nou ti pou pran konsistan lespri sa bann lamannman, kot par egzanp en dimoun ki pe anmenn en dimoun vote koman en, ki mannyer nou apel sa, bann dimoun la ki *assisted*, zot pou kapab anmenn 2, zis 2 *right?*

So si nou dir en dimoun i kapab selman *endorse* 2 dimoun. Akoz mon dir sa akoz en remark ki AG in fek fer, ki si non i kapab vin en biznes. Mwan mon war lavenir en dimoun i pase i dir be wi mon ava *endorse* ou, donn mwan en larzan. E sa boug i asiz en landrwa anba en pye mang i *endorse* 4 boug e sakenn 500 in donn li, i fer R2000 dan 30 minit.

Eski sa ki nou anvi? Konmsi *this process* pou mwan i bezwen en keksoz ki i *genuine*, i serye, i nou pa pe pran sa koman en zwe. So a mon avi mon panse ki 2 *endorsement* par endividé i sifi, e i al anliny avek bann lezot paramet ki nou pe mete. E nou anpeste ki

sinyatir i vin en biznes dan eleksyon. Mersi.

### **MR SPEAKER**

Mersi Onorab Henrie. Onorab Andre.

### **HON CLIFFORD ANDRE**

Mersi Mr Chair. Mr Chair si nou pe al parey *Attorney Zeneral* in dir nou an referans avek en dimoun i kapab *endorse* plis ki en kandida. Alors otomatikman nou pou bezwen tir dan sa lamannman sa Seksyon 15(a) parey Onorab Afif ti pe dir i fer li lour. Akoz sansan en dimoun pou dir ou, pa ti avek mon konsantman, oubyen san mon konesans.

### **MR SPEAKER**

Mersi Onorab. Mon a donn laparol Onorab Bernard Georges.

### **HON BERNARD GEORGES**

Mersi Mr Chair. Mr Chair mon krwar kestyon eski ou kapab *endorse* plizyer dimoun in ganny solisyonna. I pa en problem ou kapab.

Bann dimoun ki pe asize anba en pye mang pe pran R500 pou *endorse* en dimoun. Be sa nou pa kapab anpes sa apard ki nou menm nou bann kandida nou fer sir ki nou rod en lot dimoun ki sa enn ki pe

asize pe pran en ibou avek nou, pou li siny nou form.

E i reste nou donk 2 issues, Kart Idantite Nasyonal ki mon krwar apre sa ki'n ganny dir ozordi, tou bann dimoun serye ava pran mezir pou zot fer sa dimoun ler i donn sa kart, siny en dokiman ki pou prouve ki in siny sa *nomination paper* volonterman, e ki i *handover* son kart volonterman.

Annefe ou pa ni bezwen *handover* kart sa dimoun. Ou kapab tir en portre sa kart e *print* li pli tar e san ki ou bezwen physically al avek kart sa dimoun.

Donk *the problem doesn't arise*, ozordi teknolozi i senp. Alor mon krwar sa bann problem se bann problem ki byen ki nou pe koz lo la ozordi. Me i pa bann problem ki ensirmontab.

Parkont pwen ki Onorab Afif in fer i annan en sertern validite ladan. Akoz, e mon konpran akoz sa propozisyon in ganny fer, sa se pour fer sir ki okenn dimoun ki siny en *nomination paper* i fer li an bonn fwa avek son volonte. E converse li okenn kandida pa al rod, pa al fer en frod.

Akoz i pa kapab ariv son kantite i pou met detrwa non en dimoun ek en sinyatir *fake* zis pou li fer ariv son kantite.

E lafason ki Seksyon 15(a) i, pardon ki wi, *Clause 9(a)* ki pe amann Seksyon 15(3) i war li. Se pour fer son *penalty* vin vreman, vreman *strong*. Setadir ki si ou fer sa manboulouk, si ou me non en dimoun ki pa'n siny ou form. Ou fer krwar ki in sinyen, ou pa merite kapab debout dan en eleksyon.

Akoz se pa sa kalite dimoun ki sa pei i bezwen dan son konteks politik. E donk i met son bar ase o, e in fer ki son pinisyon i for. Ou pa ni kapab stand.

Mon ti ava kontan asouplir, anfen pa asouplir, me mon ti a kontan met en gardfou avek sa. Pa sanz li, me met en gardfou.

E si zot regard zot *Clause 9(a)* devan zot, kot i met; “provided that where the name of a voter has been entered in the nomination paper as an endorsement for a candidate to stand for election without the knowledge and consent of the voter”, mon pe propoze azout ‘the onus of which shall lie on the voter to prove on the criminal standard, the nomination paper of the candidate shall be rejected.’

Donk, sa dimoun ki pe fer sa lakizasyon se li ki bezwen prouv son lakizasyon *beyond reasonable doubt*. Donk ase o.

Pour ki sa dimoun pa kapab, ou pe kapab pey en boug pou al fer sir ki en dimoun ki ou pa kontan pa *stand*.

I pour bezwen son laprev pour bezwen o. I pou bezwen satisfer *Electoral Commissioner or Electoral Commission or Chief Registration Officer, whoever it is* i pou bezwen satisfer li lo en *very high standard of proof*, ki sa ki i pe dir i vre. Si i pa *meet* sa *standard* son lakizasyon i ganny rezete. *That's my proposal* Mr Chair.

### **MR SPEAKER**

Mersi Onorab Georges. Onorab Andre.

### **HON CLIFFORD ANDRE**

Mersi Mr Chair. Mon segonn sa anvi ki mon ti'n propoze ki nou tire me si i met sa *proviso* i fer li *meet* sa *standard* ki mwan mon ti anvi. Mersi.

### **MR SPEAKER**

Mersi Onorab Andre. *Attorney Zeneral*.

### **THE ATTORNEY GENERAL MR FRANK ALLY**

Mr Chairman mersi. Mr Chairman mwan, *again* mon krwar nou pe get li, menm si sa Lalwa i sorti kot nou. Me nou bezwen get li dan nou diskisyon dan en peryod letan. Ler en

dimoun i debout ankour i dir in ganny *sexually assaulted*, it's the word of the complainant versus the, not even the word of the accused. E i kapab prove to a judge beyond reasonable doubt ki in annan en assault.

Now, me letan i kourt, pou nomination day. E si i annan en kantite sa bann renonsyasyon. Mon pa konnen si petet nou bezwen fer li en pti pe pli a lenvers pou dir, once ki ou'n sinyen. Akoz en dimoun i kapab sinyen li me i siny son sinyatir konpletman diferan pou li kapab demontre poudir mon pa'n zanmen sinyen.

Egzakteman. So unless si en dimoun in sinyen, petet in sinyen e kopi son kart idantite in ganny soumet, then it is conclusive proof, unless li sa dimoun i assure otherwise.

Me again nou kit li ouver pou annan en litiz en adjudication. E amwen mon pa konnen si Chairperson Komisyon, zot anvi petet sa propozisyon ki Onorab Andre in dir. Se ki donn sa opsyon sa kandida pou li kapab annan plis safeguard, kot si i anvi annan en witness, then en dimoun i witness.

So therefore, i pou rate li, ou pou kapab zis demann sa temwen eski sa dimoun ti sinyen, i pou dir ou wi, and then

*that this would be the end of the matter. Rather than ou'n al dan en prose, sort of en prose devan Electoral Commission. Mersi.*

### **MR SPEAKER**

Mersi Attorney Zeneral. Onorab Sebastien Pillay.

### **HON SEBASTIEN PILLAY**

Mersi Mr Chairman. Mr Chairman mwan mon ti a zis kontan konmsi kosyonn nou ki annou pa apros sa Lalwa an mazinan le 2 pli gran parti.

Parey Komisyon Konstitisyonnel ti sort of vwar keksoz sa letan dan sa konteks, konteks in move en kantite ozordi, e nou dan en diferan konteks.

E whatever ki nou sey fer ozordi, annou sey apres li dan en fason ki pou nou fer sir nou fer en zefor lezitim pou allow maksimonm partisipasyon dan sphere politik Sesel.

E mon krwar sete sa lentansyon an fer sir ki si ou'n ganny 50 sinyatir ou'n ganny 50 bona fide signatories. I pa'n anvoy ou pou 500 akoz ou konnen poudir ler ou'n ganny 500 apre ou al end up avek enn ou vi fer tou sa zefor.

I think sa leksplikasyon ki Mr Lucas in donn ti fer sans. I don't know si Onorab Georges i kapab-? Konmsi annou sey

mazin li dan sa perspektiv.  
Mersi Mr Chairman.

### **MR SPEAKER**

Mersi Onorab Pillay. Onorab Georges.

### **HON BERNARD GEORGES**

Eskiz mwan Mr Chair si mon, mon pa'n ekout Onorab Pillay akoz mon i pe sey ekrir sa ki *Attorney General* ti'n dir, kekfwa Onorab Pillay ti kapab repet sa ki in dir.

### **MR SPEAKER**

Mersi Onorab Georges. Onorab Pillay.

### **HON SEBASTIEN PILLAY**

Mersi Mr Chairman. Mr Chairman ou vwar ki pe ariv nou la sa ler la, se ki nou pe sey antisip tou keksoz *from* perspektiv 2 parti ki kapab fasilman ganny 500 *signatories*.

*That's one of the angles* ki mon pe war vizavi, annou pran sa largiman. Nou ti annan en sityasyon kot i kapab annan 50 sinyatir, e sa 50 sinyatir sa dimoun ti kapab asir, *to use the term* ki bann zenn i servi pou asir son kou avek son 50 sinyatir. Fer sir poudir son 50 sinyatir *bona fide* sa ki in gannyen.

Mwan mon pa pe dir ki zot lamannman i mal, mon pa pe

atak zot lamannman. Sa ki mon pe zis dir avek zot se ki, ou vwar sak fwa nou ariv en pwen kot pour nou sey kontrol sa sityasyon i annan en keksoz ki monte. *And then we have to go back*, e fer bann azisteman. Petet annou konsider sa ki nou ladan.

Lamannman ki nou pe fer dan sa Lalwa, pa zis *from* perspektiv le 2 parti ozordi ki annan plis *sway* dan *sphere* politik Sesel, me konsider ki mannyer nou *open* lespas pou lezot parti politik, pou lezot dimoun ki oule partisip dan lavi politik nou pei.

Sa i en lopinyon ki mon krwar nou bezwen annan a sa moman ki la. *Compared to* lopinyon ki petet ti annan an 1993 ler nou i pe koz lo Konstitisyon. Sa i zis en lopinyon. Mersi Mr Chairman.

### **MR SPEAKER**

Mersi Onorab Pillay. Yes  
Onorab Andre.

### **HON CLIFFORD ANDRE**

Mersi. Mr Speaker mon krwar parey Onorab *Leader* Lopozisyon in dir, nou gard li 500 e 50 akoz Onorab Pillay in dir ki i a fer sir ki si nou annan 50 pou *presidential* nou pe ganny bann *bona fide* sponsors.

Me o kontrer i fer sa nominasyon vin pli kredib letan ou annan 500 *bona fide*. Napa naryen ki anpes ou annan 500 *bona fide*. Selman ki parey Onorab Attorney Zeneral in dir parey mwan mon ti pe dir se ki, zis pou annan en *safeguard* i ava annan en *additional provision*. Si nou santi sa pa devret dan Lalwa *ok*, nou pa met li, me selman annou gard li as 500. Mersi.

# **MR SPEAKER**

Mersi Onorab Andre. Onorab  
Georges.

## **HON BERNARD GEORGES**

Mr Chair mersi. Mon'n pran li  
an kont sa ki Onorab Pillay in  
dir ki sa ki nou pe rode se nou'n  
ariv dan en letan kot nou  
bezwen *assume* ki keksoz i  
ganny fer dan en fason diferan.

E mon oule met donk  
ankor enn fwa pou reponn a sa  
problem ki devan nou, a  
savwar ki mannyer ou pou fer  
sir ki en dimoun pa kapab a la  
dernyen minit vin devan e dir ki  
i pa'n siny en form ki in sinyen.

Mwan mon ti'n propoz en  
*standard of proof* ki o, e  
Attorney General ti'n propoz en  
prezonpsyon. Mon'n drafte sa  
prezonpsyon swivan pou zot  
konsiderasyon; “*For the  
purposes of this sub-section*

*there shall be a presumption that the name of a voter on the nomination paper of a candidate was made by the voter with the voter's consent." Ok? Donk sa se en prezonpsyon.*

Donk *Electoral Commissioner* or *Electoral Commission* or *Chief Registration Officer*, ler sa problem i arive i bezwen apros sa problem lo labaz ki sa *vote* i *genuine*. E in ganny fer par sa dimoun. E donk prezan li sa dimoun i pou bezwen satisfer li *otherwise*.

Kestyon se eski nou gard sa premye clause that the onus will be on him to prove beyond the reasonable doubt e proviso an menm tan. Akoz sa 2 i fer sa vin for. I les en échappatoir, but at the same time i prezimen ki en nomination paper i valab unless proved to the contrary.

## **MR SPEAKER**

Mersi Onorab Georges. Onorab Afif.

**HON AHMED AFIF**

Mersi Mr Chairman. Mon siport sa lamannman parske la ou santi ou en pe pli confortab, ki dan sa ka ki mon ti mansyonnen taler, ki i annan bann provizyon pour kapab aksepte en nominasyon, si in ganny fer avek sa *presumption*.

E i donn zot bataz pou aksepte sa pli byen. Mersi.

**MR SPEAKER**

Mersi Onorab Afif. Panel, comments?

**THE ELECTORAL CHAIRPERSON MR DANNY LUCAS**

Mr Chairman mersi. Lo nou kote nou napa okenn obzeksyon avek en tel amannman.

**MR SPEAKER**

Mersi Mr Lucas. Yes, Onorab Bernard Georges zis repas en pti pe lo amannman lo travay ki nou pe fre. Zis *recap* en pti pe lo amannman ki pe ganny propoze.

**HON BERNARD GEORGES**

Wi, i ok. Met devan zot *cCause 9(a)*, sa bout ki komans ‘provided that.’ “Provided that where the name of the voter has been entered in the nomination paper as an endorsement for a candidate to stand for election without the consent or knowledge of the voter,” nou azout ‘the onus of which shall lie on the voter to prove to the criminal standard, the nomination paper shall be rejected. ’Epi for the purposes of this sub-section nou pe azoute

*for the purposes of this subsection there shall be a presumption that the name of a voter on a nomination paper of a candidate was made by the voter with the voter’s consent.’*

**MR SPEAKER**

Eski i annan konsantman oubyen? Yes. Bon nou ava proceed Onorab Georges.

**HON BERNARD GEORGES**

Mersi Mr Chair. Nou al lo *Clause 10 e sa i ranplas seksyon 15(A) the principal Act which is the force majeure Clause.* I egziste deza e sa *Clause prezan pe beef li out en pe eksplike ki pou arive ler i annan en force majeure, nomination day pou ganny adjourn pou en lot zour.* Si napa okenn komanter?

**MR SPEAKER**

Onorab Ramkalawan.

**HON WAVEL RAMKALAWAN**

Mr Chairman ofet sa i plito lo son laform. Konmsi letan mon pe regard ki manyer sa ti ete dan in the Principal Act ou war. *Principal Act ti 15 section 15, as sa 15(a) ki ti ganny en lamannman sa.* Konmsi lafason ki i ti ganny ekrir mon pe zis, sorry ou annan sa lamannman ek ou?

Kot konmsi i ti kler, i ti annan ‘*may adjourn the proceedings*, *affix* apre lot. Konmsi son *format* ti bokou pli kler ki la konmsi in vin dan en sel paragrapf. Ou pe war mon byen la, *sorry* mon pe, *sorry* Mr Chairman. *Bottom line ok thank you* Onorab Afif. Lafason ki i ti'n mete la i dir dan son *original* i dir, “*Where proceedings at a nomination day are interrupted or obstructed by a riot*” ensidswit ok zot in sanz tousala napa problemm.

I ti dir “*The Chief Electoral Officer as the case may be the Electoral Officer* ki dan sa lamannman la, i ti a pe dir “*may (a) adjourn.*” parey i ete *the proceedings,*” until the following day.”

(b) *Shall affix a notice to the effect in a conspicuous place at the place appointed.*” La i ti'n dir at the nomination center’, ok be “at the place appointed in the notice and” son trwazyenm sete “shall forthwith notify the Electoral Commission and the Chief Electoral Officer of the adjournment.”

Sa ki mon pe dir se eski nou pa ti ava kapab mentenir sa *format* dan sa? Parske i vin pli kler. Parske ou konnen poudir ABC, tandis ki la ou bezwen al rode *what is (a) what is (b), what is (c).* Parski tou

keksoz i ansam. Mon krwar ki mentenir sa *format.* I pou bokou pli, i pou fasilit zot travay avek bann novo *wordings* ki zot in mete me selman son stil. Mersi.

### **MR SPEAKER**

Mersi Onorab. Mr Lucas.

### **THE ELECTORAL CHAIRPERSON MR DANNY LUCAS**

Mersi. Mr Chairman nou *SLO* ti pe *liaise* avek Biro Attorney Zeneral dan sa *drafting*, mon krwar i byen, mon a les li eksplik sa bout ki la. Avek ou permisyon Mr Speaker.

### **MR SPEAKER**

Mersi Mr Lucas. AG oule fer en komanter? Oubyen Ms Sinon.

### **SENIOR LEGAL OFFICER MS. SALINA SINON**

Bonn apre midi Mr Speaker. Bonn apre midi tou Manm. Bi deryer sa amannman ti zisteman pa pou tou sa sa ki ti deza egziste dan Lalwa sa pa ti lentansyon. Lentansyon se ki Lalwa ti fer provizyon up to adjournment of nomination akoz force majeure. Me i pa i ti dir ki mannyer i pou proceed the next day.

So nou ti demann en ensersyon dan Lalwa pou donn

komisyon en direksyon lo *how to proceed the next day for example* nominasyon i 9er ziska 1er apre midi. Dizon letan nou'n *adjourn* in reste 2erdtan, *do we open it for only 2more hours? Or do we open it from 9 to 1 only?* Ki mannyer nou *proceed?* So se sa ki ti bi.

*So the only thing* ki ti vreman neseser la i sa sou-seksyon 2, so sa 1 premye i zis en repetisyon sa ki deza dan Lalwa. So nou kapab *do away with it*. Yes akoz i zis en repetisyon sa ki deza la, sa ki 2 ki *address* sa *mischief*.

### **MR SPEAKER**

Mersi Ms Sinon. Onorab Pillay.

### **HON SEBASTIEN PILLAY**

Mr Chair, *instead* ki nou fer en *repeal why don't we adopt* sa ki Onorab in dir? Nou aret li anler i ganny en *chapeau and then we have ABC* ki konmsi ki *basically keep it the way it is. Rather than* nou. La ou pou bezwen fer en lamannman ki pou *repeal*.

Ki Onorab Ferrari pa konpran. *When the White Copy comes back* nou bezwen mete kwa ki'n arive a ki li i pa konpran. So sa ki Onorab Ramkalawan pe propoze *actually* i rezourd nou problem pou nou pa mete sa. Si nou

amann li la i fer li pli fasil. Mersi Mr Chairman.

### **MR SPEAKER**

Mersi Onorab. Onorab Georges.

### **HON BERNARD GEORGES**

Mr Chair i en kestyon *still, the content is exactly the same*. Alor mwan mon napa en lizyenn dan sa lager. So zot *panel* ava dir nou ki zot preferans, oubyen nou, nou ava dir *panel* ki nou preferans. Me les mwan si ou permet mwan Mr Chair i 6.08 nou'n ariv apepre lanmwatye travay lo sa *Bill*.

Wi, nou'n ariv egzakteman lanmwatye, mon fek pe regarde e nou annan en kantite keksoz pe vini lo konte, lo *ballot paper* li menm li lo son form, nou annan en kantite gro topik ki devan nou. Mon pa konnen ki nou pou fer. Alor ki nou fer eski nou kas li *into 15(1) A,B,C and then (2)*? Good. Ok mon ava fer sa anmezir nou ale avek zot permisyon.

*Clause 11, sa se polling agent.* Sak kandida i kapab annan otan *polling agents* ki i anvi pourvi ki i annan zis enn dan sak *voting facility* dan en *polling station*. Ok si i annan 3 *voting facility* dan en *polling station* i kapab annan 3 *polling*

*agent.* Wi, mon krwar se sa lentansyon.

*Clause 12 nou'n fini fer. Special arrangements pou bann dimoun vote. (Ah les mwan) in fact mon'n profite pou sanz en pti pe sa ki mon ti'n lir zot avan. Les mwan lir sa ki monn ekrir la prezan pou vvar ki nou annan endorsement the House. "For the Electoral Officer shall make special arrangements in the polling stations for the aged, pregnant women and voters requiring assistance to vote. "Ok ? Akoz avan sa mon ti met 'the arrangements' e i pa ti lir tre byen. Mersi.*

*Clause 13 i en proviso ki ballot paper pou ganny perforated ek stub pou annan en serial number. Mannyer i ete la i en proviso, me si nou regard the Principal Act seksyon 23 mon pa vvar ki i merit en proviso. E donk Bills Committee pe dir olye ki sa proviso i en proviso it should be standalone subsection ok?*

Akoz sa ki nou annan la i dekrir ki mannyer *ballot paper* pou ete, e ki si pou annan 2 elekson ansanm zot *edges* pou differan kouler pou pa konfiz dimoun eksatera. E sa i pa vin koman en *proviso as such*, me i vin koman en nouveau *sub-section* akoz i pe koz lo sirtou *stub* avek en *serial number*.

So si zot dakor olye fer li en *proviso* nou ava fer li e *sub-section (1)* ek *sub-section (2)*. Mersi.

*Next one se Clause 14 ki pe rod amann Seksyon 25, e sa se alphabetical groupings. Ek sa ki pou ganny kriye se page 9. 'Incapacitated by blindness' eksatera pe vin 'incapacitated voter' 'prezan. E lekel ki kapab akonpanny en dimoun dan izolwar.*

E finalman nou ariv *new proposed section 3(C) right at the bottom* avan *Clause 15*. E la Bills Committee nou'n konfiz en pe, akoz i en seksyon ki *tough* pou konpran.

*'Incapacitated voter means a registered voter who is unable by reasons of physical or mental condition or blindness or being illiterate, to receive an evaluate information or may communicate decisions to such an extent that a voter lacks capacity.'* So far so good. Sa i kler.

*Me lacks capacity prezan 'to meet essential requirement for physical health or self-care with or with or without appropriate technological assistance' we thought was a bit heavy. E nou pe zis propoze akoz nou pa zis dir, 'to such an extent that the voter lacks*

*capacity to cast an assisted vote.”* Ok? Dakor. Mersi.

**MR SPEAKER**

Dakor, en moman Onorab Georges. Onorab Pillay.

**HON SEBASTIEN PILLAY**

*Quick question. Eski ou pou bezwen define ‘an assisted vote?’*

**MR SPEAKER**

Onorab Georges.

**HON BERNARD GEORGES**

Pardon Mr Speaker?

**MR SPEAKER**

*Eski ou pou bezwen define ‘an assisted vote?’*

**HON BERNARD GEORGES**

*I don’t think so. Mon krwar i kler, it’s a vote for which you need assistance to cast.*

**MR SPEAKER**

*Panel i ok avek? Kontinyen Onorab Georges. En moman Attorney Zeneral, AG.*

**THE ATTORNEY GENERAL**

**MR FRANK ALLY**

Mersi Mr Chairman. Mr Chairman Mon krwar Onorab Georges petet mon konnen poudir nou servi sa term ‘mental condition.’ Me selman

*‘infirmity of mind’ ki en pti pe relye avek sa pou incapacitate ou koman en voter.*

So dan sa ka, *incapacitated voter is more or less a voter* ki annan serten enkapasite, me selman zot napa kapasite. Zot bezwen napa kapasite mantal pou zot kapab, zot pou annan ‘*infirmity of mind*.’

Mon krwar sa nou bezwen kler lo la. Akoz otherwise pou annan bann dimoun ki pou annan *mental incapacity who will not be able to vote by virtue of the disqualification under the constitution.* Me zot pou war zot dan en posibilite kot zot pou bezwen ganny asiste me zot pa pou dan en leta lespri pou zot kapab *cast en vote.* Mersi.

**MR SPEAKER**

Mersi AG. Onorab Georges.

**HON BERNARD GEORGES**

Wi, mon krwar Mr Chair. Mon krwar lentansyon dan sa Clause sete egzakteman sa. Sa ki the defining cause se ki sa dimoun pa kapab resevwar e evalye lenformasyon oubyen komunik en desizyon lo ki mannyer pou vote. I napa kapabilite pou fer sa bann keksoz akoz i annan en problem mantal oubyen i pa

war kler oubyen i annan en problem fizik.

Ou war, tousala *all roads lead to Rome*. Son keksoz komen dan tousala, se ki sa dimoun swa pou en rezon fizik swa pou en rezon mantal swa pou en lot rezon, i pa kapab evalye sa lenformasyon e process sa lenformasyon ki pou dir li ki fodre i fer san ki i ganny asiste. Le moman ki i ganny asiste i kapab fer li. *I think that's the idea. So the mental condition is limited only to that action.* E olye met '*an assisted vote*', nou pou met '*vote without assistance*'. Fer li vin pli kler. Mersi.

### **MR SPEAKER**

Mersi Onorab Georges. Mon war 2 lanmen anler, Onorab Esparon.

### **HON REGINA ESPARON**

Mersi Mr Chairman. Mr Chairman avek leksperyans nou war en dimoun ki annan en problem fizik i kapab kominik avek sa dimoun ki pe asiste li pour ki i pou vote, i ok.

Me en dimoun ki annan problem mantal ki pa kapab pran en desizyon, pour ki i pou vote mon krwar i pa devret pe vote.

Mon annan en lot konsern osi la Mr Chair. Mon pa konnen

si nou pou go back to 3(a) i annan en problem la ki sa dimoun ki pe asiste sa *incapacitated voter* la normalman i ganny en form pou li sinyen pou li asiste sa dimoun.

Me si sa dimoun ki i pe asiste pa konn li. Eski nou pou les li vote? Nou pou les li asiste sa dimoun pou vote? *Panel* ava dir mwan.

### **MR SPEAKER**

Mersi Onorab. Onorab Francois Adelaide.

### **HON FRANÇOIS ADELAIDE**

Mr Chair petet en pti leklersisman. I annan 3 rezon akoz en dimoun i pou ganny diskalifye pou vote, me vi ki la nou annan sa problem corona e petet sa bann dimoun osi zot petet pou dan karantenn, ki bann provizyon ki petet komisyon in fer pou sa bann dimoun? Akoz petet i kapab ganny restriksyon Dokter, zot pa pe kapab sorti so - Mersi.

### **MR SPEAKER**

Mersi Onorab. *Panel*, Mr Lucas.

### **THE ELECTORAL CHAIRPERSON MR DANNY LUCAS**

Mr Chairman mersi. I annan depi ler nou'n ganny sa fleo

*COVID* Sesel, nou'n an kontak avek *Department of Public Health* e nou pe koze avek kanmarad egzakteman pou regarde ki bann mezir ki ou war nou pou pran, pou met an plas pou zour eleksyon i arive.

Sa bann dimoun ki ou war i dan karantenn, evidaman zot annan zot drwa pou zot vote e i en kestyon anba ki kondisyon ki ou war i pou posib pou fer sa arive.

Nou bezwen ganny gide par *Department of Public Health*. Akoz zot dan en sans ki ou war zot pou kapab dir nou eski sa dimoun i dan en pozisyon pou li vin vote.

E *if so* nou bezwen met an plas bann kondisyon pou war ler i vin vote i pa afekte bann lot voter ki ou war i dan laliny vote ouswa i dan *process* pou vote.

E pour la menm rezon osi zot pou remarke ki vote ki pou al arive la nou fer li dan bann lekol *ok?* Dan ban lekol i deza annan bann fasilite prevantatif ki Departman *Public Health* i rekomande ki ou war i annan kot bann tel lenstitisyon. Par egzanp dan laplipar lekol ki ou war nou'n vizite i annan en lasanm *isolation*, si an ka i annan bann *cases* ki ou war i sispe ki i annan en malad ki i *related to COVID*.

Be konversasyon i ankor pe kontinyen avek Departman *Public Health*. E byento nou panse ki nou ava dan en pozisyon pou anonse ki mannyer egzakteman ki nou pou *proceed* lo sa size. Me kontak i la e nou pe koze. Mersi.

#### **MR SPEAKER**

Mersi Mr Lucas. Lo konsern ki'n ganny leve par Onorab Regina Esparon?

#### **THE ELECTORAL CHAIRPERSON MR DANNY LUCAS**

Yes, Mr Chairman, *sorry*. Lo kestyon ki Onorab Esparon in leve. Lentansyon pou sa seksyon se pou kouver bann dimoun ki zot kapab fer desizyon pou zot vote. Me par rezon serten dezabilite fizikman zot pa pou kapab ale al fer sa prosedir fer antre zot swa.

E *unassisted* ale met li dan sa ban *ballot boxes* ki ou war i apropriye, akoz osi fodre nou konsidere nou annan 2 eleksyon ki pe fer ansanm. Nou pou annan 2 *ballot boxes*.

Enn pou parlanter, enn pou prezidansyel. So si i annan serten problem ki kapab anpes li fer sa aksyon met son bann papye dan son *ballot boxes*, antre dan izolwar li tousel pou li fer son swa lo sa 2

papye endividiyel, se sa bann sityasyon ki ou war sa seksyon i ape prevwar.

Me sertennman i bezwen dan en pozisyon mantal kot i kapab fer son swa. Mon espere ki mon'n reponn ou kestyon Onorab.

### **MR SPEAKER**

Mersi Mr Lucas. Onorab Esparon.

### **HON REGINA ESPARON**

Mr Speaker. Mr Lucas pa'n klarifye sa sityasyon kot ou annan en dimoun ki pe asiste sa *incapacitated voter*. Mon'n vwar sa dan lepase, met *case in point Regional Home for the Elderly* kot nou dir lopital North East Point. Kot ou vwar sa dimoun pe vin avek sa pasyan.

Me selman parfwa kot ou annan bann sityasyon kot sa pasyan li i pa konn sa dimoun li. Se sa ki mon pe dir.

Mon konnen i annan en form ki ganny donne pou sinyen pou kapab donn permisyon pou li kapab asiste sa dimoun be i annan bokou fwa nou war ki sa dimoun ki pe siny sa form la, sa voter pa konn li.

### **MR SPEAKER**

Mersi Onorab. Mr Lucas.

### **THE ELECTORAL CHAIRPERSON MR DANNY LUCAS**

Mr Chair lenportans se ki sa voter i kapab fer son swa lekel ki kapab asiste li. E ki mannyer i pou komunik sa avek bann Zofisye Elektoral. E se sa voter ki ou war i bezwen donn sa bann Zofisye en ledikasyon poudir i pa anvi en dimoun i asiste li. Si i pa donn nou en lendikasyon *then* nou bezwen pran li konmkwa keksoz i ok.

Me an dizon sa petet Onorab Georges i kapab ed nou lo sa seksyon li menm li. Mon pe fer referans avek sa bout kot nou dir *mental condition*. Eski petet sa i pa kapab *obscure* lefe pou sa amannman i *aimed* pou selman an se ki konsern sa abilite to *cast an assisted vote*?

E si nou kit sa bout *mental condition* ladan eski i pa petet pe donn sa lenpresyon ki kouver bann dimoun ki ou war i pa kapab fer bann desizyon endepandan?

### **MR SPEAKER**

Mersi Mr Lucas. Onorab Georges.

### **HON BERNARD GEORGES**

Mon krwar Mr Lucas ti Chair *Electoral Commission*, eskiz mwan ti reponn sa kestyon pli boner. E mon krwar i ti annan

rezon. *The mental capacity la se pa en dimoun ki annan en problem mantal ki pa kapab vote, non.*

En dimoun ki annan en problem mantal i kapab vote *so long as* i kapab fer konnen, *process* sak lenformasyon ki sa ki i pe fer la. E fer konnen en dimoun ki i anvi fer. Mon krwar *that's the issue*, e *so long as* son problem mantal i permet li fer sa. I ava kapab vote *with assistance*. E si i pa kapab i pa pou, e mon krwar se nou'n vvar sa plizyer fwa dan bann stasyon vote. Se sa *Electoral Officer on duty* ki pou *make a call* ki pou dir be mon krwar ki ou konpran sa ki ou pe fer.

*Akoz an assisted voter, the vote is actually cast by the Electoral Officer on duty. I pa by sa, i annan zis en dimoun obor li ki pou fer sir ki sa *Electoral Officer* i fer sa ki sa dimoun i dir li fer *not something else*. Li i en temwen selman. Me it's the *Electoral Officer*. Si *Electoral Officer* is of the view ki i pa kapab i pou fer antre en keksoz dan liv lokirans e i pou dir ki mon pa'n les li vote, I think.*

E mon krwar *that's the way it should be*. Me si i krwar ki sa dimoun malgre ki i annan e n dezabilite mantal me i still kapab *process* lenformasyon e dir sa ki fodre i fer, then that's

ok. Mon krwar *it's not ki ou annan en problem mantal ki ou pa kapab vote mon krwar nou bezwen bokou pli souple.*

### **MR SPEAKER**

Mersi Onorab Georges. Onorab Andre.

### **HON CLIFFORD ANDRE**

Mersi Mr Chair. Mr Chair letan mon pe get sa seksyon. Sa clause plito, '*Voter means a registered voter who is unable by reason of any physical or mental condition or blindness*' sa i ok, '*or being illiterate to receive evaluate information or make*.' Savedir *make decisions*.

Be *make decisions* mon konsernen avek sa mwan, akoz ladan nou pe dir *make decisions*.

Lezot mon dakor ki poudir *physically* i pa kapab *tick* oubyen kwa. Me selman si kapab dir poudir mon oule vot pou LDS, mon oule vot pou US mon oule vot pou *whatever*. Be letan nou pe dir '*make decisions*' i pa pe *imply* ki poudir, konmsi en lot dimoun ki pou fer sa desizyon pou li? Sa dimoun ki pe akonpanny li ki pou fer sa desizyon.

So mon konsernen avek sa definisyon lo sa bout en, lezot mon antyerman dakor avek ki i bezwen reste *or communicate*

*decisions that's ok.* Akoz i pa kapab kekfwa i pa kapab koze me i kapab montre ledwa kot pou mete sa i *ok*. Sa 'make decisions' mon konsernen akoz i kapab annan dimoun ki pe fer sa desizyon pou li akoz i pa kapab *communicate, make sa decisions*.

Dapre sa definisyon ki la en, *unless* mon ganny eksplike mon annan en konsern lo sa bout la. Mersi.

### **MR SPEAKER**

Mersi Onorab Andre. Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Chairman. Mr Chairman i parey sa klarifikasiyon ki ou war Onorab Georges in donne. Tou sa bann fakter i bann faktter ki ou war i relye avek sa abilite pou li *cast sa unassisted vote*. Pa pou fer sa desizyon pou lekel ki ou war i pou vote.

Se sa ki ou war i lentansyon sa amannman. *Nothing to do* avek son abilite pou li determinen, mon oule vot pou tel kandida ouswa lot kandida. Me bann sirkonstans ki fer li difisil pou li kapab fer son bann tranzaksyon vote *unassisted*.

Se sa lentansyon. Be prezan si i annan en fason pou zot le aranze met li ki ou war i vin pli kler, nou napa problemm avek sa. Mersi Mr Chairman.

### **MR SPEAKER**

Mersi Mr Lucas. Yes, Onorab Andre.

### **HON CLIFFORD ANDRE**

Mwan mon sizere, mon konpran antyerman sa ki Mr Lucas pe dir, me mwan mon sizere ki nou tir sa '*or make*' nou kit '*or communicate decisions*' konmsi nou tir sa '*make decisions*' akoz ou pe dir mwan sirkonstans otour li.

Me selman mwan letan mon pe lir li koman en Avoka letan mwan mon pou al dizon i arriv en sityasyon ki mwan mon pou al Ankour mon pou dir ki poudir sa i dir ki poudir '*make decisions*.' E mon pou *harp* lo la, ou konn byen ki mannyer nou bann avoka ou en avoka. ki mannyer nou fer sa lenterpretasyon, me si i pa vedir sa annou pa mete.

Mwan mon pe dir annou tir '*or make*' annou kit li '*evaluate information or communicate decisions to such extent that the voter lacks capacity*', se sa ki mon pe dir. Mersi.

**MR SPEAKER**

Mersi Onorab Andre. Onorab Ramkalawan.

**HON WAVEL RAMKALAWAN**

Mr Chairman mon ti ava kontan zis ris en paz dan *model law SADC PF*. E zot annan en definisyon pou *assisted voter* ki nou pe koz lo la, e sa definisyon i senp i dir; '*assisted voter means a person who by reason of physical disability or visual impairment or any other form of incapacity are unable to independently cast their vote*'. Pa sanmenm sa ki nou pe koz lo la?

**MR SPEAKER**

*Very clear. Panel?*

**HON WAVEL RAMKALAWAN**

(Off-Mic)

*But it's a person who is being assisted to cast a vote, yes visual impairment. Any other form of incapacity. Any other form mon krwar i ok mon, I like this definition, be parski i konplike, illiterate, to receive, evaluate.*

**MR SPEAKER**

Onorab Georges, oubyen panel.  
Onorab Georges go on.

**HON BERNARD GEORGES**

Mersi Mr Chair. Ou war ou annan ou 2 keksoz la enn se *the voter who needs assistance* e zeneralman sa i *physical*, en dimoun ki bezwen *physically* en lasistans.

Apre ou annan sa lot kategori dimoun ki *physically* i ok. Me zis i bezwen en lasistans pou li fer sa desizyon pou li *gain the information and process it*.

Par egzanp ou annan en dimoun ki vini e nou tou mon krwar nou'n vwar sa enn, en dimoun ki vini i prezant son lekor e ler *Electoral Officer* i dir li wi, eski ou konnen ki ou'n vin fer? I *blank*.

Me koman *Electoral Officer* i dir li; ou pe vin vote? I annan Mr Rene, Mr Ramkalawan avek Mr Mancham, imedyatman i *process* e i dir naturelman sa lepok Mr Rene. Ou war? Alor ou konnen ki i annan kapasite pou li *process* lenformasyon me i pa kapab fer li *all the way* li tousel.

Ou pou bezwen anmenn li ziska en serten zistans apre fer li fer son desizyon. *This is the one* ki mon krwar sa seksyon i kouver.

**MR SPEAKER**

Mersi. Mon krwar lenkyetid Onorab Andre se ki sa dimoun ki pe akonpanny li pa kapab koze pa kapab fer desizyon pou

li, se sa. *Panel?* Yes, Onorab Pillay.

### **HON SEBASTIEN PILLAY**

Mr Chairman mon krwar se sa ki Chairperson Komisyon in dir se sa ki pou arive. Akoz parey Onorab Georges in eksplike ler ou'n vin ek sa dimoun laba anndan i pa sa dimoun ki akonpanny li ki tyonbo son papye ki *tick* pou li ou konpran? Sa dimoun, sa Asistan *Electoral Officer* ki fer sa.

So i annan ase *safeguards* pou asire ki (1) ou annan drwa anmenn zis 2 dimoun pou asiste zot, e (2) sa dimoun ki pe fer desizyon i bezwen annan en drwa pou li swazir lekel ki i anvi anmenn ek li. Li ki bezwen fer sa desizyon akoz i son drwa sa pou li swazir lekel, ki dimoun.

E i annan en papye ki ranpli, i annan en diform ki i bezwen ranpli so mon krwar sa i *encompass* sa ki Onorab Georges pe rode.

Si nou al ver *any form of incapacity* ou pe ouver sa levantay dan en fason ki apre ou napa en fason pou ou ferm li ler ou annan en sityasyon ki pou arise.

Ki mannyer in *worded* la mon krwar i byen, mon krwar Chairperson in eksplike akoz ki zot in *relate* sa '*meet essential requirement*' avek sa

'incapacity' anler, i napa konplikasyon. *I think we can move on from sa.*

### **MR SPEAKER**

Mersi Onorab Pillay. Onorab Sophola.

### **HON NOLINE SOPHOLA**

Mersi Mr Chair. Mr Chair par egzanp si nou annan en dimoun son lespri i *ok*, me selman i annan en problem stiffness ki i pa pe kapab *hold* sa *marker* pou li *tick*. *Who will do this for him?* Mersi Mr Speaker.

### **MR SPEAKER**

Mersi Onorab. *Panel*, Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Chairman. Onorab i toultan le ka kot i annan en dimoun kot ou war i pa kapab fer sa prosedir li menm. E toultan se sa *Assistant Electoral Officer* ki ou war i fer sa bann prosedir pou li. Sa *Assistant Electoral Officer* i determinen si i kapab fer en swa, e sa i dan prezans sa dimoun in ou war i pe asiste li.

Sa dimoun ki pe asiste li pa fer naryen li eksepte temwayen ki sa dimoun ki pe vote, sa *Assistant Electoral Officer* pe fer egzakteman sa ki

li sa voter in endike poudir i anvi ganny fer. So tou sa prosedir ki ou a pe dir la i ganny fre par sa *Assistant Electoral Officer*. Mersi Mr Chairman.

### **MR SPEAKER**

Mersi Mr Lucas. Onorab Georges petet nou'n amann en pti pe sa seksyon sa 3(c). Petet relir i ava pli kler pou lezot.

### **HON BERNARD GEORGES**

Mr Chair avan, avek pou permisyon avan ki mon relir. Mon'n ganny en sizesyon ki'n vini la ki dir ki si *the issue of receiving, evaluating, making and communicating decisions* i en problem, akoz nou pa zis tir zot e dir '*lacks capacity to cast a vote unassisted*' oubyen '*lacks capacity to cast a vote without assistance*.' E i anglob, i kouver tou.

### **MR SPEAKER**

I anglob, i kouver tou. *Panel?*  
Yes Onorab Andre.

### **HON CLIFFORD ANDRE**

Mersi Mr Chair. Mr Chair mon pou siport sa *proposal* mete par Onorab Georges, akoz i tir sa eleman '*make*' ladan e i dir ou en dimoun ki pa kapab ki '*cannot cast a vote unassisted*'.

*So he is casting his vote unassisted li ki pou bezwen dir*

mon oule vot Mr Ramkalawan ou lot kandida konbyen kandida ki pou annan lo *ballot paper*. So mon pou siport sa, *proposal*. Mersi.

### **MR SPEAKER**

Mersi Onorab. Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Chairman. Mr Chairman la rezon ki ou war en definisyon detaye i ape ganny fer se akoz zisteman avan sa son definisyon ti preske, i tre, tre *wide*. E dan sa rekomandasyon 2017 i ti annan en lanvi pou detay en pe definisyon ki nou pe fer fas avek la ozordi. Mersi.

### **MR SPEAKER**

Mersi Mr Lucas. Onorab Georges.

### **HON BERNARD GEORGES**

I paret mwan ki *Chairman Electoral Commission* i anvi gard sa ki devan nou. Setadir "*means a registered voter reasonable by reason of any physical or mental condition or blindness or being illiterate to receive an evaluate information or to make or communicate decisions, to such an extent that*

*the voter lacks capacity to vote without assistant.”*

Mwan mon confortab avek sa Mr Chair. Mon pa vvar en problemm mwan. I pa ki en dimoun ki pa kapab *make decisions* oubyen i pa kapab en dimoun ki pa kapab *communicate decisions*, i bann dimoun ki pa kapab fer sa *without assistance*. *With assistance the person can make decisions, with assistance the person can communicate,* se pour sa rezon ki i ganny asiste pou li vote. Ou war *that's the thing.*

I pa en dimoun ki vini e ki san lasistans pa kapab fer naryen, i en dimoun ki vini ki san lasistans i pa kapab fer naryen. Me avek lasistans i kapab fer sa keksoz. Alor this is all about *ensuring that everybody that nobody is turned away from exercising son drwa pou vote.* Ou war.

Ou bezwen fer tou keksoz pou *ensure* ki en dimoun ki se enkapasite i fizik oubyen mantal, oubyen ki zis i en dimoun iletre dan fason pa dan Kreol me dan Franse i bezwen, ou bezwen kapab asiste li pour fer li vote. E ki sel dimoun ki pa pou vote se bann dimoun ki vreman pa kapab *process* sa lenformasyon, e pa kapab *process* sa lenformasyon e pa

kapab komunik sa lenformasyon menm avek lasistans.

**MR SPEAKER**

Mersi Onorab Georges. Mr Lucas.

**THE ELECTORAL CHAIRPERSON MR DANNY LUCAS**

Mersi Mr Chairman. Mr Chairman mon war poudir Onorab Andre i still annan serten rezervasyon lo la. Me i annan en lot definisyon la ki si zot permet mwan lir li petet zot, ou ava regarde si ou war *it goes some way* pou petet rezourd sa problemm.

Si nou dir ‘*a disabled person*’ ouswa ‘*an incapacitated person means a registered voter with an impairment that may be cognitive, developmental, intellectual, mental, physical, sensory or some combination of these that substantially affects a person’s ability to mark their own ballot.*

Eski sa i ede? Akoz sa ti en alternatif dan en rekomandasyon 2017. Mersi Mr Chairman.

**MR SPEAKER**

Mersi Mr Lucas. Onorab Andre.

**HON CLIFFORD ANDRE**

Mersi Mr Chair. Mr Chair mon prefere sa *proposal* ki'n ganny donnen, akoz mon konsern ki mon ti pe al releve an referans avek sa ki la kot i dir ou '*without appropriate technological assistance*'.

So mon prefere nou al avek sa enn, akoz pou mwan sa enn i konplik lavi tro bokou. So mon pou siport sa segonn, *anyway* en Manm ki bezwen oubyen si zot mete zot dakor mwan mon pare pou mon vot an faver sa. Mersi.

### **MR SPEAKER**

Mersi Onorab. Okenn komanter Onorab Georges?

### **HON BERNARD GEORGES**

Mon prefer sa enn ki nou annan Mr Chair. Pou en senp rezon *marking the ballot is very physical*, e mon krwar nou bezwen al en pe pli lwen ki zis en dimoun ki, tou sa bann rezon pa kapab mark son *ballot*.

*And I think that will*, i pou anmenn nou tro dan *physical incapacity* e i pa pou pran konsiderasyon *mental incapacity* sifizaman.

Akoz *the person* ki annan en *mental incapacity* i kapab mark son *ballot* li, me ou bezwen anmenn li, a sa moman kot ou met sa *ballot* devan li pou li kapab marke, ou konpran?

I annan sa ki sa pe fer se ki i annan an lenterferans avek sa voter, ler sa voter i ariv dan en *polling station* i annan lenterferans avek sa voter. Tou bann lezot voter ki kapab napa okenn lenterferans zot antre zot fer zot zafer me napa okenn lenterferans.

Me i annan en kategori voter ki bezwen ganny *interfered* avek. *Electoral Officer* i bezwen *interface* avek sa voter, demann li serten kestyon, donn li serten lasistans, tyonbo son lanmen, anmenn li en landrwa, demann li pour lekel.

Ou war i annan sa lenterferans *and I think that's the idea*. *The idea is* se ki ou bezwen enterfer avek li pou *draw out* son lentansyon. E pou fer sa lentansyon ganny manifeste lo son *ballot paper*. E mon krwar sa i tous tou bann, sa ki nou annan devan nou i tous tou sa bann kriter.

### **MR SPEAKER**

Mersi Onorab Georges. Onorab Pillay.

### **HON SEBASTIEN PILLAY**

Mersi Mr Chairman. Mr Chairman mwan osi mon avek Onorab Georges lo la mon krwar nou pe *spend* en kantite letan. *The only issue* mon krwar ki Onorab Georges pe

sanze se ki i pe tir sa bout ‘*meet essential requirements for physical health or self-care with or without appropriate technological assistance.*’

*Technological assistance akoz i dir ou sa dimoun i blind, i riske bezwen servi mon pa konnen lasistans teknolozik Braille eksatera. Look the point is si zis sa ki pe fer nou get stuck la, e i almost 1hour nou ankor pe ale vini lo la. Why don't we keep it as it is and move on? E sa i ava satisfer Lotorite i ava satisfer everyone ki encapsulate tou keksoz. Otherwise personn pa agree.*

Onorab Andre pa pou oule nou tir ‘*make*’ i pou kontinyen ale ek nou i oule nou tir ‘*make*.’ Chairperson *Electoral Commission* in fini fer kler poudir sa ‘*make*’ i *part and parcel of* sa ki zot *Electoral Commission* pe vin avek.

So mon krwar, annou donn zot en pe kredi par lefe ki zot in fer travay pou zot analiz bann keksoz ki zot in gannyen e zot in anmenn devan nou en prodwi ki zot krwar i ava ed zot.

*Let's, pou nou kapab move on avek sa sityasyon. Mersi Mr Chairman. Mon pou demann Onorab Georges eski nou pa kapab kit sa dernyen bout ki pe fer Chairperson feel poudir i annan keksoz ki manke ladan.*

*So that we can reach a point kot nou kapab bouze. Mersi Mr Chair.*

### **MR SPEAKER**

Mersi. Eski ou pe dir ki nou repran sa bout kot *capacity to cast an unassisted vote*, nou fini lanmenm? Onorab Georges, ou propozisyon. Nou retir ‘*to meet essential requirements*’ all the way down?

### **HON BERNARD GEORGES**

Wi, depi ‘*meet essential requirements*’ ziska ‘*appropriate technological*.’ E zis ape nou insert ‘*vote without*.’ So that it means ‘*to such an extent that the voter lacks capacity to vote without assistance*.’

### **MR SPEAKER**

Dakor, let's move on. Nou kontinyen Onorab Georges?

### **HON BERNARD GEORGES**

Wi 15 Clause 15 ki rod amann seksyon 29 of the *Principal Act* sa se *counting*. Ki mannyer pou konte ki mannyer pou *tally*. I annan en seri keksoz ki pou bezwen ganny konte eksatera, eksatera. Pou *National Assembly Elections* epi pou *Presidential Elections*, i ok?

*Clause 16 i rod amann seksyon 34, sa se security features ki pou ganny donne* e

ganny verifye eksetera, e si i annan okenn problem i ganny met dan liv lokirans.

17 i rod pou amann Seksyon 51 si mon pa tronpe, Seksyon 51 of the Principal Act is the offence section. Efektivman tou bann keksoz ilegal ki kapab ganny fer.

*Offences* e i annan en nouveau *offence* ki ganny ensere e nou'n vwar sa taler. Se pour met non en dimoun san son konsantman lo en *nomination paper*. Donk as well as diskalifikasyon i osi en lofans ki fasil pou ganny prosekte anba Seksyon 51.

### **MR SPEAKER**

Mersi Onorab Georges. Onorab Pillay.

### **HON SEBASTIEN PILLAY**

*A very quick one.* Nou konnen nou pou annan en stasyon 2, 3 voting facilities, counting pou ganny fer alors dan sa, dan en central point. Savedir tou sa ki sorti laba pou vin ladan. E verifikasiyon pou ganny fer dan sa central point i pou sorti laba and then ganny fer laba, retournen. So that everything is done in one central point. Thank you.

### **MR SPEAKER**

Mersi Onorab. *Panel* i oule komanter lo la? Mr Lucas.

### **THE ELECTORAL CHAIRPERSON MR DANNY LUCAS**

Yes Mr Chairman. Mersi bokou wi, nou ok avek sa.

### **MR SPEAKER**

Dakor, mersi. Onorab Georges.

### **HON BERNARD GEORGES**

Mersi Mr Chair. Nou ok Mr Chair?

### **MR SPEAKER**

Wi, napa ankor entervenan.

### **HON BERNARD GEORGES**

Wi mersi ok. Clause 18 e sa i rod pou amann Seksyon 94 of the Principal Act e ki annan pou fer avek fon. Ki mannyer bann fon en parti politik pou ganny devwale avek Electoral Commission, avek en cap R50mil.

Onorab Sophola ti'n mansyonn sa dan son lentervansyon yer e i ti'n dir ki avek en cap R50mil e *the only way to get around it* se ou fer bann dimoun pey plizyer fwa R49mil e donk ou kontourn Lalwa. Mon pa konnen si i annan okenn, si nou anvi atard nou lekor lo la oubyen si

Onorab ti pe zis fer sa koman en warning pou tou dimoun.

*Clause 19 sel keksoz ki nou'n fer la se limit expenditure ok? Basically, R250mil par electoral area par parti politik oubyen par kandida endepandan. Sa se son cap, sel keksoz ki nou'n fer la ki Bills Committee pe propoze se olye fer son bann Clause vin negatif parey i ete, 'shall be incurred' nou pe fer li vin pozitif 'shall incur expenses' ok zis nou'n sanz son tournir fraz dan tou le 3 sub-clause.*

*Clause 20 pe sey amann, pe propoze pou azout en novo **seksyon 97(A)**.*

### **MR SPEAKER**

En moman Onorab Georges. Onorab Pillay, Mr Lucas.

### **THE ELECTORAL CHAIRPERSON MR DANNY LUCAS**

Zis pour fer sorti en pti pwen lo 94 (4)(1) ki mannyer nou'n met li nou'n pran li direkteman sorti dan rekomandasyon 2017. Me selman i annan en posibilite la ki kot i konsern National Assembly Elections si nou pe get (1) kot en registered political party i contest the presidential elections. Sa i ok.

*Me kot i contest the National Assembly Election or a*

*by-election zot osi entitled to incur expenses exceeding, not exceeding 250thousand, dan lesans ki parti li i kapab fer depans pou bann kandida dan bann differan electoral area not exceeding 250. Now ler ou regard sub-section (3) li osi i fer referans lo National Assembly Election e i dir ou ki en kandida i osi i kapab fer depans not exceeding R250thousand.*

*Now ki i riske fer depandan enterpretasyon se ki en kandida ki afilye dan National Assembly Elections, anba sub-section (3) i entitled to spend 250thousand. E sa parti politik ki ou war in nominate li koman kandida i osi kapab ganny enterprete konmkwa ki ou war li osi i kapab spend lo behalf sa kandida a limit of 250thousand.*

*Now sa i pa parey pou en independent candidate akoz li i restricted to a limit of 250thousand. E sa i kapab anmenn le pwen kot apre en kandida endepandan i dir be hold on mon a pe konteste en sit National Assembly.*

*Mwan mon kapab spend 250mil whereas sa kandida ki i ganny nominated by son political party anba Seksyon 3 i kapab spend up 250thousand e anba Seksyon (1) son parti i kapab spend the same amount,*

so petet i bon pour rezourd sa, regarde si nou war nou konfortab avek sa. Mersi Mr Chair.

### **MR SPEAKER**

Mersi Mr Lucas. Onorab Ramkalawan.

### **HON WAVEL RAMKALAWAN**

Mr Chairman. En kandida endependan dan en eleksyon Lasanble i zis li ki kandida. Tandis ki letan en parti politik i met en kandida, finalman i annan 2 kandida akoz i annan en dimoun pou ganny elekte dan Lasanble Nasyonal lo baz direk. Me apre sa se parti i pou en kandida li osi tou akoz lo baz proporsyonnel i a pe envestir.

So i annan dan en eleksyon Lasanble toulstan nou bezwen *bear in mind* ki poudir i annan 2 kandida i annan sa parti avek son kandida. Letan i al lo sa kote parski tou son bann vot apre i pou ganny azoute. Me la eski nou pe dir par egzanp sa eleksyon ki pe arive la kot pour annan tou lede eleksyon ansanm.

Eski i vedir ki en parti i pou kapab *spend* 250 lo son kandida prezidansyel? 250 lo son kandida Lasanble i fer 500 la, apre sa i pou kapab depans sa kandida prezidansyel i pou kapab depans 250mil e son

kandida Lasanble en lot 250 ki vedir finalman i vin en milyon la?

Non be kandida prezidansyel, wi *under (1)* son parti ki pe depanse la, *under 94(a) (1)* se son parti.

(Off-Mic)

### **HON WAVEL RAMKALAWAN**

Be akoz? I dir "Where a registered political party contested presidential election or National Assembly election in one or more, no expenses exceeding 250."

Si i ti annan en 'and' non, mon pe regard li koumsa mwan ki poudir pou al lo 1milyon.

### **MR SPEAKER**

Mersi Onorab. Onorab Georges.

### **HON BERNARD GEORGES**

Mon krwar *in fact* Onorab Leader Lopozisyon in fer en tre bon pwen ki mon pa ti'n sezi e sa se ki annefe ou annan 2 kandida dan *National Assembly Election*.

1 se sa kandida parti politik e lot se sa kandida li menm. Akoz lafason ki nou sistenm i été. Me mannyer mon vwar se ler i annan Eleksyon Prezidansyel parti i kapab depans R250mil par *electoral area*.

E ler i annan en Eleksyon Lasanble parti i kapab depans R250mil dan sak *electoral area*. Me anba 3, sa kandida li menm ki pe *stand* i kapab depans en lot R250mil li osi, dan son *area*. Donk dan en *electoral area* ler i annan 2 eleksyon ansanm parey pou annan la.

*750 is the maximum* ki i pou kapab ganny ... Mannyder mwan, mon lir li Mr Chair. Akoz sa kandida prezidansyel li, napa okenn par ki dir ki li osi i kapab depanse dan en *electoral area*. Zis son parti ki kapab depans pou li. Akoz i en kandida son parti e non pa en kandida li tousel.

### **MR SPEAKER**

Mersi Onorab Georges. Okenn lezot komanter? Yes, Onorab Simon Gill.

### **HON SIMON GILL**

Mr Chairman mersi. Si en parti politik i annan bon pe larzan, parey mon konpran, i annan ki annan *so*, mon prezimen lenterpretasyon en lenterpretasyon parey pe ganny fer i annord. Me sa ki mon konpran konkretman se ki dan sak distrik elektoral ou kapab depans ala limit pa plis ki R250mil.

Mwan mon vwar li dan en fason strik ki sa i

lenterpretasyon e *I stand to be corrected* Mr Chairman e nou annan *Attorney Zeneral* la Komisyoner Eleksyon, mon vwar li koumsa.

Me dan ka kot ou annan Eleksyon Prezidansyel, Lasanble Nasyonal ou annan sa depans 250mil pou prezidansyel e ou annan sa 250mil pou Lasanble Nasyonal ki fer ou R500mil.

Vwala ki mon mannyder mon pe enterpret sa. Me zot in fer en *breakdown* la mon prezimen pou donn en leksplikasyon, be si sa leksplikasyon ki nou pe donneen i fer nou enterprete konmkwa ki nou kapab depans 3fwa 250mil mon krwar sa i devret ganny korize e met li byen annord.

Mersi bokou.

### **MR SPEAKER**

Mersi Onorab. Onorab Ferrari.

### **HON JEAN-FRANÇOIS FERRARI**

Mersi Mr Speaker. Mon pa'n koz bokou depi bomaten, me selman mon ti a kontan fer en komanter lo propozisyon ki Onorab Gill in fer. I enportan akoz Onorab Gill i kontan koz larzan li be annou koz larzan.

Par egzanp la dan sa propozisyon Lalwa ki devan nou, parey ler ou donn 3 ou

R4milyon en dimoun pou li fer en parti politik. I konte ladan konmsi sa? I form parti sa depans pou en distrik?

Parey ler zot pey en dimoun zis pou ganny sinyatir parey zot abitye fer. I tonbe ladan? Non mon pe demande. Par egzanp *PDM* li i ti pe ganny 15 milyon. Ki mannyer pou kalkile sa bann keksoz?

Alors mon santi Mr Speaker mwan, ki Onorab Gill pe fer egzakteman sa ki nou'n dir li aret fer. Manz bannann anvoy lapo lo nou. Arete fer sa. Zot ki abitye aste vot dimoun zot ki abitye pey dimoun pou vot pour zot, alors mwan mon byen apresye ki nou annan en Lalwa la ki finalman pou met en kontrol lo sa bann depans elektoral.

Sel keksoz ki mon oule konnen e la i pa dir dan sa Lalwa kwa ki pou ganny konte dan sa 250mil? Akoz en *pickup flat screen* La Digue in fini sot 250mil, fini sote.

(*Interruption*)

**HON JEAN-FRANÇOIS FERRARI**

Les mwan koze silvouple.

(*Interruption*)

**HON JEAN-FRANÇOIS FERRARI**

Ok Mr Speaker mwan mon anvi konpran byen sa bann keksoz akoz Onorab Gill plito ki anmenn bann propozisyon konkret dan sa Lasanble i pe vin ek bann lalang, bann keksoz ki napa naryen pou fer, gat letan sa Lasanble. Deza ...

(*Interruption*)

**HON JEAN-FRANÇOIS FERRARI**

Les mon a fini koze silvouple!

(*Interruption*)

**HON JEAN-FRANÇOIS FERRARI**

Ou, ou annan en *stiffness* ek ou depi taler, ou annan en *stiffness* ek ou.

(*Interruption*)

**HON JEAN-FRANÇOIS FERRARI**

Depi taler in dir i annan en *stiffness*.

(*Interruption*)

**MR SPEAKER**

*Order! Order! Order! Order!*  
Onorab Ferrari retourne lo sa Bill.

**HON JEAN-FRANÇOIS FERRARI**

Mersi Mr Speaker. Mwan mon ti a kontan konpran, kote nou pou ale? Kote nou pou ganny bann depans *advertising*? Bann depans aste vot? Bann depans tir dimoun dan *pickup*, fer tapaz tou lannwit. Konmsi sa bann la kot nou pou konte pou nou kapab arriv 250mil silvouple? Se sa mon pwen silvouple. Eklersi mwan.

**MR SPEAKER**

Mersi Onorab. Onorab Pillay.

**HON SEBASTIEN PILLAY**

Mr Speaker i paret mwan Onorab ki'n koz avan mwan pa kapab *cast an unassisted vote* li. Be ou fek fer *motorcade weekend*! Onorab Gill in senpleman dir, ou'n fer *motorcade* ou'n anmenn dimoun fer letour dan letan *COVID*. Dan letan *COVID*, aret anvoy soz lo ou kanmarad ok?

Sa ki Onorab Gill in senpleman dir 94(a)(1) i dir poudir si en parti politik i annan en kandida ki pe *stand* dan sak distrik annan drwa *spend* R250mil. *On top* R250mil. So mon pa konnen

akfer nou'n ganny sa litani ki nou'n gannyen la. Ou konnen i egzakteman problem ki zot annan zot dan *LDS egzakteman* problem ki zot annan.

**MR SPEAKER**

Mersi Onorab. Onorab Simon Gill.

**HON SIMON GILL**

Mersi bokou Mr Speaker. Mr Speaker mon realize 7er in sonnen e mon pe dir ankor.

*(Interruption)*

**HON SIMON GILL**

Koze, pran floor!

**MR SPEAKER**

Kontinyen Onorab Gill. Bon mersi nou ava-

**HON SIMON GILL**

Mr Speaker mersi bokou. Mr Speaker mon pe rod en leklersisman lo sa 3 provizyon ki annan e mon swete ki Attorney Zeneral avek Mr Lucas i ava kapab eklersi. Eske sa bann provizyon i vedir ki nou kapab dan sirkonstans kot Eleksyon Prezidansyel e Lasanble Nasional pe fer ansanm. Kot nou kapab a la limit depans R1milyon, parey serten lenterpretasyon pe pase? Or mon lenterpretasyon se ki si

ou pe fer Eleksyon Prezidansyel ansanm avek Lasanble Nasyonal ala *limit* ou kapab depans ou R250mil pou prezidansyel dan en distrik elektoral.

E ou kapab egalman depans R250mil pour Manm Lasanble Nasyonal e ki sa i anmenn ou lo en total R500mil. *Or* i annan en lo fason pou enterpret sa bann provizyon ki la? Mersi bokou.

### **MR SPEAKER**

Mersi Onorab Gill. *Panel*, Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Chairman. Ki mannyer i ete la. Ki mannyer nou pe regard ki se kot i konsern en *registered political party* ler i konteste Eleksyon Prezidansyel, i annan en sonm *up to 250mil* par *electoral area*, sa ki ou war i kapab aplike dan son kanpanny.

E *at the same time* si i a pe konteste en *National Assembly elections* sa *political party* i kapab fer depans *up to 250thousand*.

*Now*, sa i Seksyon (1). Kot i konsern en kandida endepandan sa i Seksyon (2) li i osi i ganny menm tretman. Me

(3) i anmenn en disparite ant en kandida endepandan avek en kandida en *political party* akoz li osi en kandida, i stand dan sa *National Assembly Election*.

Li lo son par i osi i kapab *spend up to R250thousand*. *Ok*? E sa bout la ki petet nou pe kalkile si i pa anmenn en disparite kot i konsern en kandida ki ou war in ganny propoze par en *political party* kont en kandida endepandan dizon.

Me sa i a Lasanble pou deside si *this is the way* ki ou war zot anvi mentenir li. Zis mon pe anmenn sa a latansyon Lasanble.

### **MR SPEAKER**

Mersi Mr Lucas. AG.

### **THE ATTORNEY GENERAL MR FRANK ALLY**

Mersi Mr Chairman. Mr Chairman mon pa konnen si Lasanble ti ava *amenable* pou zot petet konsider amann 6 sou-seksyon (1), e fer sou-seksyon (1) vin met 2 sou-seksyon ladan.

Kot i ava vin en pe parey pou prezidansyel parey *independent candidate*, setadir ki si pou annan paret kot pe anvizaze kot pou annan an eleksyon parlamenter ek en Eleksyon Prezidansyel an

menm tan sa, se pa sa parti ki al eleksyon, se a kandida i al eleksyon me anba banner son parti.

*So therefore, it will be where a presidential candidate i ganny nominate par son parti i i konteste en Eleksyon Prezidansyel, then i pou kapab depans parey anba (2) R250mil pou miltikiye par la kantite electoral area. Petet akoz ou met lakantite electoral area se ki nonm electoral area i kapab sanze du jour au lendemain.*

*So therefore, ozordi nou annan 26 electoral area e alor i pou R250mil par 26 zone elektoral. Prezan i a vin en sou-seksyon (2) kot ek a registered political party i a pe filled candidates pou en parliamentary election. Then i ava R250mil pou sak kandida parlmanter ki pe filled pou sak zone elektoral. Me selman nou bezwen prezan annan en lot sou-seksyon pou dil avek referendum.*

Be by-election li i pou senp akoz by-election i pou senpleman en eleksyon parsyel kot ou annan en zone elektoral ki petet kot i annan en eleksyon parsel oubyen 1 ou 2. Mon pa konnen si i pou anmenn plis klarite kot prezan ou pou bezwen break li down into more.

E pou avoid okenn dout. Akoz petet la i annan sa konfizyon se eski R250mil i pou sa parti politik *irrespective of where* i en Eleksyon Prezidansyel oubyen en Eleksyon Parlmanter. Mersi.

### **MR SPEAKER**

Mersi AG. Onorab Georges.

### **HON BERNARD GEORGES**

Mr Chair si mon konpran AG byen mon krwar ki sa ki la i fer sa. Kestyon ki nou bezwen poze se parey AG i dir si en kandida prezidansyel i en kandida *at the same time* li ki kandida me i anba bannyer son parti, akoz ki li i napa drwa fer parey en kandida dan en sirkonskripsyon i fer, set a dir son parti i depans R250mil lo li e li si i anvi depans R250mil dan sak zone elektoral.

I zis ki i pou kout li en kantite akoz li i pe depans 26 fwa 250 tandis ki en Manm Lasanble i depans zis en fwa 250. Me sa mon krwar se kestyon ki pa ganny rezourd akoz pou le moman mon krwar mannyer i ete 94(1)(a) i dir ki en parti politik i kapab depans 250 dan sak sirkonskripsyon pou kandida prezidansyel ek pour kandida Lasanble. Ek 94(a)(3) i dir ki sa kandida li menm i

kapab depans 250 dan sa sirkonskripsyon ki li i pe stand.

Donk i kapab fer ki si ou pe stand pou en parti politik sa parti i kapab *spend* dan en eleksyon parey i pou annan an Oktob kot i annan prezidansyel ek Lasanble an menm tan e total 750.

Me eski sa total pa devret mont ziska 1milyon kot ou donn sa kandida prezidansyel posibilite depans li menm pa son parti, li menm personnelman R250mil dan sak sirkonskripsyon.

Sa se kestyon mon krwar ki sa pa rezourd. E nou, nou bezwen deside eski nou anvi *inflate the electioneering sum oubyen plito gard li ki mannyer i ete?* Sa set en desizyon ki nou bezwen pran e an fonksyon sa, fer sa lamannman ki Onorab Attorney General pe demann nou.

### **MR SPEAKER**

Mersi Onorab Georges. Onorab Pillay.

### **HON SEBASTIEN PILLAY**

Wi Mr Chairman mon krwar nou pou bezwen amande. *We'll have to amend it* akoz la ki mannyer i ete la i pe kree serten anbigite osi la li. Prezan ou pa konnen konbyen *in total*, ou pa konnen konbyen in a total par

egzanz per *electoral district* par egzanz pe ganny depanse. I pa kler la akoz, get (3), (3) ou dir sa kandida i kapab pa depanse, sa kandida Lasanble Nasyonal i kapab depanse, ou pa mansyonnen si sa kandida i kapab depanse, ou mansyon li anler ansanm avek Lasanble Nasyonal.

Kandida endepandan ki pe al prezidansyel i kapab depanse, so *that's why* ou annan tou sa bann kalite deba. So *I think it's important for them to clarify it*, e fer sir nou kler on what the interpretation should be.

### **MR SPEAKER**

Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Chairman. Mr Chairman mon krwar i kler. Well pou mwan i kler ki ler en *registered political* parti i annan en kandida dan en Eleksyon Prezidansyel i 250mil *times* konmela la i 26, ok. E en kandida endepandan dan en *presidential election* i osi menm parey.

Kot i annan sa de balans se ler ou ariv dan sa *National Assembly elections* akoz Section (1) i dir ou menm zafer pou en

*presidential election or the National Assembly Election, so dan en National Assembly election ki mannyer mon pe regard li mwan, en parti politik i annan drwa la osi *spend* lo son konpanny, mon prezimen kanpanny son kandida dan National Assembly.*

Menm sonm 250mil *per candidate* dan sa 26 *electoral area*. Me kot ki ou war i debalanse se limero (3) kot sa kandida li osi sa kandida sa parti politik i paret li osi i kapab *raise* e *spend* 250mil.

E la kot sa kandida endepandan kot ou war i annan menm limit li osi i a dezavantaz akoz parti politik sa kandida i a pe *spend another 250 thousand* ki fer li en sonm 500mil *versus* 250mil.

Si zot *ok* avek sa nou, nou pe sivre rekomandasyon 2017. Me si zot krwar i de balanse e zot devret fer li parey. Mersi Mr Chair.

### **MR SPEAKER**

Mersi Mr Lucas. Onorab Georges.

### **HON BERNARD GEORGES**

Mersi Mr Chair. Mr Chair mon pa vwar en de balansman mwan akoz fodre nou konpran ki dan an eleksyon Lasanble Nasyonal i annan 2 kandida.

Parti i en kandida e sa kandida i en kandida, akoz proporsyonnel.

E i annan en propozisyon dan bann amannman konstitisyonnel ki pou *raise* la kantite Manm proporsyonnel. Donk i annan donk 2 dimoun se pour sa rezon mon krwar ki i annan (c), i annan (3), 97(a)(1) i dir ki sa parti politik i depans R250mil lo son kandida prezidansyel e i depans R250mil lo sa sirkonskripsyon.

E si i di ki sa Manm li menm i depans son 250 si anvi ki egzakteman parey en kandida endepandan akoz i pe rod ganny elekte dan sa sirkonskripsi alor zot parey.

Rezon ki en parti politik i annan en lavantaz lo en kandida endepandan, se ki en kandida endepandan i pa kapab *nominate proportional members to the Assembly* tandis ki en parti politik i kapab alor i annan en lentere pou li depanse pour ganny bann reprezantasyon proporsyonnel. Mersi.

### **MR SPEAKER**

Mersi Onorab Georges. Onorab Pillay.

### **HON SEBASTIEN PILLAY**

Mr Chair wi mon annan en dernyen largiman. Ou konnen

mon pe sey ganny en konpran ki *Chairperson* pe dir, be Lalwa i dir pou *Presidential Election or National Assembly Election*.

So i pe dir ou *one or the other*. Mon pa war kot i dir *presidential election and National Assembly election* ansanm ki ou kapab depans zis *250 thousand as a registered political party*.

Akoz ki mon pe sey dir la, eski zot lentansyon se pour dir ki sa *political party* li i kapab depans R250mil dan son sirkonskripsyon, sa kandida prezidansyel dan son konpanny i kapab depans R250mil.

E prezan si eleksyon pe fer ansanm ek eleksyon Lasanble kandida ki pe debout pou Lasanble i depans ankor 250mil ki fer en total R750mil *per electoral district? This is what, akoz this is the confusion* ki nou santi poudir Lalwa pe kree.

### **MR SPEAKER**

Mersi Onorab. Onorab Simon Gill.

### **HON SIMON GILL**

Mr Speaker nou bezwen, si nou pe fer lenterpretasyon parey pe ganny fer nou bezwen met li *at par*. Ou pa kapab ler ou koz Eleksyon Lasanble Nasyonal, son parti politik i ganny konsidere koman en antite ki

kapab depans R250mil. E sa kandida li osi i konsidere mon a servi sa term koma en antite e i so i kapab depans R250mil.

Me ou fer li diferan avek Eleksyon Prezidansyel kot ou konsider zis sa dimoun malgre ki lo en *platform* parti politik.

So dan sa sirkonstans i anmenn nou finalman lo R1milyon. So sa i en lenterpretasyon, so si nou pe al enterpret li dan sa direksyon nou bezwen met tou lede *at par*.

So i si sa ki komisyon elektoral i oule annou fer li byen kler pour ki napa anbigite dan lenterpretasyon bann provizyon ki ganny mete la.

Epi ler bann parti politik pou fer zot *return or pou open* zot *electioneering account* zot a konnen poudir zot pa pou kapab *exceed* 500mil pou *presidential* e 500mil pou *National Assembly Election* ki pou fer an total R1milyon, per *electoral area* byensir.

E i ava ganny miltiplier an reaksyon relatif avek la kantite kandida dan ka lasanble Nasyonal, la kantite kandida ki sa parti politik i ranpli dan sa total 26 sikonskripsyon elektoral. I ava miltiplier li par sa kantite. So si i sa lenterpretasyon nou bezwen met li kler akoz la i annan en

kantite anbigite dan lafason mannyer i ete.

Mon ti ava sizere ki nou *break li down* pour ki napa okenn kontestasyon. E si nou pran sa nou met li nou enterpreat li avek *financing of political parties* i annan en konfli avek lafason kot nou pe deza enterpreat sa bann *proviso* ki la dan sa Lalwa. Mersi bokou Mr Speaker.

### **MR SPEAKER**

Mersi Onorab Gill. Onorab Georges.

### **HON BERNARD GEORGES**

Mersi Mr Chair. Mr Chair tar pe fer, erezman nou annan ankor zis en Seksyon apre sa 1. I annan detrwa keksoz ki mon krwar nou bezwen. I annan 3 keksoz ki mon ti a kontan dir, premyerman sa i la akoz sa depans i zis pou *the electioneering period* ok.

I zis pou *the electioneering period* i pa pou fonksyonnman e parti politik pandan lannen, pandan 5an. Sa i anba *registration of Political Parties Act*. Li i ki kantite larzan sa parti oubyen sa kandida i kapab depanse pou li ganny sa eleksyon depi ki souflet i soufle ziska ler vot i konte. Mon krwar sa se premye pwen.

Dezyenm pwen se ki dan en Eleksyon Prezidansyel parti pa en kandida. Zis sa bann dimoun ki kandida alor se pour sa rezon ki i pa parey avek *National Assembly elections*.

E trwazyenmman mon krwar a e mon espere ki sa 3 lezot avoka ki dan sa Lasanble ozordi i ava dakor avek mwan, dan 94(a)(1), ler i dir “*where a registered political party contest for presidential election or the National Assembly election*” sa “*or*” i oule dir “*and*” ler tou lede i ganny fer an menm tan parey pou ganny fer an Oktob.

Mon krwar, mon pa war okenn anbigite Mr Chair mwan mon propoze ki mannyer i ete la *is perfect* e ki nou aksepte li *and move on*. Akoz sete sa lentansyon Komite an 2017 e se sa ki'n ganny reproduwi dan sa *Bill*. Mersi.

### **MR SPEAKER**

Mersi Onorab Georges. *Panel*. Yes, Onorab Gill.

### **HON SIMON GILL**

Mon krwar si mon pe konpran byen Onorab Georges se ki ou pe anmenn li lo en total 750mil. Sa mon lenterpreatasyon, e ti ava byen ki nou ganny en konfirmasyon sorti kot *panel* si nou konfirmen ki wi nou met li lo en sonm total 750mil parey

mannyer bann *proviso* la in defini e parey mannyer nou devret pe enterpret li.

So vwala mon pozisyon, si sa i kler then mon satisfe nou *move forward*. Mersi.

### **MR SPEAKER**

Mersi Onorab. *Panel*, Mr Lucas.

### **THE VICE-PRESIDENT MR VINCENT MERITON**

*Ok*, Mr Chairman apre tou sa bann lenthervansyon olye, mon'n en pe konfize me selman mon'n fer en latab ki pli kler an vi ki mon pa parmi sa bann avoka ki Onorab Georges in dir. Mwan pe konpran pou prezidansyel ou depans zis lo kandida, R250mil par distrik.

Nou byen la non? Pou Lasanble Nasyonal parti i depans 250mil par distrik. Sa kandida i depans 250mil par distrik, dan son distrik, so i fer ou 750mil par distrik. Byen koze i fer byen konpran, nou pe konpran annou fini sa nou ale. Prezan endependan i en lot zafer.

### **MR SPEAKER**

Mersi Vis-Prezidan. Onorab Georges.

### **HON BERNARD GEORGES**

Mersi Mr Chair. Dernyen Clause se Clause 20 ki anmenn

en nouveau Seksyon 97(a) e sa se ki Komisyon Elektoral 6mwan apre eleksyon i kapab si i anvi fer en *voters record analysis*. E prepar en *analysis report*. Sel sanzman ki nou'n fer se olye *report of analysis*, nou'n sanz li nou'n fer li vin *analysis report*.

E se pour sa rezon ki par egzanp isi nou apel *the Revenue Commission*, *the Revenue Commission* e non, pa *the Commission of Revenue* parey i ti ete dan son *Bill* letan i ti vin devan Lasanble. Akoz nou dan Lasanble nou prefere kot nou kapab dir en keksoz ek 2 mo olye 3 annou fer li dan 2 mo. So that's *the only amendment* Mr Chair.

### **MR SPEAKER**

Mersi Onorab Georges. Onorab Henrie.

### **HON GERVAIS HENRIE**

Mersi Mr Chair. Onorab Georges in dir nou Komisyon Eleksyon i kapab si i anvi, mon pa anvi si i anvi mon, mon anvi i fer. So si nou dir '*shall instead of may*.' Akoz vreman sa bann keksoz i pou ed nou koman en pei pou nou kapab analize sa bann lenformasyon.

*Information* i pou ed nou grandi koman en Nasyon. So, mon ti ava dir mon anvi war li fer. Mersi.

**MR SPEAKER**

Mersi Onorab Henrie. Onorab Pillay.

**HON SEBASTIEN PILLAY**

Mersi Mr Chair. Mr Chair mon konpran kot Onorab pe ale me selman sa fwasi si ou konsidere ou pe met en lobligasyon lo li la, ki si i pa delivre i *liable* la i ganny, i en Lalwa.

So li i pe mazinen kot si i annan resours pou li fer en pti pe parey taler kot nou ti *end up* avek sa *timeframe* pou sort of *curtail* sa ‘*may cause to*.’ Nou'n dir *shall cause to*, nou bezwen konsider bann sirondann ki zot travay anba la.

Annou pa tro pou li dan sa direksyon, *if you understand what my meaning*. Mon pa konnen si zot oule *maintain* ‘*shall*’ mon napa problem, *you’ve got the majority* be mazin byen a bann dimoun.

**MR SPEAKER**

Mersi Onorab Pillay. Onorab Andre.

**HON CLIFFORD ANDRE**

Mersi Mr Chair. Mr Chairman pou tant pou mon dakor avek Onorab Henrie. Akoz letan nou get dan *sub-section (2)* i *compel* i dir ou ‘*shall examine the*

*register of voters and the voting data captured.*’

So si i pe dir li, letan ou pe fer en keksoz ki ‘*you may do it*’ e ou bezwen pran konsiderasyon sa bann eleman.

So akoz pa *compel* li pou li fer. Kekfwa ladan nou bezwen tir - Mwan mon ti a sizere ki kekfwa nou dir li, pa neseserman *expiry of 6months* nou donn li en pti pe plis letan kekfwa pou li kapab fer ser ten travay. Mersi.

**MR SPEAKER**

Mersi Onorab Andre. Okenn lezot komanter? *Panel*, wi Onorab Pillay.

**HON SEBASTIEN PILLAY**

Mersi Mr Chairman. *Very quick one*, be sa ‘*shall*’ la i pe vin apre ki in fer sa, i pe komans fer sa rapor. Ou konpran? Konmsi ler i pe bouze pou fer sa rapor. Ou pa kapab pran en *sub-clause* pou eksplik en keksoz ki i pa ankor fer. Mon krwar i byen ki mannyer i ete annou pa, *ok*.

**MR SPEAKER**

Mersi Onorab. *Panel?* Mr Lucas.

**THE ELECTORAL  
CHAIRPERSON MR DANNY  
LUCAS**

Mersi Mr Chairman. Mon ti a prefere ki i ti a reste parey i ete me, akoz apre ki ou war nou fini sa eleksyon nou tonm dan an eleksyon *District Council* si nou pou fer li dan 6mwan. I riske met en pti pe kontrent, me si Lasanble zot anvi poudir nou fer li nou met '*shall' then we go ahead with 'shall'*' si ou war zot ensiste lo la, ok.

### **MR SPEAKER**

Mersi Mr Lucas. Yes Onorab Henrie.

### **HON GERVAIS HENRIE**

Mr Chair si mon *move* en *amendment* dan plas '*may*' nou met '*shall*' e dan plas *6months* nou met *12 months*.

Akoz pou mwan parey mon pe ensiste ankor lo la mon krwar sa bann lenformasyon i pa non selman nou pe donn Komisyen en travay an plis. Me mon krwar sa lenformasyon zot menm letan zot pou gannyen i pou ed zot koman en antite pou zot kapab apres ki mannyer zot pour fer zot bann programm, par egzanp *voters education*, lekel group ki pa pe vote, ki distrik ki pe annan problem, bann problem *boundary*.

I pou ed zot menm zot koman en antite pou zot kapab *grow as an institution*. Mersi.

### **MR SPEAKER**

Mersi Onorab Henrie. Onorab Andre.

### **HON CLIFFORD ANDRE**

Mon segon sa *proposal* Mr Speaker. Mersi.

### **MR SPEAKER**

Mersi Onorab Andre. Eski i annan en konsantman? Eski nou bezwen, mon osi mon pe enterpret sa en lot fason. Ler i dir '*at any time after the expiry of 6months*' savedir apre sa eleksyon 6mwan pli tar i kapab travay li en rapor i prodwi en rapor. So akfer nou bezwen met li 12 mwan?

*So from 6months onward* i pou kapab *provide* en rapor. Pou kapab fer son *analysis*, so nou kapab tenir *6months*? I kapab fer li 12mwan pli tar oubyen 2an pli tar, me selman i pou fer li *after 6months ok*. Onorab Georges.

### **HON BERNARD GEORGES**

Well, Mr Chair mon dakor avek '*shall*' paret mwan ki napa okenn problem, me si nou dir '*shall at any time until the expiry of 6 months*'. Nou pou *end up*, nou kapab *end up* avek en rapor en mwan avan son prosen eleksyon.

Mon ti a sizere mete '*shall at any time after the expiry of*

*6months but no later than 12months following an election.'* Donk zot after li dan sa peryod, *but the Electoral Commission i ava dir nou si sa i realistik ou non, or not later than 24 months.*

### **MR SPEAKER**

Mersi Onorab Georges. *Panel.*

### **THE ELECTORAL CHAIRPERSON MR DANNY LUCAS**

Mersi Mr Chairman. Mr Chairman i normal pou en *EMB* apre en elekson, i pas dan bann detay sa elekson. Mon panse ki sa formil ki ou war nou annan la nou kapab travay avek. Mersi Mr Chairman.

### **MR SPEAKER**

Mersi Mr Lucas. Onorab Georges.

### **HON BERNARD GEORGES**

Mersi Mr Chair. Mr Chair nou'n arriv a lafen bann amannman ki lo sa proze me i annan 2 keksoz ki'n souleve ki nou bezwen prezan regarde.

Enn se en propozisyon fer par Onorab *Leader Lopozisyon*. Kot ki pou *cater* pou bann *first time voters* ki *attain* 18an ant *closure of the electoral register e the date of voting*.

Eski ankor enn fwa dan loptik ed dimoun pou vote olye restrikte dimoun vote eski nou pou annan en provizyon ki pou pran sa an kont? Parey in deza ganny fer parey Onorab lopozisyon ti eksplike *Leader bomaten?*

E dezyenmman Ms Sinon in mansyonn avek mwan ozordi ki i annan deza swit a sa deklarasyon devan Lasanble bomaten in annan en serten konfizyon ki'n arise, akoz dan lespri serten dimoun ki pa ankor ganny 18an me ki ekspekte pou ganny 18an avan dat elekson provizwar ki *Electoral Commission* in dir lo ki mannyer zot pou anrezistre. Donk mon krwar nou devret focus lo la ozordi. Mersi.

### **MR SPEAKER**

Mersi Onorab Georges. Komanter Onorab Sophola.

### **HON NOLINE SOPHOLA**

Mersi Mr Chair. Mr Chair avek ou permisyon bomaten etandonnen ki *panel* i la bomaten mon ti prezant difikilte ki bann *FTV* pe fer fas avek lo Praslin La Digue.

E mon ti a kontan petet si *panel* ti kapab donn nou en leksplikasyon lo la avan ki nou ale pour ki sa bann zanfan deor

zot reasire. Mersi. Bann ki dan *hostel* ki isi.

### **MR SPEAKER**

Mersi Onorab Sophola. Onorab Woodcock.

### **HON WAVEL WOODCOCK**

Mersi Mr Speaker. Parey mon ti dir dan mon entervansyon i drwa konstitisyonnel pou tou bann zenn ki *attain* laz 18an pou vote. So pou bann ki pou *attain*, ki pou ganny 18an by the time ki *voters registration* i fermen, *until* dat eleksyon i fini ganny 18an.

So zot merit kapab egzers zot drwa konstitisyonnel alor nou bezwen rod en fason fer provizyon pou permet sa bann zenn pou zot kapab vote. Mwan mon siport sa ki Onorab Ramkalawan in dir. Mersi bokou.

### **MR SPEAKER**

Mersi Onorab Woodcock. Onorab Andre.

### **HON CLIFFORD ANDRE**

Mersi Mr Chair. Mr Chair sa ki Onorab Sophola ek Onorab Woodcock in dir an referans avek bann *FTV* i vreman enportan.

Me osi nou bezwen get provizyon pou bann ki lo bann zil, akoz i annan *FTV* ki lo zil e

zot pa pe ganny sa loportinite prezan pou zot anrezistre. So letan ou pe anglob sa repons, mon ti a kontan kekfwa ou pran konsiderasyon sa osi. Mersi.

### **MR SPEAKER**

Mersi Onorab Andre. Onorab Pillay.

### **HON SEBASTIEN PILLAY**

Mersi Mr Chairman. Mon pa tro sir ki nou pe fer. Eski nou pe propoz en propozisyon lamannman oubyen nou pe demann serten klarifikasyon?

Akoz Onorab Georges i konn tre byen poudir i annan en rezon ki i annan en lalis eleksyon. Ki i annan en lalis voter. I annan en rezon akoz ki sa lalis i fermen e tou bann parti ti tonm dakor ki i annan en letan kot rezis pou fermen. *That was agreed by tou bann parti politik.*

Prezan si Onorab pe koz lo drwa vote, sa drwa wi me sa drwa i dir ou i *subject to* bann lezot, ya derogasyon ki en derogasyon parey la. So mon pa tro konpran kote nou pe vin antre avek sa propozisyon ki prezan ler lalis in fini fermen, ler rezis in fini fermen pou nou fer en dimoun antre pou vote. Rezis in fini fermen. Mon pa tro konpran sa.

Akoz wi, akoz i annan, get sa ler i annan *verification processes* ki bezwen ganny fer ki zot mazin byen zot kote ki toulstan demande sa, la zot pa oule sa ganny fer zot oule entrodwir en keksoz pou *curtail* keksoz ki mannyer i ete la.

So mon pa konnen, eski i annan en provizyon lamannman ki sa pe vin avek Mr Chairman? Mon ti a kontan klarifye. Mersi.

### **MR SPEAKER**

Mersi Onorab Pillay. En moman Onorab Ferrari. Onorab Woodcock.

### **HON WAVEL WOODCOCK**

Mr Speaker sanmenm sa nou louvraz nou louvraz se pour *legislate*, nou merit kapab fer en leksepsyon pou sa bann zenn ki pou ganny 18an apre ki *voters register* in fermen.

*So this is why we are here.* Nou kapab diskite rod en fason en lamannman pou nou fer en provizyon pou sa bann zenn ki pou ganny 18an apre ki *voters registration* i fermen until zour dat vote le 24 Oktob.

### **MR SPEAKER**

Mersi Onorab Woodcock. Onorab Ferrari.

### **HON JEAN-FRANCOIS FERRARI**

Mr Speaker mon ava propoze, kekfwa nou a pran sa bout ki pli fasil avan. E sa bout ki mon krwar i pli fasil se sa bout kot en dimoun, en zenn prensipalman me osi en adilt. En *first time voter* i anrezistre.

Prosedir se ki son rezidans i bezwen ganny verifye, alor nou dan en sityasyon la kot si en, nou konnen ki Komisyon Elektoral i anba presyon i annan en ta travay, e ki sa prosesis verifikasyon i, koriz mwan si mon mal, en pe pli dousman ki tou dimoun ti ava swete.

*Now si nou arriv a en moman kot lalis voter i fermen. En first time voter i annan dan son posesyon son registration slip ki sertifie ki in ale anrezistre. Me selman Komisyon Elektoral pa'n kapab fer sa bout verifikasyon.*

Mwan ki mannyer mon war li se ki sa dimoun sa voter in pran son responsabilite, in fer son devwar e si mon kapab met ki koumsa. I pa son problem sorry for the use of sa bann mo, i pa son problem si Komisyon Elektoral pou bann rezon ki zot konn pli byen pa'n kapab fer sa verifikasyon.

Sa zenn, oubyen sa *first time voter*, i pou arive li zour vot

avek son papye ki in anrezistre i pou oule vote. Alor ki nou fer avek sa group? Mwan mon plis konsernen avek sa group akoz mon anvi ankouraz bann dimoun pou al anrezistre, me mon anvi osi kapab dir zot ki si ou'n al anrezistre si ou'n fer ou devwar Komisyon Elektoral pou fer tou son mye posib pou permet ou vote. So lo sa enn la mon ti a kontan kekfwa ganny en pe leklersisman. Mersi.

### **MR SPEAKER**

Mersi Onorab. Onorab Loze.

### **HON JOHAN LOZE**

Mersi Mr Speaker. Bonswar tou dimoun. Mr Speaker mon krwar selman i enportan ki nou ganny en pe perspektiv dan sa deba. Bomaten nou'n ganny dir klerman poudir in annan en desizyon Lakour fer par bann Ziz Lakour Konstitisyonnéel ki ti ganny *chaired* par CJ si mon pa tronpe, sa ki nou'n ganny dir.

E en desizyon ti ganny pran par Lakour ki nou'n ariv la kot nou ete ozordi, be Lakour pa met *case* li, *case* ti ganny mete devan lakour par enn bann *founding leaders of LDS*.

Bann *first time voters* i retrouv zot dan sa petren ozordi pa akoz Komisyon Elektoral. Me akoz *LDS*, se gras a zot ki *first time voters* pa lo lalis ozordi. E

zot pe bouz *heaven and earth* la aswar pou rektifye en mess ki zot, zot in kree san aktyelman admet e avoue la responsabilite.

Be *assume* zot responsabilite e dir bann first time voters ki si zot dan sa petren ozordi se gras a *LDS*. Admet silvouple, mersi Mr Speaker.

### **MR SPEAKER**

Mersi Onorab Loze. Onorab Ahmed Afif.

### **HON AHMED AFIF**

Mersi Mr Chairman. Mr Chairman mon pe zis mazin sa ki Onorab Ferrari in propoze. E mon pe sizere si *Electoral Commission* i dakor, e mon annan, mon ti annan en pti desizyon avek serten zot, avek zot kot zot ti sizere ki ler nou dir rezis in fermen, rezis in fermen li.

Me selman verifikasyon pa'n fermen. Savedir ou ti vin avan ti fermen pou ou vin anrezistre, zot in refer prosedir zot kapab enkli ou lo lalis si ou'n deza vini avan *closing date*. So sa mon mazinen i a rezourd problem Onorab Ferrari.

### **MR SPEAKER**

Mersi Onorab Afif. Onorab Ferrari.

**HON                    JEAN-FRANCOIS**  
**FERRARI**

Parsyelman, parsyelman Mr Speaker akoz mwan mon ti a zis kontan konnen menm si i annan en ka, *in case zot pa'n kapab fer sa verifikasyon.* Pandan sa peryod kot verifikasyon i ankor ouver.

Eski zot pou par egzanp aksepte en sertifikasyon *from the District Administrator oubyen from the Priest of the Parish* pou dir Ahmed Afif efektivman i reste Mont Fleuri e alors i annan son lanrezistreman kekfwa i kapab vote. Me sa avan zot reponn mon ti a zis kontan pour kalme en pe douler Onorab Loze, ankoz i paret mwan i a p donn douler.

Lo sa kestyon, napa pa ante otomatik lo lalis, wi nou ki ti dir, i en prosesis ki pa fonksyonn byen e ki *open to abuse*, ankoz ? Akoz ? lo lalis voter oparavan ti annan bann dimoun ki pa ti ankoz ganny 18an, ki ti annan 17an? E sa mon krwar ki zot tou zot konnen. Me *of course* Onorab Pillay les mwa-n koze silvouple.

(*Interruption*)

**MR SPEAKER**

*Order! Order! Order!* Onorab Ferrari kontinyen, kontinyen Onorab.

**HON                    JEAN-FRANCOIS**  
**FERRARI**

Ti annan bann non, bann zenn ki ti ankoz annan 17an ti met li 2 asteriks dabor zot non oubyen 1 asteriks. Zot ti lo lalis e zot in vote.

(*Interruption*)

**MR SPEAKER**

*Order! Order! Order!*

**HON                    JEAN-FRANCOIS**  
**FERRARI**

Eskiz mwan Mr Speaker, mon pe sey koze mwan mon pa'n koze depi bomaten.

(*Interruption*)

**MR SPEAKER**

*Order! Order! Order!* Bon Manm ki oule entervenir, lev zot lanmen zot a ganny zot sans entervenir. Ler en lot Manm pe koze pe entervenir annou donn li sans pou li met son pwen devan. In ariv 7. 45 nou a kontinyen avek sa *Bill.* Kontinyen Onorab.

**HON                    JEAN-FRANCOIS**  
**FERRARI**

Ti annan en ka kot sa zenn 17 an ti vote St Louis, ti annan ka e nou ti anvi evit sa. Se pour sa ki ozordi nou retrouv nou dan

en sityasyon ki en pe pli konplike me ki pour pli zis.

E i toutafe normal ki nou, nou se rode tou bann fason pour ki tou dimoun i ganny enkli lo lalis e se sa ki nou pe rode, mon satisfe avek sa repons ki *Electoral Commission* in donnen konmkwa, e paran e bann zenn ekout byen lanrezistreman i kapab fermen me verifikasyon pa neseserman ferm deswit.

E la zot ava dir mwan o ka ki i annan en ka kot zot pa'n kapab fer verifikasyon sa dimoun i annan en lanrezistreman si i annan bann ka koumsa, eski zot in mazin en prosedir? Mersi Mr Speaker.

### **MR SPEAKER**

Mersi Onorab Ferrari. Onorab Ramkalawan.

### **HON WAVEL RAMKALAWAN**

Mersi bokou Mr Chairman. Mr Chairman i annan serten konfizyon lo lapar serten dimoun. Nou, nou pe *still* dir sa zenn, sa *first time voter* i desann i vin anrezistre. Nou pa pe dir taye vin met son non fasilman.

Se sa ki nou pe koz lo la ozordi, alors pa bezwen melanz bann keksoz. Nou pe dir byento Komisyun Elektoral pou anons dat eleksyon, e letan Komisyun Elektoral i anons dat eleksyon

rezis voter pou fermen e ant rezis voter fermen ziska eleksyon in annan bann diferan sif ki'n ganny donne.

Ki i posib i annan environ 122 ziska 200, annou pran *maximum* 200. Be dan sa 200 i posib ki pa tou zenn ki pou desann pou li anrezistre.

Menm parey la konmela i annan letan ou konpar la kantite zenn ki'n desann pou vin anrezistre akoz zot in ganny 18an. Nou tou nou konnen ki poudir i annan bokou plis zenn ki pa'n desann pou vin anrezistre ki bann ki'n desann. Alor ki nou, nou pe propoze.

Wi Mr Boulle ki ti anmenn sa *case* ankour, Mr Boulle ti anmenn sa *case* Ankour mon krwar avan Mr Boulle ki ti anmenn sa *case* Ankour, mon kapab kontinyen koze Mr Chairman.

*(Interruption)*

### **MR SPEAKER**

Kontinyen Onorab.

### **HON WAVEL RAMKALAWAN**

*Relax, tenir ou kol Onorab Loze, Lasanble pe dizourd demen. Mr Speaker, wi Mr Boulle ti anmenn sa *case* e pandan bann reform elektoral ki ti abouti dan*

rapor 2013 se la ki sa desizyon ti ganny pran.

(Off-Mic)

### **MR SPEAKER**

Kontinyen Onorab.

### **HON WAVEL RAMKALAWAN**

Mr Speaker be mwan, tou kou ou pe dir mon kontinyen, be dir sa Manm Onorab osi tou konport li.

### **MR SPEAKER**

Bon ankor mon'n dir si i annan en Manm ki oule entervenir lev zot lanmen mon ava pran zot non e mon a donn zot sans koze apre. In tar annou les en Manm entervenir san *interjections*. *Ok*, Onorab Ramkalawan.

### **HON WAVEL RAMKALAWAN**

Mr Speaker se la kot Lakour ti dir ki problemm avek rezis voter sete ki i ti annan non bann dimoun ki ti napa 18an. E ki lo rezis voter ti bezwen annan zis dimoun ki annan 18an. Se tou ki i ti dir. Senp, senp, senp.

Pa sa bann zafer ki Onorab Loze pe sey fer nou krwar, parey in esey fer nou krwar depi yer. Alor ki nou pe sey rode, e mon krwar ki nou kapab sey rod en solisyon. E

mon'n mansyonnen boner ki poudir Lakour sa menm Lakour Sesel ki ti dir zis bann manrmay ki annan, zis bann voter ki annan 18an ki devret lo rezis voter apre sa ti dir ki Komisyon Elektoral i kapab pran son desizyon.

E se la kot Komisyon Elektoral ti deside fer sa *addendum*. Alor i senp i annan 2 fason ki mwan mon war li i kapab ganny fer. Komisyon Elektoral i kapab apartir la pran non bann zenn ki pa ankor ganny 18an ki desann ki vin rod met zot non, e fodre ki i sertifye e sa i ganny sertifye atraver *ID card* ki poudir sa zenn wi i pou ganny 18an dizon la bann dat ki in donne, la *by le 24 Oktob*.

I kapab fer sa lalis li, tou bann zenn ki pou ganny 18an e ki'n desann. Prezan sa bann zenn la i pa antre lo sa rezis ki pou ganny sertifye amwen ki sa rezis i ganny sertifye letan zot in ganny 18an.

So sa i premye faz. Sa i pou fer ki an menm tan osi Komisyon Elektoral i kapab komans fer en pti verifikasyon pou li regarde sa zenn ki ozordi i annan 17an, 11mwan si vre i reste kot in dir i reste. E sa i ava fer ki zot ava fini sa prosesis verifikasyon dan en serten sans.

E apre sa pou eleksyon zot fer sa *addendum*, e sa i permet ki sa zenn e sa *addendum* i ava ganny sertifye par Lotorite konsernen aprezan zour eleksyon sa dimoun i pa perdi son drwa konstitisyonnal. Se tou ki nou pe sey rode.

E mon krwar ki nou kapab silvouple parske la i deza pes 8er, annou pa tenir en deba politik annou tenir en deba rezonnab lo sa size. Se tou ki mon pe rode e se sa ki Onorab Georges pe sey rod pou regarde si nou kapab fer li nou fer li. Si Komisyon Elektoral i dir non sa pa posib nou ava ganny en keksoz kler. Me nou pe zis sey regarde ki mannyer nou kapab balans sa. Se tou Mr Speaker. Mersi bokou.

### **MR SPEAKER**

Mersi Onorab. Onorab Woodcock.

### **HON WAVEL WOODCOCK**

Mr Speaker Onorab Ferrari in plizoumwen dir sa ki mon ti anvi dir me i paret mwan ki Onorab Loze i annan en *short memory*. Dan lepase nou'n toulstan konnen poudir sa parti ki'n par deryer fer bann zenn ki annan kolizyon avek the *Former Electoral Commissioner*. Ki nou ti bezwen *call Gappy OUT*, akoz sanmenm ki ti annan sa bann

keksoz sa bann labi ki ozordi ou war nou pe met sa bann *safeguard* pou anpes sa bann labi ki'n arive dan lepase repet ankor dan lefitir. So sanmenm sa ki mon ti anvi dir Mr Speaker. Mersi.

### **MR SPEAKER**

Mersi Onorab. Onorab Noline Sophola.

### **HON NOLINE SOPHOLA**

Mersi Mr Speaker. Mr Speaker i vre lesplikasyon pe donnen, me selman mon ankor konfize akoz mon kestyon ki mon'n poze mon pa ankor ganny en leksplikasyon lo la. Mon kestyon i *comme* swivan:

Sa zenn in anrezistre, ler vizit in ganny fer i pa ti la. Prezan in ganny dir si i pa siny sa let konfirmasyon i pa pou vote, e se sa ki sa zenn i trakase depi taler i pe rode.

Akoz ki mon pa pou vote, si mon ale mon anmenn sa premye papye zot pou fer mwan vote? Zot pa pou les mon vote. E sa zenn i ganny difikilte pou li kapab reste La Digue akoz i lekol isi Mahe. Ler vizit i ganny fer dan *weekend* li i pe lekol. I pa kapab dan sa landrwa rezidansyel kot i reste. Sa i mon premye pwen.

Mon dezyenm pwen, mon ankor annan serten zenn ki pa

ankor vote akoz zot isi Mahe,  
sorry anrezistre. Mersi.

Akoz? Ler zot al kot lofis zot ganny dir kote ou pe reste mon pe reste St Louis, i dir li met ou ladres lo St Louis. I vedir sa zenn pou bezwen vot St Louis. I pa reste St Louis mon reste La Digue me mon pe vin anrezistre la ozordi.

Sa difikilte ki nou pe gannyen ki mon pe demande, etandonnen ki mon annan panel la donn nou en leksplikasyon ki sa bann zenn deor i konn egzakteman ki zot pou fer. Si zot dir mwan dir zot desann Lendi, Mardi kot lofis mon dir zot desann, annou pa *deprive* zot, zot *right* pou zot vote zis akoz sa konfizyon ki pe arive. Dan zot distrik. Mersi Mr Speaker.

### **MR SPEAKER**

Mersi Onorab Sophola. Onorab Loze.

### **HON JOHAN LOZE**

Mersi Mr Speaker. Mon kontan pou vwar ki tou bann dirizan i ankor plen ek lenerzi 8er diswar zot kapab travay, napa personn ki batri in *down*.

Mr Speaker mon oule anvoy en gro remersiman pou Onorab Ferrari avek Onorab Ramkalawan ki'n finalman kapab annan kouraz pou admet

sa ki zot in fer e ki bann *first time voters* in tande zotladmisyon par zot prop labous kwa egzakteman ki zot LDS ek zot bann Dirizan zot in fer.

Mon konnen nou'n ganny dir pa fer en deba politik, ki Onorab Woodcock in *promptly* inyor son *Leader* ler in dir sa. Mon osi *I will keep it short*, e mon pa pou la dan okenn gran *polemic* politik.

Selman Mr Speaker mon dwa zot en gro remersiman ki zot in reisi finalman admet *contrary to* sa ki Onorab Ramkalawan ti fer *ce matin* letan in sey kasyet in maltret mon *nonsense*, in napa kouraz pou dir la finalman in reisi fer. Mersi Mr Speaker.

### **MR SPEAKER**

Mersi Onorab. Onorab Aglae.

### **HON EGBERT AGLAE**

Mersi Mr Speaker. Mr Speaker mwan mon pe siport en pe largiman ki Onorab Sophola pe fer, kot i konsern ler ou pe al anrezistre e ou rezidans i pa ou rezidans permanans.

Mon pe dir sa akoz i annan en lensidan en pe koumsa ki'n arive dan mon distrik kot i annan en fanmir kot son fiy in bezwen bouze akoz en parti lakaz pe aranze e vin bouz dan en lot distrik, ki

dan lespas en mwan en mwan edmi i sipoze pare e li ler in ganny 18an in bezwen al anrezistre.

E sa zofisyé li ler sa zenn *first time* in fer konpran poudir be mwan mon pe reste dan sa rezyon tanporerman mon landrwa natal kot mon sipoze pe reste se Port Glaud.

E la in vin en problem kot in dir li kot fodre mon war ou dan lakaz avan antre, avan mon kapab sertifye ou. So i bezwen annan en balans kot ou bezwen *ziz* byen mannyer nou vwar sa bann sityasyon parey pe ganny dir la.

So annou pa zis dir ek sa zenn poudir mon pa pe kapab met ou la kan i konnen poudir ler eleksyon i fer poudir sa dimoun pou'n fini retourn kot i pe reste dan son landrwa kot i sipoze reste.

So pou nou, nou bezwen annan en bon largiman ki fonde, e osi en balans osi konprenezon pou nou fer ki sa bann zenn pa ganny forse pou zot adopte en landrwa vote ki zot, zot sipoze pe vot ladan. Mersi.

### **MR SPEAKER**

Mersi Onorab Aglae. Onorab Pillay.

### **HON SEBASTIEN PILLAY**

Mersi Mr Chairman. Mr Chairman mon krwar ki LDS i konn tre byen ki zot pe fer la aswar. I annan 2 size ki devan nou, premye size ki'n ganny souleve se ki si en zenn in al anrezistre avan ki rezis i frenmen *ok*.

Avan ki i frenmen e *verification* pa ankor fer i bezwen annan an fason ki *verification* i ganny fer ki *by the time* ki *nomination* i vini en *certify voters register* i ganny donnent.

*That was an agreement* ki tou dimoun ti dakor avek. Now suddenly prezan LDS almost 8er ozordi apre ki nou pas tou lazournen, nou pa'n war okenn propozisyon lamannman vini dan sa kote, i vin dir ek nou la aswar ki prezan zot pe propoze ki si en zenn pa'n anrezistre, mon ganny en konpran ou ganny 18an ler rezis voter i fermen me i pou ganny 18an apre ki rezis i fermen annou fer *addendum* koumsa pou li kapab vote zour vote.

*Be that means* ki at the time of vote in sa register is not a certified register. E legally then it means the register is flood. Why would, akoz ki nou oule go back pou nou usurp en prosedir ki nou'n annan? E mon krwar la Mr speaker zot kontan tret nou koman malonnet.

*This is, sa i malonnet! What's going on la i malonnet. What's going on la i malonnet. Akoz sa ki zot pe sey fer la, mon krwar sa ki zot krwar pou arive zot krwar poudir dan sa demographic bann first time voters la mazorite i vot pou zot e zot pe stack the deck dan zot faver.*

E se sa ki ou pe fer mon pou apel sa Onorab Ferrari atraver ou, ou'n *interject, political hypocrisy*. Akoz sa menm keksoz ki ou'n blanm ou kanmarad pou fer ou pe egzakteman fer parey. E i senp, ozordi ou annan en mazorite akoz ou pa ti vin ek en propozisyon lamannman olye ki la 8er ki ou pou komans koz lo sa size ki la?

Mwan mon napa problemm anrezistre avan ki lalis i fermen, ki rezis i fermen komisyen eleksyon i a fer tou son posib pou fer son verifikasyon akoz sete sa *playing field* ki tou dimoun ti agree lo la. E sa *playing field* ti ganny agree pa zis par le 2 parti LDS e US, me ti ganny agree par tou parti politik ki enkli Lalyans Seselwa.

Ki enkli One Seychelles ki enkli tou bann parti politik ki'n deza partisip dan sa prosedir. Konmsi mon pa konnen, mon ti

a kontan enplor mon bann koleg lo lot kote latab.

Ou koz lo listwar, listwar, listwar me selman la aswar ki nou pe vin fer? Nou pe vin repet listwar. Me ler nou fini fer sa ki nou pe fer be *the next step will be automatic registration* ki nou pou retourne ankor ek sa de asteriks ki ti dir pa devret annan. Mr Chairman nou'n fini travay lo sa Prozedlwa. Eski i annan en propozisyon lamannman ki pe vin devan nou?

*If there is a propozisyon lamannman, eski sa propozisyon lamannman in meet dan 72hour requirement pou li vin devan Lasanble? If not Mr Chairman if not then nou pou war, nou pou kapab war la aswar ki ti vre lentansyon LDS all along ozordi kot zot pou servi zot mazorite pou bouldoz something through la dan sa Lasanble ki Komisyon Eleksyon li menm is not in favor of.*

Akoz Komisyon Eleksyon i asire ki *the credibility of the process* i ganny insured e therefore a certified voters register is the register ki nou al avek dan eleksyon.

E mon ti a kontan bann first time voters i get byen ki pe arive la aswar. *Don't be misled in thinking* ki sa bann dimoun

pe fer lot kote latab i dan zot lentere. Non!

Zot pe servi en sityasyon zot pe servi sa bann *first time voters* pou zot byen politik e nou'n koz lo Prezidan dizourd Lasanble akoz i byen politik? Sa ki pe arive se ki en politik sa Mr Chairman. Se sa ki pe arive la aswar.

So mon ti a kontan ganny en klarifikasyon, eski nou annan en propozisyon lamannman lo latab? Eski sa propozisyon lamannman i *meet* sa 72 erdtan ki *Standing Orders* i dir? Ok.

*Alright,* e si non Mr Chairman si non be si non nou pa pou kapab pase. Ki mannyer sa ler ki la ki nou pou annan en propozisyon lamannman ki lazournen antye zot in gannyen pou zot anmenn sa propozisyon lamannman zot pa'n gannyen.

E Onorab Ferrari Mr Chairman atraver ou ma konklir ek sa, in a plizyer repriz atak nou lo sa kote latab e menm atak mwan personnelman. *Regarding* lamannman ki mon'n anmennen la i pe lev son lanmen as if li i pli parfe ki tou dimoun! Mersi Mr Chairman.

### **MR SPEAKER**

Mersi Onorab Pillay. Onorab Churchill Gill.

### **HON CHURCHILL GILL**

Mersi Mr Chair. Mwan mon ti oule zis met en konsern devan *panel* pou Praslin ek La Digue lo konsern verifikasiyon akoz ozordi *as we speak*. Praslin i annan an kantite dokiman pou verifikasiyon.

Prezan konsern se bann dimoun i sorti Mahe pou fer sa verifikasiyon e zot desann en fwa par mwan, e apre zot fer li dan *weekend*.

E sa i fer ki sa kantite, sa volim ki annan i tarde redwir, prezan mon pe demande eski kommisyon pa kapab ganny dimoun Praslin ek La Digue pou fer sa verifikasiyon dan plas pou fer dimoun sorti Mahe. E an menm tan sa *frequency* ki zot vini i pa pe ede pou kapab konplet sa verifikasiyon a ler. Mersi.

### **MR SPEAKER**

Mersi Onorab Gill. Bon mon ava donn *panel* sans pou reponn bann *queries* ki'n leve. E sa ki konsern si i annan en lamannman lo latab oubyen non apre nou ava dil avek. Mon ava donn *panel* laparol i annan bann *queries* ki ganny leve par Onorab Sophola, Onorab Aglae, Onorab Churchill Gill eksetera. *Panel*, Mr Lucas.

**THE ELECTORAL CHAIRPERSON MR DANNY LUCAS**

Mersi Mr Chairman. Mon ava reponn sa kestyon ki mon war in ganny demande par *several MNAs* la. Lo kestyon ki arive avek bann voter ki'n komans fer zot prosedir me zot pe atann en *verification, ok?*

I enportan pou nou ki *as much as possible* nou *process* tou sa bann dimoun ki ou war zot in fer zot laplikasyon pou zot ganny anrezistre. Lo dernyen bann zour ki ou war in vin i la nou'n annan en *rush* lo tou nou bann *centers* anrezistreman.

Zot pe *take it very fine* la. Me ki arive se ki an se moman la nou pe sibir sa lenpresyon pou nou kapab fer sa bann prosedir e sa mon kapab dir fransman. Nou pe fer laranzman pou nou *recruit* plis dimoun ki kapab fer sa bann *verification exercises*, akoz i esansyel ki i ganny fer.

Lo kestyon Praslin La Digue, i annan an se moman la nou pe regarde si nou kapab ganny 2 dimoun adisyonnal. *Ok? Interviews* mon konpran in fini ganny fer tou keksoz. E *hopefully* nou kapab ganny zot pou komans travay pou *as soon as possible*.

Lo kestyon kot i konsern Mahe, Mahe i annan bann

*electoral areas* ki ou war nou'n idantifye ki avek sa bann *rush* ki ou anrezistre lo dernyenrer nou'n war ki ou war nou bezwen bann dimoun adisyonnal.

E pou sa rezon nou pe koze avek Gouvernman pou regarde akoz i pou kout larzan, e nou bezwen ganny sa finansman. E mon kapab dir ki nou'n ganny dir ki finansman i pou *available*.

So nou pe espere ki dan bann zour ki ou war i ape vini la nou kapab fer a sa bann *recruitment* nou kapab fer sa *process*, marse e *hopefully by the time* rezis i bezwen ganny sertifye nou'n kapab fini *process* sa bann zenn voter.

*By the way* mon fiy osi i lo lalis, kan i al anrezistre i pa ankor war okenn dimoun vin *verify* son landrwa reste. Alor i dan menn bato li osi, e i pe pasyanman atann ki son trou i vini e *hopefully* pou tou bann lot dimoun sa tour i a vini avan ki bann e zis i ganny sertifye.

An se moman la enn fwa ki ou war nou anons *Gazette* dat eleksyon nou pou annan en peryod aepre en mwan ou en pti pe plis pou *nomination date* *ok?* *Nomination date* nou pe pou li en pti pe pli tar pou nou kapab pouz *gazetting* pli tar

akoz donn letan pou plis dimoun pou kapab anrezistre.

Me kwa ki kler se ki *by nomination date* nou bezwen annan bann rezis ki'n fini sertifye. Akoz *nomination date* ler bann kandida i vini san zot *pack* zot bezwen annan bann lalis ler in ganny fini sertifye. So *by that time*, tou keksoz in devret fini ganny analize.

Pou reponn Onorab Ferrari enn fwa ki nou *gazette election dates* lalis voter i fermen. Me se ler i fermen la ki nou pe *process* tou sa bann laplikasyon tou sa bann tranzaksyon tou sa bann novo anrezistrasyon, tou bann verifikasyon pe finalize. E apre i ariv sa letan kot enn fwa i ariv kot sa letan kot enn fwa ki pou war nou fini fer tousala lalis in fini sertifye e *hopefully* sa, pa *hopefully* i bezwen ganny fer avan *nomination day*.

So lo sa pwen mon kapab reasir Lasanble ki nou pe sey fer mye posib, pou nou kapab avek resours ki ou war nou annan pou fer sir ki ou war nou kapab *process* bann *outstanding*.

I annan bann lot *issues* i ou war in ganny leve, e sa bann *issues* enkli sa enn ki ou war in ganny leve par Onorab Ramkalawan *Leader Lopozisyon*. Mon'n takse nou

*Legal Officer* pou regard lo la e Mr Chairman si ou war i posib mon a donn laparol avek nou *Legal Officer*. Mersi Mr Chair.

### **MR SPEAKER**

Mersi Mr Lucas. Mon ava pas laparol avek Ms Sinon.

### **SENIOR LEGAL OFFICER MS. SALINA SINON**

Mersi Mr Chair. Mon pou pran konsern Onorab Sophola premye an relasyon avek bann *first time voters* ki sorti Praslin e La Digue e ki fer zot lanrezistreman.

Prosedir i ki zot fer zot *statement* afidavit *as to where they live*. Konmkwa zot reste Praslin La Digue, me zot pe lekol Mahe zot reste dan *hostel*. Zot siny sa, apre verifikasyon i ganny fer kot zot rezidans Praslin, La Digue e la zot paran ki sinyen dan zot plas. Zot pa bezwen kot lakour, si zot kot lakour *good, if they are not*, zot paran i sertifye pou zot. So i pa en baryer ki zot isi Mahe.

As to bann ki Mahe an term ki pa ankor anrezistre, zot kapab anrezistre kot nou lofis Arti Chambers *as well as SACOS Towers*, zot pa bezwen mont Praslin oubyen La Digue pou zot fer zot lanrezistreman.

Sa ki Onorab Aglae in fer resorti bann ki'n bezwen

anrezistre dan bann distrik tanporer, mon agree ki ti devret annan fleksibilite dan sa kote petet in annan konfizyon ouswa malantandi lo kote nou bann zofisye rezistrasyon.

*In terms of propozisyon ki ganny mete par detrwa MNA pou ou annan en provizyon, en lalis, en fason pou nou kapab fer vote bann zenn ki pou ganny 18an apre ki rezis in fermen, akoz me avan, me by-election date.*

Akoz zot annan en drwa pou vote. En drwa pou vote i la dan Konstitisyon wi, me Konstitisyon i osi dir ki ou bezwen anrezistre pou ou vote. E Konstitisyon i dir ki pou ou anrezistre pou vote ou bezwen sitwayen Sesel, ou bezwen annan 18an.

So se zisteman sa ki ti al ankor dan *case* ki'n ganny koze lo la ozordi. Komisyon pa pou kapab met lo rezis dimoun ki napa 18an, menm si zot pou ganny 18an *by-election date*. E en dimoun pou li vote i pa bezwen lo okenn *supplementary list* par egzanp ouswa *provisional list*, whatever the name.

Me selman i bezwen lo rezis voter sertifye. E nou pa kapab sertifye en rezis voter avek dimoun ki napa 18an lo la, so sa i pa pou posib. Sa

provizyon pa pou posib, e okenn *way* ki nou pou fer *around it through nou Act* pou go against nou Konstitisyon. Thank you, Mr Chair.

### **MR SPEAKER**

Mersi Ms Sinon. Onorab Ferrari.

### **HON JEAN-FRANCOIS FERRARI**

Mersi Mr Speaker. Ase bref, mersi *Commissionere* Ms Sinon pou sa leksplikasyon lo mon pwen, mon satisfe ki tou bann zefor ki'n ganny fer pour fer sir ki verifikasyon i konplet e total.

Akoz mon pa konnen mannyer ki zot pou dil avek en ka ki en dimoun i arive, me sa zot ava, i pa sipoze bokou ka me selman menm si enn zot devret pe prevwar en fason pou dil avek.

Mon ti a osi kekfwa mon ekspekte ki *verification is not just for first time voters but we've continue for queries, for challenges everything*. En dimoun ki son non ti lo la me in sorti *for some reason*.

So akoz mon konn enn de dimoun ki dan sa ka. Lo ou pwen *addendum* parey zot ti dir li mon konpran sa largiman. Mon zis bezwen note ki avan menm ki *Commission* in eksplik son legalite lo kote US, notaman

lo kote Onorab Pillay in ensiste ki li i pa enterese rod okenn fason pour ki sa bann dimoun i finalman ganny en sans pou zot vote.

(Off-Mic)

**HON JEAN-FRANCOIS FERRARI**

Mwan ki annan laparol Onorab Pillay, ou ava koz taler ou, aret malelve zot, zot be sak fwa mon koze - ?

**MR SPEAKER**

Kontinyen Onorab.

**HON JEAN-FRANCOIS FERRARI**

Mwan mon anvi zis ki dimoun i konpran ki nou, nou'n omwen nou'n seye. Akoz in deza egziste en sistem lalis *addendum*. So nou'n seye, e Ms Sinon in eksplik nou vreman klerman akoz ki bann difikilte ki anpes li fer sa, e mon remersye li.

E finalman Mr Speaker mon ti a zis kontan fer Onorab Pillay remarke ki bomaten, yer *Leader of Government Business* in vin avek 2 *Bill* ki pa ti *meet the requirements of time for First and Second Reading*.

Me selman nou'n fer li, akoz nou'n vin la pou nou travay. Alors pa bezwen ler ou

pa dakor avek en keksoz ki nou pe sey propoze sey anmenn bann largiman teknik pou zet sa bann keksoz an deor.

Sa i pa en keksoz Onorab, Mr Onorab Pillay. I en keksoz dezonorab akoz nou devret kapab travay pou nou fer avanse sa travay lezislatif ki nou pe fer, e pa rod bann pozisyon teknik tou lazournen pou sey blok bann propozisyon ki nou pe sey fer. Mersi bokou.

**MR SPEAKER**

Mersi Onorab Ferrari. Onorab Georges.

**HON BERNARD GEORGES**

Mersi Mr Chair. Mr Chair mon oule fer en propozisyon lo sa *issue addendum*.

Kler nou pwen in depar, se lartik 24 nou Konstitisyon ki dir ki tou dimoun ki'n ganny 18an i annan n drwa pou li vote e sa lartik i kler i dir ki tou dimoun ki'n ganny 18an i kapab ganny, i annan en drwa pou li ganny anrezistre koman en voter pou li kapab vote.

Donk i kler ki li i bezwen ariv 18an pou sa drwa ganny egzerse Ms Sinon in fer nou rapel sa ozordi. Me son drwa sete en drwa pou vote en fwa ki, set en drwa pou li kapab anrezistre e pour li vote.

Donk si nou komans lo prensip ki nou bezwen ankouraz tou dimoun ki'n ganny 18an avan zour vote pou vote. Nou bezwen fer en fason pou zot kapab anrezistre pour ki zot kapab egzers zot drwa.

Mon krwar sa se en laspe fondamantal ki nou devret fer. Nou devret ed sa bann dimoun pou vote olye met baryer dan zot semen par egzant an dizon ki, *sorry* rezis voter in fini sertifye. Akoz rezis voter son sertifye set en travay *administrative*. Si nou anvi sertifye rezis voter lavey eleksyon nou kapab, i difisil, i konplike, i met travay lo Komisyoner Eleksyon e lo *Electoral Commission*, me napa naryen ki anpes nou fer li.

Alor ki mannyer nou kapab *achieve* en keksoz ki'n deza ganny fer atraver sa ki nou apel en *addendum*? Lalwa Eleksyon i dir anba seksyon 9 dan *Principal Act* ki tou le 31 Mars i ava annan en rezis voter ki ganny sertifye.

Me dan en lannen eleksyon 9(1) en *proviso* dan en lannen eleksyon, *Chief Registration Officer* i ava fer en fason ki pour sak *electoral area* i pou annan en rezis ki pou kontinyen ziska sa zour ki ganny sertifye anba Seksyon 13(1), e sa zour i ganny sertifye

anba 13(1) se zour ki piblikasyon dat eleksyon i ganny fer dan *Gazette*.

So 31Mars pou tou bann lannen me dan en lannen eleksyon sa i pou ale ziska zour ki Komisyon Eleksyon i, *Chief Registration Officer* i deklar dan *Gazette* zour vote. *Election date. Ok? I still* preznan, alor Lalwa in *provide* pou en premye leksepsyon ala norm, lannen eleksyon, e in pouz li ziska zour ki dat eleksyon i ganny gazete. Sa i still les detrwa dimoun ki pou ganny 18an ant sa zour ki dat i ganny pibliye dan *Gazette* avek zour eleksyon.

E sa ki nou pe rode se ki mannyer nou kapab kouver zot akoz i en drwa, pou zot vote e donk i en lobligasyon pou anrezistre zot pour zot vote. Ki mannyer nou pou fer sa akoz *schedule 3 of the Principal Act* dan paragraf 21 i dir ki kopi rezis voter ki'n fini ganny sertifye anba Seksyon 9(1) ki mon fek lir i ava *be made available to the Electoral Officers at the polling stations for the purposes of the use on election day*.

Donk sa *certified voters register* pou ganny donnez zour vote avek bann *Electoral Officers*. Me i ava annan en *gap* ant pou sa bann zenn adilt ki

ariv a laz mazorite ant *Gazette* ek *election day*.

Alor ki mannyer eski nou kapab anmenn zot se sel fason se pou amann Lalwa. E mon pe propoz avek Lasanble ki si se swe Lasanble ki sa bann zenn i devret vote parey Lartik 24 i fer, annou met en striktir pour ki Komisyon Eleksyon i kapab anrezistre zot e sertifye en rezis lavey eleksyon pou sa gap. Sa ki nou apel en *addendum*.

E pour fer sa nou kapab senpleman dan 9(1) (a) ki dir ki pou annan en rezis ki pou al ziska zour *gazette* azoute “ *and certifying in respect of the period between the date on which the notice under 13(1)” (se gazette) was issued and the date of election, an addendum to the register of voters for which electoral area to include voters who have attained the age of 18 years in that period.*” Boom fini.

si nou met sa savedir tou dimoun i ganny kouver. I en problemm pou *Electoral Commission*, so zot pou bezwen travay pandan sa 4zour, pandan sa *whatever letan*. Me i pa enposib, e si nou anvi ki bann zenn i vote *that's the way to do it* Mr Chair. Alor vwala en propozisyon pour zot letid. Mersi.

### **MR SPEAKER**

Mersi Onorab Georges. Onorab Clifford Andre.

### **MR SPEAKER**

Mersi Onorab Georges. Onorab Clifford Andre.

### **HON CLIFFORD ANDRE**

Mersi Mr Chair, Mr Chair mon pou segonn sa *proposal* ki Onorab Georges in met devan. Me mon pou osi dir ki Onorab Georges in dir ki sa bann zenn anba Lartik 24 zot egzers zot drwa. Mwan mon dir ki parey mon'n toulstan dir e parey nou konnen ki Konstitisyon i siprenm.

E okenn Lalwa ki ganny fer ki dekoul par anba nou Konstitisyon i *subordinate to the Constitution*. E la e anba sapit 3 mon a espere Mr Speaker mon pa konnen ki zot pe ekout mwan laba. Zot pe konsilte en pti kou, mon a. Ok. Mon kapab kontinyen Mr Speaker?

### **MR SPEAKER**

Kontinyen Onorab Andre.

### **HON CLIFFORD ANDRE**

Anba sapit 3 i bann drwa fondamantal ki ganny donne sapit 3 nou Konstitisyon i bann drwa fondamantal ki ganny donne a bann sitwayen.

Drwa pou travay, drwa lasante, drwa ledikasyon, drwa lozman e enn bann drwa ki dekoul Lartik 24 se drwa pou li anrezistre. E pou li vote. Letan in *attain the age 18* se sa ki i mete. Eski si sa pa pe ganny fer? Onorab Georges i kontan fer, i kontan dir bann keksoz dan son pozitiv be mwan me pe get li si i pa ganny fer, i en vyolasyon drwa konstitisyonnal sa dimoun ki'n ganny 18an avan le 22 Oktob 2020.

Apre ki rezis in fermen me li in ganny 18an, alor i en vyolasyon son drwa. E sa dimoun i annan drwa anmenn en *case* konstitisyonnal pou dir,

*(Interruption)*

### **HON CLIFFORD ANDRE**

Espere mon pe fer mon largiman Onorab Pillay.

I annan drwa pou li anmenn en *case* konstitisyonnal e sa ki mwan mon pou *advise* li koman en Avoka ki'n *trained* e ki pratike pou dir ou drwa konstitisyonnal anba sapit 3 in ganny vyole.

Me sa i pa pe ganny fer *deliberately*. So mon pe sey eksplike la dan sa Lasanble poudir i annan e mwan mon pou siport parey mon'n dir sa *proposal* ki'n ganny mete par Onorab Georges, akoz mon

krwar i fer bokou sans e i pe fer ki sa dimoun son drwa pa pou ganny vyole ler i ganny 18an. Mersi Mr Speaker.

### **MR SPEAKER**

Mersi Onorab Andre. Onorab Woodcock.

### **HON WAVEL WOODCOCK**

Mr Speaker ler nou ti sermanter dan sa Lasanble Nasyonal nou ti sermanter pou *uphold* sa Konstitisyon ki nou pe koz lo la ozordi.

Mon pa ganny en konpran akoz ki enn de Manm lot kote latab zot pa oule ki sa bann zenn ki pou ganny 18an ler *voters register* i fermen ki zot pa oule ki sa bann zenn i vote.

Sa bann zenn i zot drwa *not only to vote* be i zot drwa osi pou *register*. Alor anliny avek nou Konstitisyon ki devan nou ozordi nou bezwen fer provizyon pou sa bann zenn kapab vote akoz ki zot per zenn?

Mon bezwen demann sa kestyon Mr Speaker mon pa ganny en konpran akoz ki zot pa pe, ki zot pe enkyet pou sa bann zenn kapab vote! Mersi.

### **MR SPEAKER**

Mersi Onorab Woodcock. Onorab Simon Gill.

### **HON SIMON GILL**

Mersi bokou Mr Speaker, Mr Chairman. Ou konnen Onorab Ramkalawan in fer sorti detrwa bann bon pwen letan i ti pe fer son lenthervansyon ki mannyer sa bann prose *electoral reform* in pran plas. E mon krwar nou'n ekoute me selman nou pa'n tande.

E nou pa tro, tro, tro, tro konpran. Konnen malgre serten limitasyon ki ti annan Mr Speaker desizyon pou nou met sa provizyon *automatic registration* dan en serten lepok ti annan en merit.

Zot in kritike zot in dir ti annan serten limitasyon mon premye dimoun pou agree ki wi ti annan serten limitasyon akoz dan serten sirkonstans nou'n vvar ki serten sa bann dimoun ki ti lo lalis voter ki pa ti ankor ganny laz 18an.

Zot ti pase par lerer, par mank port latansyon zot in vote, in arive sa nou pa pe *deny* sa in arive. Me ki rezondet fondamantal annan *automatic registration*.

E ler nou dir *automatic registration* lo lalis voter a lepok nou ti annan bann zenn ki ti aparet lo lalis voter laz 17an.

E o bor zot non ti annan 2 asteriks pou donn en lendikasyon ki sa bann zenn pa ankor ariv 18an e ler dat eleksyon i anonse zot ti reste lo

sa lalis voter. E si zot ti kapab donn zot kart idantite ki montre ki zot ti annan 18an sa bann dimoun ti ganny en sans vote.

Me ki ti arive? Ler nou ti pas atraver reform elektoral sete byen lopozisyon e en reprezentasyon ki ti ganny fer par Mr Philippe Boulle ki ti argimante akoz sa zafer *automatic registration* i bezwen sorti e Mr Boulle sa lepok ti pe koz lo lapar tou bann parti politik dan lopozisyon.

Mr Chairman mwan mon ti trouv mwan mon tousel pe defann sa prosesis *or* sa provizyon *automatic registration*. E mon kosyonn lodyans a sa lepok annou pa sorti ekstrem pou nou al lo en lot ekstrem.

Annou rod en pozisyon milye ki mannyer nou kapab fasilit sa bann zenn ki pou ganny 18an ant dat ki Gazet dat eleksyon, ziska eleksyon i arive pou zot kapab vote.

E mon ti ganny dir non nou pa pou kapab fer tou sa bann zafer i pou kont Konstitisyon eksatera, eksatera, eksatera. Akoz, akoz nou sorti dan en ekstrem nou al dan en lot ekstrem e se Lopozisyon *with respect* pou zot tou isi anndan dan sa lasal se lopozisyon ki'n pouz nou dan sa ekstremite.

E ozordi avek respe pou zot tou, personn anndan la isi dan sa Lasamble pa kapab vin akiz *United Seychelles* pou dir nou, pou dir nou kont lazenes vote.

Personn pa kapab akiz nou pou dir nou sa. Akoz nou konnen akoz nou ti met sa provizyon bann zenn aparet lo lalis voter laz 17an.

Zot ti'n dir i annan limitasyon zot in pouz lo en lot ekstrem e ozordi si i annan en keksoz ki nou pou dakor avek zot ozordi. Nou pou dakor avek zot ki nou bezwen fer bann amannman neseser dan nou Konstitisyon.

Amannman neseser dan nou Konstitisyon pou nou fer sir ki nou pa pe al kont lartik 114 nou Konstitisyon.

Akoz Phillippe Boulle, Mr Boulle sipor baz son largiman Lartik 114 nou Konstitisyon. E i ti fer referans avek Lartik 24 tou. Ok. So annou fer amannman nou Konstitisyon lartik 114 nou *delete* sa *Clause* e pi nou antre nou antre lo *automatic registration*, dan sa konteks nou fer sir ki tou dimoun pa ki laz 17an me ki *attain the age of 18* otomatikman son non i aparet lo lalis voter.

*Attaining the age of 18* son non i aparet lo lalis voter

nou tir tou sa melimelo ki nou pe koz lo la ozordi Mr Speaker.

Byensir, byensir i annan bann provizyon kot nou'n koz dan Lalwa sa ki nou apel *physical verification*. E in donn bann dele letan dan lalwa pou nou fer bann verifikasyon fizik. E nou annan isi reprezantan Komisyon Elektoral ki'n dir bann dimoun ki'n anrezistre avan ki Garet dat eleksyon tou sa bann dimoun in dir nou i pe rod mwayer i pe rod finansman akoz i pou koute akoz i bezwen anploy plis travayer.

E prepar zot pou ki zot pou kapab al fer sa verifikasyon fizik e mon pe konpran ki nou annan en garanti ki tou sa bann dimoun ki'n anrezistre avan ki dat eleksyon i ganny gazete ki zot pou aparet lo lalis voter ki pou ganny donnen avek tou bann parti politik zour sa ki Lalwa i *provide* zour *nomination day*.

Mwan mon pe egzize Mr Speaker, Mr Chairman ki zour *nomination day* nou ganny *the certified voter register* pou sak le 26 *electoral districts*.

Nou pa pou aksepte okenn lalis voter ki ganny donn nou lavey eleksyon or nou esper li dan stasyon vote zour granmaten nou ariv dan stasyon vote.

Sa nou pa pou aksepte sa nou. Akoz Lalwa i *provide* si zot oule fer sa amannman ankor pou amande ki zot pa pou donn nou *certified voter register* zour *nomination day* fer amande ankor. Eski se sa ki nou oule?

Nou annan en lot pwen pou nou mete. Sa 100 ekek or 200 zenn ki pou ariv 18an ant sa peryod ki dat eleksyon in ganny gazete ziska zour eleksyon, ki mannyer nou egzekit sa provizyon *physical verification*?

In annan en kantite *dynamics* ki'n arive depi sa zenn ler ki i ti ne, ziska ler i ganny 18an ki'n sanz distrik en kantite *dynamics*, ki mannyer nou sertifye ki nou pe met or ki mannyer nou *asserter* e garanti nou garanti ki nou pe met sa zenn dan son vre distrik elektoral.

Ki nou pa pe endirekteman pratik en sistenm *gerrymandering* avek lalis voter. Nou al met bann zenn dan en distrik elektoral kot i pa la.

Kot letan in ganny 18an in fini sanz distrik. Swa in sorti Mont Buxton in desann Perseverance or in al Grand Anse Mahé or in al Takamaka or in al Baie Lazare avek bann dinamik ki i annan dan bann

*housing project* ki nou pe fer. Kot dimoun pe ganny deplase?

Mr Speaker, Chairman sa i en keksoz ki konpleks tou an respektan tou bann lopinyon annou donn sa eleksyon ki la devan nou sa lespas pou nou kapab nou tou rasire ki sa eleksyon i ganny deklare koman *free and fair or credible*. *Free and fair* annou rasir sa.

Akoz si nou pe al rod sa bann lezot provizyon ankor pou fer antre dan sa prosedir, mon pe dir zot mon pa pe *threatened* personn me mon pe dir zot pou annan problem.

Mon konnen pou annan problem, annou evite sa bann problem e nou lo sa kote latab nou la, nou deryer tou sa bann zenn me malerezman. Malerezman nou annan Lalwa nou annan bann prosedir ki nou bezwen respekte.

E dan tou pei, dan tou pei kot pou annan en eleksyon i annan serten pei mon pa poudir tou i annan serten pei kot zot ale. Zot Lalwa i permet zot fer sa bann kalite legzersis kot ki nou pe koz lo la.

Me i annan serten pei an gran nonm bann pei zour lalis voter i fermen sertifye malgre ou ganny ou laz ant sa bann, ant bann dat eleksyon silvouple ou pa pou kapab vote.

So Sesel pa en leksepsyon i annan en kantite bann sityasyon la deor e napa okenn dimoun lo sa kote latab Mr Speaker mon le met lanfaz lo la ki oule pratik diskriminasyon, ki oule vyo drwa bann zenn pou zot vote me i annan prosedir, i annan Lalwa.

Tel parey ki nou *discriminate* ozordi dan nou Lalwa ki bann dimoun ki an detansyon me ki pa ankor pas en zizman lo zot ki zot ganny sans vote ki avan zot pa ti kapab sa i en leksepsyon ki nou'n fer dan sa prosedir.

Lot prosedir ki nou'n fer nou'n dir or lot leksepsyon ki zot in koz lo la boner. Bann prizonnyen e Onorab Ramkalawan in koz lo la dan SADCPF bann novo provizyon, bann *new thinking*.

Nou a gete si nou pou al dan sa direksyon pou nou osi les bann prizonnyen bann kondannen osi ganny sa drwa pou zot vote.

I en staz ki probableman nou pou antre ladan bann amannman neseser i ava ganny fer e nou a gete ki mannyer deba ki mannyer novo dinamik i deroule dan prosen Lasanble.

Sa i pa lafen Lasanble Mr Speaker. Lasanble eleksyon pe

al ganny fer i annan en novo Lasanble ki pou antre e bann size bann deba pou kontinyen avek bi pou nou fer sir e rasire ki tou Seselwa sak Seselwa i ganny posibilite pou li egzers son drwa pou vote. Mersi bokou Mr Speaker.

### **MR SPEAKER**

Mersi Onorab Simon Gill. Onorab Gervais Henrie.

### **HON GERVAIS HENRIE**

Mersi Mr Chair. Entervenan ki'n koz avan mwan in dir en kantite parol solman i annan en parol ki pli enportan dan sa ki ou'n dir. Ou'n dir i annan serten pei ki permet fer sa ki nou pe koz lo la, la. Alor akoz nou pa kapab zwenn sa group pei?

Mr Speaker sa ki nou pe demande se ki depi bomaten nou pe diskit en Lalwa ki nou nou'n dir ki sisyenm Lasanble. Dan mon lentervansyon mon'n dir sa, sisyenm Lasanble i anvi *revolutionize the electoral process*.

Mon anvi mon koman en Manm sa Lasanble sisyenm i bann dernyen travay ki nou pe fer sorti avek en keksoz ki istorikman pou mazin nou.

E Mr Speaker sa ki mon anvi dir Onorab Georges in fer

en propozisyon, Onorab Clifford in segonde.

Kestyon mon anvi zis demann ou, eski ou pou aksepte sa lamannman si wi ouswa non mon sizere *we take a vote on the matter*. Mersi.

### **MR SPEAKER**

Mersi Onorab Henrie. Onorab Waven William.

### **HON WAVEN WILLIAM**

Mersi Mr Chairman. Mr Chairman mwan osi mon ti pe al pran sa menm direksyon.

Mwan mon anvi demann *panel* akoz la nou annan *Attorney Zeneral*, nou annan bann zofisyen *Electoral Commission* eski i annan problemm avek sa propozisyon ki Onorab Georges in mete, eski i anti-konstitisyonel?

Si napa problemm avek *then* Mr Speaker mon krwar nou kapab pran en vot lo la. Mersi.

### **MR SPEAKER**

Mersi Onorab William. Onorab Flory Larue.

### **HON FLORY LARUE**

Mersi Mr Chair. Mon krwar ki deba pe ganny detournen avek bann largiman ki'n donn ki'n ganny donnen par Onorab Gill ek Onorab Loze.

Letan nou pe dir ki nou pe kestyonn trwazyenm lebra nou Gouvernman akoz sa desizyon ti ganny pran dan Lakour Konstitisyonnel e desizyon ti ganny pran par bann Ziz ki ti dir ki sa formalite ki ti pe ganny servi par *Electoral Commission* pa ti konstitisyonnel.

E nou koman bann Manm Lasanble Nasional parey Onorab Woodcock in dir nou la pou nou defann Konstitisyon ziska ler i ganny amande.

Mr Speaker ozordi bann propozisyon pe ganny fer pou sa *Bill* ki devan nou pou nou kapab fer sir ki tou zenn ki pe al ganny 18an i kapab antre dan rezis voter.

E si nou pe met bann propozisyon devan nou bezwen fer sir ki an regilasyon avek Konstitisyon. Nou pe kapab vin met deba e kestyonn Lakour Konstitisyonnel isi dan nou Lasanble dan nou bann dernyen zour.

Mon pa krwar i en mank respe pou sa trwazyenm lebra letan in fini donn en desizyon. Mr Speaker lamannman konstitisyonnel ti pe vini. Gouvernman ti'n dir nou en bann lannen pase zot pe anmennen zot pa'n kapab anmennen ziska 2 zour avan ki

nou dizourd Prezidan Danny Faure ki'n dizourd.

Solman son Gouvernman ti dir pou anmennen sa bann amannman konstitisyonnel zot pa'n, zot anmennen, zot in retire.

E sa bann lamannman ti kapab nou ti ava kapab annan sa lopsyon pou Onorab Simon Gill kapab fer son ta deba lo la ansanm avek Onorab Loze me pa anba sa *Bill*.

Alor annou pa anmenn bann lezot deba ki napa nanryen ki annan pou fer ek sa ki la.

Annou annan en pe konpasyon pour *Attorney Zeneral* ki annan son *own* problem pou li. Annou fini fer sa travay parey bann dimoun respektab pou nou kapab al dan lakour. Mersi.

### **MR SPEAKER**

Mersi Onorab. Onorab  
Sebastien Pillay.

### **HON SEBASTIEN PILLAY**

Mersi Mr Chairman. Mr Chairman o kour lazournen mon ganny apele diferan non dan sa Lasamble par mon bann koleg lo lot kote latab. Mon'n ganny apele 'ensinifyan', mon'n ganny apele 'dezonorab.' Mon'n ganny apele plizyer non baze lo

zot enterpretasyon sa ki mon ete.

E mon bann koleg i dir mwan zot fer zot bann largiman baze lo lefe ki zot reprezent *the side which is right*, zot reprezent sa kote ki reprezent la verite ozordi, zot reprezent sa kote ki le anmenn pei pli devan.

Akoz mon aparan mon reprezent sa kote ki'n toulstan *usurp* Lalwa, pran Lalwa dan mon fason abiz Lalwa eksetera pou mwan prop gen.

Prezan mon le Mr Speaker montre le pep Seselwa ki mannyer vreman nou'n arriv la ozordi e *how low* mon pou servi sa tenm *how low* nou pare pou ale zis pou nou kapab *achieve* en keksoz ki nou krwar pou anmenn nou en gen politik.

Apre ki nou ti'n fini koze ou'n met sa pwen devan Komisyon Elektoral pou li donn son pozisyon e Onorab Ferrari in eksprim pozisyon akoz mon krwar i *chief* lo lot kote latab pozisyon ki son kote i sipoze eksprimen.

*Electoral Commission* eksplike ki poudir baze lo Konstitisyon vwala sityasyon. Me i paret ki sa stratezi ki zot ti vin avek pa'n sitan kordinen Onorab Georges prezan i re vin lir nou Lalwa eleksyon e i sey anpay nou dan sa largiman ki sey anpay nou *anyway* Onorab

Georges mon kapab dir vreman Onorab Georges i en bon Avoka. Akoz i annan lot dimoun lot ki dimoun i en Avoka pratikan ki li in blye poudir Lartik 24 Konstitisyon i annan en *part 2*.

E *part 2* Lartik 24 Konstitisyon '*the exercise of the rights under Clause (1) may be regulated by a law necessary in a democratic society.*'

Sa ki sa manmzel devan in fer referans avek alor sa zafer pou anmenn en *challenge* sa zafer rezis voter fermen. Annou blye annou pa sey *threatened*, annou pa *threatened* loto Komisyen Elektoral avek sa bann kalite *threats*.

So Onorab Georges i vin avek en lamannman ki pa vreman en lamannman li. I en *very nice interplay onwards* ki Onorab George's i konn tre byen, *at the end of the day* i *usurp* en prosedir ki si Onorab Georges e LDS ti'n santi i devret ganny sanze, akoz zot pa ti'n anmenn sa lamannman dan tou sa bann *meeting* ki'n ganny fer avek Komisyen Elektoral?

Akoz zot pa ti anmennen? Akoz si zot ti santi sa ti en problem zot pa ti ava anmennen. I annan en rezon zot pa'n anmennen Mr Speaker. Akoz zot in realize la e vwala kot

nou dir *how low sometimes* nou pou ale Mr Chairman.

Onorab in dir ek nou koumsa atraver son lamannman ki i annan sa detrwa zenn, detrwa zenn ki pou arive me ki Onorab pa dir nou se ki ler i pibliy en *addendum* avek tou zenn ki pou ganny 18an *by* zour eleksyon i pou enkli tou sa zenn ki menm pa al anrezistre pandan sa letan.

*Now* nou, i pa en kestyon ki mon pa anvi ki zenn i anrezistre. Mon ti a kontan ki tou bann zenn i al anrezistre dan dele letan ki'n mete. Akoz i annan en Lalwa ki dir ou bezwen al anrezistre pou aparet lo lalis voter.

Ou bezwen ale i annan verifikasyon. Akoz? Akoz sa Lalwa in ganny baze lo en provizyon konstitisyonnel.

Sa ki mon pa kapab ganny en konpran Mr Speaker se ki apre ki Komisyen Eleksyon in donn son pwennvi kot LDS menm si nou al lo *verbatim* ti'n aksepte ki si Komisyen Eleksyon i dir non.

Zot a dakor akoz Komisyen Eleksyon in dir wi an sa ki konsern bann zenn ki pe anrezistre ozordi. Kot verifikasyon pa pe ganny fer zot pe fer ser ten keksoz zot in menm dir ki zot pe pou ser ten

dat pou zot kapab  
accommodate.

LDS i retournen e i retourn lo premye pwen notwithstanding ki'n ganny en keksoz prezan i le ganny tou keksoz la. I le ganny tou! Konmsi mwan, mon i tre senp Mr Speaker. Mr Chairman mon largiman i tre senp. Konstitisyon e Lalwa eleksyon i prevwar ki ou annan en *certified voter register*.

Ler bann *meeting* elektoral ti ganny fer avek tou bann parti politik ki pa enkli zis nou i enkli LDS, i enkli tou bann lezot parti politik sa bann dimoun pa'n ganny zot say lo *whether or not* nou devret annan en *addendum* vizavi the *certified voters register*. Personn pa'n ganny zot say.

Avan lavey disolisyon Lasanble LDS ti vin ek nou koumsa, i dir ek nou koumsa poudir la lefe ki zot in pran sa Lalwa ozord, i zot pou vin ek sa lamannman e mwan pa vin ek largiman teknik.

Be Mr Speaker sa Lalwa ti ganny anmennen dan ABC si Onorab Ferrari LDS ti santi zot pa le pran sa Lalwa zot ti ava dir non. I ti agree pou pran sa Lalwa, se pou sa rezon ki si ou ti annan lamannman ou ti ava anmennen. Akoz ou'n ganny sans lir sa Gazet ok?

Dezyenmman Mr Chairman en keksoz ki enportan pou bann zenn realize deor bann dimoun ki pe ekout nou. Ou konnen e mon pou dir sa e mon *hope* dimoun i konpran. Kan nou lo sa kote latab nou'n fer nou en *paradigm shift* nou'n fer en sanzman radikal, dan lapros ki nou pe pran anver politik Sesel, LDS i pran sa menm ki li in toulstan kritike e mon pou servi en parol ki Onorab Georges koman *Chair Bills Committee* i kontan dir nou.

I dir nou koumsa poudir Konstitisyon ti ganny ekri pou satisfer le 2 parti sa letan. E i dir a sa moman mon rapel byen ou ti dir a sa moman nou'n mank loportinite pou nou fer bokou lezot keksoz.

Mon annan en gran respe pou ou, ou konn tre byen me ki nou pe fer ozordi la? Ozordi ou pe rod tou fason *around* sa Lalwa pou kontourn bann provizyon sa Lalwa.

E mon dan sa ki mon'n tann ou dir ou pa'n vreman anmenn en propozisyon lamannman ki konkret. Ou'n anmenn en propozisyon zisteman pou satisfer konteks politik akoz ou dan sa pozisyon ki ou ladan ozordi.

E mwan mon santi Mr Speaker mon pa pe, ki mon pa

pe *impute* okenn *improper motive towards* Onorab Georges.

Mon santi poudir i pe fer sa ki en politisyen i devret fer. Me mon santi poudir a sa moman la sa lamannman i en lamannman tro sibstansyel ki pe demann en sanzman radikal dan lalis voter. Lalis voter ki form labaz en eleksyon.

E nou le ki sa pa kapab ganny sertifye akoz esansyelman legalman mon pa santi poudir sa lalis i sertifye ler ou pou annan en *addendum* avek.

Ler pou annan en lazoutaz avek i pa pou sertifye. So annou retourne lo premye baz si en zenn in anrezistre e verifikasyon pa ankor fini parey Komisyon Eleksyon in dir pe fer travay pou fer sa verifikasyon sa i ava sa bout.

Me si en zenn pa ankor ganny 18an ler rezis voter i frenmen parey i ti ete dan eleksyon a 2015. Sa zenn ki pa ankor ganny 18an i pa pou kapab vote.

Nou annan zenn, mon annan zenn, i annan zenn ki'n teks mwan e dir be li i pa ti vote Eleksyon Prezidansyel me i ti vot eleksyon Lasanble akoz i ti fer dan 2 diferan letan akoz rezis voter ti'n frenmen.

So, mon krwar annou respe bann lenstitisyon ki nou'n met la. Nou'n *trust* sa bann dimoun. CAA in swazir zot. E zot in *pass through* en prosedir, en prosesis pou zot pran louvraz ki zot pe fer. E zot pe fer zot louvraz. Be sa ki nou pe fer preznan, sa ki nou pe fer preznan se ki nou le *usurp* bann lenstitisyon ki nou menm nou met an plas.

E finalman Mr Chairman mwan mon pa kapab fors zot pou fer okenn keksoz. Mon kapab zis pran fer mon largiman anver sa ki mon santi *ok*.

Me si lepep Seselwa pa pe konpran ki nou *head*, e si zot vin o pouwar ki nou pou *head down a dictatorship*, mon pa konnen kwa ki pou fer lepep Seselwa konpran. Mon pa konnen kwa ki pou fer li konpran akoz i montre mwan poudir zot pa pou kapab regard keksoz dan en fason, dan en fason lozik e regard lentegrite sa bann lenstitisyon.

E si zot ti annan zot lamannman zot ti ava vin avek zot ti ava anmenn dan komisyon parey mon'n dir. So Mr Chairman nou napa ankor nanryen pou dir.

## **MR SPEAKER**

Mersi.

**HON SEBASTIEN PILLAY**

Nou ava les li lo latab.

**MR SPEAKER**

Mersi, Onorab. Bon mon annan ankor enn de Manm ki'n lev lanmen. Eski ou le rantre la Onorab Georges? Mon annan.

**HON BERNARD GEORGES**

Avek ou permisyon, yes Mr Chair....

**MR SPEAKER**

Yes, Onorab Georges.

**HON BERNARD GEORGES**

Mon krwar kekfwa nou kapab trouv en solisyon. Mr Chair mersi. I tar e nou, mon krwar nou devret fer serten leksplikasyon. Nou konsyan lo sa kote latab ki i annan en problem kapasite dan Komisyon Eleksyon.

*Of course, nou konpran sa e napa okenn dimoun lo sa kote latab e sertennman pa mwan ki anvi azout problem lo sa ki zot bezwen pe fer fas avek deza, ler zot ti pe prepar zot lekor pou en eleksyon e la toudenkou zot in trouv zot lekor pe bezwen prepar 2 eleksyon. Nou konpran sa nou e nou pa anvi fer okenn propozisyon ki pou anmenn plis difikilte ki egziste deza.*

Rezon ki mon'n fer sa propozisyon amannman apre midi set akoz *it was a live issue* ki'n ganny *raise* par en Manm dan sa Lasanble *Leader* Lopozisyon bomaten lo en *Bill* ki ti vin *for First Reading* yer. Annou pa blyie, alor nou tou nou pou bezwen azir enn pti pe *speedily* dan sa ki nou pe fer.

E Mr Speaker mon bezwen remersye ou ki ou'n *manage* sa travay an konesans ki nou pe fer en travay akoz nou'n ganny met fas a en disolisyon Vandredi bomaten, e nou pe nou bezwen donn nou letan ziska 9er diswar lo en proze Lalwa ki se sa Gouvernman ki'n anmennen. Pa nou ki'n anmennen sa proze Lalwa.

**(APPLAUSE)**

**HON BERNARD GEORGES**

E i en laprev, i en laprev nou santiman, nou lanvi travay, nou langazman a sa serman ki nou'n prete ler nou ti vin dan sa Lasanble pour nou travay koman bann lezislater ki nou ete ziska dernyen minit.

Mon remersye osi Mr Speaker akoz mon konsyan ki ou ti'n kapab le moman ki mon'n fer sa propozisyon apre midi, dir Onorab Georges sa se i pa en *minor amendment* i en

*substantial amendment.* Mon pa pe *entertain*. Mon remersi ou ki ou pa'n dir sa akoz ou konpran rezon ki deryer sa ki mon'n fer ozordi. Sete pa pou bouldoz pou fors dan lagorz okenn dimoun, sete pou met en propozisyon lo latab ki kapab avans nou demokrasi e avans sa ki Lartik 24 nou Konstitisyon i fer. Si nou pa kapab *achieve* li *well fair and fine*, me nou ofer li a zot a nou e a *panel*.

Si tou dimoun ti dakor ki sa sete en bon lide nou pa ti pou pe fer sa deba. Me in ganny avanse pou sa bann rezon ki mon'n fek met devan ozordi.

E Onorab Sebastien Pillay in annan zoli parol pou dir a mon egar me son zoli parol i kasyet kantmenm enn de lanmson, enn de, lanmson, lanmson kot in sey fer mwan konpran ki mon pa'n lir Lartik 24 dan tou son totalite.

Mr Chair mon pa kontan ponp mon lekor e ou konn sa tre byen me si i annan en dimoun dan sa Lasamble ki in ekrir en liv lo sa Konstitisyon sa dimoun pe koze i la prezan.

**(APPLAUSE)**

### **HON BERNARD GEORGES**

E sa ki enteresan avek Lartik 24 se ki tou bann lezot Lartik Konstitisyon apard 2 me mon

pa pou donn zot en *lecture* ozordi. I dir ki sa drwa *whatever* sa drwa i ete i kapab ganny restrikte, "*shall be subject to such restrictions.*"

Lartik 24 pa koz lo restriksyon ditou akoz sa drwa pa ganny restrikte. I koz lo *the exercise, the right may be regulated by a law not restricted, regulated.*

E *Elections Act* sete egzakteman sa Lalwa ki *regulate it*. E propozisyon ki mon'n mete la apre midi se pou *regulate it even further*.

Mr Speaker, Mr Speaker konnen annan defwa ler, ler ou sey rod largiman pour siport en pwen ki ou konnen i en pwen ki napa okenn merit, ou pou al rod sa ki bann Angle i dir bann largiman *by scrapping the barrel*. Nou, nou pa bezwen *scrape the barrel* nou apre midi. Nou konnen egzakteman kisia ki annan dan nou barik.

Alor Mr Chair set en propozisyon ki'n soulev en deba me mon krwar nou devret ofer parol dernyen parol avek *panel*. In fact, avek Komisyoner Eleksyon zot konnen *what we are looking for*, zot konnen ki pozisyon zot in pran.

Les zot dir nou *yes, it's possible or no it's not possible* e nou ava aksepte zot *verdict*.

Alor Mr Speaker mon pe demann nou akoz se zot ki bezwen administre sa Lalwa mannyer i ete oubyen sa Lalwa mannyer mon pe *préconise* li. Les zot pran sa desizyon *and will go along with it.* Mersi Mr Chair.

**(APPLAUSE)**

### **MR SPEAKER**

Mersi Onorab Georges. Mon ava donn laparol panel. AG.

### **THE ATTORNEY GENERAL** **MR FRANK ALLY**

Mersi Mr Chairman. Mr Chairman pandan ki bann deba mon ti pe annan en konversasyon avek *Chairman Electoral Commission.* E i vre ki i annan 2 zot war 2 *hurdles.* Enn mazer i enn pti pe kapasite, i enn pti pe lapratik pou kapab enplimant petet sa ki bann propozisyon pou amann sa Prozedlwa.

Me lot osi se i annan petet ler ou pou get li lo an term Lezislasyon. Mon apresye sa ki Onorab Georges me selman mon krwar in mank en detrwa mo dan Lartik 24.

E san al lo sou-seksyon lo sou Lartik 2 i dir *subject to this constitution.* So *subject to this*

*constitution* i pou anmenn nou imedyatman lo Lartik 113 e napa *hiérarchie* dan Konstitisyon napa en lartik ki pli o ki kanmarad.

I annan tou i en Lalwa siprenm e alor zot tou zot annan menm laplikasyon *to a large extent.* E sa ki Komisyon i santi se ki i dir poudir '*a citizen of Seychelles who is registered as a voter shall be entitled to vote.*'

Wi anba lot Lartik i dir ou poudir en sitwayen Sesel ki *attained the age of 18 is entitled to be registered as a voter* me pou li kapab vote i pou bezwen anrezistre. E la i annan en problem petet pratik e petet avek sa lamannman i anmenn en pe kapasite. E sa petet pa ki i pe anvi *curtail* drwa vote en dimoun ki *attain 18 on the date of the election,* me selman i en kestyon lanrezistreman.

So *unless* ki evantyelman Komisyon Eleksyon avek petet bann reprezantan parti politik e lezot, nou sey trouv en formil ki pou pratik, ki pou efektiv kot bann dimoun ki *attain the age of 18 may be* lavey eleksyon zis avan en eleksyon. Zot a kapab vote. Me zot bezwen anrezistre. Mon krwar sa *challenge* ki Komisyon Eleksyon i pe rankontre e ki fer sa

propozisyon en pti pe difisil pou son lenplimantasyon. Mersi.

### **MR SPEAKER**

Mersi Attorney General. Eski *Chair Electoral Commission* Mr Lucas i le azout keksoz oubyen son *Legal Counsel*, son *Legal Advisor*. Mr Lucas.

### **THE ELECTORAL CHAIRPERSON MR DANNY LUCAS**

Mersi Mr Chairman, Mr Chairman nou'n konsilte avek *Attorney Zeneral*. E *Attorney Zeneral* in met bann pwen ki ou war nou'n koz lo la devan. Tre klerman e nou santi i annan serten kontrent *well* i kapab afekte lafason ki petet ki nou atak sa eleksyon ki ou war i a pe vini. Si nou pe sivre en sistenm petet ki in ganny propoze la aswar la.

An prenon kont ki ou war nou napa bokou letan pou nou ale. E i annan ankor serten *challenges* ki war nou pe sey fer fas avek pe sey rezourd li a tan pour sa eleksyon ki war i vini. Pou nou fer sir ki ou war i en eleksyon ki i mars byen e lafen dizour i kredib. Sa i nou pozisyon Mr Chairman. Mersi.

### **MR SPEAKER**

Mersi Mr Lucas. Onorab Ramkalawan.

### **HON WAVEL RAMKALAWAN**

Mersi bokou Mr Chairman. Mr Chairman avek sa propozisyon ki Onorab Georges in met devan. I montre ki poudir i annan fason ki nou kapab fer keksoz. Me depi dan mon diskour mon'n dir ki nou pou montre respe pour Komisyen Elektoral.

E sete mwan ki ti dir ki zot ti sipoze ganny en zanfan, me la zot trouv zot avek *twins*. E lefe ki Chair Komisyen Elektoral in dir klerman san okenn anbigi ki poudir zot annan bann *challenges*. Mwan mon enn ki respekte bann *challenges* ki i pe dir alor pour sa rezon si nou ti a kapab pouse pou nou anmenn sa lamannman, me selman sa i ti pou annan problem dan li menm.

E tou bann lezot *issues* ki'n ganny leve par bann diferan Manm lo par egzanp Onorab Sophola in mansyonn bann dimoun La Digue, Onorab Churchill Gill in mansyonn lo lakantite dimoun ki pou fer verifikasyon. Onorab Aglae in mansyonn bann lezot problem ankor.

Alors mon krwar ki nou ava- annou pa pouz sa pli devan me annou kit sa e la mon ti ava demann *Chair Komisyen Elektoral* pou met sa koman

enn bann size, enn bann *items* lo azanda Komisyon Elektoral.

Pou ki apre sa eleksyon nou ava kapab pran li avek tou bann lezot parti politik pou nou kapab ganny en solisyon. Annou sa mon krwar i ava *the way forward*. Mon kontan ki Onorab Gill i aksepte sa ki mon pe dir.

Alors mon krwar sa i ava *the way forward*. Me nou bezwen osi dir ek bann zenn *sorry* ki sa bann ki pou tonm dan sa group kot letan rezis voter i fermen avek eleksyon *this time round* zot pa pou kapab vote. Me nou pou asire ki *next time round* zot ava kapab vote. Alors sa i langazman ki nou donn nou bann zenn, sa i langazman ki osi nou donn nou tou, nou donn nou lekor pou nou pran sa *issue*.

E la mon ti ava dir ki mon swete ki Komisyon Elektoral bann *challenges* ki zot annan la sa bann diferan pwen zot ava kapab, zot ava kapab rezourd tousala ant la avek eleksyon.

Mon kontan tandem ki poudir menm sa dat ki zot pou anons eleksyon, zot ava fer en fason pour fer li konmsi dan en fason ki *maximum* zenn i ava kapab ganny sa posibilite pou zot anrezistre e an menm tan osi fer tou bann verifikasyon.

Alors Mr Chairman mon krwar ki nou ava swet Komisyon Elektoral tou kouraz dan sa travay ki devan zot, zot annan en zenn *staff*. E mon krwar sa leksperyans ki zot pe ranmase la pou le moman, definitivman i ava fer ki nou ava evantyelman ganny nou en Komisyon Elektoral avek son Sekretarya ki vreman, vreman, vreman efektiv.

Avek sa Mr Chairman mon krwar ki ti ava bon ki nou kapab, ki nou kapab pran en vot lo sa *Bill*. Lo sa Staz Komite pou nou kapab avanse. Mersi bokou Mr Chairman.

### **MR SPEAKER**

Mersi Onorab Ramkalawan. Onorab Simon Gill.

### **HON SIMON GILL**

Mr Speaker, Chairman mersi. Briyevman an referans avek sa ki Onorab Ramkalawan in fer resorti. Presizeman pou nou kapab kree bann provizyon legal pou nou rasire ki tou nou bann zenn i ganny sa posibilite pou zot vote dan bann prosen eleksyon.

Nou pare lo nou kote *United Seychelles* pou entame bann diskisyon avek lezot parti politik. Pou nou vwar meyer fason pou nou met keksoz azour e ki dan satisfaksyon tou

sitwayen Seselwa ki ariv laz 18an e laz pou zot kapab vote. Mersi bokou.

### **MR SPEAKER**

Mersi Onorab Simon Gill. Mon a donn en dernyen parol Onorab Georges avan mon donn laparol Vis-Prezidan.

### **HON BERNRAD GEORGES**

Mersi Mr Chair, Mr Chair nou'n ariv a lafen nou *péripole* atraver sa *Elections (Amendment) Act*. E mon krwar ki nou'n fini lo en *note* byen pozitif e mon kontan ki sa 2 *Leaders* ki'n koze dernyen la dan Lasanble apre midi in remet manda avek *Electoral Commission*.

E mon sir e serten ki zot ava pran sa defi e avek bann travay ki nou'n fer sa 2 zour mon krwar nou'n *end up* avek en zoli seri lamannman. E nou ankouraze ki setyenm Lasanble i ava kapab pran bann bout ki nou pa'n kapab fini e kontinyen sa travay pou ki nou Lalwa elekson i a kontinyelman ganny amelyore.

Mr Chair mon krwar ki la ki nou'n ariv a lafen *Committee Stage* nou kapab *look forward* pou en vot lo sa bann amannman, an konesans ki nou pou ganny en bon pe sipor. Mersi.

### **MR SPEAKER**

Mersi Onorab Georges. Mon ava donn laparol Vis-Prezidan.

### **The VICE-PRESIDENT MR VINCENT MERITON**

Mersi Mr Chairman. Mr Chairman apre en lazournen ki apepre 12 erdtan si ou enkli bann *break* osi avek bann deba ki par ler in sofe me solman ki a lafen lazournen in kontribye pou annan en diskisyon ris e zisteman nou la pou fer sa pou *parler* dan Parlman.

E konsyan presyon ki Komisyon Eleksyon i anba la e i annan en latas ki i bezwen delivre. I ti bezwen i ti'n planifye pou delivre en zanfan la nou'n war pou dir pou annan zimo.

So Gouvernman depi bomaten nou'n an diskisyon avek *Chairman* Komisyon Eleksyon pou gete ki mannyer nou kapab donn tou kapasite pou kapab permet pou li fer sa bann travay verifikasyon.

Akoz lemoman ki anons dat eleksyon prezan ki travay i amplifye pou kapab delivre lo tou sa bann defi ki Lasanble in met devan. E latas ki annan devan zot e parey mon dir Gouvernman i *committed* pou nou kapab delivre lo la.

An menm tan mon ti a kontan demann tou bann zenn *FTV* ki pa ankor anrezistre pou

zot kapab fer li pou kapab permet ki sa eleksyon i en eleksyon ki ganny trouve ki vreman enklisiv e partisipativ.

Tou sa bann lamannman ki nou'n ki nou pe al vot lo la, si lasanble i aprouve i ava ede ki sa eleksyon i ava vin pli zis, pli vit e pli efikas e anmenn nou en pa pli lwen dan devlopman nou demokrasi. Mersi Mr Chairman.

### **MR SPEAKER**

Mersi Vis-Prezidan. Bon moman in arive pou nou pran en vot lo bann amannman ki nou'n pran depi bomaten dan Staz Komite. Mon ava demann tou Manm ki an faver. Okenn Manm ki kont? Bon, mon'n ganny 30 Manm an faver e personn kont. Savedir bann amannman i ganny aprouve par Lasanble Nasional. Nou ava prezan retourn dan Staz Komite *of the Whole House*. Mon a demann *Sarge* pou move *Mace* dan staz Lasanble.

Mon ava demann, mon'n ganny en kominike *from* Onorab Onorab De Commarmond ki in bezwen kite, ale akoz rezon en pti pe rezon son lasante e in dir mwan se Onorab Simon Gill ki pou move *Motion for Third Reading*. So, mon ava donn laparol Onorab Simon Gill *to move the Motion for Third Reading*.

### **HON SIMON GILL**

Mersi bokou Mr Speaker. Mr Speaker, anba *Order 71(1)* mon oule move ki *Election (Amendment) Bill, 2020* i ganny lir en Trwazyenm Fwa. Mersi.

### **MR SPEAKER**

Mersi Onorab Simon Gill. Okenn Manm ki segonde. Yes, Onorab Sebastien Pillay.

### **HON SEBASTIEN PILLAY**

Mersi Mr Speaker. Mosyon in ganny segonde.

### **MR SPEAKER**

Mersi Onorab Pillay. Mosyon in ganny segonde. Nou kapab pran en vot. Tou Manm ki an faver pou *Third Reading*. Okenn Manm ki kont? Mersi, Madanm Clerk. Bon mon'n ganny 30 Manm an faver, personn kont. Mon kapab ganny en *Formal Third Reading* Madanm Clerk.

### **MADAM CLERK**

Mersi Mr Speaker. *This Act may be cited as the Election (Amendment) Act, 2020 and shall come into operation on such date as the President may by notice in the Gazette appoint.* Mersi Mr Speaker.

### **MR SPEAKER**

Mersi Madanm Clerk. Savedir *Elections (Amendment) Bill, 2020* in ganny aprouve par Lasanble Nasyonal.

Bon, i reste nou ankor en *Bill* lo *Order Paper, Political Parties Registration and Regulation (Amendment) Bill, 2020*. Mon pe demann bann Manm si nou pou kontinyen travay oubyen si nou anvoy travay pou demen? Mon krwar, non.

Bon, mon ti a kontan remersi Vis-Prezidan, *Chairman Electoral Commission*, Mr Lucas. Attorney Zeneral, Mr. Ally. *Chief Electoral Officer*, Mrs Amesbury e *Senior Legal Officer*, Ms Sinon. E byensir mon ti a kontan remersi tou Manm Lasanble, bann Manm Sekretarya ki'n reste ziska tar osi tou pou travay. Mon ti a kontan remersi *SBC* e osi tou manm piblik ki'n reste a lekout e in swiv travay Lasanble Nasyonal. Nou pou *adjourn* e nou pou pran *Political Parties Registration and Regulation (Amendment) Bill, 2020* demen.

So, mon ti a dir zot mersi e bonswar. Lasanble i *adjourn* e nou re pran nou travay demen 9er bomaten.

**(ADJOURNMENT)**